

მამული ენა სარწმუნოება

3

ქართლის ცხოვრება

ცხოვრება წმიდა მეფე თამარისი



ახალი ქართლის ცხოვრება



საეკლესიო გამომცემლობა
„ახალი ივერონი“
თბილისი
2012

ექვნიკური რედაქტორები

ტექსტები ქველი ქართულიდან
ახალ ქართულზე გადმოიტანეს
და კომენტარები დაურთეს:

მაია რაფაეამ
გიორგი მაჭარაშვილმა

რედაქტორი:

ნათია ჯალაბაძე

მხატვარი:

სპარტაკ ცინცაძე

გარეკანის გაფორმება:

გიორგი წერეთელი

ტექნიკური რედაქტორები:

ირაკლი ხუციშვილი
ნინო ბურდული

© გამომცემლობა „ახალი ივერონი“

ISBN 978-99940-900-2-0

ISSN 2233-3428



ცხოვრება წმიდა მეფე თამარისი

[1] ისტორიანი და აზმანი შარაფანდედთანი

ვინაიდან ღვთისმხილველი და მომავლის წინასწარმცნობი მოსე, [მიზეზად] თავისი ენაბრგვნილობის მომტანი, ეურჩა იმას, ვინც ის ისრაელებს მიუვლინა, მიერულა ურულოსა, როგორც მომავლის დამსახველს. როგორ გავბედო ამგვარი რამ მე, რომელსაც არ ძალმიძს ვილაპარაკო აღმატებულზე. თუკი ის [მაყვლოვანის], ცეცხლიდან სიტყვების [მომსმენი] და გადამცემი, კვერთხის გველად ქცევით და ხელის ფერის შეცვლით ვერაფერს აგებინებდა მოწინააღმდეგებს, მე როგორ ჩავბერო სულამიტის სახედ აზმიანებულ „ქებათა ქებას“, რომელსაც სიბრძნით გალობს მეიგავე სოლომონი, რომლისაგან წარმომავლობის შემსხმელად საკმაო არ არის ოლიმპიელთა გადმოცემები, — თამარისას ვამბობ, — ხელმწიფეთა სახელის და პირველი დავითის დიდების [მქონეს], [რომელიც] არსთა გამრიგე ღმერთის ხელითქმნილებით [იყო] აღტაცებული. რომელიც [2] ჩვილობიდანვე გამსჭვალავს სულსა და გულში ერთი კაცის ერთმთავრობას და ერთუფლებას, რომელიც

ერთი ღმერთის და სრული კაცის მიერ სრულ კაცად იქნა გამოჩენილი და გამობრწყინებული. ამიტომ ამან შეარწყო თავისი სულის წყარო ჭვრეტათა პირველ წყაროს — ქრისტეს, მამის ნათელს, რომელმაც შექმნა ხუთი მგრძობელობა: ხედვა, სმენა, შეხება, გემო და ყნოსვა, გონების ასფოდელოდ (ბაღად) ქცევით, ისინი დაამორჩილა კლდესა მას — ქრისტეს, არ არის თავისი ნების შემქმნელი.

ეს იყო შვილი ძირითა და შთამომავლობით შესაფერისი და შემკული მშობლებისა. როგორც ხე ნაყოფით იცნობება და ნაყოფი — ხისგან, [ისიც იცნობება] დავითიანთაგან და ხოსროვანთაგან და პანკრატოვანთაგან, რომელთა სახელი მზეზე და მთელ ქვეშაზე და მის მიმდებარეზე უფრო ცნობილი იყო, რომელმაც ნებროთის ასაკში მოიპოვა ჰაოსის ძეთა სამთავროები, რომელთა შესხმა შეეფერება ომიროსს. ალექსანდრეს შესახებ გრძლად იმეტყველა პლუტარხოსმა, მწერლობაში ხელმწიფეების შესხმითი ისტორიების ზე წამომწევა, დრო და დრო თუ როგორ ზეგარდმო ნებით ნათელივით გამოჩნდებიან ქვეყნის მფლობელები. თითოეული [თავისი] საქმის შესატყვისად მიიღებს სიტყვით და საქმით შემკობას, ზოგიერთი დასაგმობი [თავის] ბოროტ საქმეებში ძეგლად აღწერა.

ახლა მე ის, რაც მინახავს, ან ბრძენი და გონიერი კაცებისგან გამიგონია, უნდა გადავსცე ისტორიას და ვასილოგრაფს, რაც ნიშნავს „მოთხრობას მეფეთა შესახებ“. ვინაიდან ლუკა [თავისი] სიტყვის აღმავლობას იძლევა სეითის, ადამის და ღვთის შესახებ, მეც [3] ასევე უნდა დავიწყო სამგზის სანატრელი და სამებისგან ოთხად თანააღზავებული თამარის შესახებ, რომელიც ხელმწიფეთა შორის [ეთეროანი] იქნა, რომლის სახესა და სახელს [ჩემი] სიტყვა თავის ადგილას საცნაურ ჰყოფს.

მამა იყო გიორგი, მეფეთა მეფე, ძე დიმიტრი მეფისა (რომელსაც დავითიც ჰყავდა შვილი), ძესა დავითიანისა, აღმოსავლეთისა და ჩრდილოეთის მხარის მეციხოვნისა, ზღვართა დამდებლის და ზღვიდან ზღვამდე მპყრობელისა, რომლის დიდებით, სიმხნითა და გვაროვნობით ცხოვრებას აჩვენებს იოვანე ფილოსოფოსი ჭიმჭიმელის შესხმა-მოთხრობა.

დიმიტრის, შეტაკებებში მხნეს და ბრძოლაში მძლეს, ორი ძე ჰყავდა, რომელთაც სახელად დავითი და გიორგი ერქვათ. უმცროსი ძის გამომრჩევი [უფროსის] მაგინებელი და გამკიცხავი იყო, როგორც ისააკი — იაკობის მიმართ. ვედრების შემსმენელმა ღმერთმა დავითის დღეების შემოკლება მამის [დღეების დამთავრებაზე] ადრე აღასრულა. მამამ

[ღმერთმა] ძესთან [ქრისტესთან] ერთად სასურველი ძე, მამის მსგავსი, თავისთან აღამალა და ძის თანასწორ მოსაყდრედ გამოაჩინა: მზე — მნათობებს შორის; ალექსანდრე და ქაიხოსრო — [მეფე] -მპყრობელებს შორის; აქილევსი, სამსონი და ნებროთი — გმირებს შორის; სპანდიარი, თაჰამთა და სიაოში — გოლიათებს შორის; სოლომონი, სოკრატე და პლატონი — ბრძენთა შორის.

[4] მამამ ამას [გიორგის] თავისი მეფობის დროს ცოლად მოჰგვარა ხუდდანის მეფის ასული, სახელით ბურდუხანი, თვით ისეთივე შესატყვისი პირ-მზე და ტან-ლომი ქმრისა! თვით მზეთა-მზე მშვენებით და [სხივ]მომფენობით, როგორც ითქმის მართლებსა და ცოდვილებზე, რომელსაც უყვარდა მართალნი და იწყალებდა დამნაშავეებს. მისი ქრისტეს შემოსილობის გამო მაქვს შიში და რიდი, რომ მასთან [შესადარებლად] გარეშეთა ან ზოგიერთების სატრფიალო სახეები მოვიყვანო. [იგი] ეკატერინესა და ირინედ-ქცეული პენელოპეს, და თვით ცისა და ქვეყნის განმანათლებელი მარიამის სახე არის მაღლით, სიბრძნით, შენეენითა და მეოხებით, [ყველაფრით], გარდა ქმრის ყოლისა. ვაითუ, უზომო დაძაბვით გონების თვალი დაბნელდეს და სახეების ძებნაში ჩემდა საზიანოდ ორმო გავითხარო ისე, რომ გზებზე მარჯვნივ თუ მარცხნივ გადაუხვევლად მავალმა გზის ამგვარი გამრუდება დამაბრალოს!

ახლა ძალისა და შესაძლებლობის შესაფერისად დავინყებ ასენათელ-შემოსილი შვილის [თამარის] მამა გორგასლიანი, ვახტანგის ნეტარებათა აღმასრულებელი, რომელზედაც აღსრულდა დავითის მამობაში ვედრებით ღვთის აღთქმული, რომ „მისი ტომისაგან აღედგინა“ აღმოსავლეთისა და დასავლეთის მასავით მპყრობელი. ამიტომ ვინმე მოლექსე ამგვარად დალექსავს:

[5] შენ, ვახტანგ, სანატრელი ხარ შენთვის ღვთისმაქებარისა, შეიტყოს შენი, მზესავით შვების მომცემის, მტრების დამარცხება, მუსულმანთა გამწყვეტისა, ქრისტიანთა განმამტკიცებელისა, ვინც დაგბადა, მანვე იცის დაბადება ბუნებისა.

[შენ ვახტანგ, სანატრელი ხარ შენთვის ღვთის მაქებარისა, ცნამცა შენი მტერთა ძლევა, თვთ მზეებრ მაშუებარისა, მუსულმანთ ამწყუედელისა, ქრისტიანთ მშენებარისა, ვინ დაგბადა, მანვე უწყის დაბადება ბუნებისა].

მან, როცა შვიდ სამეფოდ განწესებული მეფობის შარავანდედი მიიღო, ზენა პორფირითა და გვირგვინით შემკულმა, მკლავებიც აღიჭურვა ქრისტეს რჯულის მონინალმდეგების — აგარიანების, ის-მაიტელების და მაჰმადიანების — შესამუსრად და დასამხოზად.

თავდაპირველად, იმიერებისა და ამიერების, ზემოურებისა და ქვემოურების, დიდებულებისა და აზნაურების, სპასალარებისა და სპასპეტების, შინაურებისა და გარეშეებისთვის წყალობის მიმფენელმა [ლაშქარი] შეყარა და ქალაქ კალზევანზე გაილაშქრა, დაიპყრო ამორ-ნის, სომეხთა მეფედ წოდებული შაჰ-არმენის, ყველა კლდოვანი ხეობა და ქალაქი.

ამის შემდეგ ისევ შეკრიბა თავისი ლაშქარი და დიდ და სახელგანთქ-მულ ქალაქს [დვინს], მიადგა, რომელიც ახლა არის არარატის ძირას სომხეთისა და აზერბაიჯანის საზღვარი, მამული თრდატ გოლიათისა, რომელიც ოდესლაც გრიგოლ პართეველის მიზეზით ღორად იქცა. საბრძოლოდ მდგომმა და გამზადებულმა, ყველაზე წინ მიმქროლავმა, შეუტია იმათ, რომელნიც ქალაქგარეთ მოამწყვდია. თავისი ლაშქრის წამქეზებელმა აიღო და დაიპყრო ქალაქი. ტყვეებისა და საუნჯის სიმრავლემ ველებისა და მთების ზედაპირი დაფარა. სამეფო ქალაქი ტფილისი ისე გაივსო, რომ გამყიდველებისაგან ტყვეს თითო დრამად ან ხის სანყაოდ [6] ყიდულობდნენ. ამის შემდეგ სანადიროდ მთები და ველები მოიარა, როგორც იონათან მშვილდ-კაპარჭოსანმა, როგორც ჩუბინმა, აუცდენლად მსროლელმა, მტრისა და მხეცის სწრაფად მომსრველმა, არტემი[და]ს მსგავსად, რომელიც „მთაფოლოდ“ იწოდებ-ბა, რომელიც ნიშნავს „მონადირე ღმერთს“.

ისევ ინება [ლაშქრის] შეყრა და გალაშქრება და მიმართა დიდ ქალ-აქს, ანისს, რომელიც ოდესლაც ბერძენ მეფეთა სახლი და რეზიდენცია იყო, რომელშიც დღევანდლამდე არის ათასერთი ეკლესია. ბერძნებ-ისგან თავის არიდებით, და დროის შეცვლის შემდეგ [ამ ქალაქზე] დაყ-ენებულ დიდგვაროვან გამგებლებს, ვინმე შადადიანებს, მეყსეულად მიუხტა. სამი დღე გაატარა ცხარე ომსა და ჰუნეთა ძგერაში. ბოლოს, სიტყვით და საქმით გატეხეს. შადადიანის გარდახვეწის შემდეგ, რო-გორც ეკალ-ბარდის ამომგდებმა და ელვათა შორის მეხის დამცემმა, თავისი სურვილისამებრ ხელთ იგდო ქალაქი, არ დაუბრუნებია და სადგომად, თავისი ტახტის შესანახად და გასამაგრებლად დაიკავა. [იქ] ივანე ორბელი, მანდატურთუხუცესი და ამირ-სპასალარი დატოვა,

დამხმარედ [მიუჩინა] სარგის მხარგრძელი და სხვა თემის დიდებული აზნაურებისგან შენუხებული თავის სათამაშო და სასიხარულო სანადირო [ადგილებს] დაუბრუნდა.

ჯავრისაგან აგარიანები და ისმაილიტელები განრისხება-სიფიცხემ და ქედმაღლობამ შეიპყრო. შარიარმა, თავის თავს სულთანს რომ უწოდებდა, მოიწვია მთელი შამი, ჯაზირი და დიარბაგი გარდმანის თურქებთან ერთად: არდოხის ძე, [7] რომელიც პაპის მხრივ დიდგვაროვანი კუზის ძე იყო, რომლის მამამ, ლაშქრობებში სპათა სიმრავლით სახელგანთქმულმა, გამოჩენილი ივანე აბულეთის ძე გააქცია; სალდუხ სელჩუკიანი, რომელიც სულთნების გვარტომი იყო; მრავალ დიდ მეპატრონესა და სპარსეთის ფადიშაჰებთან ერთად, მხეცების მსგავსად კბილების ლესვით, დიდი და მიუწვდომელი ძალით და უამრავი ლაშქრით მოვიდა და ანისს მოადგა, ცხენების ძვერებითა და აბჯრის ჟღარუნით ყოველ დღე [ქალაქის] კარებთან იბრძოდა.

ეს შეიტყო ნაჭარმაგევში სათამაშო სახლში მყოფმა მეფეთამეფე გიორგიმ, მამაცმა კაცმა და ბრძოლებში გამოჩენილმა, იხმო გუნდი და გუნდი, ცხენოსნები და ქვეითები ერთმანეთთან დააწყო, როგორც ყველა ხილულის უპირატესობას, წინ დაუდგა ჩრდილოეთს და აღმოსავლეთს. და როგორც ითქმის, „გმირმა, გზად მოსწრაფემ, შეირტყა [იარაღი], გაემართა და სუფევდა“, ყურადღება არ მიაქცია [თავისიანების] მცირე [რაოდენობას], არ დაელოდა სახელგანთქმულ ლიხთს-იქითა ჭაბუკებს და ზოგიერთ აქეთურსაც, მინდობილი იყო წყალობათა შემძღებელს, როგორც ამბობს ალექსანდრე [ისკანდერ] მაკედონელის ისტორია. მოუწოდა ძალთა ძალას, რომელიც მეუფებს ცათა ცაზე და აღრიცხავს გარსმომდგარი მტრის სიმრავლეს. მტრის მახვილთა ელვა არ იყო განლუული, მთები გადაიარა, შირაკში ჩავიდა. ვეზირად ახლდნენ იოვანე მნიგნობართუხუცესი და სუმბატ სვიმონ-ყოფილი, რომელიც სხვა საჭურველთან ერთად საქმის [ცოდნითაც] იყო აღჭურვილი და ლაშქრის სიმცირის გამო [ურჩევდა], ახლოს არ მისულიყო. არ დამორჩილდა მხნეთა მხნე და გოლიათთა გოლიათი, ჭეშმარიტად მიმღები მონამეთა ღვანლისა და გვირგვინისა, სეხნიობითაც მისი მსგავსი, გიორგი. მან თუ [8] ერთ გველეშაპს სძლია, ამან, უძლეველმა მხედარმა, ბევრზე ბევრი სახის ასპიტსა და იქედნეს სძლია გონების მოხმობით. სარკინოზთა ლაშქრის მხილველი გაემართა [მათკენ], თვალები ზეცად აღაპყრო, ილოცა და ევედრა, იოვანეს ძელი ცხოვრებისა [ჯვარი] მისცა წინ წასაძ-

ლოლად. მხურვალე გულებით ამხედრდნენ და ერთმანეთს ამხნევებდნენ. ცხოვრების შვილები სიკვდილს თავს არ არიდებდნენ.

მეფემ, ცხენზე მტკიცედ ამხედრებულმა, ხოსროიანი ხმით ღალადებით და ჭკუის დარიგებით მიმართა მხედრებს: კაცნო, ძმანო, ერთსულნო და ერთრჯულნო, როგორი დიდი სიკეთეა საღმრთო რჯულისა და ქრისტეს სახარებისათვის სიკვდილი [ჩვენი], რომელნიც მარადიულად შევნატრით ქრისტეს კვალზე შემდგარებს და ბუნებით მოკვდავი სხეულით გარდაცვლილებს! ხედავთ, რამდენად უფრო სასახელოა ვაჟკაცურად სიკვდილი, ვიდრე ავადმყოფობისგან გამოფიტვით დაუძღურებაში [სიკვდილი], ვინაიდან კარგი მაგალითი და სახელი საუკუნოდ გაგვყვება გზაზე. ძველი მომთხრობელებისგან გვსმენია, თუ საღმრთო რჯულისთვის რამდენი თავდასხმა გადაიტანა ებრაელთა ტომმა არტარქსერქსის დროს, ელინებმა — როცა მათ შეუმცდარი სპასპეტი თემისტოკლე მიუძღოდათ მსოფლიოს მპყრობელი ძღვევამოსილი არტარქსერქსის წინააღმდეგ, რომელმაც ზღვა უომრად ფეხქვეშ დაუგო თავის ლაშქარს, ხოლო ათენელების ერთი ქალაქის მიერ უკუქცეულ იქმნა. ახლა ჩემო ფრთოსანო ლომებო, ჩვენთვის ლახვარცემულისთვის ავიღოთ ლახვრები და შუბები და განვგმიროთ, ვისაც მისი ღვთაებრიობა არ სწამს!“

ბოლო ლოცვა წარმოთქვა და მოუწოდა თავის ამილახვარს, [9] ლიპარიტ სუმბატის ძეს, ბექა სურამელს, ქირქიმ აბულეთის ძეს და სამ ათას [მხედართან] ერთად მბრძანებელმა ღიმილით და სიცილით ღალად თქვა: „მოყმენო, ის აჯობებს, ვინც უსწრაფესად დასცემს მედროშეს, მისი დაცემით დავცეთ ნავალის და, მსმენია, კიდარიდან ჩამოსულების, ბანაკი.“

ასე იმედიანად მოქადულმა ჩამოიარა რაზმები და მთელი წყობა, შუბები განალაგა აფროდისის მსგავსად, რომელსაც მტკიცე წყობა ჰქონდა.

და როცა [მტრებმა] იხილეს აქილევსური მკლავით დაცემული დროშა, ბასრად მჭრელი მახვილები, [თავიანთი] ცხენების ძალის შესაფერისად გაიქცნენ. ასე აღსრულდა ნათქვამი: ერთის მიერ დაემხობა ამირსპასალარები, დიდებულები და ლაშქარი. ამათ აქეთ და იმათ იქით სისხლის ღვარი ადინეს. თვითონ მეფე, ალექსანდრეს ბედითა და სიპოის ვაჟკაცობით [მოსილი], მისდევდა [მტერს], იცვლიდა რაზმებს, ურტყამდა და მასაც ურტყამდნენ, ხოცავდა და ისროდა, მისი ბუმბერაზები ეხმარებოდნენ მას.

ხედავდნენ როგორც ისრაელის ერი, და მზეც, ვით ისო-ნავეს დროს, დადგა, ვერ დამმორჩილებელი განგებით ეტლების სრბოლას, მათ დევნაში ჩაესვენა.

უკან დაბრუნებულებმა იხილეს უამრავი დახოცილი და განწყვეტილი ხელმწიფეები და დიდებულები, ლომი აზნაურები და მონები, კარვებისა და სამეფო სადგომების სიმრავლე; თვალმარგალიტის, ოქროჭედილისა და უჭედელის, აქლემების, ცხენების, ჯორებისა და ყოველგვარი განძის, ამქვეყნიური საუნჯისა და მონაპოვრის სიმდიდრე, აღსარიცხად შეუძლებელი. უამრავ ცოცხალთან ერთად იხილეს ოთხ მკვდარზე ზრუნვა. [მეფემ] უბრძანა ათასობით ამ მდგომარეობაში მყოფთა მიმართ იმავეს გაკეთება, რომ ორმოებთან დაენყოთ [მათი გვამების] შეგროვება.

[10] მეფე კონსტანტინემ იხილა თავისი საყვარელი ვეზირები, სპასალარები, ხელისუფალნი და თავადები, დიდებულები და აზნაურები, მონები და რაინდები. მთელმა ერმა შეჰღალადა მას და დაჭრილებმა და ნაცემ-ნაგვემებმა ასე მიმართეს შემოსილ ხელმწიფეს: „მშვიდობა [შენდა].“ რა სახით აღინერებოდა, თუ როგორ იშვებდნენ მხიარულები და ღვთისა და ღვთის მიერ თავის სახედ გაჩენილი პატრონის მმადლობელები, მამა ძის მპოვნელი და ძე — მამისა, ძმა — ძმისა და ნათესავი — ნათესავისა, პატრონი — ყმისა და ყმა — პატრონისა. გამარჯვებულები და ყველაფრით აღესილნი სიხარულით ილიმებოდნენ, ერთმანეთს ამბორს უყოფდნენ.

მეფობდა რა ამგვარ სიხარულსა და განცხრომაში, თვით მეფემ, თავის ლაშქართან ერთად მყოფმა, თაყვანი სცა ზენა განგებას, უგალობდა არა რჯულის სიმტკიცეს, არც მამაკაცის ძლიერ ფეხებს, არამედ ზენა ხვედრსა და ზე ნმიდის განგებას, სიმდაბლით მიწაზე დაეცა უფალი ღმერთის, საბოთის ძალების წინაშე და ცრემლებისგან დამშვიდებული, დასასვენებლად დაჯდა და უამრავი ნადავლიდან ძალზე მცირე აიღო.

დაამნაირად, იარაღითა და განძით აღესილმა, ხელმწიფეების, დიდებულების, აზნაურებისა და მონების შემკრებელმა, ანისის კარებთან სამი დღე დაჰყო, ქალაქზე იზრუნა, იქ ამირა დააყენა, ლაშქარი აყარა და მხიარული სახით მახარობელი გამოაგზავნა ფილოსოფოსებისა და პატრიარქის წინაშე, რომლის ლოცვა შემწედ თან ახლდა. და თვითონ ნათელი პირით პირველად თავისი გამზრდელის, დედოფალთ-დედო-

ფალ თამარის, წინაშე მივიდა, რომელმაც [სახე] ჯერ ცრემლებით დაივლტო, შემდეგ კი — უზომო სიხარულით. და კვლავ, შეურცხვენელი პირითა და ახოვანი სახით თავის ცოლს შეხვდა.

ამგვარ დიდებაში, აღზევებასა და აღმატებულებაში [11], რომელიც ყველაფრით გასცილდა მამა-პაპათა საზღვრებს, ხმა გაისმა შამის, ჯაზირის, სომხეთისა და არზრუმის ლაშქართა, ხელმწიფეებისა და დიდებულების ამონყვეტის შესახებ. [ეს] ესმათ ხვარასნისა და ერაყის სულთანს, დიდი ბაბილონის მპყრობელს, სარკინოზობის ცრურჯულის მდებელ ხალიფას და სპარსეთის ვარაზგ ათაბაგს. იხმეს და შეკრიბეს ისლამისტები, გაიხსენეს და მოძებნეს ზოროასტრის, რომელიც იყო პირველი მეფე და ვარსკვლავთმრიცხველი სპარსელთა შორის, ცეცხლისგან გაღეული ძვლები, რომელთა შესახებ ასე ითქვა: „სანამ ესენი გექნებათ, არ დაკნინდება სპარსელების მეფობა“. რანში შეიყარნენ, სომხეთის ქვეყნის ქვემო მხარისკენ გამოემართნენ და გაგის ციხეს მოადგნენ. ის აიღეს და მის გარშემო ყველაფერი მოაოხრეს.

ეს შეიტყო სახელგანთქმულმა და უძღვეველმა მხედარმა, უებრო ჭაბუკმა გიორგი მეფემ, სასწრაფოდ შეკრიბა თავისი შვიდივე სამეფოს [ლაშქარი], იმერნი და ამერნი, გამოიყვანა ოსები და დიდძალი მხარეები, და გაემართა სულთნის წინააღმდეგ, რომელსაც აურაცხელი და უამრავი ლაშქარი ახლდა. აქეთაც მრავლად იყვნენ კარგი და რჩეული [მეომრები]. გამოემართნენ და მათი ლაშქრის [პირისპირ] გავიდნენ. როგორც კი ეს გაიგეს სულთანმა, ათაბაგმა და მათმა ყველა ფალავანმა და დიდებულმა, თქვეს: „დღეს ქვეყანაზე კაცი არ არის, პირისპირ შეებას გიორგის და მის ლაშქარს, თავი ავარიდოთ და გავეცალოთ!“ მთელი სანოვაგე დაყარეს, განსაკუთრებით გაგში მყოფებმა, გადაიარეს ეკლესიის წყალი. სწრაფმა გაქცევამ და შეხლა-შემოხლამ ისინი დააბრკოლა. [მათ] ლაშქრის მონინავენი დაეწინენ, ხოცვა დაუწყეს.

როცა ეს გაიგო სვეგანდიდებულმა, აქილევსის მკლავიანმა და მაგნიტის გულის მქონე ხელმწიფემ, მხეცივით შეუტია, მაგრამ გამარჯვებისთვის ასეთმა [12] მზად-ყოფნამ უქმად ჩაიარა. ზოგიერთმა დიდებულმა წინააღმდეგობა გაუწია, თვით იქამდე, რომ სადავეები დაუჭირეს, განსაკუთრებით კი ვარდან კოლონკელიძემ, ხანში შესულმა და ბრძოლებში ძლიერმა და გამოცდილმა კაცმა, რომელსაც იმ დროს ჰერეთის ერისთავობა ეკავა. შესაძლოა, ერთმანეთის შურმა და მტრობამ ყო [ეს], რადგან კარგი და სრულყოფილი ნამოქმედარის დაშლა ორი

მიზეზით ხდება: ან ძალის უქონლობით ან შურით. ხოლო ყველა ძალაზე ურჩეულები და ყველაზე აღმატებული არის ღმერთი, როგორც ყველა ძალისა და მოქმედების დამბადებელი. არავის არ შეუძლია, შეებრძოლოს და ძალა წაართვას მის მიერ ყველაზე რჩეულად დაბადებულს, რადგან ძალებზე ზე მდგომი მიზეზებით შეიქმნა ის. თუ შურის მიერ დასამხო-ბად დატოვე იგი, როგორ შეინარჩუნოს ყველაში გამორჩეულმა თავისი ზემქონებლობა და ბუნებათკეთილობა? რადგან სიკეთისთვის უცხოა შური, როგორც [ამას] მაგალითები ცხად-ჰყოფენ.

არ მიუშვეს ამის მთქმელებმა: „რადგან სულთანი მთელი თავისი ლაშქრით გაქცეულა, გაამაყებული ნუ თავხედობ ღვთის მიმართ“. ეს იყო — უმიზეზო მიზეზი, უსიტყვო სიტყვა, უქმი საქმე. ვინაიდან მეფე გონებით ბრძენი და მომსმენი იყო, დაემორჩილა [მათ], ლაშქარი დაშალა და ისევ თავის გართობას, სიხარულსა და ნადირობას დაუბრუნდა.

ამის შემდეგ სულთანი და ათაბაგი მთელი თავიანთი ძალებითა და ლაშქრით გელაქუნში ავიდნენ. ძალა შეიმატა, მოვიდა და ანისის კარებს მოადგა, [13] ხოლო ზემოდან — შაჰარმენი და არაბეთის ყველა ხელმწიფე. იმ დროს ანისს ამაგრებდა თორელი, დიდი და სახელგან-თქმული მოლაშქრე. მან, გარე მხარეების დამშლელმა, მარბიელმა და ამაოხრებელმა, საბრძოლო [იარაღები] და მანქანები მოამზადა.

ქვეყანაში ეს ამბავი რომ გახშიანდა, მეფემდე მიაღწია, რომელიც მონადირე და მხიარული, მცირე ლაშქრით ლორისა და დმანისის მთებს შორის იდგა. მასთან მოვიდა სულთნის მოციქული, კაცი მოგვი და ლაქუცა, საქმის მცოდნე, [იგი] ლაშქართა ნყობას აკვირდებოდა და ზვერაჟდა. როგორც ნათქვამია იგავი ბუსა და ყვაგების შესახებ ინდოელთა მიერ აღწერილ „ქილილა და დამანაში“, ამანაც ლაშქრის დაზვერვის შემდეგ, ყვავის მსგავსად, ფრთები შეისხა, აფრინდა, სულ-თანთან და ათაბაგთან მივიდა და ასე მოახსენა: აჰა, ჩვენი შურისძი-ების ჟამი. ახლა თუ არ მიხვალთ, სხვა [უკეთეს] დროს ვერ იპოვით“.

ვინაიდან იხილა მცირე [ლაშქრით] მდგომი, მკლავ-მაგარ და სვე-ამალღებულ მეფეზე შემმართებელი ძალით განლაღებულმა ღამე იარა და განთიადისას მძინარეებს თავს დაესხა ისე, რომ [მეფემ] ძლივს მოას-წრო შეიარაღება და ცხენზე ამხედრება. ივანე ამირ-სპასალარმა და სხვა დიდებულებმა ღამის მოტაცებით წამოიყვანეს და გამოემართნენ, თან ეუბნებოდნენ: „ნუ, მეფეო! ჟამი არის ომისა და ჟამი — გარიდე-ბისა, ვინაიდან ყოველსავე საქმეს თავისი ჟამი აქვს. ოდესღაც ალექსან-

დრეც დედაკაცის მიერ დამარცხდა, ასევე სამსონი — დალილას მიერ და სოლომონი — სიბილას მიერ”. [14] და ხელმწიფეთა დამარცხების სხვა მაგალითები წინ დაუყენეს. „ნუთუ რალაცით განვარისხეთ შენი შარავანდედობის ზე-მპყრობელი და მამამ მამობრივად ქკუა ასწავლა თავისი ძის თანასწორად აღზევებულ დავითიანის ძეს, ვინაიდან იგი, მეფე და წინასწარმეტყველი, უფრო მეტად, ღვთის ძის მამად განწესებული, საულის მიერ იღვენებოდა? ახლა ჩვენც ავიღოთ ჩვენს თავზე ეს გაქცევა, რომ ძღვევის მომნიჭებელმა ჩვეულებისამებრ გამარჯვება მოგვანიჭოს.“

ასე, იძულებით წამოყვანილი და გადმოსული ის და მისი მოყმეები რაზმში მრავალჯერ ნახეს, რომ უკუაქცევდნენ და ხოცავდნენ [მტრის] მეომრებს. მათ ისეთი ვაჟკაცობა, უცხო და საკვირველი საქმე აჩვენეს, რომ არც დიდებული, არც აზნაური, არც ყოჩალი და რამით ცნობილი აზნაურის ყმაც კი არ გამოკლებიათ ლაშქარში, გარდა ერთი ჯვარისმტვირთველისა, ქანის ძისა და ერთი უბრალო აზნაური კაცისა, მაგრამ ჯვარი უვნებლად გამოიტანეს.

ო, გასაოცარი სიმხნე და სიქველე და უფლის ხელი! როგორ, რომელ ბრძოლებში, ძველად თუ ახლა, გაგონილა, რომ ასე უვნებლად გადარჩენილიყვნენ მოულოდნელი თავდასხმის შემდეგ? ამის შემდეგ მათი ხელიდან თავდაღწეულმა ისმაილიტებმა ასე განიზრახეს და თქვეს: „რადგან მოულოდნელად თავს დავესხით და ხელთ ვერ ვიგდეთ, ახლა მომლოდინენი [არიან] და მათი დევნა — აჩრდილის დევნაა და ქარების უბეში მოქცევა. ახლა რაც ღმერთმა მოგვცა, იმისი მმადლობელი [ვიყოთ და] უკან დავბრუნდეთ ჩვენს სამშობლოში.

[15] ვინც ამას წაიკითხავს და გაიგებს, ეს ამ სახით გაითავისე: „საზღვარი დადე და ვერ გადალახავენ“ [ფსალმ. 103, 9]. მზესავით დიდი ბასილი, კესარიელთა მნათობი, არსთა ქმნადობის ბუნებით-მეტყველებისას „ექვსთა დღეთაში“ ამბობს: „ჩიტი ალკუნი ზღვის ნაპირას დებს კვერცხებს, ზღვის შფოთვა და ღელვა-ტიეხილობა ღვთის ბრძანებას ვერ გადავა და იცავს ალკუნის თესლს“. ზენა განგებას რომ მიეშვა და სულთნის გაქცევას წინ არ აღდგომოდა, სარკინოზების ყველა მალნარი (სიმრავლე) დაქცეული იქნებოდა. ასევე, მეფისა და მისი ლაშქრის მიმართ შიშისა და ვაჟკაცობის გამო რომ არ გაქცეულიყვნენ, დაპყრობილი იქნებოდა წარმტაცი არე და ადგილები.

ამის შემდეგ ანისი თავის თანამემამულეს უბოძა და თავის ყმად გაიხადა იგი. ელდიგუზ ათაბაგი შემოეხვეწა, სულთანსა და ქართველებს

შორის [შუამავლად] დადგა და ზავი ითხოვა. აქედან რუსუდან დედოფალი, მისი და, სულთნის ცოლყოფილი, ჩაუდგა [შუაში] და რამდენიმე ხნის მანძილზე მშვიდობა და ზავი ჩამოვარდა.

თვითონ მეფე სიხარულს, დასვენებასა და ნადირობას მიეცა. ზოგჯერ, ზამთრის პერიოდში, ლიხთ-იმერეთს გადავიდოდა და პონტოს ზღვამდე მიდიოდა. გამოვიდოდა და ინადირებდა ალანთა ქვეყანაში, რომელიც არის აფხაზეთი, ზოგჯერ კასპიის ზღვამდე [მიდიოდა]. ასე მეფობდა და იხარებდა ოლიმპიური მეუფებით.

ვინაიდან ამ სამეფოს ლაშქარი და დიდებულები უსაქმოდ იყვნენ, მათ [მეფეს] შეჰკადრეს: „ლაშქრობისა და რბევის გარეშე უსაქმოდ ვერ ვრჩებით“. ამის მსმენელმა მეფემ შინაურებს ზავი და ფიცი გამოართვა და ამნაირად გაილაშქრა: ლიხს-იქით [16] მყოფმა ლაშქრობა დათქვა, ერთი დრო დანიშნა და ტაოელებს, კლარჯებსა და შავშელეებს ოლთისისა და ბანის დარბევა უბრძანა; მესხებსა და თორელებს — კარისა და აშორნისა; ამირ-სპასალარსა და სომხითარებს — მტკვარს აქეთ ვიდრე განჯამდე; თვითონ ხასაგანიანებთან, ლიხთ-იმერლებთან და ქართლელებთან ერთად — განძის ქვემოთ მტკვრის პირი იმიერ და ამიერ, ვიდრე ხოლთამდე; ჰერებსა და კახელებს — ალაზნის შესართავიდან ვიდრე შარვანამდე. ისეთი არნახული ლაშქრობა შეიქმნა, რომლის სიგრძეში [გაჭიმულობა] აქამდე არავის არ ენახა.

მის სწრაფად და მხნედ გადაადგილებას ვინლა იტყვის? შესაძლოა, ამბაკუმზე, დანიელზე ან ილიაზე უსწრაფესად, რომელმაც სინაზე ერთი ღრუბლიდან მოაგროვა წვიმა ან ელვის ეტლით [ცაზე] ავიდა? სწრაფმავალი ფეხების ან ფრთოსანი ვეფხვის, დანიელის მსგავსმა ერთ წამში დალაშქრა და აურაცხელი და მიუწვდომელი სიმიდრით ერთი დღელამის განმავლობაში გეგუთში გაჩნდა ისე, რომ იქ მყოფებმა ძლივს ირწმუნეს მისი იქ ყოფნა.

ხოლო ახლა ენა ან გონება თითოეული ამის მოყოლას თუ შეუდგება, აღწერილი მოსაწყენი იქნება სათქმელის გაგრძელების გამო. ვინაიდან ღვთის ცხებულს დავითიანობა და სოლომონიანობა გვარით მოსდგამდა, ქვეყნის ყველა მეფე სოლომონის მსგავსად ემორჩილებოდა მას.

ერთხელ მოვიდა ანდრონიკე კომნენი, დიდი მანოელ კეისრის, მთელი დასავლეთისა და საბერძნეთის მეფის, მამის ძმისწული, თავის მშვენიერ და სახებრწყინვალე ცოლთან, [17] შვილებთან და დისწულთან ერთად. ღმერთის მადლიერმა, როგორც მართებდა, ისე მიიღო და

მისი გვარიშვილობის შესაფერისი პატივი მიაგო. საკმარისად უბოძა ქალაქები და ციხეები, სადგომი გაუმზადა თავისი ტახტის ახლოს თავისი მამის დისწულის, აღსართანის, პირდაპირ, რომელიც შირვანისა და დარუბანდიდან ხირხალამდე ზღვის პირის მეფე იყო. მეფეს იგი შვილად მიაჩნდა, როგორც ერთი თავისი დიდებულთაგანი. ოდესღაც დარუბანდელი ხაზარების მიერ შეჭირვებული შარვანშა [მეფეს] შემოეხვეწა. მაშინ იმიერიდან და ამიერიდან ლაშქარი შეიყარა, თვით ბერძენთა მეფის ძმა ანდრონიკე წაიყვანა და დარუბანდის კარებამდე მივიდა. მოაოხრა მუსკურისა და შარაბამის ქვეყანა, აიღო ქალაქი შაბურანი. მეფეს, რომელიც ბრძოლას უმზერდა, და მის ლაშქარს ძალიან მოეწონათ ანდრონიკეს [ვაჟუკაცობა]. ის ქალაქი თავისი მამის დისწულს, შარვანშას, უბოძა და იქიდან მოყოლებული, ბასიანის დამრბევი, რაც ადამიანის ძალისათვის შეუძლებელი იყო, მობრუნდა და გამარჯვებული თავის სამყოფლოში იშვებდა და ერთობოდა.

ზოგჯერ თავის ლაშქარსა და სპასალარებს ნახჩევნის კარებამდე აგზავნიდა, ზოგჯერ — დმანისამდე და ღაღვამდე, ზოგჯერ — ბარდავამდე და ბელაქნამდე. ამგვარ წარმატებებსა და ზეობაში საგანძური გაზარდა. მის მიერ მოგებული და მისი ტყვეებისაგან მონაგები უჯარმის ციხეში დადო, რომელიც ვახტანგ გორგასლის მიერ იყო აშენებული. თვითონაც, ლომთა ლომი და [18] გოლიათთა გოლიათი, იქ გარდაიცვალა. სანადირო ქორების და ძაღლების სიმრავლე, სილამაზე და აღკაზმულობა [რაც მას ჰქონდა], არასოდეს არავის არ ჰქონია და არც მომავალში ექნება ვისმე.

მთელი ქვეყნისა და ამქვეყნიური ცხოვრების ამგვარ სრულყოფილებაში გაიზარდა მისი ძმისწული, მისი უხუცესი ძმის, დავითის შვილი, სახელად დემეტრე, გარეგნობით ლამაზი, ყოველ საქმიანობაში მარჯვე, ნასწავლი, მათი გვარიშვილობის მსგავსი, მაგრამ რაც ყოველგვარ სიკეთესა და სწავლულებას, გარეგნულ უზადობასა და ახალგაზრდობას ამაოს ხდის, ის გახდა მისი მომსპობი და ცხოვრების გამამწნარებელი: ღვთის მიმართ შიშის არ ქონა და ქრისტეს რჯულის მცნებათა წინააღმდეგ მოქმედება, რაც იყო ამ სამეფოს გვარის წარმომადგენელთა თანდაყოლილი უბედურება. როგორც მამამისმა, დავითმა, უღალატა და განუდგა რა თავის მამას დემეტრეს, ამონწყვიტა ამ სამეფოს დიდებულები — ზოგი განდევნით, ზოგი სიკვდილით, ზოგი პატივ-აყრით, ახლაც მის მსგავსად, ეშმაკი შეუჩნდა ამის გულსა და გონებას. ამის გამო განუ-

რისხდა ღმერთი ორბელებსა და მათ მომხრე ყველა ტომს: სამცხელებს, ჰერეებს, კახელებს და [ყველას], სადაც კი მათი მოდგმა და ერთგული ვინმე იყო დარჩენილი. შეიქნა განდგომა, ბრძოლა, ხოცვა, სისხლი და რბევა. სამართლის მომქმედმა ღმერთმა, რომელიც [ბოროტებას] არ დაუშვებს, აბესალომს უფლება არ მისცა [ეჯობა] დავითისთვის, რაზეც ნმიდა სახარებაში ნათქვამია: „უკეთუ შეიღმა მშობელს უთხრას „კორბან“ — „ძღვენი“, ჩემგან სარგებელი გეყოს, სიკვდილით მოაკვდინა“. ამის გამო გიორგიმ, მძლეთა მძლემ, ლაშქარი შეკრიბა და ქალაქ თბილისიდან სომხეთის მთებში [19] მყოფ [მტრებს] მიაშურა, დაიფრინა, გააქცია, ლორის ციხეში შელალა და ყველა ციხე და სიმაგრე წაართვა. დემეტრეს ჩამოშორდა ორბელთა ძმა და ახლობელი სარგის მხარგრძელი შვილთან და ძმისწულთან ერთად. მეფემ ტკბილად და სიყვარულით მიიღო იგი და მისი გვარიშვილობის [შესაფერისი] ნდობა გამოუცხადა. მოარბია ტაშირი და ლორეს კარი და აგარებში დაიბანა კა. გაგ ზავნა ლაშქარი, რომელიც მისი ერთგული იყო და სხვა მხრის [მეომრები]: მესხები, თორელები, ქართლელები, სომხითარები და თვით თავისი გაზრდილი მეჯინიბეთუხუცესი ჭიაბერი, და ჰერეთის ქვეყანაში მივიდნენ. იმ მხრიდან მოვიდნენ ჰერეთის ერისთავი და ყველა ჰერი სრულიად ლეკებითა და კავკასიელებით. შეიქნა ფიცხელი ომი და შეხლა-კვეთება, რადგან [ბრძოლაში] გამოცდილი და ლომივით ჭაბუკები იყვნენ. ამ [ბრძოლაში] სძლია მსჯავრისა და სიმართლის მქონემ, და ჰერები, დიდებული აზნაურები და ლეკები გააქციეს. შეიპყრეს ხმლით დაჭრილი გრიგოლ ასათის ძე, რომელსაც ცხენი მოუკლეს, უკვალოდ დაიკარგა ომის დროს. შეიპყრეს ივანე ვარდანის ძე, რომელიც თავიდანვე საფლავის გამთხრელად ითვლებოდა, ასევე [შეიპყრეს] შოთაც, ართავაჩოსძის ძე. ესენი, როგორც წინასწარ განზრახვით შინაგამცემელნი, ხელში ჩაიგდეს და წამოსულებმა გამარჯვებულ, აღმატებულ მეფესთან მოიყვანეს. დიდი სიხარულით ფრიად გაიხარეს. ვინაიდან ხედავდა გამარჯვების მომნიჭებელ ღმერთს.

მაშინ აგარაში მყოფი მეფე დაიძრა და ლორეს მოადგა. იქიდან სპარსეთში იყვნენ გაქცეულები ქართლის ერისთავი ლიპარიტ სუმბატის ძე, მეჯინიბეთუხუცესი ქავთარ ივანეს ძე, რომელნიც გიორგის მიერ იყვნენ ხელდასმული, და ანანია დვინელი, ზოგი — შაჰარმენტან, ზოგი — ელდიგუზის ძეებთან. [20] თუმცა უშველეს და გამოჰყვნენ, მაგრამ ქრისტეს მართლმსაჯულებამ უქმად უკან დააბრუნა. ამასობაში ლო-

რეში მდგომებს ძალა გამოეცალათ. დემეტრემ თოკი გამოაბა, ციხიდან გამოიპარა და თავის ბიძას მიაშურა. ციხეში დარჩენილი ამირსპასალარი და სხვები მათი ბედისა და სვის შესაფერისად გამოიყვანეს. [მეფემ] ლორე აიღო და თავისთვის დაისაკუთრა. იმავე დროს კმაყოფილი და განდიდებული წამოვიდა თავისი ურჩებისა და მტრების წინააღმდეგ და მათი საქმეების შესაფერისი მისაგებელი მიაგო. თვითონ ნაჭარმაგევში მოვიდა და მტრებზე რისხვის დამცემი, იხარებდა და იშვებდა.

ამის შემდეგ, მეორე წელს, ღანუყიდან ნაჭარმაგევში მობრუნებული მთელი თავისი სამეფო შეყარა. შვიდივე სამეფოს შემყრელმა მოიწვია დედოფალთ-დედოფალი, თავისი ბედნიერი და სვიანი ცოლი ბურდუხანი და შვილი, მათი თვალების ნათელი და ბრწყინვალეობა, ყველა მეფის სამკაული და ყველა ხელმწიფის გვირგვინი, თამარი.

[21] მეფობის მიმნიჭებელი ზენა ხვედრის განწესებითა და გამორჩევით, განგებითა და გაგონებით, ყველა პატრიარქის და ეპისკოპოსის, იმიერი და ამიერი დიდებულების, ვეზირების, სპასალარებისა და სპასპეტების თანადგომით მეფედ გამოაცხადა თამარი. და მარჯვნივ დაისვა მეფე და დედოფალი. [იგი] იყო შემკული და შემოსილი სხვადასხვა ფერის ოქროვანი სამოსლით, ბისონითა და ოქროქსოვილით. უწოდა მას ღმერთის მთა, მთა გლუვი, მთა გრეხილი, თავზე დაადგა ოქროს გვირგვინი, ოფაზის ოქროსი, შემკული იაგუნდით, ზურმუხტითა და სმარაგდით. ხალხის გამორჩეული მდიდრები ზეიმობდნენ მასთან ერთად. თვითონ მეფემ, რომელმაც მას ერთგულება და ერთსულობა შეჰფიცა, რომელიც, ცრემლად დაღვრილი, ევედრებოდა ღმერთს, აკურთხა ისე, როგორც აკურთხებდნენ [შვილებს] აბრაამიდან ისაკამდე, ისაკიდან — იაკობამდე, იაკობიდან ვიდრე იოსებამდე. როგორც ჰაერში ჩანს უღრუბლო მზე, ისე [ჩანს] დღევანდლამდე მამის კურთხევა დავითის მსგავს საყვარელ, ნანატრ და მშვიდ შვილზე, რომელიც ლოდივით გამოვიდა დანიელის მიერ ხილული მთიდან, იმატა, იმატა და შემდეგაც იმატა, ვიდრე არ გახდა დიდი მთა, ლოდი ქვაკუთხედი და არა — დაბრკოლების ლოდი. შემუსრა ოქროსა და ვერცხლის, რკინის, რვალისა და თიხის ყველა ხატი და ყველა კერპი, ზოგი უხილავ ძალთა, ზოგი ხილული მონინააღმდეგეებისა და მებრძოლების ძეგლები და ქანდაკებები.

[22] ამის შემდეგ კეთილდღეობასა და სვებედნიერობაში მოიწია ამ ქვეყნად მოვლენილთა [გადასახდელი] ვალი, მაგრამ განწესებული ცხოვრების ტრიალის უდროო და გამოუსწორებელი შემცირებით.

გარდაიცვალა თამარის დედა, დედოფალი ბურდუხანი, ღმერთის ძის დედის დარი. რომელი ენა გამოთქვამს, თუ რა უზომო ვაება და გლოვა შეიქმნა, რაც მოინია, იმის სადარი? მაგრამ რაც მოინია, იმის პატივსაცემად და დასამტკიცებლად მხოლოდ ამას ვიტყვით.

გეგუთმი მყოფ მეფეს მოახსენეს ეს თავზარდამცემი ამბავი. ოქროსთმიანი აბესალომის მსგავსად, თმა და წვერი დაიგლიჯა, ნაკადულივით ცრემლების ღვრით და ათასჯერ და ათი ათასჯერ მკერდში მჯილის ცემით, თავის მოკვლამდე მისულმა, თმები აღიკვეცა და ასეთი შემუსრვილი გულით შეხვდა საყვარელი და ტკბილი დედით დაობლებულ თავის [შვილს], რომელსაც თავისი გარეგნობის ნათელი ცისკროვნება ბნელად გადაქცეოდა. ერთმანეთის ხვევნისას ორივეს თვალებიდან ცრემლთა ნაკადი სამოთხის [მდინარე] გეონის მსგავსად დიოდათ. ვინაიდან ასეთი გახდა ქართლის ქვეყანა, კვლავ ნუგეშმცემელი და დამამშვიდებელი საყვარელი და ლამაზი შვილისა, ორმხრივად უზომოდ იმედის მიმცემი ექმნა: სიყვარულის მინიჭებით და გლოვის შეწყვეტით. ქართლი დატოვა და ქვემო [მხრისკენ] წავიდა. როცა გლოვისა და მომხდარი უბედურების დრო გავიდა, მონადირე, როგორც წესი იყო, კვლავ შეუდგა გართობას მთასა და ბარში. [იგი] ბრძანებლობით ფლობდა აღმოსავლეთსა და [დასავლეთს], ჩრდილოეთსა და სამხრეთს. მას ძღვენს აძლევდნენ და ეძმობილებოდნენ ბერძენთა, იერუსალიმში [23] ალამანების, რომაელთა, ინდოელთა მეფენი და ჩინელები; ასევე ემორჩილებოდნენ ხორასნის, ბაბილონის, სირიის, ეგვიპტისა და იკონიის სულთნები. ამათ შემდგომნი — სკვითები, ხაზარები, ალანები, ხორასნელები, ხვარაზმმა, ბეირუთელები, აბისინიელები, არაბები, მიდიელები, ელამიტელები და შუამდინარის [მცხოვრებნი], ყველა ენა და მოდგმა — მაშრიყიდან მალრიბამდე.

ამქვეყნიური სიუხვისა და დიდების უსაზღვროობაში, ევას დაწყევლისა და ადამის შეცთომილებათა გამო, სასჯელი მოინია მართალ აღმსარებელთა მიმართ ახელ მართლიდან, ვიდრე ზაქარიამდე და მის ძმა იოვანემდე. ჯოჯოხეთი არგუნეს ჩვენს მკვლელსა და თვით თავის მკვლელს სამოელს, ცათა ციდან ქვესკნელის უფსკრულში ჩასულს, ანგელოზობისა და ნათელმოსილობის სიბნელედ მქცეველს და ეშმაკად გადაქცეულს, რომელსაც ხელთ უპყრია ისინი, ვისაც ღმერთი უყვარს და ისინიც, რომლებიც ღმერთს უყვარს. მისგან ცთომილი ადამიანების ხსნის მსურველმა ღმერთმა კაცობრივი სახით იმოქმედა, არა ძალის გა-

მოყენებით, რადგან ოცდაათი წელი იქმოდა ნიშსა და სასწაულებს და მეუფებდა ამ ქვეყანაზე, ცისა და ქვეყნის მეუფე და შემოქმედი. ამის შემდეგ თავის თავზე აიღო ცვალებადი და ხრწნადი სოფლის ცოდვები და შეცოდებანი, უკვდავმა სიკვდილი მიიღო, მაგრამ ჩვენგან მიღებული სხეულით, ჩვენი გადარჩენისათვის. ვინაიდან უკვდავმა უწინარეს საუკუნეთა ღმერთმა და ძემ არა უკვდავ ყო მის მიერ მიღებული სხეული, სხვა რა წარმოვიდგინო, სხვა რა ნუგეშინისმცემელი დავისახო, როცა მესმის ოთხი სტიქიონის მიერ სულის სხეულში დავანება? მზეთა მზე და ხელმწიფობის შარავანდედი, ახალი [24] ნებროთი, ალექსანდრე და აქილევსი მიწიდან ცაზე ავიდა. ესეც გარდაიცვალა ვნების მეშვიდე [დღეს], ისე „ვითარცა ცათა შინა, ეგრეცა ქუეყანასა ზედა“, ვინაიდან მან სხეულით, სიგლახაკითა და სიმდაბლით ცხოვრების ტრიალის ოცდაცამეტი წელი გაატარა, ხოლო ამან არა იმგვარად, მაგრამ როგორც ღმერთის ხატად გამოჩენილმა.

სამმნათობიერმა, მეფეთ-მეფისაგან მეფედ დასმულმა თამარმა, ქალაქ თბილისში, ისნის ციხე-სასახლეში მყოფმა, შეიტყო ეს საგოდებელი და უბედურებათა მოსაწევარი, კლდეთა გამხეთქი და კარის საბლის გამპობი, ციდან მანანისა და ვარსკვლავების ჩამომყრელი საშინელება. სამოთხის მსგავსი სამყოფელი ჯოჯოხეთს დაემსგავსა, შვებისა და სიმღერის ნაცვლად ვაებისა და გოდების ხმა გაისმა, მიუაჩრდილებელი ნათელის ნაცვლად ყოველი არსი და წარმოსახვითი არსი დაემხო. თამარი, ეთეროვანი სახე, უღრუბლო ჰაერი და უჩრდილო ნათელი, სიბნელეში ჩაიკეტა, თმებს იგლეჯდა, ცრემლებს წყაროს სისხლის წყარო უსწრებდა. ამის შეკავების მიზნით პატრიარქი და დიდებულები სამშვილდეში წავიდნენ, საზარელი, საშინელი და სათქმელად ძნელი ამბავი აცნობეს და წამოიყვანეს მეფის და, რუსუდან დედოფალი, თავის გაზრდილთან ერთად. მათ მიეგებნენ. ურთიერთს მოეხვივნენ და სისხლ-გარეული ცრემლებით ლტობილნი სამეფო სასახლეში შევიდნენ. თვალები ზე აღაპყრეს და იხილეს ცამდე ამაღლებულის ტახტი გაბაონიანის ნათელი მზის და ჰალონიანის შუქ-მფენარი სვისა და ბედნიერებისაგან დაცლილი იყო. გარშემო მიმოიხედეს და იხილეს მიქაელ პატრიარქი ყველა ეპისკოპოსთან ერთად მდგარი, ვეზირი ანტონი და ამირსპასალარი ყუბასარი და სხვა ხელისუფალნი: მეჭურჭლეთუხუცესი ყუთლუ-არსლანი, მცველთუხუცესი ვარდან დადიანი, მეჯინიბეთუხუცესი ჭიაბერი, მსახურთუხუცესი აფრიდონი, ივანე... და დიდებულები, აზნაურები, მონები და რაი-

ნდები, იქვე იყო პორფირი, გვირგვინ-სკიპტრა და [მის მიერ] მარჯვედ ნახმარი იარაღი. ისევ მიმოიხედეს და წარმოუდგათ: მეომრებით სავსე სასახლის კედლები, რაზმები, ლაშქარნი, მებრძოლები, დანგრეული და ოხერქმნილი ქალაქები და ციხეები. და თვითონ ის ნახეს ტანად გორგას-ლიანი, აქილევსის მკლავით და გაბრწყინებული პირისახით, გმირად საგონებელი კაცი. რომელი ენით გამოთქვან, ან როგორ გამოხატონ ის შეუდარებელი დღე? რა გლოვა, რა თავში ცემა, რა ვაება, რა ათასკეცი სისხლნარევი ცრემლის ნაკადი, რა მოთქმა და გახსენება ადამიდან მართალ აბელამდე, დავითიდან იონათანამდე და იაკობიდან იოსებამდე!

ამისთანა უნუგეშობა, საჭურვლის უქონლობა, ძაძის ჩაცმა და დაფენა, ყოველგვარი საკვებისგან განდგომა — ესენი, რაც აქამდე [ვთქვი].

ხოლო ამიერიდან გონების მოხმობით უნდა გამოვიჩინო შემართება, ბრძოლა. და როგორც ქვისა და რკინის დარტყმის შედეგად, უნდა გადმოვავრქვიო სიყვარულის, ქების და სურვილის ცეცხლი, ცამდე აღვატყინო და ავამაღლო ალი [მისი]. მასში უნდა აღმოვჩინო ცეცხლის ეთერი და ქვეყანა, ურჩების ცეცხლით მომსპობი, და მეგობრებისა და მოყვარეებისთვის ცეცხლივით ძლიერი და სასარგებლო. თუ მაშინ ნაბუქოდონოსორმა სამ ყრმათა შორის მეოთხედ იხილა სამებისაგან ერთი, აქ სამებასთან ოთხებად ჩანს [მათი] დარი და აღმატებული თამარი.

შვიდივე სამეფოდან შეკრებილმა მთხრობელ-მოლაპარაკებმა დედოფალ რუსუდანს ჰკადრეს [26] და მოახსენეს: „დღეს შენ ხარ მისი მშობლების ნაცვლად. ვინაიდან ახალგაზრდა თამარს ვხედავთ არა ახალგაზრდული, არამედ მცოდნე, შეგნებული, გამჭრიახი და ბრწყინვალე გონებით, ტრადიციის თანახმად, თქვენი გამგონეა და პატივისმცემელი, შენ გხედავს თავისი მშობლების უჩინარ სახედ, — ურჩიე, უთხარი და მოახსენე, რომ შეწყვიტოს ამგვარი გლოვა და სადაც თქვენმა ძმამ და მისმა მამამ თავისი ზეობისა და კარგადმყოფობის დროს დასვა, იქ აღასრულოს თქვენი გვარ-ტომის ხელმწიფობისა და მეფობის გაბრწყინება. ოლიმპიური გამარჯვებების მოპოვება და აღსრულება გაცნობიერებული რომ არ ჰქონოდა, მას, მეფობის გვირგვინსა და მშვენებას, არც ანდობდნენ დავითის ტახტსა და სოლომონის ბეჭედს. ახლა ვინაიდან მან ხელი უნდა მიჰყოს მეფობას და კურთხევით გვირგვინოსანი გახდეს, უნდა ამაღლდეს და თავის მამათა ტახტზე დაჯდეს ძელი ცხოვრების ამაღლებითა და წინამძღოლობით და მელქისედეკის

კურთხევით, [მსგავსად იმისა], რაც მან ჰყო აბრაამის მიმართ. მან უნდა დაიპყრას ქვეყნის მხარეები და მეფობდეს ზღვიდან ზღვამდე.“

ეს მოისმინა, მოინონა და დაიჯერა დედოფალმა, ურჩია და მოახსენა თამარს, მეფესა და დედოფალს. [იგი] დაემორჩილა შვიდივე სამეფოს დიდებულების მიერ კადრებულ პირველსავე რჩევას, მოისმინა თხოვნა და იძულებული შეიქნა, დამორჩილებულიყო.

მამაპაპეულ ტახტზე აიყვანეს და დასვეს მზეთა მზე, ნათელთა ნათელი, ელვარება და სხვებისთვის მზესავით მანათობელი. მოიტანეს გვირგვინი. მგალობლებმა ხმა აიმაღლეს გამარჯვებით გვირგვინოსნობასა და ძლევამოსილ მეფობაზე, გაიხსენეს, როგორ გამოუჩნდა ჯვარი კონსტანტინეს ზეთისხილის მთაზე. ამგვარ შესხმასა და გალობაში, ვინაიდან წესი იყო სამეფო გვირგვინის ლიხთ-იმერეთიდან [მონვეულის მიერ] დადგმა, მოინვიეს ღირსეული და მადლშემოსილი მონაზონი, [27] ქუთათელი მთავარეპისკოპოსი ანტონი საღირისძე, რომ გვირგვინი მოერთმია. მეორე მხარეს, რაჭისა და თაკვერის ერისთავი კახაბერი. სახელოვანმა და დიდებულმა ვარდანის-ძებმა, საღირის-ძებმა და ამანელის-ძებმა მოიტანეს და შეაბეს ხმალი. ამ დროს დაჰკრეს დაფ-დაფებს, [ჩაჰბერეს] ბუკებს, ქოსებსა და წინნილებს, ქალაქში ატყდა ერთი ზარი და ზეიმი, უიმედოდ ქმნილთა სიხარული და შვება და იმედი. შვიდივე სამეფოს ლაშქარმა თაყვანისცა, დალოცა და ადიდა. თითოეულმა დროულად დაიკავა თავისი ადგილი. შვიდმნათობიერი თამარი ადიდა მან, რომელმაც ექვს დღეში შექმნა და დაბადა ყოველი ხილული არსი და მეშვიდე დღეს დასვენება მისცა.

თამარის შესახებ ნათქვამია „დასვენება მშვიდ და წრფელ სულში“, მოხარულ იქნა თავისი აღზრდილის აღზევებისა. მხილველმა ნახა, რომ პირველ ნათელზე უმეტესი ნათელი იყო. „და კარგი იყო და ნათელს უწოდა დღე“. ამას უწოდა ოლიმპიელთა შორის დიდი ბედნიერების ნათელი. ამან სიბრძნის შვიდი სვეტი გაამზადა, მათზე შვიდი სამფლობელოს განმანათლებლად შვიდი მადლის ტაძარი და სადგომი ააგო. დღეში შვიდგზის ღვთის მადიდებელმა შვიდჯერ განმინდა სიტყვები მოაბადისა და მეფის მსგავსად, როგორც ამბობს ზოგს ესაია და ზოგს — დავითი. სოლომონის სიტყვების მსგავსად, „შვიდის პატივისმცემელი ნაწილს აძლევს მერვეს“, შვიდი სამწყსოს ერთად განმებრწყნებელი. ყოველ კვირაში შვიდჯერ და სამოცდაათ შვიდჯერ შეუწოდობს დამნაშავეებს. ცის შვიდ სარტყელს [28] და სფეროს მნათობებს, რომ-

ელნიც არიან კრონოსი, ზევსი, აფროდიტე, ჰერმესი, აპოლონი და არესი — ამათ დაამსგავსა მინიერი სფერო მგრძნობელობის ხუთი ორგანოს შვიდად გადაქცევით, მიუმატა რა მათ სული და გონება. ოდესღაც ზენა მნათობს ემსგავსებოდა ქვენა მნათობი გინდაც არაჩვეულებრივი და შეუდარებელი სილამაზით, გინდაც სიბრძნის სისავსით, გინდაც მზესავით სიუხვითა და სხივების მოფენით მართლებსა და ცოდვილებზე, გინდაც გამარჯვებებით სძლევა [ყოველგვარ] სიძნელებს.

ჩანართი (V)

ამგვარად ასწავლა ხუთი საგრძნობელი, და სატანისა და გველის მხრივ ცთუნების გარეშე ღვთის შიშით შეიზღუდა ხედვა, ყნოსა, სმენა, გემო და შეხება. ბინისაგან შეუხებელმა როგორც მილში, ისე უვნებლად გაიარა ეს მარად დაუდგრომელი და ქვენა გრძნობების გამღვიძებელი წუთისოფელი. ამგვარ დიდებაში და უზომო სიმდიდრესა და სიმაღლეში ისე ცხოვრობდა, თითქოს არაფერი არ ჰქონოდა და ყველა ადამიანზე უმდაბლესად და უგლახაკესად თვლიდა თავის თავს, რადგან მუდამ ახსოვდა ხმა: „ შიშველი გამოვედი დედის მუცლიდან და შიშველი ვფიქრობ წასვლას“. ნუთუ ამგვარ ღვთისმსახურებასა და კრძალვაში ეს ქვეყნიური მეფობა დიდების გარეშე და განუგებლად დატოვა? არავითარ შემთხვევაში! ყველა მეფეზე, ბრძენზე და ფილოსოფოსზე უკეთესად განაგო, შეამკო, წარმართა ისე, როგორც შეუძლებელი იყო სხვა ადამიანის მიერ, როგორც ამბობს სამეუფო სიტყვა: „შეუძლებელია ორი უფლის მონება“. ამან, თავდაპირველად სასუფევლის მეძიებელმა და ზენა სუფევის მოსურნემ, ქვენა დიდება და სიმდიდრეც უხვად და სრულად მიიღო აღთქმისაებრ იმისა, ვინც ტყუილი არ იცის: „პირველად ეძიეთ ღმერთის სასუფეველი და მისი სიმართლე და ყოველივე ეს შეგეძინება“. გონება ზემოთ მიმართა და მშვიდი სულით განიცადა მისთვის წილხვდომილი საქმის სიდიადე, ხედვა თავის წარმმართველს მიაპყრო. როგორც ფრთამალი ორბი, ზევით აფრინდა და თვალების გუგები [გარშემო] მიმოავლო.

თავისი გონების სივრცით ყოველი საღმრთო და საერო წესი და განგება შემოიკრიბა.

[29] ამათ და ამნაირ მნათობებსა და ზოდიაქოებს თუ ვინმე იკვლევს, ასაკთან ერთად უფრო და უფრო გაზრდის თავის შესაძლებლობებს. ავგუსტოვანი ზენა ხვედრისაგან შთამომავალმა გარდაქმნა თავისი

თავი, როგორც სამოთხე, ღმერთის ხელით დანერგილი და სურნელებით საყნოსელის მაცოცხლებელი. აქ კრეფდნენ გონებათა და სულთა, გრძნობათა და აღორძინებათა მონაძღვენს. გონება ღმერთად უქცევია და სული — არსთამხედის მჭვრეტელად, და იქ რჩება, შეუმცდარი სატანისა და გველის მიერ. აჰა, ის ჩანს, როგორც მილი, მცენარეზე გადმოდინებული ნაკადისა, და ისე, როგორც პითოდორა და კრიტია აშენებული [ძეგლებით] შეიცნობიან. ქაიხოსროს მგავსმა ხელმწიფემ ხელი მიჰყო წყალობის გაცემას და შეწყალებას, დარიგებას და დასაჩუქრებას. გახელილი თვალებით გახსნა მის პაპათა და მამათა მიერ მონაგები საგანძურები. უპირველესად, გარკვეული ნაწილი გადადო პირველისა და მარადიულისთვის, პირველისა ზეცისათვის და ჩვენი იმაქვეყნისათვის, რომლის მცნებანი, მალლისა და უბინოსი, გაითავისა ბინისაგან დაცულადგილას დამდებელმა. დღევანდლამდე იმდენი გასცა, მშობლების დარად, რომლის რაოდენობა ურიცხვია და რიცხვი — განუზომელი. მოვალეები ვალისაგან გაათავისუფლა, ობლებს შემწეობა მისცა და ქვრივებს — ქორწინების უფლება. გლახაკები გააძლიერა და ძლიერები გაამდიდრა. დედოფალი რუსუდანი [მის] სწორად იქნა აღიარებული, თვით მისი და მისი გაზრდილის გამო, მისცეს საკუთრად ქალაქები, ხევები, სოფლები.

[30] სანამ ის წყალობას ურიგებდა შვიდივე სამეფოს ამიერებს თუ იმიერებს, ზემოურებსა თუ ქვემოურებს, ზოგიერთებმა დაინყეს ძველებური, ადამიანთა დაუდგრომელობის შესაფერისი საქმეები. ზოგმა დიდებულმა ხელისუფალმა ასეთი ფიცი დადო: ვერ დავრჩებით ძველი ხელისუფლების და საქმის გამგებლების ფირმანის ქვეშ, ვინაიდან მათ მიერ გაძარცული ვართ და ბალიშზე ჯდომას მოკლებული, გვაროვანი და ნამსახური ოჯახები უპატიოდ და უსახელოდ გაძევებული ვართ უგვარო და უმაქნისების მიერ.

თუმცა ერთგული და კარგი მოყმე და ჭაბუკი იყო ყუბასარი, პატრონების მიერ გაზრდილი, ამირსპასალარი და მანდატურთუხუცესი, მაგრამ დამბლად წოდებული სენისგან ენა, ხელი და ფეხი წართმეული ჰქონდა. თამარ მეფეს ურჩიეს, [მისთვის] წაერთმია მთელი ქონება და სიმდიდრე, მაგრამ განზრახვა გაუცუდდათ, რადგან თამარი მოწყალე იყო და კეთილი. გაიხსენა მისი ერთგულება, სამსახური და ზრდილობა და არაფერი არ ჩამოურთმევია, გარდა თანამდებობისა და ლორესი. გარდაცვალებამდე ასე დიდი სიყვარულითა და პატივით ეპყრობოდა.

და კიდევ, აფრიდონი, რომელიც ღვთის მობაძაობით, აზნაურის ყმობიდან ადამიანი გახდა, მსახურთუხუცესობამდე ამაღლდა, თმოგვისა და სხვა ციხე-ქალაქთა პატრონობამდე აღზევდა, ლაშქრის ნებითა და სურვილით დააქვეითეს და დაამხეს. ბრძოლის დამწყებებმა ძალაუფლებისა და დიდებისათვის ერთმანეთს დაუნყეს ძიძგილი.

ერთიც საშინელი მოსაგონარი: ყუთლუ-არსლანმა, ჯორის მსგავსად ორი ბუნების მქონე ცხვარმა, როგორც ამას მზაკვარი გონება ჩაადენინებს ბიჭებს, [31] სპარსელების მიერ დანესებული რაღაც წესი შემოიღო, ისნის ველზე, „საგოდებლის“ სანახებში, კარვის დადგმა ითხოვა და თქვა: „იქ შევიკრიბოთ, განვაგოთ, რა გავცეთ და რა მივიღოთ, ვინ შევიწყალოთ და ვინ შევრისხოთ, შემდეგ [ეს] შევკადროთ და ვაცნობოთ თამარს, მეფესა და დედოფალს, მაშინ შესრულდება ჩვენს მიერ განგებული“.

როგორი საწყენიც ეს იყო — პატრონის ხელმწიფობის დასასრულის მომტანი — ისე იწყინა, გაიკვირვა და გაიგო გონებით აღსავსემ და სიბრძნის საუნჯემ. გადანყვიტა მოქმედთა მეთაურის დაჭერა. ახლობლებისა და ერთგულთა თანამზრახველობით შეიპყრო ყუთლუ-არსლანი, მეჭურჭლეთუხუცესი, რომელიც ამირსპასალარად და სომხეთში, ლორეში, სომეხთა მეფის ტახტზე დასაჯდომად ემზადებოდა.

როგორც კი ეს გაიგეს მასთან შეფიცულმა და მისი გამთიშველობისა და უკეთურების ხელისშემწყობებმა, შეიყარნენ და განუდგნენ თამარს. მტკიცედ დაადგინეს ახალი გეგმა ყუთლუ-არსლანის გასათავისუფლებლად და იქადოდნენ, რომ არ დაუშვებდნენ მისთვის რამე ზიანის მიყენებას. მოემზადნენ ისანზე თავდასასხმელად. მაგრამ ვინაიდან უფლის მარჯვენა და მალალი მკლავი შეეწეოდა და თანამბრძოლ ექმნებოდა მის მებრძოლებს, [32] და მის ნაცვლად იარაღისა და ფარის ამღებელი, დასამხოზად ეკვეთებოდა მის მონინააღმდეგებს, ამოო გამოდგა მათი განზრახვა, როგორც აბიათარ მღვდლისა და იოაზ სპასპეტის განზრახვა, რომელნიც სოლომონის ძმას, ორნიას, შეუერთდნენ. თამარმა [ყუთლუ-არსლანთან] ორი საპატიო მანდილოსანი გააგზავნა: ხვაშაქ ცოქალი, ქართლის ერისთავთ-ერისთავის, რატის, დედა, და კრავაი ჯაყელი, ახლანდელი სამძივარების დედა. უბრძანა, ფიცის ქვეშ დანებებოდნენ და არავის არ დასჯიდა. დიდებულები დაემორჩილნენ პატრონის ბრძანებას, მასთან მოსულებმა მუხლმოყრით თაყვანი სცეს, პატრონისგან ფიცი მიიღეს და თავიანთი ერთგულებისა და მორჩილების პირობა მისცეს.

ისევე დაჯდა ღვთის მიერ ცხებული თამარ ცამდე ამაღლებულ ტახტზე აფროდიტეს მსგავსი მშვენებით და აპოლონის მზეებრი სიუხვით, საჭვრეტად სასიამოვნო — გულის წაღებამდე და ყველა მნახველის — ველად გაჭრამდე და თავისი ბრწყინვალე მარგალიტის დარი, ღვთივქმნული, შეუდარებელი გარეგნობით მნახველების თავდავინწყებამდე მიმყვანი. [იგი] ზრუნავს და ზრუნავდა ყველა იმაზე, ვინც ზრუნვას საჭიროებდა.

უპირველეს ყოვლისა, ქართლის კათოლიკოსის, ჭყონდიდელისა და მწიგნობართუხუცესის, მიქაელ მირიანის ძის და ამირსპასალარ გამრეკელ-თორელის გარდაცვალების შემდეგ, ორი — ვეზირი და სპასპეტი რომ აერჩიათ, შვიდივე სამეფოს დიდებულების თანადგომითა და თანხმობით ჭყონდიდლად, მწიგნობართუხუცესად და ვეზირად ბრძანა [33] მისი მამის გაზრდილის, ბრძენი და გონიერი, პატრონების ერთგული და გამგებლობის მცოდნე ანტონის დამტკიცება. ამირსპასალარად კი დაადგინა სარგის მხარგრძელი, დიდგვაროვანი და ბრძოლებსა და ახალგაზრდულ [შემართებებში] განვრთნილი, უბოძა ლორე, სათავადო და სამთავრო სომხეთში. მის ვაჟს, ზაქარიასაც, დალოცვით წყალობა უყო.

ჩანართი (V)

ზაქარია და ივანე, მხარგრძელის ძეები, მეფეებისთვის თუმცა ერთგული და ბრძოლებში დიდად გამოცდილი, სახელოვანი ადამიანები იყვნენ, მაგრამ სარწმუნოებით სომხები იყვნენ. ივანემ ზედმინევნით იცოდა წმიდა წერილი, რომლის გამო შეიცნო თავისი რჯულის სიმრუდე, მოინათლა და ჭეშმარიტი ქრისტიანი გახდა, რასაც ქვემოთ ნათქვამი სიტყვები ცხად-ჰყოფენ.

მისი უმცროსი შვილი ივანე დარბაზის ყმად ითაყვანა. დაამტკიცა. ჭიაბერს მანდატურთუხუცესობა უბოძა და ხელში ოქროს კვერთხი მისცა, ტანზე ძვირფასი სამოსი ჩააცვეს. ოქროთი მოჭედილ სავარძლებში დასვეს, ზოგი მის მარჯვნივ, ზოგი — მის მარცხნივ. მეჭურჭლეთუხუცესობა დიდგვაროვან კახაბერ ვარდანის ძეს უბოძა, მსახურთუხუცესობა — ვარდან დადიანს, მცველთაუხუცესობა — მარუშინას, ჩუხჩარეხის ძეს. ვინაიდან ორთავე ამათი მამები მოხუცებული იყვნენ, მამების პატივი მათ მიანიჭა და ბალიშებზე დასხა. ამილახვრობა გამრეკელ თორელს უბოძა, რომელიც სარგის მხარგრძელის შემდეგ ამირსპასალარიც გახდა.

იმ დროის ერისთავები იყვნენ: ბარამ ვარდანის ძე — სვანების ერისთავი; კახაბერ კახაბერის ძე — რაჭისა და თავკერის ერისთავი; ოთალო შარვაშის ძე — [34] ცხუმის ერისთავი; ამანელის ძე — არგვეთის ერისთავი; ბედიანი — ოდიშის ერისთავი. ლიხს აქეთ: რატი სურამელი — ქართლის ერისთავი; ბაკურ-ყმა ძაგანის ძე — კახეთის ერისთავი; ასათ გრიგოლის ძე — ჰერეთის ერისთავი, რომელმაც ძალითა და მძლავრობით წაართვა [თანამდებობა] საღირ კოლონკელიძეს, მცირე ხანს ეკავა და მერე ითხოვა არიშიანის ადგილას ბალიშზე დაჯდომა და ჰერეთის ერისთავობა თავის შვილს, გრიგოლს გადასცა; სამცხის ერისთავად და სპასალარად განაწესეს ბოცო ჯაყელი. სხვა ხელისუფალნი, სამეფო სასახლისა და ტახტის წინაშე მდგომელები, სასახლის წესების მიხედვით განაწესეს.

ამასთან ერთად ეპისკოპოსები და ტაძრები შესაწირავით გაავსო, ეკლესიები ხარკისა და ბეგარისაგან გაანთავისუფლა. მისი მეფობის დროს მინის მუშაკები გააზნაურდნენ, აზნაურები — დიდებულები გახდნენ, დიდებულები ხელისუფალნი შეიქნენ, რაც ჩანს სამგზის სანატრელი თამარის [მეფობის] თერთმეტი წლის აღწერაში. მან დავითის-ეული სიმშვიდით, სოლომონისეული სიბრძნით, ალექსანდრესეული სიმხნითა და დღევანდელი საზრუნავის ხვალისთვის არ გადადებით, დაიკავა [ქვეყანა] პონტოს ზღვიდან კასპიის ზღვამდე, სპერიდან დარუბანდამდე, კავკასიის ამიერ და იმიერ [მცხოვრებნი] ხაზარეთამდე და სკვითებამდე. [თავისი] ცხოვრებით ნეტარების მიმღები იქმნა, რომელიც ისეთ დიდ სიბრძნესა და გონიერების სიმშვიდეს ფლობდა, რომ თავისი გამგებლობის თორმეტი წლის მანძილზე არავის გაროზგვა არ უბრძანებია, ყოველგვარი სისხლის დაღვრისაგან, თვალების დათხრისა და სხეულის ნაწილების მოკვეთისაგან შორს იდგა, მტკიცეების მქონე, შიშისა და ზარის დამცემი, მშვიდობიანი და მშვიდობის მოქმედი, ხარობს და მეფობს თავის სამეფოში და სამფლობელოში. არავის არსად არ უნახავს, რომ მის გარდა ვინმეს ასე უვნებელად და მშვიდობიანად მოეთოკოს ადამიანთა ქედფიცხელობა და ურჩება.

ხოლო სხვა ჩვევების შესახებ, როგორიცაა: გამარჯვებები, საზღვრების მოვლა, მამაკაცებისა და მისი თანატომელების ვაჟკაცობა; ხან რაინდობა და მხედართა ქვეითი წვრთნები და ცხენოსნობა, გმირობად ჩასათვლელი, ხან მშვიდი და წყნარი საუბრები, — თუ რა და როგორი იყო, [ამას] წინამდებარე [თხრობიდან] გაიგებს მკითხველი.

თამარის პირველი ქმარი

კეთილი და ტკბილი პატრონის წყალობა და კეთილგანწყობა ლაშქრისა და რაინდების მიმართ სრული რომ ყოფილიყო, შეიყარნენ [მის ბედზე] დაფიქრებული [ადამიანები] და განიზრახეს გამოსავლის მოძებნა:

ქმრის მოყვანა, რომელსაც შეეფერებოდა, რომ თითქოს ყოფილიყო გმირებისა და გოლიათების, ან „გარეშედ“ ნოდებული ელინების მსგავსად სისხლის დაღვრის, ან გადარეული მიჯნურების მსგავსად ველად გაჭრის დრო

როგორც თამთა — თუმინისთვის,

როგორც ამირანი — ხორეშნისათვის,

როგორც ხოსრო-შანშა — ბანუისთვის,

როგორც მზეჭაბუკი — ხაზართა მზისათვის,

როგორც იაკობი — რაქელისთვის,

იოსები — ასანეთისთვის,

დავითი — ბერსაბესთვის და აბისაკისათვის,

როგორც პელოპი, მხნედ მებრძოლი, იპოდამისთვის, ონომას ასულისა,

როგორც პლუტონი — პერსეფონესათვის,

როგორც რამინი — ვისისათვის,

როგორც ფრიდონი — შაჰრინოს-არნავაზისათვის,

როგორც შადბერი — აინლიეთისათვის.

საჭირო იყო, რომ გამოჩენილიყო ვინმე: ან გმირთა მსგავსი გმირები, ან დიდებული და ვაჟკაცურად მებრძოლი მამამთავრების მსგავსი მამები, ან გარეშეთა (ელინების) მსგავსად შეყვარებულისათვის სისხლის დამნთხვევლნი, ან მიჯნური ლომები და მზენი, ველად გაჭრილნი ამ მზისა და მზეზე უმეტესისთვის, და მათ მიერ მოთხრობილ მზედ და მნათობად აღიარებულეებზე უფრო ბრწყინვალისა და უნათლესისათვის. მაგრამ ვინაიდან ძნელი მოსაფიქრებელი იყო, რადგან ღმერთს ამისი თანასწორი არ დაუბადია და მგონია, რომ არც დაიბადება, გამოჩნდა თბილისის მკვიდრი ვინმე თავადი, მეფეთ-მეფისაგან წყალობით ხელდასმული, ქართლისა და თბილისის ამირა, სახელით აბულასანი, რომელმაც თქვა: „მე ვიცი შვილი რუსთა მთავრის, ხელმწიფე ანდრია დიდისა, რომელსაც რუსთა სამასი მთავარი ემორჩილება. იგი მამის შემდეგ მცირეწლოვანი დარჩა, ბიძის, სავალათ ნოდებულის, მიერ ექსორია – ქმნილი გადმოიხვეწა და ამჟამად ყივჩაღთა მეფის, სევიზჯის, ქალაქშია.“

[37] მას მოუსმინეს და იხმეს ერთი ადგილობრივი დიდვაჭარი ზანქან ზორაბაბელი. იგი ცხენების სწრაფი ცვლით მივიდა [იქ], წამოიყვანა და დათქმულ დროზე ადრე მოიყვანა ლამაზი შესახედავი, კარგი აღნაგობის, გვარიშვილობით მნახველებზე შთაბეჭდილების მომხდენი [ვაჟკაცი]. მისმა მნახველებმა და გამცნობებმა — პატრიარქმა, დიდებულებმა, ვეზირებმა და მეომრებმა — თამარს მოახსენეს და მისი ნებართვის გარეშე ქორწილი მოამზადეს. თამარი გულწრფელი იყო და რჯულის მტკიცედ დამცველი. ზოგიერთები დამნუხრებულები ურჩევდნენ ქმრად ალექსის მოყვანას, რომელიც [მისი] ახლო ნათესავი და მამით ბერძენთა მეფის ძმისწული იყო. ის იმ დროს იქ იმყოფებოდა — და იმის შიშით, რომ ეს არ მომხდარიყო, ქორწინების საერთოდ არ მოსურნემ ითხოვა, რომ ქმრის შერთვისგან გაენთავისუფლებინათ. მაგრამ დედოფალმა და მეომრებმა აიძულეს, ეს გაეკეთებინა და როგორც მისი ოლიმპიური დიდებულებისა და მეფობის ხვედრი და წესი იყო, ისეთი ქორწილი შედგა, შეუდარებელი და იგავმიუნვდენელი, მრავალნაირი სანახაობანი იყო, თვალ-მარგალიტის, ოქროჭედილისა და უჭედელის, სიმდიდრისა და ლარის, შეკერილისა და შეუკერავის ჩუქება და ბოძება. ერთი კვირა გრძელდებოდა სიხარული, გართობა, საჩუქრების გაცემა.

ხოლო მე ამ საწყენ და მიძიმე საქმესაც გაუწყებ: მოსული იყვნენ ოსეთის მეფის შვილები, მშვენიერი და ლამაზი, ღირსეული და ჭაბუკობის განმასახიერებელი მოყმეები, მთხოვნელები: „ღირსი რომ ვიყოთ, [38] [თამარს] მოვენონოთ და ზენა ბედს ვენიოთ!“ და ვინაიდან მათ განზრახვას აღსრულება არ ენერა, უკან თავის მამულში დაბრუნდნენ. ერთ-ერთმა მათგანმა ვერ გაუძლო თამარის სიყვარულსა და სურვილს, ბნედისაგან ლოგინად ჩავარდა და ნიქოზში, წმინდა რაჭდენის საყდარში გარდაიცვალა. იქვე დაკრძალეს.

და სხვა [ამბებს], თუ რამდენი ხელმწიფის ძე, ამაზე თავდავინწყებამდე გამიჯნურებული და გახელებული, თავის სურვილს რომ ვერ ერეოდა, ამას ქვემოთ ნათქვამი ცხად ჰყოფს.

ამის შემდეგ ლაშქრობა წამოიწყეს. რუსთა, და უფრო აფხაზთა მეფე თბილისიდან გავიდა. აღმართეს ძლევა მოსილი და [ბრძოლებში] ნატარები დროშა, წინ წაიძლოლიეს მეფეთა სკიპტრის მფარველი ცხოველმყოფელი ჯვარი. პირველად ყარსისა და კარნიფორის ქვეყანაში გაილაშქრეს და ბასიანამდე მოარბიეს. გამარჯვებულები და

[ალაფით] სავსენი მობრუნდნენ და ღვთივგანათლებულ პატრონთან მოვიდნენ, აივსნენ სიყვარულითა და სიხარულით.

ამაზე უწინ არანისა და გელაქუნის თურქთა ლაშქარი ფარავნისა და ძალისხევად წოდებულ მხარეში მოვიდა. თავდამსხმელთა წინააღმდეგ გამრეკელი კახას ძე გამოვიდა და უძლეველი თამარის ბედის წყალობით, მცირე ლაშქარმა სძლია [მათ] დიდ ლაშქარს, გააქციეს, ამონწყვიტეს და დიდი ნადავლი მოართვეს თვითმპყრობელს.

იმავე დროს მოვიდნენ ცხენოსანი და ქვეითი კარნუქალაქელები, შამელები და გარმიანის თურქები, გაივსო შავშეთისა და კლარჯეთის ქვეყანა. აქეთა მხარეს შეიყარნენ ტაოელი გუზან აბულასანის ძე და მისი ქვეყნის ლაშქარი, ბოცო და მისი მხლებელნი, მიუსწრეს მესხებმა და მარბიელ-მოთარეშეებს იქვე შეებნენ. თამარის ბედმა და სვემ სძლია, იქაც გააქციეს და დახოცეს. იქიდანაც ურიცხვი ტყვე და ცხენი მოასხეს ღვთივგვირგვინოსანი, დღითიდღე აღმატებული და წარმატებული მეფის წინაშე. ამით ხარობდნენ, იშვებდნენ, ნადირობდნენ და ლალობდნენ.

[39] ამის შემდეგ წავიდნენ სარგის და ვარამ მხარგრძელების ძენი, ჩინებული მოყმეები, უფროსები ზაქარია და ზაქარია, დალოცვილნი, და ივანე და სარგისი, დაულოცველნი, და ილაშქრეს დვინის ქვეყანაში. გამარჯვებულებს და ალაფით დატვირთულებს დვინელთა და სურმანელთა ლაშქარი წამოეწიათ. ლომის შემართებას ჰგავდა, ამიტომ საბოლოოდ გააქციეს. გამარჯვებულები და ალაფით დატვირთულები სახელოვნად მოვიდნენ მეფეებთან. მათ წყალობა მიაგეს და მაღლი გადაიხადეს.

ამის შემდეგ გარკვეული ხანი ქვემონი ქვემოთ ლაშქრობდნენ, ზემონი — ზემოთ, შუანი — შუა და ყველგან გამარჯვება და ძლევა რჩებოდათ.

მეფემ, თამარის ბრძანებით, ლაშქარი შეკრიბა და დვინისკენ გაემართა, პართელების ქვეყანა მოაოხრა, ქალაქი აიღო, წამოიღო იქაური განძეულობა, ტყვეები წამოიყვანა და სვებედნიერ და ნათელ-ბრწყინვალე, თვალ-დაუღამებელ და დღე-მარადიულ, სულისა და სხეულის სანადელ და საშვებელ თამართან მოვიდა.

ზოგჯერ ლაშქრობებისგან ისვენებდნენ და მომლხენნი ჩვეულებისამებრ იმერეთის ქვეყანაში გადადიოდნენ. ზოგჯერ შირვანის საზღვრამდე ჩადიოდნენ. შარვანშა დიდი საჩუქრითა და ძღვენით მოდიოდა, ერთად ნადირობდნენ მინდვრებში და მხიარულები ისევ

გაიყრებოდნენ. საბოძვარს მრავლად უბოძებდა და ძმური პატივით გაისტუმრებდა. ისიც ყმასავით მონურად ემორჩილებოდა და ემსახურებოდა.

ამის შემდეგ დიდძალი ლაშქარი შეკრიბა და დაიძრა გელაქუნი-საკენ, რიმელთანაც ბრძოლა ძალიან ძნელი იყო თურქმანთა ზღვის ქვიშასავით სიმრავლის გამო. თავს დაესხნენ, ამონყვიტეს, ხელთ იგდეს დიდძალი ტყვე და ნადავლი. წამოსულებს გელაქუნის მთელი თურქმენობა წამოენია სირიელი დიდებულების, როსტომისა და [40] იალღუზ-ალფესის, წინამძღოლობით, რომელნიც იმ დროს თავისთან ჰყავდა ყიზილ-არსლან ათაბაგს. და როცა საბრძოლო წყობამ და რაზმმა ერთმანეთს შეუტია, თამარის მოყმეებმა თავისი აჩვენეს, მოხუცი ახალგაზრდას უსწრებდა და ახალგაზრდა — მოხუცებულს, პატრონი — ყმას და ყმა — პატრონს. გააქციეს, ამონყვიტეს და დახოცეს. და თავიანთ სამეფოში მოვიდნენ, მთელი აღმოსავლეთისა და დასავლეთის, ჩრდილოეთისა და სამხრეთის მეფისა და დედოფლის წინაშე.

ამის შემდეგ, ასათ გრიგოლის ძის მიწვევით დიდი და სასახელო ლაშქრობა მოაწყვეს განჯას ქვემოთ ბელაქანამდე, შემდეგ — არაქსის ზემო პირას მასისამდე. იქაც, დიდი ლაშქრის დევნისას, თავი ისახელეს ამ სამეფოს ბუმბერაზებმა: მსახურთუხუცესმა ვარდან დადიანმა, ოთხივე მხარგრძელმა და სხვა დიდებულებმა და აზნაურებმა, თითონ მეფის დასწრებით, დიდი და მძიმე ომი გადაიხადეს, გააქციეს და იქიდანაც გამარჯვებულები და სიხარულით აღსავსენი დაბრუნდნენ.

ამგვარი მშვიდობის, გამარჯვებისა და ზეობის დროს თავი იჩინა ყოვლად უცხო და უმსგავსო, კაცის გონებისათვის შეუფერებელმა და დაუფერებელმა საქმემ: სვე-უბედური რუსის, სკვითად წოდებულის, გულში სატანამ დაიბუდა, ხელმწიფეთა მზეს და მეფეთა ელვა-ცისკროვნება თამარს სანყენი სიტყვებით მიმართავდა. თავისი თავის იუდად მყოფელმა არ იცოდა, რა ექნა. დამარცხებული და შვიდ სულზე უბოროტესი პირველი [სულის] მიერ დამონებული, სოდომურ ცოდვასაც აჰყვა, ქცევით [41] დაქცეულ-განადგურებული და წარწყმედით წარწყმედილი. თამარ წყნარი და წარნარი, საზრიანი და გონიერი ითმენდა ამ უცხო და ურიგო საქმეს. ასე გრძელდებოდა ორი თუ მეტი წელი უცხო განსაცდელის მოთმენაში.

როგორც კი ვეზირებმა და დიდებულებმა ეს გაიგეს, შეწუხებულებმა ერთხმად დაასკვნეს, რომ ეს ძველი მტრისაგან მოდიოდა, რომელმაც

ძმას ძმა მოაკვლევინა, მამას — შვილი და პირველი ადამიანი სამოთხი-
დან გამოაძევა, როგორც ახლა ამ ხილული სამოთხისა და უბრწყინ-
ვალესი ედემიდან შეუმზადებია გამოძევება, რადგან ძველი ხაკან სკვი-
თის მსგავსად მოსდგომია მას. იქ თუ იგი ქალაქთა დედოფალს მოადგა,
აქ ეს — დედოფალთა-დედოფალს და მეფეთა-მეფეს. ბოლოს, რაკი არ
ენდობოდნენ ემმაკთამსახურებისაგან დაუძღვრებულს [გიორგი რუსს],
ჯერ კიდევ მოწყალე და განურისხებელმა თამარმა ცრემლების ღვრით
გააძევა, მაგრამ აურაცხელი ლარი, სიმდიდრე და განძი [გაატანა]. ის,
ვინც სიკვდილს იმსახურებდა, არავის დაანება სასიკვდილოდ, მზეებრი
სიუხვით არავინ მიუშვა, რომ ის გაეძარცვათ. ნავში ჩასვეს და ზღვით
კონსტანტინოპოლში ჩავიდა. გარკვეული დრო იქ იმყოფებოდა.

[42] ამის შემდეგ [თამარის] უფრო და უფრო მეტ, უკეთეს და უკეთეს
ხელისუფლებასა და ხელმწიფობაზე აღაპარაკებს ყოველ უცხოელს
საუფლო ხელი და მაღალი მკლავი, ბრძოლებში დამხმარე და გამარ-
ჯვების მომპოვნებელი, მის მამა-პაპათაგან, მით უმეტეს, მხოლოდ
ბედზე მინდობილი წარმართებისაგან განსხვავებული ბედი და სვე.

მას ძღვენს აძლევდა ყველა მეფე აღმოსავლეთიდან დასავლეთამდე,
მისთვის კარგავდნენ ქუთას მისი სახებრწყინვალეების შესახებ ამბის
მცნობელნი. ბერძენთა მეფის მანუელის შვილი, პოლიკარპოს მოყმე,
ყველაზე ადრე გაიჭრა და გახელდა [მისი სიყვარულით], ანდრონიკეს
თავისი მეფობისა და ბერძენების ამონყვეტის დროს რომ არ შეეპყრა
და არ დაესაჯა იგი. მსგავსი იყო ასურეთისა და შუამდინარეთის ან-
ტიოქიის მეფის შვილი, მას რომ შესძლებოდა სხადასხვა ბარბაროსებს
შორის გზის გაკვალვა, წამში აქ აღმოჩნდებოდა. კიდევ, სულთან
ყიზილ-არსლანის ერთი შვილთაგანი, [თამარის] ამბის სმენით გადარ-
ეული, ძლივს დააკავა მამამ, რადგან ეშინოდა, რჯულს შეიცვლისო.

ხოლო ახლოს მყოფებს იმგვარი ტრფიალება ჰქონდათ, რომ უღირ-
სებს თავიანთი უღირსობის რიდი და სირცხვილი არ ჰქონდათ, არც
ნათესავეებს — ნათესაობის რიდი. როგორც მზის შუქი აშუქებს ციდან
მიწიერებს, რომ მას უჭვრიტონ, ისე თამარის ხელმწიფობის შუქის
ნათელი-ბრწყინვალეობა მიწიდან ეფინება ცის გუმბათს.

[43] ამის მცნობელი სალდუხის ძის ძე, სახელად მუტაფრიდანი,
მშობლების უნებართვობის არად ჩამგდები და მაჰმადის სიამეთმოყ-
ვარეობის რჯულის უარმყოფელი, [მაჰმადისა], რომელმაც ადამიანე-
ბის მიზიდვით თავის ნებაზე უმოძღვრა ადამიანებს ეს ნუთისოფელი,

სურვილით და ტურფა გარეგნობის გაგონებით ძლეული, თვითმფლობელის, ყველა მეფეზე უზენაესის, თამარის წინაშე მოვიდა თავისი სამფლობელოდან დიდი ლაშქრით, მრავალი დიდებულით, ხოჯათი და საჭურისით, მონებით და მხევლებით, ბარგითა და სიმდიდრით, სახელმწიფოებისთვის საკმარისი ძღვენით, თვალ-მარგალიტთან, საგანძურთან და ლართან ერთად ავაზებისა და ტაიჭების სიმრავლით. ხელმწიფის სახლის წესის შესაბამისად, დიდებულები პატივითა და სიყვარულით მიეგებნენ, სამეფო სასახლეში მოიყვანეს. მისი პაპა, სალდუხ ეზდინი, ამის პაპას დემეტრეს, დიდსა და სახელგანთქმულ ხელმწიფეს, გორგასლიან ჭაბუკს, ოდესღაც ძალით და დიდი გარჯით ხელში ჩაეგდო და მოეყვანა. ამჟამად ამან [თამარმა] სიტყვით, და შესაძლოა, სიტყვის ღირსების გარეშე, მოიყვანა, როგორც მოხარკე მონა. ნელა, მშვიდად და ხანგრძლივ უმასპინძლა [მას], რომელმაც ნახვისთანავე რამინის მსგავსად ცრემლთა ნაკადი გადმოადინა. პატივით დასვა სელის სკამზე და შეიქნა ენით უთქმელი მხიარულება, როგორც შეეფერებოდა ამ სახლის დიდებული მოყმეების ნადიმსა და ენაწყლიანობას, მრავალგვარი სანახაობის, მომღერლებისა და მოთამაშეების განწყობილებას. უამრავი იყო ძღვენი, საბოძვარი და შესამოსელი. ამგვარ სიყვარულში, პატივსა და ბოძებაში ზამთარი სომხითში და თბილისში გაატარა. ძალიან მოსწონდა სანადირო ადგილები და თავად პატრონის მოყმეები [44], რომლის სიკეთის შესახებ საუბარი კაცთაგან შეუძლებელია. გაზაფხულის პირზე წაიყვანეს და სანადირო ადგილები, მინდვრები, მოედნები და კახეთისა და რანის ქვემო მხარეები აჩვენეს. რანის დიდებული მოყმეები და მოლაშქრეები, რომელთაც ეს ყველაფერი მოსწონდათ და აქებდნენ, ერთობოდნენ, ხარობდნენ, ადიდებდნენ და ელოდნენ თავიანთი უკვდავ-ქმნილი პატრონის [გადანყვეტილების მიღების] დროს.

ვინაიდან ლალი და ამაყი თამარი შეუფერებელ შესატყვისობაზე ამალდა თავისი გონების ფრთოვანებით, სამეფო ქალაქში შემოსულებმა მისი ტრფიალის ქედმაღლობა მოთოკეს. სელჯუკიანის შვილი საულის საპირისპირო მდგომარეობაში აღმოჩნდა: მან მამის სახედრების ძებნაში მეფობა ჰპოვა, ამან მეფობის და ზესთა მეფეთა მეფობის მძებნელმა, ჰპოვა ის, რაც საულის დანაკარგს შეეფერებოდა.

იყო ვინმე ხარჭის ნაშობი, თითქოს მეფის შვილად აღიარებული. მთქმელებმა, ამაო რომ არ ჰგონებოდათ, უფრო მეტიც, გამაუქმებლებმა, ქორწილი გადანყვიტეს, შერთეს და სახელოვანი ქორწილი

გადაიხადეს. მრავალნაირი სამოსი უბოძეს, ცხენები და აკაზმულობა სხვა საქონელთან და სიმდიდრესთან და ლართან ერთად და თავის სამყოფელში, არზრუმში, გაგზავნეს, მაგრამ როგორი ცრემლითა და გლოვით, კაცთა ენით არ ითქმის.

ამის შემდეგ, ვითომდა სტუმრად, მოვიდა აღსართან შარვანშა, რომელიც სიყვარულისაგან გონებიდან იყო გადასული. ისლამის ძველი და ახალი რჯულის მიხედვით [45] თავისი გვარისგან განდგომილი, თავისი რჯულის უარსაყოფად გამზადებული, აურაცხელი ქრთამის ფასად ევედრებოდა ყველა თანამდებობის პირს, მოძღვარს და კათოლიკოსს. მაგრამ, მართლაც, ამაო და უკეთური ხდებოდა ეშმაკის ზრახვა, რადგან თამარს მტკიცე და თავის ზენაარ ბედს მინდობილი სული ჰქონდა, და გონება, სიტყვის მშობელი, იმ უმაღლესი გონების მიმართ ჰქონდა მიპყრობილი და მეფურად იღებდა ღვთის სიტყვის შვიდნილ განწმედელ ტაძარს. ყველას, ეშმაკისაგან დამარცხებულს და [საეშმაკო] საქმისათვის წამქეზებულს, სატანის მზაკვრობის მიმდევარს, არცხვენდა. როგორც შეეფერებოდა, ისეთი პატივით გააგზავნა [იგი] და დიდ ძღვენთან ერთად თბილად დაარიგა: „კვლავ ნუ ინებებ ამგვარი რამის თქმას“.

მეორე ქმრის ამბავი

მატულობს თამარ სვებედნიერი ხელმწიფის ზარ-ზეიმი, მოყმეები ლაშქრობენ, მთასა და ბარში არის გამარჯვება, სიხარული, სიყვარული, შვება და ნადირობა, მაგრამ გულშემატკივარნი ნუხდნენ და განიცდიდნენ უმომავლობას და შვილის არყოლას. და სანამ შვიდივე სამეფო საქმის ამგვარ შეჭირვებას შეეპყრო, ღვთის განგებით, რომელიც მდაბალთ აამაღლებს და თავხედებს შემუსრავს, რომელიც წმიდა სახარებაში ამბობს: „არა რომლებმაც მე გამომარჩიონ, არამედ რომლებიც მე გამოვირჩიე,“ იპოვეს გზა, და როგორც დავითი, რომელსაც გამოჩენა მოუნდა, ამბობს: „ყველაზე პატარა ვიყავი მე ჩემ ძმებს შორის და უმცროსი მამიჩემის სახლში. ხოლო თვითონ უფალმა ინება და მცხო ზეთი თავისი ცხებისა“, და შემდეგი.

დედოფალ რუსუდანის სახლში იყო მოყმე, შთამომავალი ეფრემის ძეთაგან, რომლებიც ოსები არიან, ბრძოლაში შემმართველი და ძლიერი

ვაჟკაცები. იგი დედოფალ რუსუდანს, ვინაიდან მისი ნათესავი იყო მამის დის, დავითის ასულის, ოსეთში გათხოვების შედეგად, აღსაზრდელად თავის სახლში მოეყვანა. იქ მიმავალ-მომავალნი ხედავდნენ, რომ მოყმე ფერ-სახით მშვენიერი, ბრტყელ-ბეჭიანი, სახით ლამაზი, ტანად ზომიერი იყო და ორივე გვარის მხრიდან ხელმწიფობისთვის [შესაფერისი].

სამეფოს მკვიდრებმა შეჰკადრეს და მოახსენეს დედოფალ რუსუდანს, თუმცაღა მისი ნებაც იყო. მისი დახმარებით ვეზირებმა და დიდებულებმა მოახსენეს და ვედრებით მიმართეს თამარს და უთხრეს შემდეგი: „ზენა განგება რომ არ იყოს მის ქმედებაში, თქვენი მეფობა ხედავს, თუ რამდენგზის რამდენი მოყმე, ბერძნების და რომაელების, სულთნებისა და სკვითების, სპარსელების და ოსების ხელმწიფეთა შვილები ცდილობდნენ, მაგრამ სამართლიანად ჩაიშალა, რადგან შეუძლებელი იყო [ეს მომხდარიყო] საუფლო ბრძანების გარეშე.“

[47] მაშინ თამარმა, რომელიც მშობლის დარად ენდობოდა თავის მამის დას და მისგან დიდ წყალობამიღებულ ლაშქარსა და მეომრებს, ბრძანებით თქვა: „ღმერთია ჩვენი მონამე, რომ არასდროს არ ყოფილა ჩემი გული ქმრის მონადინე, არც ადრე და არც ახლა. ჩემი უმომავლობა რომ არ ემუქრებოდეს ტახტს, რომელიც პირველად ღვთის მიერ და შემდეგ მშობლების მიერ არის ჩემთვის რწმუნებული, ახლაც ამის მთხოვნელი ვარ“.

არ მოეშვენ და დედოფალს შეჰბედეს. წავიდნენ იმიერი და ამიერი დიდებულები, წამოიყვანეს დედოფალი და მისი გაზრდილი დავითი, ღვთის რჩეული და თბილისის სანახებში დიდუბის სასახლეში მოვიდნენ. იქ გადაიხადეს მათი ხელმწიფობისა და ამაღლებული სახელის შესაფერისი და საკადრისი ქორწილი. დედოფალი რუსუდანი, ყოველგვარი სიბრძნითსავსე, მოქმედებდა: აქეთ [თავად] ბაგრატიონი, ბაგრატიონთა ამაღლებული გვარის შესაფერისად აწყობდა სახლის [დარბაზებს], ქვემოთ, ხორასნისა და ერაყის სულთნების რძლობის შედეგად გაცნობიერებული, იქაურ სანახაობასა და გართობას აწყობდა. გაღალტებულნი ხარობდნენ, გლახაკები მდიდრდებოდნენ, იყო მგოსნებისა და მოთამაშეების შეჯიბრება, სანახაობათა მჭვრეტელი ხალხის სიმრავლე, და ამასთანავე სანახაობათა შესრულება. მოსაყოლად შეუძლებელია, თუ როგორ ბედნიერებაში, სვიანობაში ბედნიერი და გამარჯვებული იქნა [48] თამარის დღეკეთილობა დავითიან მოყმესთან, დავითთან, ერთად. ამას გაიგებ წინამდებარე პირდაპირი მოთხრობებით.

დავითმა ერთი წლის მანძილზე გაუსწრო ყველა მშვილდოსანს, ცხენოსანს, მოცურავეს, მოასპარეზეს, მწიგნობარსა და ხელთ საქმეში ყველა განაფულს. რომ როგორც დღეს ჩანს, [ქვეყნის] შიგნით ვინ იყო მისი მასწავლებელი ან თანამოსწავლე? ხოლო თუ უცხო ქვეყნიდან მოსულა, მისებრი არავინ არ გამოჩენილა.

მშვიდობისა და მათ მიერ მტრების დამარცხების შემდეგ, ერთხელაც [თამარმა] შეიტყო, რომ ძნელბედი და უბედური რუსი კონსტანტინო-პოლიდან წამოსულა და ეზინკის ქვეყანაში, ქალაქ ყარსში მოსულა.

იმჟამად მეჭურჭლეთუხუცესის შემცვლელი, რჯულით ბარბაროზი და ქცევით ტარტაროზი, კეთილი და აღერსიანი პატრონების მიერ გალადებული, გარკვეული საქმისთვის მოციქულად გააგზავნა. და ქალაქ ყარსში მისვლისას, რუსი და იგი ერთმანეთს შეხვდნენ. შეუერთდნენ იქაურები, რათა რუსი სასახლეში დაებრუნებინათ. მისგან სარგებლის მიღების მოსურნენი შეევედრნენ ამ დიდ მოციქულს, რომელიც აქედან იყო წასული. მაშინ გაიგეს ამ სამეფოს მკვიდრებმა, და უფრო კი — ეშმაკმა, რომელიც ყოველთვის იბრძვის, როგორც ადამიანთა გულების სიცრუე დავითის გაოცებას [ინვევს], რომელნიც მისი მეფობის თანამოზიარე და მისგან უხვი და გულითადი წყალობით სავსე იყვნენ, იმათაც ჩაიდინეს ყველა ძველსა თუ ახალზე უბოროტესი საქმე. [49] ამ სამეფოში თუ ვინმე ნებსით თუ უნებლიეთ პატრონებს განდგომია, ქვეყნის დასაბამიდან არსად არავის უნახავს ის წარმატებული და გამარჯვებული, მაგრამ ეგრეც მომხდარა თავისიანებისა და ნაშიერების, ამ სახლის შვილებისა და ძმების მიზეზით. მაგრამ ეს საიდან და როგორ?

პირველად გუზანი შეუერთდა, კლარჯეთისა და შავშეთის პატრონი, რომელიც პატრონს ძველი მეფეების, ტაოელი დიდებულების ადგილას ჰყავდა გამწესებული. აქედან — ბოცო, სამცხის სპასალარი, ყოველგვარ ზომაზე მეტად შეწყალებული, სხვა მესხ დიდებულებთან და აზნაურებთან ერთად, ივანე ციხისჯვარელის გამოკლებით, რომელსაც ყვარყვარესაც უწოდებენ. იგი თავის სამფლობელოში გამაგრდა, როგორც შეეფერებოდა მას, რომელსაც ახსოვდა სულას ერთგულება, რომელიც მან ბალვაშის წინააღმდეგ გაუწია ბაგრატს. ვარდან დადიანი, მსახურთუხუცესი, პატრონი ლიხს აქეთ ორბეთისა და კაენისა, ლიხს იქით ნიკოფსიამდე — უდაოდ დიდი ქონებისა. თვითონ მაგარ და მტრებისგან მიუვალ ქვეშის ციხეში იმყოფებოდა. იგი, თითქოს პატრონის სურვილით, რალაც პატარა [საქმისთვის] წავიდა და გეგუთში მივიდა. შეკრიბა მთელი

სვანეთი, აფხაზეთი, სამეგრელო, გურია, ქვემო იმერეთი, რაჭა, თაკვერი და არგვეთი. შეიერთა სანიგები და ქეშიგები და დიდებულები და ქვეყნის ლაშქარი დააფიცა, რომ რუსს გაამეფებდნენ და მას მეფედ გახდიდნენ.

ქვეყნის ლაშქარი გააგზავნა და გუზანთან მივიდნენ. იქიდან რუსი წამოვიდა [50], შეიკრიბნენ და სამცხეს მიაშურეს. მიეგებნენ ბოცო და მისი მომხრენი. მთა გადაიარეს და გეგუთში ჩავიდნენ. ო, დიდი და ადამიანის გონებისთვის წარმოუდგენელი საშინელება! ვინ ან ვისი ტახტის მოზიარე უნდა დაჯდეს დავითიანის ტახტზე?

მაშინ ქალაქში მყოფი თამარი, წარმოუდგენელი და უაზრო საქმით გაკვირვებული, პირველად, ჩვეულებისამებრ, ზენა წყალობას შეევედრა და ბრძანება გასცა თავის ერთგულ ერისთავებზე, ვინც შეიკრიბნენ სპასალარები და დიდებულები ჰერეთიდან, კახეთიდან, ქართლიდან, სომხეთიდან და სამცხიდან. მომხდარით გაკვირვებულებმა ფიცით შეჰკადრეს, რომ ეს საქმე მათი ნებართვის გარეშე იყო მოწყობილი და როგორც კი დააჯერეს, რომ ყველაფერი მათ გარეშე მოხდა, მძაფრად გამხნევდა მათი გულები ერთგულებისა და თავგანწირვისთვის. თვითონ თამარი მეუფებრივი ძალაუფლებით და ოქრონექტარი სიტყვებით მრავალჯერ ცდილობდა მცხოვრებლებისაგან ჭეშმარიტი მიზეზის დადგენას. ხან თევდორე პატრიარქს და ანტონი ქუთათელს, რომელიც იმ დროს მხოლოდ ერთადერთი, თვით სისხლის დაღვრამდეც კი, დარჩა მისი ერთგული ლიხთ-იმერეთში, და სხვა ეპისკოპოსებს აგზავნიდა, ხან — შინაურ ევჯიბსა და მესტუმრეთუხუცესს, მაგრამ მათგან ვერაფერს ვერ იგებდა.

მაშინ შეიკრიბა ღვთის წინააღმდეგ მეზრძოლთა კრებული, აიღეს მახვილები და ლახვრები და გამოემართნენ ღმერთშემოსილი პატრონის წინააღმდეგ. მათი ნახევარი იმასთან ერთად, ვისი გამეფებაც უნდოდათ, [51] ლიხის მთიდან გადმოვიდა. ამოწყვიტეს და ააოხრეს ქართლი და ნაჭარმაგევამდე და გორამდე მოვიდნენ. მეორე ნახევარმა, დადიანის წინამძღოლობით, რკინისჯვარი გადაიარა, ციხისჯვარში ჩავიდა და ქალაქი ოძრხე დანვა. იქ შეიყარნენ ბოცო და მესხები, ვინც მათი მომხრენი იყვნენ. ღმერთის უკითხავად ამგვარი საქმის ჩამდენებმა, შვილების მზეგრძელობას უხმეს. გადაწყვიტეს პირველად ჯავახეთის, თმოგვისა და ახალქალაქის აღება, შემდეგ თრიალეთისა და სომხეთისა, რადგან ქურდვაჭრის იქით მთელი სომხეთი გამდგარი იყო: გაგის პატრონი ივანე ვარდანის ძე; კაინონის პატრონი მაცა (კაე-

ნი თითონ ვარდანის [საკუთრება] იყო), სხვა მისი ქვეყნის აზნაურიშვილები, გარდა ზაქარია ვარამის ძისა. იგი ერთგული კაცი და გამოცდილი ჭაბუკი იყო. ყველა ამათ აგარაში შეყრა დათქვეს და იქიდან მათი და ზემო-ქართლში მყოფთა ქალაქის კარებთან მოსვლა, სადაც იმყოფებოდა მზეთა მზე, ნათელთა ნათელი, უმანკო ტარიგი, ქრისტეს მსგავსი, მშვიდი, დავითიანებრი გონებით ზენა განგებას მინდობილი და მისი გულმონყალე წყალობების მოიმედე [თამარი].

ამირსპასალარ გამრეკელს, ოთხ მხარგრძელს და სხვა თორელებს, ზემოურებს და ქვემოურებს უბრძანა წასულიყვნენ და ჯავახეთის მხარეში წინ შეგებებოდნენ [მტერს], იქვე ეცნოთ მათი ძალა, უფრო კი ღმერთის მართლმსაჯულების ძლიერება. მივიდნენ მტკვართან, რადგან ისინიც იქ მოსულიყვნენ. შეუერთდნენ მის ერთგულად დარჩენილი მესხები. აქეთ ესენი, მტკვართან მისულები, და ისინი იქიდან ხიდზე შეიბნენ.

[52] შეიქნა ომი და სროლა. იმ დღეს დაღამებამ და წყალში ყოფნამ გაჰყარა [მებრძოლები]. როცა დაღამდა, შეიყარნენ და მოითათბირეს: „ვხედავთ, რომ ამათი ლაშქარი მხეცებივით იბრძვის, ვინაიდან შებმის ძალა და ღონე არა გვაქვს, სიმაგრისაკენ გავეცალოთ და იქიდან ვეცადოთ თავდასხმასა და გამარჯვებას“.

სიმაძაცის მომნიჭებელმა [ღმერთმა] თამარის ლაშქარს ამცნო, დაუყოვნებლივ შეებოდნენ და ედევნათ [მტერი]. ხიდი გადაიარეს და მიაშურეს მთას, სახელით ტორნაძიას, რომ რაიმე სიმაგრე ენახათ. იქ ვერ გაჩერდნენ, გაერიდნენ და ნიალის ველს და ხინგრისის წყალს მიაღწიეს. თმოგვსა და ერუშეთს შორის ატყდა ომი, როგორც იმიერ და ამიერ მოყმეებს შეეფერებოდათ, რომელიც ძველი გოლიათებისა და ჭაბუკების ომს მოგაგონებდათ, რომლებზეც ცვიოდა წვეტიანი და გაღესილი ისრები, [იდგა] ხმლების ტრიალი და შუბების ხეთქება. ომი გაგრძელდა, თამარის ბუმბერაზებმა და მოყმეებმა გაიმარჯვეს, ზოგი გაქცეული შეიპყრეს, დახოცეს და დაატყვევეს. ამათგან არავინ არ მომკვდარა, არც დაჭრილა, გარდა იმისა, რომ დაიჭრა ივანე სარგისის ძე.

მხიარული სახითა და გაბრწყინებული გულით მობრუნდნენ. [მოწინააღმდეგების] ვედრებისა და აღთქმის შემდეგ, რომ პატრონს არას დაუშავებდნენ, თავისუფლება მისცეს და არ დევნეს. მოვიდნენ ღვთივგვირგვინოსან მეფესა და მეფეთ მეფესთან. [მან] ღმერთს ჯეროვანი მადლობა შესწირა და გაბრწყინებული სახით, ალერსიანი თვალებით და მინდობილი [53] გულით მოინახულა თავისი მოყმეები.

ვინაიდან გაიგეს ეს ამბავი მახარებლის, სარგის ვარამის ძის, მოსვლამდე, მასთან მყოფებმა თვით ჭიაბერ მანდატურთუხუცესმა, ჰერელებმა და კახელებმა, დიდებულებმა და აზნაურებმა, ყიფჩალების შემომატებით და შეკრებილმა ქართლის ერისთავებმა და ქართველმა დიდებულებმა დავით სვებედნიერი მეფის წინამძღოლობით, გადანყვიტეს თავდასხმა ქართლში მყოფებზე, რომლებთანაც ერთად იყო ზოგი ქართველი, მთელი კავკასიისა და მთიულეების დიდი სიმრავლე.

მათ როგორც კი გაიგეს ზემო ლაშქრის ამონყვეტა და გაქცევა, სასწრაფოდ გადანყვიტეს გადასვლა. მობრუნდნენ და თამართან მოვიდნენ და თხოვეს სომხიტიდან გასვლა და აღუთქვეს მისი მეფობისაგან განდგომილებთან და ურჩებთან შებრძოლება. ქრისტემოსილი ხელმწიფე, ღმერთის აურაცხელ წყალობას შეჩვეული, დათანხმდა.

ესეც იცოდეთ, რომ ღვთის შეგონებათა სივრცე ფრიად დიდია, რადგან კეთილ და სიკეთის მრწმუნებელ ადამიანებს სიკეთეს მიუვლენს სასწაულებრივი მინიშნებით და გამარჯვების მინიჭებით, რადგან კეთილი სულისთვის ღვთისმოყვარეა და მისი ახლობელი, როგორც ამბობს ბერძენთა მჭვრეტელობა-მოძღვრების სინათლე პლატონი: „სიკეთე კეთილთათვის არის სიკეთე, ხოლო იგივე სიკეთე ბოროტათვის ბოროტებაა“.

ხოლო ახლა საჭიროა და უფრო მეტად გააზრება, რომ ნათქვამი არ დავივიწყოთ და ზენა წყალობანი განვჭვრიტოთ, რათა ამგვარი წყალობების უღვეველობით დავხუჭოთ თვალი.

[54] ხოლო როცა განდგომილებმა შეიტყვეს ღვთის მიერ მათი ახლობლების შერისხვა, ზოგმა ციხეები და სიმაგრეები, და უფრო ადრე, რჯულისმიერი [წესები] მიატოვა, რადგან ასეთი უმგვანი საქმე იკადრეს თამარის მიმართ. ზოგი ყელზე თოკ-მობმული მოვიდა, ზოგმა თავისი ბიძა მოკლა და ასე მოვიდა. იქაც ჩვეულებრივი გამარჯვება მოხდა: უკან დაბრუნებული იდგა აგარათა ტყეში, მონადირე და მონადიმე, მხიარული და ერთგულებისა და ახლობლების შემწყალებელი.

წყალობა უყო ზაქარია ვარამის ძეს და უბოძა გაგი ქურდვაჭრიდან განჯამდე, ქალაქები, ციხეები და სოფლები: მრავალი — საკუთარ მფლობელობაში, მრავალი — სანახევროდ. წყალობა უყო ივანე სარგისის ძეს და უბოძეს მსახურთუხუცესობა, სამეფო სასახლის საპატრიო თანამდებობა, და კენი და კაინონი გელაქუნთან და სხვა მრავალ ხარკის მომცემ ქალაქთან და ციხესთან ერთად. შეინყალებს და დალო-

ცეს სხვა მრავალი დიდებული. მობრუნდნენ და გამოემართნენ თავიანთ სასახლეში და კარ-მიდამოში, ნაჭარმაგევში.

ლიხთ-იმერელმა დიდებულებმა მოინანიეს შეცოდებანი და შენდობა ითხოვეს, ითხოვეს ცხოველი ხატები და თვითონ დედოფალი რუსუდანის, კათოლიკოსის, მანდატურთუხუცესისა და სასახლის სხვა ეპისკოპოსების მათთან ყოფნა. გადმოვიდნენ სვანი დიდებულები და მოხევეები და გადმოიყვანეს მეფე-ყოფილი რუსი. დედოფალმა მტკიცე აღთქმა მისცა, რომ უპირველისად, რუსს უვნებლად გაუშვებდა და შემდეგ, იმ დროს დაშვებული შეცოდებისთვის არას მოკითხავდა. დედოფლის წინამძღოლობით ნაჭარმაგევში მოვიდნენ და რუსი, ივანეს მინდობილი, წავიდა, თავის სვეუბედურ გზაზე გაემართა. შეიქნა მშვიდობა, სიხარული და ერთობა ისეთი, რომელიც არავის არსად არ ეხილა.

[55] „ერთად ძოვდნენ ლომი და ხარი, ვეფხვი თიკნებთან და მგელი ცხვართან ერთად ხარობდა“. თამარის სახელი მთელ ქვეყანაში განდიდდა. დავითი ალექსანდრეს ბედის [მქონე] თამარის ბრძანებითა და რჩევით ლაშქრობდა და ზეგარდამო [ძალების] შეწევნით იმარჯვებდა.

ამ დროს გარდაიცვალა ამირსპასალარი გამრეკელი. მის შვილებს არაფერი დააკლეს, გარდა თმოგვისა. ამირსპასალარობა უბოძეს ზაქარია მხარგრძელს, სარგის ამირსპასალარის ძეს, სომეხთა მეფის ადგილზე მჯდომს, ლორეს პატრონს, სპასპეტობის ღირს მოყმეს დამატებით ქალაქი რუსთავიც მისცეს. ჭიაბერ მანდატურთუხუცესს დამატებით უბოძეს ჟინვალი, ქალაქი და ციხე, მთიულეთის დიდ ნაწილთან ერთად. წყალობა უყო სარგის ვარამის ძეს, დალოცეს და უბოძეს თმოგვი. ქვემო ნირქვალელები, ზარტიბის ძენი, გრიგოლოს ძენი, ჭიაბერის ძენი და მახატლის ძენი და კახეთის თავკაცნი, თორღას ძენი — თითოეულს თავის წესისამებრ წყალობა უბოძეს: ზოგნი — ახლად დალოცვით, ზოგნი — [მამულის] მიმატებით. ასევე ქართლელები, სომხითარები, თორელები, მესხები და ტაოელები.

გუზანმა, რომელმაც ადრეც წაიწყმიდა თავისი თავი, ახლაც დაიპყრო ტაოსკარი, ვაშლოვანი და სხვა მრავალი ციხე და შაჰარმენის ქვეყანაში წავიდა. [მასთან] სამძივარიც [წავიდა] სხვა აზნაურიშვილებთან ერთად, რომლებთან იყო მეღვინეთუხუცესიც, რომელიც თავის თავს კლარჯეთისა და შავშეთის მემკვიდრედ თვლიდა. კოლას მთაზე გავიდნენ. წინ მოეგებნენ ზაქარია ფანასკერტელი და ძინიელები, კალმახელები, შესანიშნავი და პატრონის მიერ შეწყალებული მოყ-

მეები. რომ შეიყარნენ, გაიგეს, რომ გუზანის შვილი და შაჰარმენის ლაშქარი მისულიყვნენ გუზანის ცოლისა და შვილის ნასაყვნად და ციხეებში თურქების დასაყენებლად. [56] თუმცა [მონინაარმდეგების] ლაშქარი დიდი იყო და თორმეტი დროშის ქვეშ იდგა, ხოლო ესენი — მცირე რაოდენობის [იყვნენ], მაგრამ ახსენეს ქრისტეს რჯული, თამარის ბედი და სამართალი, და შეებნენ. მათი სიმრავლისა და დარაზმულობის გამო ძალიან გაუჭირდათ ომის წარმართვა. ბოლოს ისინი გააქციეს, ამონყვიტეს, გუზანის ცოლ-შვილი ხელთ იგდეს. უკან დაბრუნებულებმა აიღეს ციხეები და სიმაგრენი. ქვეყანა უკან დაიბრუნეს და თამარის წინაშე მოვიდნენ, რომელმაც წყალობის ნათელი მიჰფინა და მათი სიმხნისა და გამძლეობისთვის მადლობა გადაუხადა. მოყმეებმა სახელი მიიღეს, პატრონებმა — სარგებელი.

ღვთის ამგვარ წყალობათა შორის ორი კარგი საქმის გამჟღავნება გამომრჩა: ლოცულობდნენ მთხოვნელნი ღვთისა და ხატების წინაშე პირმშოთა ძლიერებით მომგონებელნი. ხოლო ვინაიდან წყალობას მოგვრის „დამრეკავს გაღებით, მთხოვნელს ბოძებით, მეძიებელს პოვნით“, როგორც ეს შეემთხვა სარას, გინდა რაქელს, ან ელისაბედს და განსაკუთრებით, ანას, და გაგბედავ, მარიამს, თამარი, განწმედილი გონებით და სხეულის სანთლით ღვთის ტაძრის აღმბეჭდველი, მხურვალე გულით და განათლებული სულით, დაფეხმძიმდა. ტაბახმელის ბეთლემად გადამქცეველმა იქ შვა ძე, ღვთის ძის დარი [57], სახელად თავისი ახოვანი მამის, გიორგის, სახელი უწოდა. რომლის სახით უკვდავთა ნაწილის ყვავილი აგვიყვავილდა.

სამებით სრული ღვთის ამგვარ ყურადღებას, თამარის პირველ დაფეხმძიმებას და გორგასლიანი ძის დაბადებას სიხარულის ან ღვთისადმი მადლობის სათქმელად რა შეეფერებოდა? ხარობდნენ, იშვებდნენ, ზეიმობდნენ ამქვეყნიურ სამოთხეში, ტყვეთა გამანთავისუფლებლები, ეკლესიებისთვის შესაწირავის გამღებნი, მღვდლებისთვის შემწირველნი და მონაზონებისთვის მიმცემნი, გლახაკთა მონყალენი, ერთდროულად ღვთის მადიდებელნი, შვიდივე სამეფოს ლაშქართან ეპისკოპოსების დამყენებელნი. თვით დედოფალმა რუსუდანმა და მისმა გაზრდილმა დავით მეფემ და თამარის დამ და ამ სამეფოს ყოველმა მკვიდრმა, მოგვების მსგავსად, დაიწყეს მიძღვნა და ჩუქება. [ქვეყნის] გარეთ ამის გამგონე ბერძენმა მეფეებმა, სულთნებმა, ათაბაგებმა და სპარსეთის ამირებმა მდიდარი ძღვენი და განძი გამოაგზავნეს.

ამგვარ დღეკეთილობაში ერმა ნახა ახალი ყრმა, საუკუნეებზე ადრე განწესებული, რომ ყოფილიყო ძე მეფისა, მეფე, ცხებული შვილი დავითიანი. როცა ბუნებრივად ლამაზი დაიბადა და გამოჩნდა, თავის თავში ატარებდა თავის მშობელთა სახესა და მსგავსებას, მნათობები იფარავდნენ მას. ბრწყინვალეობა ზენა სფეროს სული, ბედი ბედს ემატებოდა და კეთილდღეობა — კეთილდღეობას. მეფეთა მხრივ გამარჯვებები მატულობდა. ისეთი ლაშქრობა მოეწყო, როგორიც არცერთი ბაგრატიონის მიერ არ ჩატარებულა.

პირველად ლაშას, რომელიც „ქვეყნის მანათობელად“ ითარგმნება აფსართა ენაზე, ბედზე და ხვედრზე შეიკრიბნენ, გაეშურნენ დიდ და ძველ ქალაქ ბარდავში. გაანადგურეს არანი, ნებროთის ომების მსგავს მრავალრიცხოვან ომებში აიღეს ჰეროსის ძმის, ბარდოსის, მამული და სამფლობელო. ტყვეთა სიმრავლითა და აურაცხელი საუნჯით ავსილებმა 3000 ტყვე გაანთავისუფლეს თამარისა და მისი ძის დღეგრძელობისათვის.

იქიდან წამოსულებმა, ერთი თვეც არ დაუსვენიათ, სასწრაფოდ გაილაშქრეს არზრუმში, ქალაქ კარინის კართან. იქ იყო მრავალი ომი, ცხენების შეჯახება, აბჯართა ხეთქება. მათ ეხმარებოდნენ სურმანელი, კარელი და შიგნით ნასრ-ადინ სალდუხის ძე და მისი ორი ძე უამრავი ქვეითი და ცხენოსანი ლაშქრით. ცისკრის ბინდში მივიდნენ და ომი დაიწყეს. ღამის ბინდმა გაყარა [ისინი]. ის ღამე რომ მიილია, ლაშქარი მოვიდა უთვალავი და აურაცხელი ალაფით. შიგნით მყოფები მხეცებივით აღრჭიალებდნენ კბილებს და თმა-წვერს იგლეჯდნენ, როცა ხედავდნენ: ზოგნი — დატყვევებულ ცოლებს, ზოგნი — შვილებს, ზოგნი — [წართმეული] ჯოგისა და რემის სიმრავლეს და ტიროდნენ: „საიდან ჩემზე ამგვარი შერისხვა, რადგან არასოდეს გვინახავს ქრისტიანთა მოდგმა ჩვენი სამყოფლის სანახებში“.

[59] როცა გათენდა, ჰკერეს ბუკსა და დაფდაფებს და ქალაქებში შეიქნა ერთი ზარი და მოთქმა. როცა დარწმუნდნენ, რომ მათი სისხლი დაიღვრებოდა, გამოვიდნენ ქალაქის ბჭეებიდან, გაანყვეს ქვეითი და ცხენოსანი რაზმები, გადმოდგნენ ბანებსა და შუკებში ისრისა და ქვების სროლით. როცა დავით მეფემ და მისმა ლაშქარმა იხილა, რომ ისინი გულმოცემულად გამოვიდნენ, იარაღი მოითხოვეს, ცხენებზე ამხედრდნენ, შუბები მოიმარჯვეს. მისვლისთანავე მეხის-ტეხასავით დაატყდნენ თავს, აიღეს და დასცხეს. კატებივით მხდალნი თავისი ჯარით შეიხვეწნენ [ქალაქში], ერთმანეთს ხოცავდნენ, ცოლების მიერ

გაკილულები, გასაკიცხი და შესაფურთხი გახდნენ ბიბთა, ელიმე-ბისა და საჭურისების თვალში, კილავდნენ და აგინებდნენ მაჰმადის რჯულმდებლობას. მეფე დავითი და მისი ლაშქარი მოტრიალდა და მხიარულნი მოვიდნენ თავიანთ ქვეყანაში, იქიდან ძლევამოსილები და აქედან თამარის საშოდან ამობრწყინებული, იაკობის ვარსკვლავის მსგავსი ვარსკვლავის მხილველნი, რომელმაც იწინასწარმეტყველა ბედნიერება, იწინასწარმეტყველა გამარჯვებები, იწინასწარმეტყველა ნათელი.

ხოლო მე, რომელიც ვერიდები გაგრძელების გამო [თხრობა] მოსაბეზრებელი არ გახდეს, არ მინდა გამოვტოვო უკანასკნელი, ადრეულზე უკეთესი ომების და გამარჯვებების ამბავი. გული აიძულებს და აამოქმედებს გონების იარაღს, რასაც წარმოადგენს ამგვარ თხრობათა მეტყველი და გამომთქმელი ენა. ერთხელაც შეიკრიბნენ და გელაქუნში გავიდნენ, [60] ხაჩიანი ჩაიარეს და ყარყრისის ქვეყანაში ჩავიდნენ, ბელაქანამდე მიაღწიეს. მოარბიეს მთელი არეზი და განჯის კარი ამოიარეს. კარებთან დიდი შუღლი ატყდა, მაგრამ გააქციეს და ქალაქში შეიკეტნენ. ყარყრისიდან შამქორამდე ექვსი დღე იარეს. დღე არ გასულა, რომ [მტრის] ლაშქარი არ მოწეოდით და არ შებმოდნენ. ყველგან ძლევამოსილები და გამარჯვებულები შემობრუნდნენ და მთელი ქვეყნის სიხარულთან [თამართან] მოვიდნენ.

ორი ძმა, სარგისის შვილები, ზაქარია ამირსპასალარი და ივანე მსახურთუხუცესი, ლორიდან არაქსის ნაპირების დასარბევად წავიდნენ. იქიდან სამეკობროდ და ქარავნების საქარცვავად წამოსული იყო დვინელების, ბიჯნელების და ამბერდელელების ლაშქარი. ამათ არ იცოდნენ, შუა გზაში შეიყარნენ, ერთმანეთს ეკვეთნენ. ომზე და მამაცურად ბრძოლაზე უფრო საქებელი იყო მათი ქველობის სულისწამლები აღტყინება. [ნადავლით] სავსენი და სახელოვანნი მოვიდნენ დავით სვეამალლებულთან და თამარ ღვთივდადგინებულთან.

ამის შემდეგ კაენის პატრონმა, ივანე მსახურთუხუცესმა, დავითი წააქეზა დიდი და სასახელო ბრძოლის დასაწყებად: დიდი გელაქუნის, სპარსი-ბაზრის და გორალაუქის დასარბევად. დღითი-დღე აღმატებული, წარმატებული და ომსა და ლაშქრობებში გამონრთობილი მოყმე გაჰყვა მას. თავს დაესხნენ, ხელთ იგდეს ქვიშასავით ურიცხვი ტყვე, ჯოგი, აქლემი, ძროხა და ცხვარი. სადაც კი ლაშქარს, ან თავისი დედანულის დასახმარებლად მაშველს გადაეყრებოდნენ, ხოცავდნენ,

გააქცევდნენ, მუსრავდნენ. სპარსი-ბაზრის განადგურების შემდეგ, [61] სულთნის მოედანზე გართობა და ასპარეზობა გამართეს, რაც არავის არასდროს არ უქნია.

იგივე რუსი, ამ სამოთხიდან გაძევებული, კაენის მსგავსად არა ძმის მკლველი, არამედ თავისი თავისა, ღირსი არ იქმნა და [მას] სამოთხეში, ქალაქ კონსტანტინოპოლში, ყოფნაც მოეშალა. არა ყოველი მხრივ მტერ-განწყვეტილი მეფე, არამედ იალქნებდანწყვეტილი, იგი ათა-ბაგთან მივიდა და მისგან არანის ქვეყანაში თავისი ბედის შესადარი სამყოფელი მიიღო. შეკრიბა განჯისა და არანის ლაშქარი და იქიდან კამბეჩოვანის ქვეყანაში მოვიდა, იქ მინდვრები მოარბია და უამრავი ტყვე და ნაძარცვი აიღო.

მაშინ ხორნაბუჯის პატრონმა, საღირ მახატლის ძემ ეს გაიგო, მცირედი ლაშქარი შეკრიბა და თავის განწირვის მიზნით სამ შვილთან ერთად დაენია. ერთი ორს კი არ ებრძოდა, არამედ — ათს, ორი — ოცს, მაგრამ თამარის ბედმა და სიმართლემ ღვთის უხილავი რისხვა დასცა [მტერს] და როგორც გედეონის შესახებ გაქვს გაგონილი, მცირედნი დაენივნენ და გააქციეს, ჩამოყარეს და დახოცეს. რუსმა ძლივს გააღწია.

ხოლო თქვენ, მსმენელებმა, ესეც იცოდეთ, თუმცა მისი [თამარის] გულისთვის მხეცივით ველად გაჭრილების მიმართ [იგი] მძვინვარე უღმობელოებას იჩენდა, მაგრამ იხილეთ, თუ როგორი მშვენიერი და ანდამატური მიმზიდველობით იზიდავდა მხეცთა გულებს. ოდესღაც შარვანშას [62] ლომის ბოკვერი გამოეგზავნა, მან გაზარდა. ისეთი დიდი და საზარელი გახდა, რომ მისნაირი არც ველური, არც მოშინაურებული [მხეცი] არავის არ უნახავს. დარბაზში რომ შემოიყვანდნენ, თამარ ღვთივ-განათლებულისკენ ისეთი ლაქუცით, ალერსით და აღტაცებით იწევდა, რომ მიუხედავად მსახურების მიერ ორმაგი ჯაჭვით დაკავებისა, ვერ იჭერდნენ, სანამ თავს კალთაში არ ჩაუდებდა და ლოკავდა, როგორც მონამეთა ძველი ცხოვრებები მოგვითხრობენ. ზოგჯერ დაიჭერდნენ და დააბამდნენ, თვალებიდან წყაროსავით გადმოღვრილი ცრემლები მინას ალტობდა.

მტრებისა და მხეცების ამგვარ ძლევაში, შინაური თუ გარეშე მოწინააღმდეგეებისა და ურჩების დამხოებაში აღმოსავლეთიდან დასავლეთამდე, ჩრდილოეთიდან სამხრეთამდე გავარდა შიში და ზარი, სახელი ოთხბუნება და ოთხკუთხა სულის ანგელოზებისა.

ამ დროს მუჭლიდებმა მოკლეს ახლახან გასულთნებული ყიზილ-არსლან ათაბაგი. მთელი სპარსეთის მფლობელად სამი შვილი ფალავანდი დარჩა, რომლებსაც მამამ და ბიძამ ქვეყნები ასე გაუყვეს: უფროსს, ხუტლუ-ინანჩის — ერაყიდან ხორასნამდე და ბაბილონამდე. შემდგომს, ამირ-ბუბაქარს — ადარბადაგანი სომხეთამდე. უმცროსს, ამირ-მირმანს — არანი კასპიის ზღვიდან გოგჩის ზღვამდე. როგორც მრავალხელისუფლებიანობისას ხდება, [63] მათ შორის შური და ბრძოლა ატყდა. ამირ-ბუბაქარმა სძლია და უფროსი ძმა განდევნა, იგი ათაბაგად დაჯდა. უმცროსი ძმა არანიდან, ამირ-მირმანი შარვანშას დაესიძა. [ამირ-ბუბაქარი] თვით შარვანშას და მას ბელაქნის კარზე თავს დაესხა და გააქცია, თვითონ კი გარკვეულ დრომდე განდიდებული და გალალეული დარჩა. ხოლო ვინაიდან შარვანშა და ამირ-მირმანი გამოუვალ მდგომარეობაში ჩაცვივდნენ, რადგან იმ ხანებში შარვანის სახლზე ღვთის რისხვაც მოინია, „რომელიც შეაზანზარებს სამყაროს, შეძრავს მთებს და კვამლად აქცევს“. შერყევით შეარყია და ძირს დასცა შამახიის ზღუდეები და ციხეები, შიგნით მყოფი ყველა თან დაიტანა, მათ შორის დაიღუპნენ შარვანშას ცოლი და შვილები. ამის გამგონეთ, თავში წაიშინეს, თავზე ნაცარი დაიყარეს, მიმოიხედეს გარშემო, ვერავინ ნახეს მათი მხსნელი და მაცხოვარი, მხოლოდ ღმერთი და ღვთის მიერ ღმერთქმნილი დავითი და თამარი. [მათ] შესავედრებლად მოციქულები გამოაგზავნეს ურიცხვი ძღვენით და ფასდაუდებელი თვალ-მარგალიტით და ეს ითხოვეს: „ვინაიდან თამარის ალექსანდრეს მსგავს ბედს, სიბრძნით გამორჩეულობასა და ძლიერებას, დავითის მსგავს სიმხნესა და სიქველეს, ლაშქართა უებრობას დიდი ძალა აქვს, ისეთი, რომ მთელი სპარსეთი დაიპყროს, — ამიტომ მთელი სპარსეთის პატრონად დასვით თქვენი ასული, რომელიც თქვენი შუქმფინარობის ბრწყინვალეობა და თქვენი სიბრძნის შესატყვისი ნათელი და საამო ნაყოფია“.

[64] სიძობა არ აღირსა, მაგრამ შველისა და ხელის შეწყობის იმედი მისცა. ბრძანება გასცა, შიკრიკები და მალემსრობლები იმიერ და ამიერ ლაშქრის შესაკრებად გააგზავნა. იმ დროს ყივჩაღთა მეფის, სევიზჯის, ძმა, სავალათი, მეფის სამსახურში აქ იყო. დიდი ლაშქარი შეკრიბეს და დასებად განენყვნენ. მისი სიმრავლით გაივსო მტკვრის ნაპირი, ალგეთის ნაპირი, ქციის ნაპირი და ქურდვაჭრის ნაპირი, ოთხივე მდინარე თბილისიდან ყარაღაჯამდე.

მაშინ მოვიდნენ ამირ-მირმანი ფალავანდის-შვილი და აღსართან შარვანშა მთელი არანის დიდებულებითა და მონა-სპით. სვებედნიერი და ღვთივადმობრწყინებული ხელმწიფენი დადგნენ აგარის ქალებში. მისი ნებაყოფლობის პატივისმცემლებმა დიდი ზარითა და პატივით მოიწვიეს რუსუდან დედოფალი. რომელმა პირმა ან ვისმა გონებამ და ენამ აღმოთქვა დიდების ზარების, კარვებისა და ფარდაგებიანი საფარების, კოშკებისა და სამონადირეო შემოღობილი ადგილების ქება და ბესელიელის, გინდაც სოლომონის მსგავსი მოკაზმულობა და შემკულობა ღვთის ტაძრისა, სადაც იმყოფებოდა ღვთის მიერ ღმერთქმნილი, ღმერთებს შორის ღვთის მსგავსად გამკითხველი [თამარი], რომელსაც გარშემო მიმოეფრქვია სამოთხის სურნელება და შვება, ფუტკარივით [65] დაწაფებოდა ვარდის ბუტკოს, ყვავილ-მცენარეებს, ელისეს მინდვრის მცენარეთა სურნელებას? ან ვის ერგო ბაყათარისა და თარხანის, ეფრემისა და დიდებული ბუმბერაზების და მოყმების, როსტომისა და გივის მსგავსი დავით მოყმის ქება?

შეიკრიბნენ გონების წამლები ზარ-ზეიმით. დარბაზობა დაიწყო. ოქროჭედილ ტახტზე დასხდნენ თვითონ თამარი, დავითი და მათი ძე გიორგი, თავიანთი გვარ-მოდგმის ძლევაგამოსილებისა და გვირგვინოსნობის განმადიდებელნი და მასახელებელნი, მისთვის ღვანლის გამწვენი. როგორ უნდა ითქვას: „შევიწყალო ეს ადამიანები.“ ზეადამიანურმა კაცთმოყვარებამ საყვარელ ადამიანებს, რომელნიც დასაბამიდან [არსებულ] ღვთის განგებულებას — კაცად ქცევით კაცთა ხსნას — ბაძავდნენ, [უბიძგა] მისი ზენა მკლავისა და ძალის შეწვევით სიკვდილისა და განდევნისაგან ეხსნათ ვედრებითა და ხვეწნით მათ ფეხებთან მუხლმოდრეკილები.

პირველად ქალაქ თბილისიდან გამოსულებს წინ ოსები და ახალი ყვიჩალები მიეგებნენ. ამის შემდეგ — ჰერელები და კახელები. შემდეგ — ქართლელნი. შემდგომ — მესხები და თორელები, შავშ-კლარჯ-ტაოელები. შემდგომ — სომხითარები. შემდეგ — აფხაზები და სვან-მეგრელ-გურულები, რაჭველ-თაკვერელ-მარგვეთელებთან ერთად. კარვის კარებთან — ხელისუფალნი და სასახლის კარისკაცები.

[66] ვინაიდან შარვანშა ახლობელი და ნათესავი იყო, პირველად ის შემოვიდა, თაყვანი სცა. წესისამებრ მოიკითხეს და თავის ადგილას დასვეს. მის შემდეგ მოვიდა ამირ-მირმანი, სულთნის ძმისწული და ფალავანდის შვილი. დედამისი ხორასნის მემამულის, ინანჯანის, ასული იყო, რომელიც ახლა ტულრილ სულთნის ცოლია. პატივითა

და ზარ-ზეიმით შემოიყვანეს. მოიკითხეს და პატივით დასვეს. დაუტკბნენ, როგორც საყვარელ შვილს, კარგ და შესახედაობით მშვენიერ მოყმეს. მოიყვანეს დიდებულები, ზოგნი ელდიგოზის შვილები, ზოგნი მათი შვილების შვილები, მათგან თაყვანისცემა მიიღეს და შესატყვისი პატივით მოიკითხეს.

შეიქნა ენით უთქმელი სიხარული. გაცეცხლებმა, მათ ფიცით აღუთქვეს: „ადამიანის თვალებს არ უნახავს, არც ძველ და არც ახალ წიგნებში ნაგვიკითხავს თამარის სახე და მისი ცხოვრებისა და ქცევის მსგავსი რამ“. [მათ] მოეწონათ თვით მეფე დავითი, დიდებულები, მათი რაინდები, და მხიარულებმა და იმედიანებმა განაცხადეს: „გავი-მაგროთ გული და თვალებიდან მოვიშოროთ მწუხარება! ჭეშმარიტად შეუძლია ჩვენი ხსნა და სამშობლოში ჩვენი დაბრუნება“.

მაშინ შეიქნა პურობა, პურობის შემდეგ გაიმართა ნადიმი, [იყო] გამოუთქმელი სიკეთე და სილამაზე, მხიარულება, მგოსნებისა და ჯამბაზების თამაში. ისინი, ის ორივე და მათი ლაშქარი, ძვირფასი სამოსლით შემოსა. ერთი კვირა დაყვეს, ყოველ დღეს მხიარულებაში ატარებდნენ: მათი მხრივ დასაჩუქრება, ამათგანაც ძღვნობა, ნადირობა, ბურთაობა. ისმოდა თვით ამირ-მირმანის, [67] მისი დიდებულებისა და მონა-სპის ასეთი ქება: „ამათი მსგავსი მობურთალები არ არსებობენ ერაყში, ადარბადაგანსა და ირანში“.

მეფემ უბრძანა თავის ამირსპასალარ ზაქარიას, ივანე მსახურთუხუცესს, გრიგოლ ჰერეთის ერისთავს და სხვა მოყმეებს, და მოედანზე გავიდნენ. იქიდან ჩამოვიდა ამირ-მირმანი თავისი დიდებულებითა და მსახურებით, და თვითონ თამარი, საჭვრეტად ბრწყინვალე და ნათელმფენი სახით. ისმაიტელნი, თავიანთ ცოდნაში დარწმუნებულები და მძლე-მებრძოლნი, მალე დამარცხდნენ დავით მეფისა და მისი მოყმეების მიერ, და დამარცხებულები და მჭმუნვარენი შებრუნდნენ.

ამ სიხარულსა და შვებაში იარაღდებოდნენ და ომისათვის ემზადებოდნენ შუღლის მოსურნენი. მოვიდნენ და აცნობეს ათაბაგს, რომელსაც ნახჭევანიდან მოყოლებული მთელი სპარსეთის [ძალები] შეეკრიბა, არანში მოსულიყო, ხალიფას მისთვის გამოეცხავნა თავისი დროშა და ლაშქარი, ყველაფერ ამასთან ერთად ათასი ხალიფური ოქრო.

მაშინ თამარის წინაშე შეიკრიბა ყველა ვეზირი, მთელი ლაშქარი და თვითონ შარვანშა. გადანყვიტეს ბრძოლა და ერთი დღეც არ დაუყოვნებიათ თითოეულს თავის მხარეში. თვითონ შარვანშამ და

ამირ-მირმანმა იქ ითხოვეს სიტყვა მდაბალი და გამარჯვებული, მძლე და წარმატებული და სვიანი თამარისგან.

[68] დავითი გაემართა, წინ ჯვარი წაიმძვანა და ბედნიერად ნატარებ ბაგრატიონთან და უფრო მეტად, გორგასლიან დროშას გაჰყვა.

მისულეზმა ელეკეცის მდინარესთან დაიბანაკეს. იქიდან აიყარნენ და შამქორის სიახლოვეს მოვიდნენ პირველ ივნისს, ხუთშაბათ დღეს, როცა პარასკევი თენდებოდა, როცა ჩვენმა ღმერთმა, ქრისტემ შემუსრა მტრის ძლიერება და დაამარცხა ორთავიანი ურჩხული.

აქაც იხილეთ ჯვრის ძალა და ძლიერება და პარასკევის პატივისცემა. როგორც კი გათენდა, მოვიდნენ წინამავალი მზვერავები და აცნობეს: „ჩვენი თვალთ ვნახეთ ათასეულები და ათი ათასეულები, უამრავი რიცხოვნობა, როგორც კალია და ზღვის ქვიშა, შამქორიდან ვიდრე შოთის მთამდე და ვარდანაშტამდე, განჯის კარამდე თვალევი ვერ მისწვდება, რომ განიცადო და წარმოიდგინო.

როცა მეფემ და მისმა ლაშქარმა, შარვანშამ და ამირ-მირმანმა და იმ-ათმა ლაშქარმა გაიგეს, თავდაპირველად გახარებულები იყვნენ და ღვთის მმადლობელნი, რომ მტერი ახლოს დაიგულეს, მაგრამ მალე გაკვირვებამ შეიპყრო, რომ მტერმა განჯისა და არანის ქალების დატოვების შემდეგ მაგარი მთების საფარველი არ დაიტოვა და სწრაფად გამოემართა მათთან საომრად. მაგრამ ისინი შეგნებულად და მოფიქრებულად მოვიდნენ ამ ადგილას ჯერ თავიანთი სიმრავლისა და აურაცხელობის იმედით და შემდეგ, ხევისა და სიმაგრის სივიწროვის გამო”.

[69] მაშინ მეფე აღიჭურვა, ჯაჭვ-მუზარადი აისხა და ამხედრდა ზერდაგზე, რომელიც თავისი სახელგანთქმულობის გამო ვახტანგ ხაჩენელისგან ჰქონდა შეძენილი ერთი ციხისა და სოფლის, ქარმანის, საფასურად. მოყმე ამირ-მირმანმა, როგორც მოსიმახოს უცთომელმა მსროლელმა და კენტავრისაგან განსწავლულმა, შუბი აიღო, მშვილდ-კაპარჭი შეირტყა.

იმ დროს ანტონი მწიგნობართუხუცესიც იქ იყო, გარეგნობით და გვარტომობით რჩეული ადამიანი. [დავითმა] მას უბრძანა წინ ეტარებინა ჯვარი, რომელიც არის მეფეთა სკიპტრა და ჯაჭვ-მუზარადი. ერთმანეთის გამხნეევებით და მათთვის ვნებული ქრისტეს მოგონებით, თვალევი ღვთის მიმართ აღაპყრეს. მის მიერ შეწყნარებულებმა ვედრებით თაყვანი სცეს, [მას] შეავედრეს თავიანთი სული და სხეული. ერთმანეთს შეახსენებდნენ [თავიანთი] პაპებისა და მამების სიმხნესა

და გამარჯვებებს: თუ ძველად, დავითის დროს, ოცდაჩვიდმეტი გმირი როგორ ებრძოდა უცხოტომელებს და როგორ დაამარცხეს ისინი, ასევე ვახტანგის დროს — ვახტანგის ლაშქარმა. და როგორ გაერთიანდა ახალი დავითის ლაშქარი იერუსალიმში [ძველი] დავითის ლაშქართან, ახლა კი მისი შვილის, თამარის, დავით წინასწარმეტყველის შემდეგ ოთხმოცდამეერთე ცხებული შვილის, [ლაშქარი].

ლაშქრის სპასპეტები ამბობდნენ: „თუ მაშინ იყვნენ სახელის მადიებლები და ისტორიაში ქება — შესხმისთვის თავის დამდებნი, ახლა ჩვენ ვაჯობით [მათ] და [70] მაქებარებსა და შემსხმელებს ქება გამოვსტაცოთ, დავავიწყოთ და გადავფაროთ მათი ომები. მოვიგონოთ ისინი, რომლებმაც რჯულისა და ქრისტეს კვალზე შედგომის გამო თავს დაიტყვეს გახურებული რკინა, მარნუხი და სხვა სატანჯველი. [მოვიგონოთ] გოლიათი გმირები, რომელნიც სახელის ძიებაში სიკვდილს არ ერიდებოდნენ, [მოვიგონოთ] მიჯნურები, რომელნიც თავიანთი მნათობების გამო ყოვლად უწყალოდ ეკიდებოდნენ თავიანთ სულსა და სხეულს. აჰა, ჩვენც ხელი მივმართოთ ხმალს და სული — ღმერთს.“

ჩაჰბერეს ბუკებს და ზარსა სცეს. რაზმები წესისამებრ დააწყვეს. რაზმის მარჯვენა წვერმა მთას მიუწია, მარცხენამ — მტკვარს. გაემართნენ და მივიდნენ შამქორის სიახლოვეს, გარს შემოერთყვნენ. ქალაქთან მიახლოებისთანავე ომის წინ რაზმი ორად გაჰყო. მეფემ რაზმითურთ შამქორი მარჯვნივ დატოვა და გაეშურა შამქორის მხარეზე მდინარის გადასალახად. უმცირესმა რაზმმა [ქალაქის] კარებთან, ხიდთან ატეხა ომი და სროლა. ვაჟკაცურად გახსნეს ძნელი და ვინრო გზა და შეეჯახნენ ისლამისტთა მონინავე რაზმს, რომლის ზარყიჟინა — უზომო, და რიცხვი — ურიცხვი იყო სმენისა და თვალთა მზერისათვის. შეიქნა ომი და ბრძოლა, მაგრამ არა მთელი ლაშქრისა, არამედ მხოლოდ მონინავე რაზმებისა, რომელთაც ყივჩაღთა ენით „ჭალაში“ და „დასნაჭტა“ ჰქვია.

გრძელი გზის გამო ომი გაგრძელდა, რადგან მეფემ და მისმა რაზმებმა ბექობებისა და ქვა-ლორლის მიზეზით დააყოვნეს. ზაქარია ვარამის ძეს ცხენი მოუკლეს და სხვა მრავალ დიდებულსაც დაუჭრეს. ეს შეიტყვეს მხარგრძელებმა, სარგისის ძეებმა, ზაქარია ამირსპასალარმა და ივანე მსახურთუხუცესმა, გამოეშურნენ, [71] როგორც ფრთოსანი ვეფხვები, და მიუსწრეს გაჭირვებისაგან კინაღამ უკან დახეულებს. მიმოიხედეს და ნახეს: უახლოვდებოდათ მეფე და მისი

რაზმი, გორგასლიანი დროშა, რომელიც სინდეთში შესვლის შემდეგ შეურცხვენლად მოდიოდა, ყოვლად პატივცემული იყო ზენა განგებისაგან. და მათ, ადრე მოსულებმა, ლაშქრის და რაზმების ნახევარი გადალექეს. სანამ მეფე მოვიდოდა, ათაბაგის რაზმი გამაგრდა.

მეფე რომ ნახეს, ღვთის უხილავი რისხვა და მეფის [ლაშქრის] ხმლები და შუბები დაეცათ თავს, რომელიც მუსრს ავლებდა მათ რაზმებს. და აჰა, [მეფის] მისვლამდე გააქციეს. ისრები სისხლით დათვრნენ და ხმლები მათი მტრების ხორცს ჭამდნენ. მეფე აქილევსის მსგავსად იქცეოდა. მდავრიშ ერთმა ნაწილმა განჯის შუამთამდე მიაღწია, მეორე ნაწილმა — გელაქუნის მთამდე. ერთი ათასს კი არ დევნიდა და ორი — ათი ათასს, არამედ ერთს ათასი აჰყავდა ტყვედ და ორს — ათი ათასი — ხელმწიფეები, დიდებულები და აზნაურები. მაგრამ მხოლოდ ათაბაგმა ერთ მონასთან ერთად მოახერხა თავის დაღწევა.

სამი ქალაქი ხელთ იგდეს, როგორც არის სარკინოზთა ლაშქრის წესი, ქონა ქალაქების და სიმდიდრისა: ერთი ათაბაგისა, მეორე — ათაბაგის ძის, ბეშქენ ქველისა, ერთიც — სათმაზ ეზდინის ძისა, რომლის მამის ქონების სიუხვეზე სპარსეთში ასეთ რამეს ამბობდნენ: „ჰათემ თაიელისა“. დროშაც წაართვეს, ხალიფასაგან [72] გამარჯვების ნიშნად გამოგზავნილი. მაღლიანი და ჭეშმარიტი პირის მიერ კურთხეული საქმის ამგვარი გამარჯვება აჩვენეს. მეფე ცხენდაცხენ დევნისაგან უკან მობრუნდა, წინ ანტონი ვეზირი მიეგება, ხელაპყრობით ღვთის მადიდებელი, და თვითონ ათაბაგის ლართა და საგანძურით ავსებული, რომელსაც მონაზნობის მორიდების გამო მახვილი არ მოუღია, მაგრამ სამი ჭაბუკით მისულმა სამასი ჯორი და აქლემი წამოასხა.

მაშინ მოვიდნენ მადიდებელი რაზმები, სპასალარები, სპასპეტები, თვითონ შარვანშა და ამირ-მირმანი, მხიარულად გადმოხტნენ ცხენებიდან, მეფესა და მის ბუმბერაზებს თაყვანი სცეს, დალოცეს და ქება შეასხეს. იმ ღამეს დაიბანაკეს იმათ [მტრის] სადგომში, რომელიც არ იცნობებოდა იმათ მიერ, ვინც გუშინ ნახა. მადრასების ნაცვლად ეკლესიები აღმართეს, [მუეძინების] ყივილის ნაცვლად ზარებს ჩამოკრეს, მოლების ნაცვლად ისმოდა მღვდლების ღაღადისი აღონაის მიმართ: „ უფალო, საბაოთ ძალთა!“

როცა გათენდა, შამქორელები მოვიდნენ და კლიტეები მოართვეს. ქალაქისა და მისი მიმდებარე ქალაქებისა და ციხეების ამღებელმა ყველაფერი ამირ-მირმანს უბოძა, რომელიც მას ეთაყვანა. თვითონ

განჯისკენ გაემართა და ქალაქთან ახლოს მივიდა. გამოეგებნენ დიდებულები, დიდ-ვაჭრები, მსაჯულები და კანონმდებლები. მიწაზე დაემხნენ, თაყვანი სცეს, დავით მეფეს ქება შეასხეს და ცრემლების ღვრით შეავედრეს თავიანთი თავი და შვილები. ქალაქის კარები გახსნეს, ძვირფას ქსოვილებს უფენდნენ [73] სულთნის სასახლის კარებამდე, თავზე ოქროსა და ვერცხლს, დრამასა და დრაჰმას აყრიდნენ. როცა სასახლეში შევიდა, ადგა და სულთნის ტახტზე დაჯდა.

გაიმართა დარბაზობა. ამირ-მირმანი და შარვანშა — თითოეული თავის ადგილას [დასვეს]. ასევე ვეზირები, მანდატურთუხუცესი, ამირსპასალარი და მომდევნონი ყველა თავისი წესისამებრ, როგორც იყო მიღებული, ჯდომისა და დგომის წესი, დასვეს. რომელმა ენამ გამოთქვა მაშინდელი ზარ-ზეიმი ან ვისი გონება მისწვდა მეფობისა და სულთნობის ერთად ქმნას, ათაბაგის ძისა და შარვანშას ყმად ყოლას, მთელი მუსულმანობის დამორჩილებას ან იმათ ნახვას, რომელნიც ამას აცდნენ, რადგან მოვიდნენ და მიწამდე თაყვანი სცეს? შეიქნა დროისა და იმ დღის შესაფერისი პურობა და ნადიმი.

მახარობლად მანდატურთუხუცესი ჭიაბერი გამოგზავნეს. ტახტსამელაში მოვიდა და თამარს მოახსენა გამოუთქმელი სიხარულით აღსავსე საქმე. [მან] აულელვებელი და მშვიდი, სათნო სულით და ლმობიერი გულით ღმერთს მადლობა და ჯეროვანი ქება შესწირა.

ქალაქში შესვლა გადანყვიტეს და სასახლეში მივიდნენ. მოვიდა მეფე და მასთან ლაშქარი, ღვთის წყალობით, მიუწოდომელი სახელით და გამოუთქმელი სარგებელით სავსე. მოიტანეს აურაცხელი საჩუქარი, ძღვენი და განძი: ადამიანი — ხელმწიფე-აზნაურებიდან მონებამდე — თორმეტი ათასი, ორმოცი ავაზა, ოცი ათასი ცხენი, შვიდი ათასი ჯორი, თხუთმეტი ათასი აქლემი. სხვადასხვა დროშის, განძეულის [74], ოქროსი და ლარის აღრიცხვას ვინ შესძლებდა? თამარმა მოწყალება გამოიჩინა: ხალიფას დროშა, რომელიც შალვა ახალციხელმა მოიპოვა, დიდ მონასტერში გაგზავნა ხახულის ღვთისმშობლის ხატთან, მსგავსად მათი მამის პაპისა: მაშინ მან დიდგორის ველიდან გაქცევის დროს დორბეზე სადაყაის ძის კისრიდან აგლეჯილი ძვირფასი თვლებით შემკობილი ოქროს მანიაკი გაგზავნა. ძღვნის შეწირვისა და ვედრების მიზეზით, ამანაც [თამარმა] შეთხზა ხუთეული იამბიკო ოცდახუთ სტრიქონად:

ცათა ცის დამწყებია ღმერთმთავრობა,
საუკუნითგან არის ძე, პირველი და მარადიული,
სულმა ღმერთმა სრულ ყო მოქმედების უნარის,
სამეხობით სრულმა ერთი ღმერთებით
ქვეყნიდან პირველი, პირმშო ადამიანის.

შენ მიერ მისთვის მრუდის მომწესრიგებელი
მრუდი იქცა ვნების მიმართ უვნებელი,
ივნო და პირველი ვნება უვნებელ ყო.
შენგან შობილმა ჩვენ ღირს გვყო ხელმეორედ დაბადებად
სიბნელიდან ნათელში, ნათელთა მზერად.

[75] შენგან, ქალწულო, რომლისთვისაც დავითი
როკავდა, ღვთის ძის შენს ძედ ყოფნას,
მე, თამარ, მიწა შენი და შენ მიერი
ღირს მყავ შენგან ცხებას და სიახლოვეს.
აღმოსავლეთსა და დასავლეთს, სამხრეთსა და ჩრდილოეთს

შუა მფლობელი ნადავლს შენ მოგართმევ,
ხალიფას დროშა მანიაკს
ზედ დავურთე, ცრუ რჯულის მოძღვრის გამარჯვებისკენ
ნამძლოლი,
დავითმა, ეფრემის ძეების მსგავსად მოისარმა
იარალი აისხა, მოსრა სულთანთან, ათაბაგთან ერთად.

ირანში იბრძოდნენ ჩემი [ბრძანებით] მის ლაშქართან
ჩვენი მხედრები, შენი მსასოებელნი, რძალო,
დახოცეს, განწყვიტეს აგარიანთა მოდგმა.
იქიდან მოტანილ საუნჯეთაგან ერთს ამას
შენ შემოგწირავ! მეოხ მეყავ ძესავით, ღმერთო!

ცასა ცათასა დამწყებ არს ღმერთ-მთავრობა,
ძე საუკუნობს პირველი და კუალადი.
სულმან მან ღმერთმან სრულ ყო მოქმედებადი,
სამებით სრულმან ერთითა ღმრთაებითა,
მინით პირველის, პირმშოისა კაცისა.

შენ მიერ მისთვის დრკუსა მის განმგებელი
დრკუი მიდრკა უვნებელი ვნებისადმი,
ივნო და ვნება პირველი უვნებელ ყო.
შენგან შობილმან. ჩუენ ღირს-გუყვნა აღმოშობად
ბნელით ნათელსა, ნათელთა მხედველობად.

შენგან, ქალწულო, რომელსა შენთვის დავით
როკვიდა, ძისა ღვთისა ძედ შენდა ყოფად.
მე თამარ, მინა შენი და მიერივე,
ცხებულობასა ღირს მყავ და თვსობასა.
ედემს, ღადითად, სიმხნით, და ჩრდილოეთით

შუამფლობელი იავარს შენდა ვმრთმელობ,
ხალიფას დროშა თანავე მანიაკსა
შევრთე, ცრუ-სჯულთა მოძღურისა ღაზოდ მძღუანი,
ვინ დავით, ძეებრ ეფრემის მოისარმან,
მოირთხნა, მოსრნა სულტნითა, ათაბაგით.

ერანს ებრძოლეს ჩემ მიერ მისთა სპათა
ჩუენნი მწედარნი, მოსავნი შენნი, სძალო;
მონყლნეს, მოსწყდნეს აგარის ნათესავნი.
მუნით მოსმულთა ნიჭთაგან ერთსა ამას.
შენდა შევწირავ! მიოხე ძეებრ, ღმერთო!

ვინაიდან თამარი მზესავით უხვი იყო და ყოვლად უჭკნობ საჩუ-
ქარს ღებულობდა, ამის გამო თითოს დასჯერდა და აიღო საპატრონო,

ხმელეთისა და ზღვის პატრონმა. მადლი და წყალობა გადაიხადა და ლაშქარი დაითხოვა, ხოლო ტყვეებსა და დაპყრობილებს მწყემსივით ედგა. თვითონ იშვებდნენ, იხარებდნენ, ნადირობდნენ. ოლიმპიური გამარჯვებით სუფევდნენ ბედნიერი და სვიანი თამარი და დავითი ორ ნათელმოსილ და ბრწყინვალე შვილთან ერთად.

[76] ახლა ვთქვათ ეს მძიმე და საწყალობელი [ამბავი]. ვინაიდან აგარიანთა მოდგმას სიბრძნედ და ცოდნით აქვს გრძნებისა და მოგვობის საქმე, ნასწავლი იუნიტანისაგან, რომელიც ნებროთმა ზღვის კიდეზე იხილა კიროსის და დარიოსის დროს, იქიდან მოყოლებული [ისინი] ჯადოქრები, მომწამვლელნი და ღვთის უარყოფელნი არიან. ახლაც ათაბაგყოფილმა და ნახჭევანში გადახვეწილმა ბუბაქარმა დიდძალი ოქროს დაპირებით ერთ ვინმეს შეაგონა თავისი ძმის, ამირ-მირმანის, მონამვლა და მოკვდინება. სასიკვდილო წამალი მისცეს და დასნეულდა. გაგზავნეს კაცი მაცნე და იქიდან დიდი შიშითა და ძრწოლით, ასპიტის მსგავსი კბილების ძაგდაგით, ძლივს მოვიდა კაპისის მთასთან, განჯის სიახლოვეს. შეიტყვეს დასტურად მისი სიკვდილი.

ბუბაქარი განჯაში მოვიდა. ამირ-მირმანის ყმები გავიდნენ და შეებრძოლნენ, ზოგი დახოცეს, ზოგი გააქციეს. თვითონ [მეფემ] განჯა შემოიმტკიცა და გამაგრდა. შიშის გამო დიდი ხანი არ დაუყოვნებია იქ და ამირ-მირმანის სიკვდილი არც გაუგია, ისე წავიდა. ყურადღება არ მიაქცია ყოველივეს სიმცირეს, გაემართა და შამქორამდე მივიდა. იქ არანის მტირალი დიდებულები შეეგებნენ, თავზე ნაცარს იყრიდნენ, მოახსენეს: „ის აღარ არისო. სიმაგრეები მიუტაცნიათ, ბუბაქარს ამ ქვეყანაზე არავინ დაუდგებაო“.

მეფე დიდებულებთან ერთად შემობრუნდა და თამართან მოვიდა. ალექსანდრეს მსგავსად, როგორც მან დასდო დიდი პატივი პორეს იმით, რომ მის აკლდამაში იჯდა, ასევე ესეც, ნათელი და პირველნათელზე უბრწყინვალესი, შავებით შეიმოსა და ცხარე ცრემლებით გამოიტირა [ამირ-მირმანი]. ამირ-მირმანის დიდებულებს, სახლეულსა და მონებს დიდი პატივითა და სიყვარულით ექცეოდნენ..

[77] ივანე მხარგრძელი მამაცი და ომებსა და ლაშქრობის საქმეებში გამოცდილი იყო, გაემართა და მცირედი ლაშქრით გელაქუნში მივიდა. ჩაუსაფრდა, როგორც მტრის კვალზე დადარაჯებული დათვი, როგორც ლომის ლეკვი, როგორც ისრაელის ძეები — ბენიამინის ძეებს. მარჯვე ყმა არავინ იახლა თან. ივანემ, რომელიც ჩასაფრებული იყო, შორს იხი-

ლა ურიცხვი, მის ლაშქარზე ათჯერ მეტი ლაშქარი, რომელიც განჯიდან მოდიოდა და სურმანში, დვინის ქვეყანაში, მიდიოდა მასისისა და შურის გვირაბების გავლით. თვითონ ბალმანი, ელდიგუზ ათაბაგის გაზრდილი, ჭაბუკი ლომი, დვინისა და სომხეთის პატრონი, სურმანელის ძმა, სურმანელთა ლაშქრით; ალი შურიშამი, ახოვანი, მარჯვე კაცი, ასევე დროშის პატრონი. ვინაიდან ივანე გულუშიშარი იყო, არად ჩააგდო თავისი ლაშქრის სიმცირე და მტრების სიმრავლე, გამოუხტა და მიმოფანტა, როგორც შევარდენმა — ნეროები და როგორც ლომმა — კანჯრის ჯოგი, დახოცა, ამოწყვიტა და მათ თავზე ღვთის რისხვა მოავლინა. დაატყვევა თვითონ ბალმანი, მისი ლაშქარი და დროშები, ცოცხლად გადარჩენილი ოთხი კაცი. თვითმპყრობელებმა დიახაც გაიხარეს, დიდი ნყალობა გასცეს და ღმერთს ჯეროვანი მაღლი შესწირეს.

მეფე იმიერთა და ამიერთა ლაშქრით განჯის ქვეყანაში გაეშურა, თამარი დვინამდე ჩავიდა. მასთან სამსახურისთვის შარვანშა მივიდა. ლაშქარი გააგზავნა, შემობრუნდა და აგარებში დადგა დიდებითა და სუფევით. [ლაშქარი] განჯის კარს მიუახლოვდა. არანი დაიპყრეს და ამოწყვიტეს, ქალაქის კარებთან ოცდახუთი დღე დაყვეს. ივანე მსახურთუხუცესმა დიდი ლაშქარი და ურიცხვი ალაფი შინ გააგზავნა, ხაჩინელი დიდებულები მეფესთან მოიყვანა. არანის დამპყრობლები [78] და განჯისა და სხვა ქალაქებისგან ხარკის ამკრეფნი ძღვევამოსილნი დაბრუნდნენ [თავიანთ] სამეფოში, თან წამოიყვანეს შარვანშა. საბოძვარი უბოძეს, მრავალფეროვან სამოსელში შემოსეს და შინ პატივით გაუშვეს.

წავიდნენ ლიხთ-იმერეთში. პონტოს ზღვასთან მისულებს საზრუნვი გაუჩნდათ, კარგად და ძლიერად შეიარაღდნენ, ვინაიდან ძალინის ხევის არტანის ქვეყანა პალაკაციო თურქებს აეღოთ.

თამარს, გონიერსა და ბრძენს, არ ავინყდებოდა ყაბოს მაძიებელი კეკაოსი. მარბიელმა [ლაშქარმა] ბასიანამდე და ყურაბებამდე მიაღწია, [ალაფით] აივსნენ და დაიბანაკეს ადგილს, რომელსაც „სისხლის მუცელი“ ერქვა. ძველად, ოდესღაც ნათქვამისა და მქონელის მსგავსად, ახლაც ჩანდა მათი ქვეყანა და სამყოფელი, როგორც „სისხლის მუცელი“.

ამგვარ ძღვევასა და გამარჯვებებში იყო თვითონ მეფეთა მეფე.

იგი მადლობის გარეშე არ ტოვებდა იმას, ვისაც მისთვის გამარჯვება მოჰქონდა. თამარი დიდ-ბუნება იყო უსაჩინოეს სკიპტრის-მპყრობელთა შორის.

ამის გამო უდიდეს საქმეებს შეეჭიდა, რომელთა მოსაყოლად მე, უმეცარი და უგუნური, ვერ ვპოვებ სიტყვებს გამოსათქმელად. და ვინაიდან დიდი კეთილი საქმეების დავინყების საშიშროება გაჩნდა, ვერ შევძელი დადუმება, რომელთა [აღწერა] აღემატება არა მხოლოდ ჩემს, არამედ, მგონია, ძველი მწერლების ძალებს. ამიტომ ჭეშმარიტი სიტყვა ამბობს: „ეძიებდე ღვთის სასუფეველს და მის სიმართლეს, და ეს ყოველივე შეგეძინება“.

ამის მსმენელმა და კეთილად გამგებმა თვალები მაღალ ღმერთს მიაპყრო, აიმაღლა ყოვლად ბრძენი და კეთილად შემცნობი გონება, რომელიც მთლიანად შეუერთდა ყოვლის მხედველ მაღალ [ღმერთს] და ნათლად მხედველი თვალები განუწონა, რომ შეიცნოს და მხოლოდ მას ხედავდეს.

ვერ აცდუნა იგი ამ სოფლის სიამეებმა, არც გვირგვინის მეფობამ და სკიპტრამ, არც პატიოსანი ქვების უხვად ქონებამ, არც ლაშქართა სიმრავლემ და ესოდენმა სიმამაცემ, რასაც ნათქვამი გააცხადებს. არ შეიცვალა, ვერც სიმდიდრემ ვერ შეიტყუა, როგორც ოდესღაც ძველად მრავალი მეფე და ყველაზე მეტად ამ სანატრელის მამა, ყველა ბრძენზე უპირატესი და უაღრესი სოლომონი. ეს იმ ბრძენზე უფრო ბრძენი აღმოჩნდა, რომელმაც ისე შეიყვარა ღმერთი იგი და შორს განუდგა ამქვენიურ საცდურებას. ამან ისმინა ჭეშმარიტი სიტყვის ხმა და შეიტკბო იგი. განსაცვიფრებლად ჩვეოდა ღამ-ღამობით მღვიძარება, ლოცვა, მუხლ-მოყრა და ზეზეულად ცრემლებით ვედრება ღვთისა. ღამეს ხელსაქმარზე ატარებდა, რომელიც გლახაკებისთვის იყო განკუთვნილი. მხოლოდ ერთს ვახსენებ.

ლოცვასა და ხელსაქმარზე დაღლილს, ბუნების წესის შესაბამისად, მცირედ მიეძინა. ამ თვლემამი, სიზმარში იხილა რაღაც საყოფელი, სახილველად ღამაზი და სიკეთე-აღმატებული ადგილი, ყვავილებით, სიმწვანითა და ხეებით გამშვენებული. მნახველთათვის ფრიად სასურველი იყო, სამოთხის მსგავსი სიკეთისა და მშვენებების გადმოცემა შეუძლებელი იყო. ამ ადგილას იყო შესაფერისი ტახტები და სარკმლები, ოქროთი, ზოგი ვერცხლით პატიოსნად შემკული, [80] თითოეული ადამიანისთვის, მის მიერ ჩადენილი საქმეების შესაფერისად, სხვადასხვა ფერად მოკაზმული. ზედა მხარეს იყო ყველა საკარცხულზე უფრო ღირსეული ტახტი, პატიოსანი თვლებითა და მარგალიტით შემკული. ამ სამოთხეში შეიყვანეს ჭეშმარიტად იქ ყოფნის ღირსი მეფე თამარი. სავარძლები რომ იხილა,

თავის გულში გაიფიქრა: „მეფე ვარ მპყრობელი და ჩემია ეს უზენაესი და ყველაზე ღირსეული საჯდომი“. მაშინვე გაემართა იქ დასაჯდომად, მაგრამ წინ დაუდგა ვილაც ნათლით მოსილი კაცი, ხელი მოჰკიდა, შეხედა და უთხრა: „ის საჯდომი შენი არ არის, რადგან შენ ძალა არ შეგწევს, მას დაეპატრონო“. მეფემ ჰკითხა: „ვინ არის ჩემზე ღირსეული, რომ დაიკავოს ის ყველაზე ღირსეული ტახტი?“ მან უპასუხა: „ის ტახტი შენს დიასახლისს ეკუთვნის, მისი ხელებით მოქსოვილი აცვია იმ თორმეტ მღვდელს, რომლებიც შესაძრწუნებელ და საშინელ ტრაპეზზე წარდგებიან უსისხლო და პატიოსანი მსხვერპლის შეწირვის ჟამს. ამიტომ იგი შენზე უმაღლესია. თუმცა შენ მეფე ხარ, შენთვის საკმარისია ეს დიდება, რადგან შენი სამყოფელი აქვია“. და უჩვენა უფრო ნაკლები და მდარე [ტახტი].

როცა გაიღვიძა, ბრძანა, მასთან მოეყვანათ ის დიასახლისი. მან აღიარა თორმეტი მღვდლისთვის სრული კვართისა და ფილონის მოქსოვა და მღვდლებისთვის მათი ჩუქება. ამის შემდეგ ამანაც დაიწყო ალექსანდრიიდან ვაჭრების მიერ ჩამოტანილი მატყლისგან ქსოვა და სამოსლის კერვა, ვიდრე თორმეტ ცალს არ შეასრულებდა.

ესეც ნათქვამია, თუმცა სიტყვა არ შემორჩენილა, რომ თავისი ხელით აკეთებდა იმის საფასურს, რასაც დღიურად ჭამდა. [81] გლახაკებს ურიგებდა არა სამეფო შემოსავლიდან, არამედ თავის ხელით-საქმარს ყიდდა და იმ ფასს გლახაკებს ახმარდა. საეკლესიო ლოცვისას ლოცვის წესი სრულად სრულდებოდა ისე, როგორც ტიპიკონი ასწავლიდა და პალესტინის მონასტრის განწესება მოგვითხრობდა, ყველაფერი სრულად. სასახლის კარზე მყოფთაგან წირვას ვერავინ ვერ დააკლდებოდა: საღამოს, დილას და სამხარზე, როგორც ნათქვამია.

სამართლიანობის შესახებ რად მჭირდება თქმა? რადგან მის დროს არ იყო დაჩაგრული, არც მტაცებელი, არც ყაჩაღი და მპარავი. ამბობდა: „მე ვარ ობოლთა მამა და ქვრივთა მსაჯული“. მონყალების [ნიმუშად] საკმარისი იქნება ვარდან დადიანი, გუზანი, რომელიც მხოლოდ დააბრმავეს, ბოცო ბოცოს ძე და მათი მომხრე დიდებულები და აზნაურები, რომლებიც შეინყაღეს.

ვინაიდან უდიდესი საქმეები გვიდევს წინ, როგორც ნათქვამია, „ვინ მომცეს მე მტრედის ფრთები?“ რომელმა მეისტორიემ მომცეს მე ღვთისმოყვარე თამარის წინაშე საოცარი და აღმატებული სიხარულით ყოველი ქართველისა და მართლმადიდებლის ამმაღლებელი სასწაულის ქმნა?

მეფესთან სამსახურის გასაწევად მოვიდა ორი ძმა, სარგის ამირს-პასალარის ძენი, რომელნიც იმ დროს მეფის მიერ დიდად განდიდებული იყვნენ: ზაქარია ამირსპასალარი და ივანე მსახურთუხუცესი. ყველა ახლობელი მეფესთან იყო: [82] იოანე კათოლიკოსი, ღვთივსულიერი, ანგელოზების თანამოღვანე კაცი, მცირე ეპისკოპოსები და საქართველოს სხვა წარჩინებულებიც იყვნენ შეკრებილი. იოანე კათოლიკოსი უსისხლო მსხვერპლს სწირავდა. მან ჟამისწირვა აღასრულა. ჟამისწირვის აღსრულებისას ყველა ღირსი მიდიოდა სეფისკვერის საქმელად. ზაქარია ამირსპასალარს უნდოდა შეხებოდა და სეფისკვერი აელო. მაგრამ მღვდლებმა არ მისცეს, რადგან სარწმუნოებით სომეხი იყო, ერთი შეჩვენებულთაგანი. სირცხვილის დასაძლევად ზაქარიამ სეფისკვერის აღება და შეჭმა იკადრა., რისთვისაც ცეცხლივით ანთებულმა კათოლიკოსმა მრისხანედ ამხილა და უთხრა: „მართლმადიდებელი თავისი ნებით არავინ არ იკადრებს მღვდელთმსახურების დროს თქვენთვის, შვიდგზის წყეული სომხებისთვის, სეფისკვერის მიცემას, მიტაცებით კი ძალლი თუ მიიტაცებს“. სირცხვილნაჭამი ზაქარია თავის კარავში წავიდა.

დარბაზობაზე, პურობის დროს, ზაქარია ამირსპასალარი ცოტა ურწმუნო სიტყვებს ამბობდა, რადგან სიტყვებით ჰგომობდა ჩვენს სარწმუნოებას. ღვთივსულიერი კათოლიკოსი პასუხობდა და უხსნიდა. ზაქარია წინააღმდეგობას ვერ უწევდა და ეუბნებოდა: „მე, მეომარი, კარგად არ ვარ განსწავლული, რომ შენ გიპასუხო, ამიტომ ჩვენი სარწმუნოების მოძღვრებს მოვუხმობ, რომლებიც ჩემს ნაცვლად ჩაგაგდებენ სირცხვილში“. იოანე კათოლიკოსმა უპასუხა; „იყოს ქრისტეს და მარადის ქალწული ღვთისმშობლის ნება, რომლებიც შეარცხვენენ მათ უარისმყოფლებს“.

ამ სიტყვებზე ზაქარიამ კაცი გააგზავნა თავიანთ კათოლიკოსთან და ეპისკოპოსებთან, ყველა ვარდაპეტთან და მეცნიერთან. ივანე [83] კი უშლიდა და ეუბნებოდა: „დაეხსენ მაგის გაკეთებას, რადგან ვიცით, რომ ჭეშმარიტი სარწმუნოება ეს არის“. მაგრამ ზაქარიამ არ ისმინა.

მოვიდა ვანის კათოლიკოსი და ყველა ვარდაპეტი. გამართეს სამსჯავრო. ერთ მხარეს დაჯდა დედოფალი, [ზეციური] დედოფლის მლოცველი, დავით მეფე და საქართველოს წარჩინებულები, მეორე მხარეს — ზაქარია და ივანე მხარგრძელები. მოუწოდეს იოანე კათოლიკოსს, შევიდა და აღმოთქვა ეს ფსალმუნი: „აღდეგ, ღმერთო, საფე შენი სჯა, გაიხსენე უგნურთა მხრიდან შენი ყვედრება“. როცა შევიდა,

მეფეები წამოდგნენ და პატივით გვერდით დაისვეს. სომეხმა მეცნიერებმა და ვარდაპეტებმა ასევე წესისამებრ პატივი მიაგეს.

მოკითხვის შემდეგ, დრო რომ მოვიდა, ყველანი დადუმდნენ და სომეხებმა, რომლებიც კეთილად მოხსენებულნი იყვნენ, მჭერმეტყველურად და ვრცელი სიტყვებით დაიწყეს თავიანთი სარწმუნოების შესახებ ლაპარაკი. ზეგარდმო ნიჭით აღსავსე კათოლიკოსი გონიერებით უხსნიდა და ბრძნულად პასუხობდა, რომ მათი ნათქვამი გაებათილებინა და საკუთარი დაემტკიცებინა. სიტყვისგება საღამომდე გაგრძელდა.

ისტორიის გაგრძელების შიშის გამო დავკამყოფილდები შემდეგის თქმით: როგორც იცით სომეხების სიტყვა-პასუხის უნარი, ძლიერი ღალადი იწყეს, პაექრობის შესაფერისი გამარჯვება დარჩებოდათ. ამის გამგონე იოანე კათოლიკოსმა, ღვთისმეტყველის მოსახელემ, შესაძლოა სული წმიდის მიერ აღვსებულმა, ან მართალ სარწმუნოებაზე მინდობილმა, არ ვიცი, დაიწყო შეუვალი სიტყვების ბრძნად წარმოთქმა. ოდესღაც დიდი ელია, ღვთის მლოცველი, მსხვერპლს ცეცხლიდან გადმოხედავდა. [84] ნახეთ, თუ რამდენად უფრო მეტად მისაღებია უსისხლო მსხვერპლი, კაცქმნილი ღმერთის სისხლი და ხორცი, ძროხის მსხვერპლზე, რომელიც აჩრდილს ბუზებს უგერიებდა. იმდენად უბრწყინვალესი და უზენაესია, რომელიც ახლა მოხდა და ითქვა, ვგონებ, სული წმიდის მეოხებით, მისი მსახური კათოლიკოსის პირით. მან თქვა:

„თარგამოსის სახლეულნო, რომელნიც შეკრებილი ხართ მართალი სარწმუნოების მოწინააღმდეგედ და მტრად! იცით, რომ კაცთა მოდგმას ეშმაკი დაეუფლა? გონების თვალის დამშრეტმა ის მისნებს დაუშონა. უვიცები და ღვთის უარმყოფელნი მსხვერპლს სწირავდნენ კერპებს, ხახვს, ნიორს და ჯინჭარს. მაგრამ ღმერთი, რომელიც თავის მიერ დაბადებულებს არ ივიწყებს, ელაპარაკა აბრაჰამს და შემდეგ, მის შთამომავლებს. შემდეგ მოსეს მისცა რჯული და სამართალი. ბოლოს უმეტესი წყალობით აღძრული, ზეციდან გადმოვიდა ერთი სამებისაგანი, ძე და სიტყვა, ქალწული მარიამისგან ხორცი შეისხა და ადამიანების მსგავსი გახდა, რადგან ქალწულის სისხლისაგან მიიღო კაცობრივი სხეული და გონიერი სული, ადამიანთა შორის ტრიალებდა და ყოველივე განგებული აღასრულა. როცა იმ შესაძრწუნებელ ნებსით ჯვარცმას ელოდა, თორმეტ მონაფესთან ერთად სერი მიიღო და პასეკი შეასრულა. როცა შესრულდა, ახალი განმადმრთობელი საიდუმლო დაიწყო: აიღო პური, გატეხა, მონაფეებს მისცა და უთხრა: „მიი-

ლეთ და ჭამეთ, ეს არის ჩემი ხორცი ცოდვათა მისატყვევებლად“. ასევე სასმელიც: „დალიეთ ამისგან, ეს არის ჩემი სისხლი“. ადრე ის ამბობდა: „თუ ადამიანის ძის ხორცს არ შეჭამთ, არ გექნებათ ჩემთან ნაწილი“. და ისევ ამბობდა; „ჩემი ხორცი ჭეშმარიტი საჭმელია და ჩემი სისხლი [85] ჭეშმარიტი სისხლია.“ და მრავალი ამნაირი სიტყვები. ახლა მიპასუხეთ: „გნამთ მახარებელთა ამნაირი სიტყვები?“ ხოლო მათ მიუგეს: „უცილობელია, რომ თავისი ხორცი და სისხლი მოგვცა, რათა მარადიულად ვჭამდეთ და ვსვამდეთ. ეს დიდი საჩუქარია ჩვენთვის, რომ ქრისტეს ღმერთად აღმსარებელნი მის ხორცს ვჭამდეთ და მის სისხლს ვსვამდეთ“.

კათოლიკოსმა ისევ საზეიმოდ განაცხადა: „კეთილი, შვილებო, რადგან აღიარეთ, ახლა ესეც გნამთ, რომ ახალი რჯული და ახალი პასუხი იყო ის სერობა და ყველანი, რომლებიც ქრისტეს ღმერთად და კაცად ვაღიარებთ, მღვდელმსახურობთ ქრისტეს ვნებების მოგონებით; ვჭამთ მის ხორცს და ვსვამთ მის სისხლს, ის არის ჩვენი რჯული და ახალი მცნება?“.

სომხებმა მიუგეს: „ესეა, ამის უმეცარი არავინ არ არის“.

კათოლიკოსმა თქვა: „ახლა იცოდეთ, თუ თქვენი სარწმუნოება უკეთესია, თქვენ მიერ შეიცვლება პური უფლის ხორცად. თუ ჩვენია უმჯობესი, ჩვენ მიერ მღვდელმოქმედებული შეიცვლება უფლის ხორცად“.

მათ თქვეს: „ეგრეა“.

კათოლიკოსმა მოსასმენად საშინელი სიტყვა თქვა: „საქმით გამოვაჩინოთ, არა სიტყვით!“.

მათ თქვეს: „რასაც აკეთებ, გააკეთე“.

კათოლიკოსმა უთხრა: „ერთ ძალს მოგცემთ და სამ დღეს გაცლით, რომ ღამე ლიტანიობასა და ღვთის ვედრებაში გაატაროთ. ძალლი სამი დღე უჭმელად დატოვეთ. ერთი ძალლი მე მომეცით, სამ დღეს უჭმელად დავტოვე, ღამეს ლიტანიობითა და ღვთის ვედრებით გავათენებ და გამოჩნდება მართალი სარწმუნოება. მესამე დღეს აღვასრულებ უსისხლო მსხვერპლს და ჩემი ხელით მოვიტან სეფისკვერს. თუმცა ეს უკადრებელია, მაგრამ წინ დაფუძებ იმ ძალს, [86] რომელიც თქვენ გყავთ. ასევე მოიტანეთ თქვენი სეფისკვერი და იმ ძალს, რომელიც მე მყავს, წინ დაუდეთ. რომლისაც შეჭამოს [ძალდმა], მისი რწმენა არ არსებობს. თუ თქვენს შეჭამს, თქვენ გრცხვენოდეთ, თუ ჩვენს შეჭამს, ჩვენ ვიქნებით შერცხვენილი“.

როცა მეფეებმა და ერმა ეს გაიგეს, განცვიფრდნენ და გამოუვალ მდგომარეობაში ჩაცვიფდნენ. გონზე რომ მოვიდნენ, კათოლიკოსს უთხრეს: „ეს რა თქვი, მოსასმენადაც საშინელებაა“. კათოლიკოსი უფრო ჯიუტად იდგა თავისაზე. თუმცა სომხებს არ სურდათ, ძალები მაინც გაცვალეს ერთმანეთში და თავიანთ კარვებში წავიდნენ.

ძლიერ აღელვებულმა მეფემ კათოლიკოსს მიმართა: „რა თქვი ეს, იმდენად გასაკვირია, რომ ვის შეუძლია ამისი გაკეთება, მოფიქრება და გაგება? კათოლიკოსმა დამშვიდებით უპასუხა: „ეს საქმე ჩემ თავში დარწმუნებულმა კი არ წამოვიწყე, არამედ ქრისტე ღმერთის იმედით, რომ მორწმუნეებს აჩვენოს, თუ ვისი სარწმუნოებაა მართალი და ვინ არიან მართლ-აღმსარებელნი და ვისი მღვდელმსახურებით შეინიარავს [ღმერთი] უსისხლო მსხვერპლს და ვის ხელებს განუჩენს ღვთის ტარიგი თავისი თავის დაკლვას, ანუ ვინ ვჭამთ მის ხორცს და ვსვამთ მის სისხლს. მართლმადიდებლობის მინდობით ცხად ვყოფთ ჭეშმარიტებას. მეფეო, შემეწიეთ შენ და თითოეული ქართველი!“ მოისმინეს რა კათოლიკოსის სიტყვები, გაოცდა მეფე და მთელი ერი, და თავ-თავის-თვის დაიშალნენ.

პარასკევი დღე იყო. დაიწყეს ლიტანიობა: ცალკე მეფემ, კათოლიკოსმა და მთელმა სამღვდელოებამ (ეპისკოპოსები ცოტანი იყვნენ, რადგან მეფეს კრება არ ჰქონდა მოწვეული), და ცალკე სომხებმა და ზაქარია და ივანე მხარგრძელებმა. ორივე ღამე გაათია. შაბათს კვლავ დაიწყეს ლიტანიობა და [87] ორშაბათი გაათენეს. მზე ამოვიდა და ყველანი ეკლესიაში გაემართნენ, ცრემლებით ევედრებოდნენ ღმერთს. ორივე მხარეს გაამზადეს წმიდა ტრაპეზი. ორივე კრებული ტიროდა. როცა უსისხლო მსხვერპლის შეწირვა აღასრულა, კათოლიკოსმა ფეშხუმით აიღო ჩვენთვის განკაცებული ქრისტე ღმერთის შესაძრწუნებელი ხორცი, წამოვიდა კრებულისკენ, გზადაგზა ამბობდა: „წმიდა არს, წმიდა არს, წმიდა არს უფალი საბაოთ, ცანი და ქვეყანა სავსეა მისით“.

მოუწოდა სომეხ ეპისკოპოსებს, მხარგრძელებს და მათი სარწმუნოების მიმდევრებს და უთხრა: „ან ისმინეთ, თარგამოსის სახლო! იცით, რომ ჩვენთვის განკაცებულმა ღმერთმა თავისი ხორცი მოგვცა საჭმელად და თქვა: „ჩემს ხორცს თუ არ შეჭამთ, ცხონება არ გექნებათ, ეს გააკეთეთ ჩემს მოსაგონრად?“ მოციქულიც ამბობს: „ეს პური, რომელსაც გავტეხავთ, ქრისტეს ხორცის ზიარება არ არის?“ ახლა,

თუ თქვენი სარწმუნოება ქვეშარიტია, ეს პური ქრისტეს წმიდა ხორცი იქნება; თუ ჩვენი სარწმუნოება მოსწონს, ჩვენ მიერ იქნება კურთხეული სრულიად უფლის ხორცად. ნუ იქნება, რომ რომელიმე უარყოფა იკადროს. მოიყვანეთ ძალლი, რომელიც მე გადმოგეცით. თუმცა საკადრისი არ არის, ამ წმიდა პურს წინ დავუდებ. თუ ძალლი მიუახლოვდება და შეეხება, არარა არის ჩვენი სარწმუნოება. მოაყვანივით თქვენი ძალლი, დავუდვით თქვენ მიერ კურთხეული პური. ნახეთ რა იქნება და მაშინ გამოჩნდება, ვისი სარწმუნოება მოსწონს ქრისტეს“.

თუმცა სომხებს არ სურდათ, მაგრამ სიმართლეზე პასუხი არ ჰქონდათ. იძულებული იყვნენ, კათოლიკოსისთვის ეთქვათ: „შენ შეგფერის, აღასრულო შენ მიერვე განწესებული საქმე“. [88] შემოვიდა ხალხის სიმრავლე სანახავად, თუ რა იქნებოდა. ამის მნახველმა კათოლიკოსმა თქვა: „მე ვიზამ“. ბრძანა, რომ ხალხი შორს და გარშემო დამდგარიყო, რათა ყველას დაენახა ღვთის დიდებულება. ხალხი მოშორებით დადგა.

წამოდგა [სათანადოდ] შემოსილი იოანე კათოლიკოსი, ხელთ ეპყრა შიშის დამცემი ის საიდუმლო, ხორცქმნილი და მღვდელთმსახურებით გამზადებული. განცვიფრებული და შეძრწუნებული მეფე და მთელი ხალხი უმზერდა მას. კათოლიკოსი იდგა, როგორც შეურყეველი და ლამაზად აგებული გოდოლი, მტკიცედ იდგა მშვენიერი სახით. ბრძანა, მოეყვანათ სამი დღის უჭმელი ძალლი. მოიყვანეს შიმშილით გაღებული ძალლი. წამოდგა იოანე კათოლიკოსი და საზეიმო ხმით ბრძანა: „ქრისტე მეუფეო, ადამიანთა ხსნისათვის განკაცებულო, ჩვენთვის ჯვარცმულო, დაფლულო და აღმდგარო და ზეცაში მამასთან ამაღლებულო, რომელმაც მოგვეცი შენი ხორცი, რომ შენდა მოსახსენებლად ვყოფდეთ; შენ, მეუფეო, მოგწონს ქართველთა სარწმუნოება, მოგწონს ეს ჩვენი სარწმუნოება, შეუხებლად და მიუკარებლად დაიცავი ჩვენ მიერ მღვდელმსახურებული შიშის დამცემი ეს შენი ხორცი; შენ შეინიღე ეს უცვლელი და აჩვენე ამ ერს ქვეშარიტი გზა. მოხედე ამ მსხვერპლს და შეარცხვინე ჩვენი მოწინააღმდეგეები“.

როცა ეს ითხოვა, მოშიებული ძალლის წინ დადო ამ შიშის დამცემი უსისხლო მსხვერპლის ნაჭერი. [ძალლმა] პური რომ ნახა, მიახტა, როცა მიუახლოვდა მიუახლებელს, მან მაშინვე საშინლად დაიყეფა და პირი არ დააკარა წმიდათა მას წმიდას. ეს გასაოცარი სასწაული რომ ნახეს, გაუკვირდათ მეფეს და მთელ ხალხს. კათოლიკოსმა და მთელმა ხალხმა ხმამაღლა შესძახეს: „დიდ ხარ შენ, უფალო, საკვირველ არიან შენი სა-

ქმენი!“ და [89] სიხარულის ცრემლებით ხმა აიმაღლეს ღვთის სადიდე-
ბლად. უღონოებაში ჩავარდნილი სომხები გაკვირვებულები იდგნენ.

მაშინ კათოლიკოსი შეევედრა მეფეს, რომ ხალხი გაეჩუმებინა. და
როცა ხმები მიწყნარდა, ნათელმოსილი სახით მიმართა სომეხ მოძლ-
ვრებსა და მხარგრძელებს: „მოისმინეთ და იცოდეთ: ღმერთი, უხილავი
და მიუახლებელი და ყოველივე ბოროტისაგან შეუხებელი, უბოროტოა
და მან თვითონ ბრძანა ამ წმიდა პურის ხორცად ქცევა. ნუ გიკვირთ,
რადგან მანვე თქვა: „იყოს ნათელი და კვლავ გამოჩნდა ნათელი“, „ხმე-
ლეთი — და გამოჩნდა.“ იმავე სიტყვამ არარასაგან შექმნა ხმელეთი.
სახისმეტყველებითად კი არ არის მისი ხორცი, არამედ ჭეშმარიტად.
მას რა უნდა შეხებოდა? მისი ხორცი და პური ან ორივე ერთია, ან ერთ-
ერთი უმჯობესია“.

სომხებს, მართალია, არ სურდათ, მაგრამ ძალაუნებურად უნდა გა-
ეკეთებინათ ეს. როცა მღვდლები დადგნენ და მოიყვანეს ძაღლი, რომე-
ლიც კათოლიკოსს ჰყავდა, და მათი მსხვერპლი მიუგდეს, [მან] მაშინვე
პირი დაავლო. ქართველებმა მხიარული ხმით მადლობა გადაუხადეს
ღმერთს, აქეთ-იქით აწყდებოდნენ და ამბობდნენ: „დიდ ხარ შენ, უფა-
ლო, და საკვირველ არიან შენი საქმენი!“ შემოსილი კათოლიკოსი თა-
ვის ცხენზე შესვეს, ხელთ ლანგარზე [დადებული] სეფისკვერი ეკავა,
თან მიჰყვებოდნენ წარჩინებულები, ლაშქარში მიმოდოდნენ და ასო-
ცდამერვე ფსალმუნს გალობდნენ: „მრავალგზის მავეწროებდნენ ჩემი
ყრმობიდან მე ჩემი მტრები და ვერ მერეოდნენ. ბეჭებზე მცემდნენ
ცოდვილები და გააგრძელეს მათი ურჯულოება. უფალმა დაამსხვრია
ცოდვილთა ზურგები. [90] შერცხვებათ და უკუ იქცევა სიონის ყველა
მოძულე. უგალობეთ უფალსა, რადგან დიდებით დიდებულთა, უფალმა
შემუსრა მებრძოლები, უფალია მისი სახელი“.

ასე მხიარული სახით შემოიარეს მთელი ბანაკი. სომხები, როგორც
ბაყაყები ტბის გარეშე, თავდახრილები უხმოდ იდგნენ, როგორც ძვე-
ლად ასტარტეს მღვდლები. ხოლო თუ რაოდენი სიხარული, ღვთის იმე-
დი და მადლობა მოიწია ქართველებზე, ამის მოყოლა შეუძლებელია.
როცა შევიდნენ, მეფემ და კათოლიკოსმა დიდი სერობა გამართეს.

შერცხვენილი სომხები მხარგრძელთა კარავში წავიდნენ. ივანე
მსახურთუხუცესმა თავის ძმას, ზაქარია ამირსპასალარს, უთხრა: „მე
დავა არ მინდოდა, ქართველებს მართალი სარწმუნოება უკავიათ, რა
გვიშლის, რომ მართალი სარწმუნოება მივიღოთ და ქართველი კა-

თოლიკოსის მიერ ნათელ-ვილოთ?“ მან უპასუხა: „ვიცი, ძმაო, რომ ქართველებს მართალი რჯული აქვთ, მაგრამ რომელიც [განკითხვის] დღეს განიკითხება, მას მოსთხოვონ, მე არ შევუერთდები ქართველებს!“ ივანემ ეს მოისმინა და უთხრა: „მიკვირს შენი სიბრძნის გამო, რომ უმჯობესს ვერ არჩევ. მე არ შევუერთდები შენს გადაწყვეტილებას, ქართველების სარწმუნოებაზე მოვინათლები“.

რა საჭიროა სიტყვები? მოვიდა და ჩვენს სარწმუნოებაზე მოინათლა იოანე კათოლიკოსის მიერ. სომხების დიდი რაოდენობაც მოვიდა ნათლისღების მიზნით. შეიქმნა დიდი სიხარული. ზაქარია თავის ურწმუნოებაზე დარჩა.

ამგვარი საჩუქარი და პატივი მიჰმადლა თამარს მის მიერ სათაყვანებელმა ღმერთმა, მაგრამ არც მას დაზარებია ღვთის სათნო საქმეების კეთება. ამიტომ წამოიწყო მისი გამარჯვებების ხელისშემწყობის, ზე-კურთხეული ვარძიის ღვთისმშობლის საყოფლის შენება, ზემო ვარძია ქვემო ვარძიით შეცვალა, [91] კლდეში გამოკვეთა თვით წმინდა ეკლესია, და მონაზონთა სამყოფელო სენაკები, რომლებიც მტრისგან მიუვალი და მიუდგომი გახადა. პირველად ვარძიის [შენება] მის სანატრელ მამას, გიორგის, ჰქონდა დაწყებული, მაგრამ არ დაუსრულებია და ისე დატოვა. ამან დაასრულა და ყოველნაირად შეამკო, მრავალი და დიდი სოფლები შესწირა, უზრუნველყო ტრაპეზის დიდი შემოსავლები, იმდენი, რომ ყველაფრის მოყოლა ძნელია. თუ ვინმეს ნებავს ამის გაგება, ნახოს ვარძია და მის მიერ გაკეთებული საქმეები და ნაშენები გამოქვაბულები. ვინაიდან თამარ მეფემ განიზრახა უბინო და გასაოცარი, სასწაულთმოქმედი ვარძიის ღვთისმშობლის მსახურება, ამიტომ ადრინდელზე უფრო განდიდდა მისი მეფობა.

ხოლო ისმინეთ მისი სხვა საქმეების, მონასტერთა აშენებისა და შეწირულობის შესახებ. არა მხოლოდ საქართველოში ააშენა მონასტრები, არამედ პალესტინაში, იერუსალიმში პირველად ააშენა მონასტერი. და კიდევ, კვიპროსზე შეამკო ღალია და უყიდა სამფლობელოები, მონასტერი ააშენა და პატიოსანი მონასტრის ყველა წესით შეამკო. და კიდევ, კონსტანტინოპოლში ააშენა მათი მეტოქე. გრძელია მოსაყოლად, რა ნყალობაც უხვად მიჰფინა საბერძნეთსა და მთელ ელადაში არსებულ მონასტრებს. საქართველოში პატარა მონასტრიდან დაწყებული საყდარ-ეკლესიები არ დაუტოვებია, რომ ნყალობით არ აევსო.

ასე კეთილად იყო მიპყრობილი საუკუნო გონების მიმართ, რისთვისაც წყალობა-მომნიჭებელი [ღმერთი] დღე-კეთილობაში წარუშარტავდა საქმეებს. ყველა გარშემო მყოფი მეფე, ქალაქი [92] და ამირა ძღვევნითა და ხარკით იმადლიერებდა მის მამაც მეომრებს. ურჩებს არბევდნენ.

აქამდე ყარსი თურქებს ჰქონდათ. ალყის შემოსარტყმელად ლაშქარი გააგზავნა. თურქებმა გაიგეს, ყარსი დატოვეს და გაიქცნენ. მეფემ აიღო, ყარსი დაისაკუთრა და მის მცველად ივანე ახალციხელი დატოვა და მონაპირედ გაამწესა. მასვე უბოძა ათაბაგობა და ამირთაამირობა. ამის გამო თურქებს დიდი წყენა შეემთხვათ. დიდი ზარალი მიაყენა [თურქებს], რადგან მათ გარშემო ქვეყნები წაართვა, მიიღო და დაისაკუთრა. მეფესთან მახარობელი გამოგზავნა და მადლობა დაიმსახურა. ივანესვე უბოძა კარული და მისი ქვეყანა. თამარის სამეფო წარმატებული ხდებოდა და დღით-დღე იზრდებოდა. ყველა სულთანს მეფის შიში და ძრწოლა ჰქონდა.

უდიდესი საქმეები გამომიჩნდა, ამ საქმეების სიდიდის გამო გონება დამიუძღურდა მოსათხრობად, რადგან შეუფერებელია ჩემთვის ამათი თხრობა, მხოლოდ ადრინდელ მწერლებს თუ [შეეფერება].

ეს ესმა სელჯუკთა დიდ სულთანს, რუქნადინს, რომელიც სხვა ყველა სულთანზე უმაღლესი და უდიდესი იყო, რომელიც ბატონობს დიდ საბერძნეთში, აზიასა და კაპადოკიაში ვიდრე პონტოს ზღვამდე. მან თავის მრავალრიცხოვან ლაშქარს მოუწოდა. შეიკრიბა ორმოცჯერ ათიათასი კაცი, რომელიც არის ოთხასი [93] ათასი. მეფესთან მოციქული გამოაგზავნა და წერილი გამოატანა, რომელშიც ეს ეწერა: „მხოლოდ ღმერთზე უმდაბლესისა და ყველა მხარის მპყრობელის! ყოველი დედაკაცი რეგვენია, შენ ქართველებისთვის გიბრძანებია მუსულმანების დასახოცად ხმლის აღება. ესაა ხმალი, რომელიც ბოძებულია დიდი მოციქული მაჰმადისთვის, მისი ერის თავისათვის. ვაგზავნი მთელ ჩემ მხედრობას, რომ გავწყვიტო მაგ ქვეყნის ყველა მამაკაცი. ცოცხალი ის დარჩება, რომელიც წინ მომეგებება, ჩემს კარავს თაყვანსა სცემს, თქვენ სასოება ჯვარს ჩემ წინ დალენავს და მაჰმადს აღიარებს“.

მეფის პასუხი რუქნადინს

მინდობილმა ყოვლისმპყრობელი ღმერთის ძალას, მარადის ქალწული მარიამის [მიმართ] სასოებით მლოცველმა და პატიოსანი ჯვრის

მკედრებელმა ნავიკითხე ღვთის განმარისხებელი შენი წერილი, რუქ-ნადინო, და შევიცანი შენი სიცრუენი, რომელთა განმსჯელი მხოლოდ ღმერთი იქნება! შენ ვირით დამტარებელთა ოქროს სიმრავლეზე ხარ მინდობილი, ხოლო მე არც [94] სიმდიდრეზე და არც ჩემი ლაშქრის ძალაზე, არამედ ყოვლისმპყრობელი ღმერთისა და წმიდა ჯვრის ძალაზე, რომელიც შენ დაჰგმე. ვაგზავნი მთელ ჩემ მხედრობას შენს დასახვედრად. იყო ნება ღვთისა, ნუ — შენი! მისი სამართალი, ნუ — შენი!“

როცა მოციქული მოვიდა და მეფე თამართან შეიყვანეს, წერილი გადასცა, წარუდგა და უკადრებელი სიტყვები წარმოთქვა: „თუ თქვენი მეფე რჯულს დატოვებს, სულთანი ცოლად შეირთავს. ხოლო თუ რჯულს არ დატოვებს, სულთნის ხარჭა იქნება!“ ეს თავხედური სიტყვები რომ წარმოთქვა, წამოდგა ზაქარია მხარგრძელი და სახეზე მუშტი დაჰკრა. როგორც მკვდარი დაეცა და ეგდო. როცა ასწიეს, ფეხზე დააყენეს და ცნობაზე მოვიდა, ზაქარიამ უთხრა: „მოციქული რომ არ ყოფილიყავი, თავხედური საქციელისთვის პირველად ენის მოკვეთა იქნებოდა შენი სამართალი და მერე — თავისა. ახლა შენთან ლაპარაკი არ ღირს. ეს წერილი რუქნადინს გადაეცი და უთხარი: „ჩვენ მზად ვართ საბრძოლველად და დასახვედრად, დაე, აღსრულდეს ღვთის სამართალი!“

წერილი მისცა, შემდეგ შემოსეს და საჩუქარიც უბოძეს, მწვავე პასუხით გაგზავნეს. მაშინ მოუწოდეს იმერთა და ამერთა ლაშქარს ნიკოფსიიდან დარუბანდამდე, ჯავახეთში შეიკრიბნენ. თამარი ვარძიაში წავიდა ვარძიის ღვთისმშობლის [95] წინაშე. ცრემლებით შეავედრა დავით სოსლანი და თავისი ლაშქარი. ვარძიიდან გაატანა თავისი სვიანი და ბედნიერად ნატარები დროშა. ლაშქარი გაემართა. წინამძღოლებად იყვნენ ამირსპასალარი ზაქარია მხარგრძელი, ორი ძმა, შალვა და ივანე ახალციხელები, თუმცა შალვა მანდატურთუხუცესი იყო, ჭიბერი და სხვა თორელები და გაემართნენ ბასიანის მხარეს. თამარ მეფე ოძრხეში მოვიდა. მას ახლდნენ შავთელი, კაცი ფილოსოფოსი და რიტორი, ლექსების გამომთქმელი და მოღვაწეობით განთქმული; სალოსად წოდებული და წინასწარმეტყველების ნიჭით დაჯილდოებული ევლოგი. თამარ მეფე ამათთან იმყოფებოდა დღე და ღამე ლოცვით, ფსალმუნების გალობით, უძილოდ ღამისთევით. ყოველ დღე-ღამე ლიტანიობდა, არ ისვენებდა. ბრძანა ყველგან საყდრებში, მონასტრებსა და სოფლებში ლიტანიობა და ღვთისადმი ვედრება [აღევლინათ].

ხოლო დავით მეფემ ის გააკეთა, რომ უნდოდა ზევითკენ წასულიყო, სადაც დაბანაკებული იყო [სულთანი] [96] ბასიანის ადგილას, რომელსაც ბოლოსციხე ეწოდებოდა. მივიდნენ სულთნის ბანაკთან. არ დაითვლებოდა მათი ცხენების, ჯორების, აქლემების, კარვებისა და სადგომების რიცხვი. მინდორი ძლივს იტევდა მათ კარვებს და იქ მყოფებს, ქართველებზე ბევრად მეტი იყვნენ. სულთანი მშვიდად და უშიშრად იდგა. დავითი და ქართველები მიუახლოვდნენ, დაანწყვეს რაზმი, სადაც წინამძღოლად იყვნენ ამირსპასალარი ზაქარია მხარგრძელი, ახალციხელები შალვა და ივანე, და სხვა თორელები. ერთ მხარეს [იყვნენ] აფხაზები და იმერლები, მეორე მხარეს — ამერნი და ჰერ-კახელები. ასე წყნარად მიდიოდნენ. სულთანს დარაჯები არ ეყენა, მაგრამ სულთნის კაცმა იხილა, რომ მოვიდა ურჯულოთა ურიცხვი ლაშქარი. მათი მეფის იმედი წახდა, ისინი შედრკნენ, ჯოგი მოასხეს, შეიარაღდნენ, ცხენებს მოახტნენ, ბარგი და კარვები დატოვეს. კარვებიდან რომ გამოვიდნენ, საბრძოლოდ დაენწყნენ. ორთავე მხარის პირველი რიგები ერთმანეთის პირისპირ დადგნენ. ატყდა ფიცხელი და ძლიერი ბრძოლა. ძველად თუ მომხდარა ასეთი მამაცური ომი.

ომი დიდხანს გაგრძელდა, განყდნენ მებრძოლები ორივე მხარეს, უფრო მეტად სულთნის ლაშქარი წყდებოდა. ომი ისე გაგრძელდა, რომ ცხენი მოუკლეს ივანე მსახურთუხუცესს, ზაქარია გაგელს, შალვა და ივანე ახალციხელებს, მამაც ვაჟკაცს, თაყაიადინ თმოგველს, და სხვა მრავალ თავადს. [ქართველებს] კინალამ გასაქცევად [97] გაუხდათ საქმე. საქართველოს მამაცი ვაჟკაცები ქვეითად დარჩნენ რაზმებში. მებრძოლებმა ქვეითად მყოფი თავ-თავიანთი პატრონები რომ ნახეს, სასიკვდილოდ თავი გადადეს, ცხენებიდან ჩამოხტნენ და თავიანთ პატრონებს გვერდით დაუდგნენ, ქვეითი — ქვეითებს და ასე შეიქნა ძლიერი ომი. და როცა დავით მხნემ ეს იხილა, იმის შიშით, რომ ცხენოსან ქართველებს ქვეითი ქართველები არ გადაეთელათ, მან ერთ მხრისკენ გაარიდა თავი, ზაქარია მხარგრძელმა — მარჯვენა მხრისკენ და როცა ქართველებს მოშორდნენ, მათ სპარსელების მხარეს მიაშურეს. და როგორც მონადირე გაეკიდება ნადირს, ისეთი სისწრაფით დაესხნენ თავს, ერთ მხარეს დავით სოსლანი და მეორე მხარეს — ზაქარია, მაგრამ ვინც უფრო ახლოს იყო, უწინარეს ის მივიდა. იმ წუთში მივიდა დავითი და მისი ლაქარი და როგორც ცხვარში მგლები, ისე შეცვივდნენ სულთნის ურიცხვ ლაშქარში. პირველივე შეტაკებაზე და

ხმლების დაჯახებაზე წყალობა-აურაცხელმა ღმერთმა მოხედა ჯვარის მოსავეებს და ვარძიის ღვთისმშობელმა განადიდა დავითის და თამარის დიდება. ამხელა სიმრავლე უცბად შეირყა, იძლია და დაიფანტა. იმას ჰგავდა, თითქოს თვალუნვდენელი ტყით დაბურული მაღალი ადგილი მინითურთ მოირღვა და დაზავდა. სადაც თვალი მისწვდებოდა, ყველგან ტყესავით ხშირი ლტოლვილი ლაშქარი ჩანდა.

ქვეითად მყოფი მამაცი ქართველები, რომლებიც ზემოთ ვახსენეთ, ცხენებზე შესხდნენ და ღამის დადგომამდე დევნიდნენ [მტერს], ხოცავდნენ, ძირს ყრიდნენ და ტყვედ აჰყავდათ. ისინიც მთელი ჯარით ვერ ეტეოდნენ [იმ ადგილას] და ერთმანეთს ქელავდნენ.

[98] ამ ამბების მთხრობელს კვლავ დადუმება მომინდა. გაკვირვებული ვარ, თუ როგორი წყალობით მოხედა თავის სამკვიდრებელს ღმერთმა და ვარძიის ღვთისმშობელმა, როგორ უვნებლად დაიცვა მას შევედრებული ქართველი ხალხი და ასე წარმოჩენილი ერი ისე, რომ ამ სიმრავლეში არც ერთი საჩინო, მეფის მიერ გამორჩეული კაცი, არ მომკვდარა. როგორ ივლტოდა [მტრის] მრავალრიცხოვანი ლაშქარი და როგორ უვნებლად დაიცვა თამარის ლაშქარი! აივსნენ ოქროთი, ვერცხლით და პათიოსანი თვლებით. ხოლო ცხენ-ჯორისა და აქლემის რაოდენობას, რომელიც დაყარეს, ვინ აღრიცხავდა? კარვის საფენებით, შესამოსლით, ღარის შეკვრებით სავსე იყო მათი ბანაკის ადგილსამყოფელი. ისე თავზარდაცემულები გარბოდნენ, რომ სისწრაფეში არ მიხედეს კარვებისა და ფარდაგების სიმდიდრეს. თითო ცხენით გარბოდნენ, მარჯაფას ტოვებდნენ.

ასე ძლევა-შემოსილები, ღვთის მადიდებელნი, შემობრუნდნენ და მათ კარვებში დადგნენ. როგორც რიყის ქვა, ისე იდო შაქრის გორები. იმ ადგილას წყაროები იყო: მოვიდოდა კაცი და მუზარადს საფენს ამოფხრენდა, შაქრით გატენიდა, წყლით აავსებდა და სვამდა. ამგვარად, სახელოვანი დავითი თავის მზესთან გაემართა.

უკვე ვთქვით, რომ თამარ მეფის ოძრხეში ყოფნის დროს მას თან ახლდნენ [99] იოვანე შავთელი და ევლოგი, ღმერთს ევედრებოდნენ, ღამეს ათენებდნენ ლაშქრის გამარჯვებისთვის [ლოცვაში]. ერთ დღეს შავთელი და ევლოგი თამარ მეფესთან ისხდნენ. უეცრად ევლოგის რალაც საოცრება დაემართა: ზემოთ დაიწყო ყურება. როცა უყურებდა, უეცრად მწუხარე სახით იგი სამჯერ დაეცა ძირს, მაშინვე ადგა და წამოიძახა: „აჰა, ღვთის წყალობა მოინია თამარის სახლზე!“ გაიქცა

და ავიდა მთაზე, რომელსაც არაგანი ჰქვია. მაშინ შავთელმა უთხრა: „იცოდე, მეფეო, რომ სალოსმა ჩვენება იხილა, მაგრამ ჩვენება კეთილი მგონია“. ჩაინერეს დღე, ღამე და საათი.

მონყალე ღმერთმა წინასწარ დასახა ყველა ნივთის შექმნა ჩვენი უკანასკნელი ხსნისათვის. მონყალემ იმავე დღეს თავისი აღდგომით დასახა ჩვენი ხსნა. ამნაირად სახელგანთქმულები, მხიარული სახეებით, ვარძიაში მოვიდნენ, თამარიც მივიდა და ჯეროვანი მადლობა შესწირეს [ღმერთს].

ამგვარ დღითი-დღე წარმატებებსა და განდიდებაში იმყოფებოდა ყველა სკიპტრის-მპყრობელზე უბრწყინვალესი თამარი. უფრო და უფრო უმატებდა ღვთისმსახურებას, ეკლესია და მონასტრების შენებასა და შემკობას, ობოლთა და ქვრივთა შეწყალებას და სამართლის მოფენას. ამგვარად იშვებდნენ და ხარობდნენ სამეფოში. დროდადრო აფხაზეთში გადავიდოდნენ და იქაურ საქმეებს განაგებდნენ. ნადირობდნენ მშვენიერ სანადირო ადგილებში — გეგუთსა და აჯამეთში. შემდეგ ქართლში, სომხეთში გადმოდიოდნენ, დვინში შეჩერდებოდნენ. ხარკით მოდიოდნენ განჯელები და ზემოთა ქალაქელები. გაზაფხულზე ამოივლიდნენ სომხეთიდან, [100] ნახჭევანელებს ხარკი მოჰქონდათ. წავიდოდნენ კოლაში, არტაანის თავში, იქიდანაც მოჰქონდათ ხარკი კარინის-ქალაქიდან, ეზინკიდან და სხვა ქალაქების ადგილებიდან.

ასეთ სიხარულს მწუხარება მოსდევს.

მწუხარება მოიწია, რადგან გარდაიცვალა დავით სოსლანი, ყოველგვარი ღვთიური და კაცური სიკეთით აღსავსე კაცი, შესახედავად მშვენიერი, ხოლო ბრძოლებსა და ომებში მამაცი, გულოვანი, უხვი, მდაბალი და სიკეთელმატებული. ორი შვილი დატოვა: ყრმა ლაშა-გიორგი და ასული რუსუდანი. იტირეს, იგლოვეს და ყველა თანამემამულეს მწუხარება დაუტოვეს.

იმ ხანებში, საკმაოდ ხანგრძლივად, ყველგან მშვიდობამ დაისადგურა. მეფე გეგუთში იმყოფებოდა, რადგან წმიდა მარხვა იდგა. ორივე მხარგრძელი მეფესთან იყო. როგორც კი არდაველის სულთანმა [ეს] შეიტყო, ქრისტიანების სამტროდ აღიძრა, მოუნოდა თავის ლაშქარს, გამოემართა და ანისი ააოხრა, რადგან იცოდა, რომ მხარგრძელები შინ არ იმყოფებოდნენ. წამოვიდა, არაქსის პირი ამოიარა. უჩუმრად ანში მოვიდა. გზა და გზა არავინ დაურბევია და დიდ შაბათს საღამოს ქალაქ ანისში მოვიდა. და როცა ცისკარი დადგა და ძელსა ჰკრეს და

ქალაქის კარები გააღეს, მყის მიესივნენ ქალაქის კარებს, ცხენოსნებმა შეუტიეს. ქალაქის კარების დაკეტვა ვერ მოასწრეს. ქალაქში შეცვივდნენ, იწყეს ხოცვა-ჟლეტა, დატყვევება. ხალხის უმრავლესობა ეკლესიაში იყო, როგორც შეჭვერის ქრისტიანეთა რჯულს. ზოგი სასახლეში გამაგრდა, ზოგმა გამოქვაბულებს (რომლებსაც „ქარტუნს“ ეძახიან) მიაშურა. [101] და რომელიც გაერიდა, ან ციხეში, ან ქარტუნში შევიდა, რადგან გარშემო სამი მხრიდან კლდოვანი და ქვებიანი ქარაფი იყო.

ამგვარად ხელთ იგდეს ქალაქი, თორმეტი ათასი კაცი ეკლესიებში ცხვარივით დაკლეს, გარდა იმათი, რომლებიც ქუჩებსა და მოედნებზე დახოცეს. ასე საშინლად მოაოხრეს ანისი, და ტყვიითა და ალაფით სავსენი შინ გაბრუნდნენ.

ანისის მოოხრების ამბავი ახალ-კვირიაკე დღეს გეგუთში აცნობეს თამარ მეფეს, ზაქარია ამირსპასალარს და ივანე მსახურთუხუცესს. გაიგეს და დიდად შეწუხდნენ. მწუხარებამ მოიცვა და რა ექნათ, არ იცოდნენ. მათი გულები ცეცხლივით იყო ანთებული. მწუხარებითა და გულისწყრომით მოცული მეფე და მისი მეომრები სპარსელებთან საბრძოლველად გაემზადნენ.

მაშინ მხარგრძელებმა მეფეს უთხრეს: „ ბოროტება მოინია ჩვენზე. ღვთის მცნების გარდასვლის გამო. ჩვენი ცოდვების გამო უბოროტესად დაიხოცა ამდენი სული ქრისტიანე სარკინოზების მიერ. მაგრამ ვევედრებით ღვთის ნყალობასა და პატიოსან ჯვარს, რომ არ დაუშვას სარკინოზთა მიერ ჯვრის მოსავთა სრული მოსპობა, არამედ შური ვიძიოთ, გავემზადოთ, რომ სანაცვლო მივუზლოთ, მათი ბოროტება მათვე დაუბრუნდეს. მეფეო, აუწყე შენს მოლაშქრეებს, რომ მოემზადონ არდაველის სულთნის წინააღმდეგ. ნავიდეთ ანისში და სადაც სპარსელები ვნახოთ, შევიპყრათ. ბევრი ნუ წავალთ, მხოლოდ მცირე [რაოდენობა], რადგან ბევრი რომ ნავიდეთ, გაიგებენ და სიმაგრეებში შევლენ. მცირე ლაშქარი დამახმარე. როცა [მათი] შეგინებული მარხვა მოვა, მზად იყვნენ, როცა ჩვენ გაგაგებინებთ.“ მეფეს მოეწონა მათი ნათქვამი და ბრძანება გასცა, რომ მისი ლაშქარი მზად ყოფილიყო.

[102] მხარგრძელები ანისისკენ წამოვიდნენ და სამზადისს შეუდგნენ. მოახლოვდა მათი ბილწი რჯულის მარხვა. მეფესთან ლაშქრის მთხოვნელი კაცი გამოუშვეს. მან მესხებს, თორელებს, თმოგველებს, ჰერ-კახელებს, სომხითარებს ბრძანება მისცა; ქართლელები არ

წაიყვანეს იმის გამო, რომ არდაველში მყოფებს არ გაეგოთ. შეიკრიბნენ ანისში და არდაველისკენ გაემართნენ. გადაიარეს გელაქუნი, ჩაიარეს ისპიანი, გავიდნენ ხვაფრიდის ხიდზე და არდაველს მიაშურეს. დრო ისე გამოზომეს, რომ აიდი გათენებულყო, რომელიც არის მათი აღდგომა. იმ ღამეს არდაველს გარს შემოერთყნენ. როცა მათი ბილნი ქადაგების მქადაგებელმა ხმა ამოიღო და გახშირდა მუეძინების ყვილი, მხარგრძელებმა ყოველი მხრიდან ცხენოსნებით შეუტყიეს, შეცვივდნენ და უომრად ხელთ იგდეს ქალაქი, თვითონ სულთანი, მისი ცოლები და შვილები და სულთნის ქალაქის მთელი სიმდიდრე. ისე აივსნენ აურაცხელი სიმდიდრით, თვალ-მარგალიტით, ოქროთი და ვერცხლით, ოქროს და ვერცხლის ჭურჭლით, შესამოსლით, ფარდაგებითა და ძალიან მდიდარი ქალაქის ყოველგვარი ქონებით, რომ ამის გადმოცემა ძალიან ძნელია. აივსნენ ცხენებით, ჯორით, აქლემით. საქონელი თვით მათვე სახედრებს ძლივს აჰკიდეს და გამოემართნენ. არდაველის სულთანი მოკლეს, მისი ცოლები და შვილები დაატყვევეს და წამოიყვანეს. თორმეტი ათასი რჩეული კაცი მიზგითებში მოკლეს ისე, როგორც მათ ჩაიდინეს ანისის ეკლესიებში. ხალხის უმრავლესობა დახოცეს [103], სხვები დაატყვევეს. ამოიარეს იგივე გზა და ასე ძლევამოსილები, დიდად ნუგეშცემულები ანისში მოვიდნენ. მოვიდნენ მეფეთამეფესთან, მზეთა-მზესთან და დედოფალთ-დედოფალთან. მოიტანეს ძღვენი და საბოძვარი, აავსეს ყოველი მთავარი, თვითონ მეფე და ყველა მასთან მყოფი. იმ ხანებში მეფე კოლაში იდგა. მთელი ქვეყანა გაივსო სიმდიდრით, ოქროთი, ვერცხლით, თვალთ, მარგალიტით, რაც მოიტანეს ზაქარიამ და ივანემ, რომლის გამო დიდად მადლიერმა მეფემ მრავალი ციხე, ქალაქი და მიწა უბოძა. ღვთის მადიდებელნი ასე იშვებდნენ. მეფე ნებიერად იმყოფებოდა და გარშემო მყოფებისგან ხარკი და ძღვენი მოსდიოდა.

მაგრამ სხვა უდიდესმა საქმეებმა იჩინა თავი. მხარგრძელები, ზაქარია ამირსპასალარი და ივანე მსახურთუხუცესი, და ვარამ გაგელი მეფესთან მოვიდნენ და მოახსენეს: „ძლიერო ხელმწიფე, გვირგვინოსანთა შორის ყველაზე გაბრწყინვებულს, ნახე და დაათვალიერე შენი სამეფო, გაიგე შენი ლაშქრის სიქველე და სიმამაცე. გაიგე, რომ შენს ლაშქარში მრავალი ახოვანი, მამაცი და რჩეული ვაჟკაცია, არ არსებობს მათი მოწინააღმდეგე. თქვენი მეომრების საქმეები უბრალოდ დავიწყებას რომ არ მიეცეს, ბრძანოს თქვენმა მეფობამ, რომ ავამხე-

დროთ ისინი ერაცის, რომ-გურის (რომელიც ხორასანია) წინააღმდეგ აღმოსავლეთის ყველა ლაშქარმა შეიტყოს ჩვენი ძალა და სიმხნე. უბრძანე საქართველოს ლაშქარს— მზად იყვნენ ხორასანზე გასალაშქრებლად. თუმცა არავინ ქართველთაგანი ჯერ არ ყოფილა ხორასანში და ერაცში, ბრძანე, რომ შეიარაღდნენ ნიკოფსიიდან დარუბანდამდე და მზად იყვნენ“.

[104] როცა მეფემ მხარგრძელების ნათქვამი მოისმინა, მოუწოდა სამეფოს ყველა წარჩინებულს, ამერსა და იმერს და ამცნო მათი ნათქვამი. როცა მხარგრძელების მიერ ლაშქრად განვევა გაიგეს, ყველას მოეწონა მათი ნათქვამი და გადაწყვიტეს ლაშქრობა. დაიწყეს სამზადისი.

შემოდგომა მოიწია, ყველანი თბილისში მეფესთან მოვიდნენ. [მან] დაათვალიერა თავისი ლაშქარი, ნახა [ისინი] კარგი და წესიერი აბჯრით აღკაზმულები, მოეწონა მათი აბჯარი და საუკეთესო ცხენები, მეომრების რაოდენობა და სიმხნე, სპარსელებზე შურისძიებით განწყობა. გამოიტანა სვიანად ნატარები, გორგასლიანი და დავითიანი დროშა და ვარძიის ღვთისმშობელს შეავედრა. დალოცა დროშა და ლაშქარი და სპარსეთში გააგზავნა. დროშა ზაქარია ამირსპასალარს მისცა და სპარსეთისკენ გაეშურნენ.

ჩაიარეს ნახჭევანის პირი და გავიდნენ ჯულასა და არაქსში, გაიარეს დარდუზის ვიწრო ყელი და მარანდში ავიდნენ. გაიგეს თუ არა მარანდელებმა, კლდეებში გაიხიზნენ. ესენი მარანდში რომ მივიდნენ, კაცი ვერ იპოვეს, ეგონათ მარანდის მთებში იმყოფებოდა ადარბადაგანის ლაშქარი. ამიტომ შეარჩიეს ხუთასი რჩეული მხედარი დიდებული და აზნაური. მხედართმთავრად თაყაიადინ თმოგველი დაუყენეს. გაეშურნენ, მარანდის აღმართები აიარეს, ავიდნენ მარანდის თავში ვაკეზე და დადგნენ იმ მთაზე, რადგან ზაქარიას ასე უცნობებია: „არავინ არ ჩაერთოს ბრძოლაში, სანამ იგი და მისი ლაშქარი სრულად არ მივიდოდა იმ მთაზე. თუ დიდ ლაშქარს ნახავენ, აცნობონ ზაქარიას და რასაც ის უბრძანებს, ის შეასრულონ“.

დადგა ხუთასი წარჩინებული კაცი. ისინი მთიდან დაინახეს მარანდელებმა, რომელნიც შეხიზნული იყვნენ მაღალ კლდეებსა და ნაპრალებში, რომლებიც [105] მარანდის მთის ზემო მხარეზეა, სხვა მთებზე უმაღლესია და სავსეა ქვითა და კლდით. მარანდელებმა მცირე ლაშქარი ნახეს, შეიარაღდნენ და ყვირილითა და გნიახით შემოესივნენ, რადგან სიმცირის გამო არად ჩააგდეს. ამათ შეუტყეს ისე ძლიერად და

გააქციეს ისე, რომ მხოლოდ მცირედი გადაურჩათ. უმრავლესი მოკლეს და სხვებს დიდხანს დევნიდნენ.

ლაშქარი ავიდა. ნახეს ნაომარი მინდორი, დახოცილი ადამიანებითა და ცხენებით სავსე და არც ერთი არ იყო ქართველი. ღმერთმა ისეთი ძლევა მისცა [ქართველებს], რომ ხუთასი შუბი ხუთას კაცსა და ცხენზე იყო [დარჭობილი]. ნახეს და გაუკვირდათ. უკვირდათ, რომ ერთი ქართველი ვერ ნახეს. გაოგნებული და დადარდიანებული ზაქარია ფიქრობდა და არ იცოდა, რა მოემოქმედა. მცირე ხანი დარჩნენ. გამოჩნდნენ დევნისაგან უკან მობრუნებული მოლაშქრეები. ზაქარიამ ნახა და სიხარულმა შეიპყრო. ღმერთს დიდი მადლობა შესწირეს, რომ არც ერთი ქართველი არ მომკვდარა და ისეთი გამარჯვება მოიპოვეს, რომ ხუთას კაცს ხუთასი შუბი ხუთასი ცხენისა და კაცისათვის უძგერებია, ხუთასზე დასობილი [შუბები] ნახეს.

მიუხედავად ასეთი გამარჯვებისა, ძლიერ უსაყვედურეს თაყაიდინს, განსაკუთრებით ზაქარია ეუბნებოდა მკაცრ სიტყვებს, რომ ისე ჩაება ბრძოლაში, სხვებს არ გააგებინა.

გამხიარულებულები და გამარჯვებისთვის ღვთის მადიდებელნი წამოვიდნენ და გაემართნენ ქალაქ თავრიზისკენ. გადაიარეს დევსოფნად წოდებული მთა. როცა თავრიზის მცხოვრებლებმა ქართული ლაშქრის მისვლა გაიგეს, შეშინდნენ და თავრიზის ყველა მკვიდრი ძრწოლამ შეიპყრო. თავრიზის ხოჯებმა, ყველა წარჩინებულმა და მათმა მომხრეებმა გადანყვიტეს, რომ ხარკის მიცემით, ძღვენით, ხვეწნით [106] და ზენაარი ღმერთის ვედრებით მოეგოთ ქართველი თავადებისა და მოლაშქრეების გული. მოციქული გამოაგზავნეს და მშვიდობა ითხოვეს, ითხოვეს, არ აეოხრებინათ მათი ქალაქი. აღუთქვეს ძღვენი: ოქრო და ვერცხლი, უამრავი თვალი პატიოსანი და ძვირფასი მარგალიტი. გაუკვირდათ ქართველ წარჩინებულებს, ზაქარია და ივანე მხარგრძელებსაც. აღუთქვეს მშვიდობა, და რომ მათ ქვეყანაზე უვნებლად გაივლიდნენ. ფიცით სიტყვა მისცეს. მოვიდნენ მოსამართლეები, ხოჯები, დერვიშები და თავრიზის ყველა თავადი. მოიტანეს ოქრო და ვერცხლი, ლარი, ცხენები, ჯორი და აქლემი, თვალ-მარგალიტი, შესამოსელი, ლაშქრისთვის საკმარისი სურსათ – სანოვაგე. გამდიდრდა ყველა, დიდი და მცირე.

ქალაქში მცველები დააყენეს და წავიდნენ. გაიარეს ადარბადაგანი, მიაშურეს მიანას. მიანის მელიქმა შეიტყო ქართველების მისვლა და თავრიზელების ნამოქმედარი. მანაც მშვიდობა ითხოვა და ურიცხვი

საქონლის მიცემა აღუთქვა. ზაქარიამ მოუსმინა და მოიხმო მშვიდობის დასამყარებლად. იმანაც მოიტანა ოქრო და ვერცხლი და ძვირფასი ქვები, ყოველგვარი სიმდიდრით გაავსო. მიანში მცველები დატოვეს და მიანა დატოვეს და მშვიდობით წამოვიდნენ.

მიაღწიეს პატარა, ალიზის გალავნით გამაგრებულ ქალაქ ზანგანს. ქალაქი ძლიერ გაამაგრეს და ფიცხელი ბრძოლა დაიწყეს. რადგან ომი გაგრძელდა, ქალაქის ზღუდე ადგილ და ადგილ გაინანილეს, რომ საძირკველი შეეთხარათ. დაიწყეს გალავნის თხრა. ყველაზე ადრე მესხებმა მარჯვენა მხარეზე გათხარეს გალავანი (ალიზისა იყო), პირველები შევიდნენ ქალაქში, დაიწყეს ხოცვა და ჟლეტა, ვინც კი მეომარი იყო. მესხები [107] საქონლით გაივსნენ. ყოველი მხრივ გათხარეს გალავანი და შემოვიდნენ, დაატყვევეს და აივსნენ საქონლით. დადგნენ და მცირე ხანს შეისვენეს. შემდეგ ამხედრდნენ და ხორასანში წავიდნენ და სალამოს მივიდნენ პატარა სოფელ-ქალაქ მუსულმანში, რომელიც მოაოხრეს. იქ ცოტა დაისვენეს.

შემდეგ გაემართნენ ქალაქ ხორასნისაკენ და ყაზმინს რომ მიაღწიეს, ყაზმინისა და აჰვარის მახლობლად, მათ წინააღმდეგობა ვერ გაუწიეს. მოარბიეს და აივსნენ საქონლით. მათი საქონელი მათსავე სახედრებს აჰკიდეს. ადამიანებს არა დაუშავეს, მამაკაცები და პატარა ბიჭები ტყვედ წამოიყვანეს. გაემართნენ, ლტოლვილებს დაენივნენ, აქაც აივსნენ ოქროთი და ვერცხლით, მათი ცოლების სამკაულებით და რომ-გურის სიღრმეში შევიდნენ, რომელიც არის ხორასანი.

რა საჭიროა გრძელი სიტყვა? ქალაქ გურგანამდე მიაღწიეს და ის ქვეყანა მოარბიეს. ალაფით ისე იყვნენ დატვირთულები, რომ ვერ გადავიდნენ.

გამარჯვებული და ძღვევამოსილი ქართველები შემობრუნდნენ. ქართველთა მოდგმისა არავინ იყო იქ სალაშქროდ მისული, არა მეფე, არა თავადი. ვერც ხორასნის, ვერც ერაყის სულთანი, ვერც რომელიმე ტომი, ვერავინ ვერ აღუდგა წინ სპარსეთში შესულებს. ურიცხვი და უზომო სიმდიდრით მობრუნდნენ და ერაყის მხარეში მივიდნენ. ვინაიდან გურგანის ქვეყნის ამბავი, რაც იქ ქართველებმა მოიმოქმედეს, [108], ასევე ერაყის სულთნის სიკვდილი არავის არ ჰქონდა გაგებულ-ლი, ვილაც კაცი მისულა მიანას სულთანთან და ასეთი სიცრუე ეთქვა: თუ როგორ მოვიდა თვითონ დიდი სულთანი და გილანელები, ყოველი მხრივ გზა შეუკრეს ქართველებს, დახოცეს და ამოწყვიტეს, თითქოს

იმ უამრავი ლაშქრიდან ერთი კაციც არ გადარჩენილა, მთხრობელიც კი არ მისულა საქართველოში.

ეს რა გაიგეს მიანის მელიქმა და მიანელებმა, გაიხარეს, ქართველების მიერ დატოვებული მიანის მცველები დახოცეს და ძელზე ჩამოჰკიდეს. იმ მცველებიდან ერთი კაცი დაიმალა ქალაქში და როცა გამარჯვებული ქართველები მიანში მოვიდნენ, მიანის სულთანი წინ მიეგება ძღვენით, უნდოდა თავიანთ მიერ ჩადენილი საქმის დაფარვა. ზაქარიამ მიმოიხედა, მოიკითხა მის მიერ დატოვებული მცველები. მათ უთხრეს: „თავრიზში წავიდნენო იქ დატოვებულ მცველებთან“. მოვიდა დამალული მცველთაგანი, აუწყა მიანელების მიერ ჩადენილი [საქმე], მცველების დახოცვა, ტყავის გახდა და ძელზე დაკიდება. მელიქი პირდაპირ ამხილა. ისინი უსიტყვოდ იდგნენ.

ეს რომ ზაქარიამ და ივანემ გაიგეს, საშინლად გამწარდნენ და გაბოროტდნენ. შეიპყრეს მელიქი და მისიანები და ყველანი სიკვდილით დასაჯეს. ის თვითონ და მისი შვილები მოკლეს, ტყავები გააძვრეს და საყვიარაზე, რომელსაც მინარეთს უწოდებენ, ჩამოჰკიდეს, ქალაქი მოაოხრეს, დაწვეს, დაატყვევეს. ხოლო რაც იქიდან სიმდიდრე წამოიღეს, იმის აღრიცხვაც კი შეუძლებელია.

[109] გაუყვნენ გზას, რომელიც ადარბადაგანზე გადიოდა, მოვიდნენ და მოეგებნენ პირველად უჟენიდან, მერე ურიცხვი ძღვენით თავრიზელები [შემოხვდნენ]. აურაცხელი სიმდიდრე მოართვეს, რომლითაც გაივსო მთელი სამეფო. თვითონ მეფეთა-მზისა და მზეთა-მზისათვის უძვირფასესი, ძნელად საპოვნელი თვლები და უცხო ჭურჭელი გამოატანეს. მშვიდობით დატოვეს ადარბადაგანში მყოფნი და ადარბადაგანის ქალაქები, გამოიარეს არაქსი, შემოიარეს ნახჭევანის პირი და თბილისში მოვიდნენ მეფესთან. გამხიარულდა მეფეთა მეფე, ღვთის მმადლობელი, მხიარული სახით, ზარ-ზეიმით შეეგება. ბუკ-საყვირების ხმა იდგა. ასეთი გამარჯვება ძველად არ მოუპოვებია არცერთ მეფეს და არცერთ მთავარს.

შევიდნენ ისანში. მეფე სამეფო ტახტზე დაბრძანდა. ამირსპასალარი შეუძღვა. თავადები შევიდნენ და წესისამებრ დასხდნენ. შემოიტანეს ურიცხვი ძღვენი და მეფის წინაშე დადეს. მეფე გაოცდა: ქართველთაგან არავის არ ენახა ესოდენი სიმდიდრე და აურაცხელი თვალ-მარგალიტი. თამარ მეფეც ღვთის მიმართ დიდ მადლიერებას ავლენდა: ასრულებდა ლიტანიობას და ღამისთევას, მრავლად წყალო-

ბდა ობლებსა და გლახაკებს, ლაშქარს დიდი განძი გაუნანილა, ისე-
დაც გამდიდრებულები კიდევ უფრო აავსო. ასეთი გამარჯვების გამო
ღმერთს დიდ მადლობას სწირავდნენ.

დიდი მწუხარება მოიწია. გარდაიცვალა ზაქარია ამირსპასალარი,
ძე სარგის ამირსპასალარისა, დიდად გამოჩენილი და ყოველი სათნოე-
ბით სავსე კაცი, გამარჯვებული, მხნე და მამაცურად მებრძოლი, ლო-
რის თემის მთავარი. [110] იგლოვა მეფემ და საქართველოს ყოველმა
მცხოვრებმა, რადგან მასავით მხნე მთავარი არავინ იყო იმ ხანებში.
წარმოშობაც ხელს უწყობდა: ნათესავი იყო არტაქსერქსე მხარგრძე-
ლისა. სარწმუნოებით სომეხი იყო, მაგრამ ყოველი საღმრთო და კაცუ-
რი სათნოება უხვად ჰქონდა [მინიჭებული]. და ამრიგად, დაკრძალეს
მხნე მამა, ერთი შვილის დამტოვებელი, რომელსაც შ'ა (შანშა) ერქვა.

მაშინ მეფემ მოუწოდა ზაქარიას ძმას, ივანე მსახურთუხუცესს.
უნდოდა მისი ძმის პატივში აყვანა, ამირსპასალარის პატივის ბოძება.
ამით გაკვირვებულმა ივანემ მეფეს უთხრა: „ეს პატივი, რომელიც ჩემს
მიმართ გამოიჩინე, დიდად დიდია და მე მისი ღირსი არ ვარ. შემეწიე
იმით, რომ ჩემი ძმის სახელით მე არ მომიხსენიონ, რომ არ შემრცხვეს
მის ნაცვლად დგომა. ათაბაგის პატივი მიბოძე. საქართველოში მეფე-
ებთან წესად და თანამდებობად არ არის ათაბაგობა. ამით განადიდე
ჩემზე შენი წყალობა, რომ ახალი და უაღრესი პატივის ღირსი გამხადო
და ათაბაგობა მიბოძო. ათაბაგი სულთნების წესია, ათაბაგი მეფეები-
სა და სულთნების მამად და გამზრდელად იწოდება. ჩემს წინაპრებ-
თან შედარებით, ამით განადიდე შენი წყალობა“. მეფემ აღასრულა და
უბოძა ათაბაგობა, რომელიც არ არსებობდა საქართველოს მეფეების
კარზე, არც არასდროს უბოძებიათ ვინმესთვის. მსახურთუხუცესობა
უბოძა ვარამს, ზაქარია გაგელის ძეს, საპატიო და ლაშქრობებში გა-
მარჯვებულ კაცს. ასე იმყოფებოდნენ ისინი მეფის წინაშე.

[111] თამარ მეფე ზამთრობით დვინში იმყოფებოდა, ზაფხულობით
— კოლაში და ცელის ტბაზე, ზოგჯერ აფხაზეთში — გეგუთსა და ცხუ-
მში გადადიოდა.

იმ ხანებში მთიულებმა — ფხოველებმა და დიდოელებმა განგომა
დაიწყეს. დიდოელები დამხრჩვალსა და მოუხარშავ [ხოროცს] ჭამენ და
რამდენიმე ძმას ერთი ქალი მოჰყავს ცოლად. ზოგნი რაღაც უჩინარ
ეშმაკს სცემენ თავყანს, ზოგნი — უნიშნო შავ ძაღლს. ხოლო ფხოვე-
ლები ჯვარის მსახურნი არიან და ქრისტიანებად აცხადებენ თავს.

მეფემ მოუწოდა ათაბაგს და ყველა მთიელს: დვალეებს, ცხრაზმელებს, მოხევეებს, ხადელებს, ცხავატელებს, ჭართელელებს, ერწოთიანეთელებს, ისინი ივანე ათაბაგს გადასცა და გააგზავნა [განდგომილთა] წინააღმდეგ. ივანე გონივრულად მოიქცა: ავიდა ხადის მთაზე, მთის წვერი გადაიარა, მიადგა ფხოველებისა და დიდოელების მთას, რაც არავის არ უქნია არც ადრე და არც შემდგომ. მის ერთ მხარეს აღმოჩნდა დურძუკეთი, მეორე მხარეს — დიდოეთი და ფხოვი.

ათაბაგის მისვლა რომ შეიტყვეს, დურძუკელების მეფენი ძღვნით მოვიდნენ, ლაშქარი გამოიყვანეს და გვერდით დაუყენეს. ზემოდან დაიწყეს ბრძოლა, რბევა, კლვა, დატყვევება და დანვა. უამრავი დიდოელი და ფხოველი განყვიტეს. სამი თვე: ივნისი, ივლისი და აგვისტო იქ გაატარეს. ათაბაგის მიერ შევიწროებულებმა მძევლები მისცეს და სამსახურის ნიშნად ხარკი და სიმტკიცის პირობა აღუთქვეს. მძევლები წამოიყვანეს, ზავი დადეს. ამგვარად გამარჯვებით მოვიდა ივანე მეფესთან [112] და მოახსენა: ძლიერო მეფე, აღსრულდა შენი ბრძანება. მოვაოხრე შენი ურჩი დიდოეთი და ფხოვი“. მეფემ დიდი მადლობა უძღვნა და უფრო მეტ პატივში აიყვანა.

ყველგან იყო მშვიდობა, წარმატება, ღვთივდაცვული თამარის სამეფოს განდიდება. მისი მოლაშქრეები დასვენებაში, ნადირობასა და ბურთაობაში იყვნენ, ხოლო თავადები და წარჩინებულები მეფეს ახლდნენ, ისვენებდნენ და მეფის მხრივ საბოძვარებით ივსებოდნენ.

როგორც დიდი კონსტანტინეს ძმისწულის, ივბიმიანოსის, შესახებ არის დანერილი, — რაც ანგელოზმა ივბიმიანოსის სიკვდილის გამო უთხრა ერთ მონაზონს, რომელიც ასე იგლოვდა მას: „რატომ მოაკლო ღმერთმა ქრისტიანებს ამგვარი მეფე, რომელსაც ყველას დასანახავად ანგელოზმა გვირგვინი დაადგა?“ ანგელოზმა უთხრა: „რას ნიშნავს, ბერო, შენ მიერ ღვთის მსჯავრის გამოძიება? ან გიბრძანებს, დაეხსენ ბოროტებას. არ იცი, რომ აღმოსავლეთიდან დასავლეთამდე ყველა ქვეყანა რომ მართლმადიდებელი ყოფილიყო, ისიც კი არ იქნებოდა მისი მეფობის ღირსი, არა თუ მხოლოდ საბერძნეთი?“ — ახლაც ასევე იქმნა ამ დიდი მეფის საქმე: არა თუ მხოლოდ საქართველო, მთელი სამყარო არ იყო ღირსი მისი მეფობისა.

ამიტომ მოხდა რისხვით მოწყალე ღმერთმა თავის სამკვიდრებელს: თამარ მეფე გარდაიცვალა, როცა იგი ტაბახმელაში იმყოფებოდა. მოინია დიდი და [113] საქართველოს ყველა მკვიდრისთვის ენით

გამოუთქმელი მწუხარება. ათაბაგი და ყველანი, საშინლად გამწარებულები, ქვითინებდნენ, თავზე ნაცარსა და მტვერს იყრიდნენ. იყო ტირილი, ატადესის კალოს მსგავსი, და გოდება, იერემიას გოდების მსგავსი იერუსალიმის მოხრებისას. და ასეც უნდა ყოფილიყო! ყველგან ატეხილი გოდებისა და ტირილისაგან დაოსებულები იყვნენ სამეფოს მკვიდრნი. ყვებოდნენ მისი წარმოუთქმელი სიკეთის, გამარჯვებებისა და მოწყალების, სამართლიანობისა და სიუხვის, სიმდაბლის შესახებ. [იგი] მათ სამკვიდრებელში, გელათში წაასვენეს და დაკრძალეს პატრიოსან სამარხში. სამეფო თავის ძეს, ლაშას, დაუტოვა.

არსენი ამბობს იყალთოელი:

მეფე, მთავარი, სიონი და წყარონი,
ჭაბუკი, ქალწული, ებგური საებგურო;
აღვრი კიციუთა, თუალნი და ისრაელი,
გოდოლი, მენავე, სახლი და მამაცა,
მეგვპტელი ცხენი, ლაზარე, ქუდი.

იოანე ამბობს ჭიმჭიმელი:

თუ თალი მილისეველმან სფერო შესახა შამსისი,
მან ისტრულაბსა დასცა და მიდგნა დაყიყა ჯამსისი,
დავით, — ვთქუა, — ზესთა განდიდნეს, მით ჳრმალი ჳორცსა
ჭამს მისი,
აქილევისებრ ძალითა მპყრობ ელადეთსა ჳამს ისი.

დიდება ღმერთსა!

*ტექსტი ძველი ქართულიდან
ახალ ქართულზე გადმოიტანა
მაია რაფაევამ*



ახალი ქართლის ცხოვრება

პირველი ტექსტი²



ეფე დემეტრე თავდადებულის ძის, ღვთივგვირგვინოსანი მეფე გიორგის დრომდე³ ქართველი ერის ისტორია⁴ დაწერილი იყო. ხოლო მეფე გიორგის ძის, ბაგრატ მეფის⁵ [დროინდელი ამბები] აღარ იყო აღწერილი, ვიდრე ბაგრატის ძე მეფე გიორგიმდე⁶. ხოლო ამ ბაგრატისა და მისი ძის კონსტანტინეს [მეფობის ისტორია] დაწერილი იყო⁷, ძველ წიგნებში ვნახეთ და ქვემოთ მის მიხედვით ვწერთ. ის ამბები კი, რაც მანამდე მოხდა⁸, გუჯრებიდან⁹, სპარსელებისა და სომხების ისტორიებიდან¹⁰ გადმოვიღეთ და აღვწერეთ. მეფე ალექსანდრეს, მისი ძის, მეფე კონსტანტინესა¹¹ და მომდევნო [დროის ისტორია] ძველი ხალხისა მეფე როსტომამდე¹² დაწერილი გვაქვს სპარსელების ისტორიის, ქრონიკებისა¹³ და გუჯრების მიხედვით. ხოლო მეფე როსტომის აქეთ [რაც მოხდა, იმ] ხალხისგან გვაქვს დაწერილი, [ვინც] საკუთარი თვალით ნახა [მომხდარი] და მის ომებში იყვნენ. რაც კი საეჭვო იყო, არ გამოვიყენეთ, ხოლო ნამდვილი ისტორიის დაწერა მეფე ბაგრატის დროიდან დავიწყეთ.

მეფე ბაგრატ ბაგრატიონის ისტორია ¹⁴

მაშინ, როცა ზეობდა ღვთივგვირგვინოსანი მეფეთ მეფე ბაგრატი, მთელი საქართველო მისი საბრძანებელი იყო. იმ დროს საკათოლიკოსო¹⁵ [საყდარზე] იჯდა ელიოზი¹⁶ – კაცი ღირსეული. მაშინ გამოჩნდა თურქეთში¹⁷ ერთი კაცი, სახელად თემური, [მას] ლენგიც შეარქვეს. კოჭლი იყო. სპარსულად¹⁸ „ლანგი“ კოჭლს ნიშნავს. ამიტომ ეწოდა თემურ-ლენგი¹⁹. თემურ-ლენგი ჩინციზის გვარისა²⁰ იყო. [ხოლო] ჩინციზი ეწოდა შემდეგი მიზეზის გამო: თურქეთში ცხოვრობდა ერთი ქალი, მრავალი ხალხისა და ულუსის²¹ უფროსი. მას ამგვარი საქმე შეემთხვა: დაორსულდა ქალი, ქმარი კი არ ჰყავდა. ეძნელებოდა ეს ამბავი მის ხალხსა და ულუსს. შეიკრიბნენ იმ ქალის სასახლეში, მიუგზავნეს შუაკაცი და ასე შეუთვალეს: „ჩვენი პატრონი და მთავარი ხარ, რატომ ჩაიდინე ეს საქმისი²² საქციელი“. ის კი უარობდა და ასე პასუხობდა: „თუ დაიჯერებთ ჩემს სიტყვებს, იცოდეთ, რომ ჩემთან მამაკაცი არ ყოფილა, ხორციელ კაცთაგან არა ვარ ფეხმძიმედ. ხოლო თუკი არ გჯერათ, დააყენეთ ჩემთან თქვენი სანდო მეთვალყურენი და მე ცხადად ვაჩვენო [მათ], ვინც მოდის ჩემთან“. დააყენა მცველები ხალხმა და მისმა ულუსმა. და ნახეს ნათლის მსგავსი, ბელიარის²³ საცდური²⁴, რომელიც ღამე მივიდა ქალთან და მსგავსი მსგავსთან დანვა. ეს ამბავი რომ გაიგეს, დაიჯერა მისმა ულუსმა და ხალხმა. ყოველ ღამე მოდიოდნენ იმ ქალთან, [ასე] ხდებოდა და ამბობდნენ: ეს ნამდვილად ასეაო. როცა ქალმა მოილოგინა, ვაჟი შეეძინა. გაიზარდა ის ბიჭი, უწოდეს ნათლის ძე. გაამეფეს და თავის პატრონად გაიხადეს. მას შემდეგ უწოდეს [მის მოდგმას] ჩინციზი და დღემდე მიიჩნევენ დიდებულ გვარად.

იმ დროიდან მოკიდებული მეფობს მისი მოდგმა. თემურ-ლენგიც მათი მონათესავე იყო, რომელიღაც ულუსის პატრონი²⁵. დრო რომ იხელთა თავისი ნადილის ასასრულებლად, მოკლა თურქების მეფე, ამონყვიტა მისი ყველა ვაჟი, თვითონ დაეუფლა მთელ თურქეთს და ყოველივეს დაეპატრონა. ამის შემდეგ გაძლიერდა თემურ-ლენგი, თავისი საქმისთვის ხელსაყრელი დრო ნახა და დაიპყრო რომელიღაც ქვეყანა²⁶. კარგად მიდიოდა მისი საქმეები, როგორც არის ამ ნუთისოფლის ჩვეულება. სარწმუნოებით იყო სუნიტი²⁷. გამოემართა და მოვიდა სომხეთში. მოაოხრა სომხეთი, ტყვეობა და დიდი უბედურება დაატეხა

თავს, რადგან ძალით დაეუფლა და თავის საბრძანებლად გაიხადა. იქიდან წავიდა და მიადგა კარს²⁸. დაიპყრო და ყველა ამოხოცა. არავის შეეძლო მისთვის წინააღმდეგობის გაწევა, მისი მხედრობის სიმრავლის გამო. იქვე დაიბანაკა და გამოიზამთრა. მკაცრი ზამთარი იყო. იმხანად შეუერთდა [მას] ათაბაგიც²⁹. დიდი პატივი სცა ათაბაგს.

ზამთრის შემდეგ წამოვიდა ქართლზე, რადგან ასეთი იყო მისი სურვილი. ქრისტეს აქეთ 1393³⁰ [წელს] გადმოიარა აბოცი³¹, ააოხრა და დაარბია ყოველივე. ჩამოიარა თრიალეთი, რომელსაც ახლა საბარათიანოს უწოდებენ იქაურები³² და ვერ გაუწიეს წინააღმდეგობა. იმათაც მუსრი გაავლო, იმ ადგილის მკვიდრთ და დაანგრია იქაური ციხესიმაგრენი. როგორც კი გაიგო [ამის შესახებ] მეფე ბაგრატმა, თბილისის ციხეში გამაგრდა. ეს ამბავი რომ შეიტყო თემურ-ლენგმა, უფრო მეტად გამძვინვარდა. ვერ იგუა ბაგრატ მეფისგან წინააღმდეგობის გაწევა. წამოვიდა და მოადგა თბილისის ციხეს. უბრძანა სარდლებს, მხედართმთავრებსა³³ და მთელ მის ჯარს, რომ ძლიერ ებრძოლათ. მრისხანედ შეუტყეს თბილისის ციხეს. გამოვიდა [სიმაგრედან] მეფე ბაგრატი და მთელი ქართველობა³⁴, ეკვეთნენ ერთმანეთს, ფიცხლად იბრძოდნენ ქართველები. იქიდან და აქედან გაჩაღდა ძლიერი ბრძოლა, ორივე მხრიდან ძალზე ბევრი ხალხი დაიხოცა. უფრო ბევრი თემურის მხედრობა განყდა, მაგრამ [მაინც] ვერ აიღეს თბილისის ციხე.

შემდეგ თემურ-ლენგმა ამგვარი ხერხი იხმარა: გააკეთეს რკინის ჩელტები³⁵, აიფარეს მისმა მეომრებმა და მრავალრიცხოვანი ლაშქრით შეუტყეს ციხეს. ძალით გატეხეს და აიღეს ციხე³⁶. [თემურმა] შეიპყრო მეფე ბაგრატი და ყველა, ვინც ციხესიმაგრეში იმყოფებოდა. თვითონ დაეუფლა ციხეს და დაატყვევა ბაგრატ მეფე³⁷. მაჰმადის რჯულის მიღება აიძულა თემურ-ლენგმა, მაგრამ მეფე არ დაჰყვა და პატიმრად ჰყავდა.

ყარაიაში³⁸ წავიდა თემურ-ლენგი სანადიროდ. ინადირეს, ინადიმეს და ბევრი [ნადირი] დახოცეს. შემდეგ იქიდან ყარაბაღში წავიდნენ და დაპატიმრებული ბაგრატ მეფეც თან წაიყვანეს. ბარდაში³⁹ რომ ჩავიდა, რამდენიმე ხნით იქ გაჩერდა. მაშინ თემურ-ლენგმა ერთი თავისი რჩეული ყმა დაადგინა სარდლად, მისცა მას მრავალრიცხოვანი ლაშქარი და გამოგზავნა შიდა ქართლში⁴⁰, რადგან თვითონ თემურ-ლენგი არ შემოსულა შიდა-ქართლს. უბრძანა, ციხე-ქალაქების შემუსვრა და ყოველი იქ მცხოვრების, მამაკაცისა თუ დედაკაცის, მახვილით

ამონყვეტა. მაშინ იყო ქორონიკონი ქრისტეს აქეთ 1393⁴¹ [წელი]. მოვიდნენ მისი ლაშქრები, გააჩანაგეს და დაარბიეს მთელი საქართველო⁴². შემუსრეს და დაანგრეს მცხეთის წმიდა კათოლიკე ეკლესია⁴³. იქიდან ქვათახევეში გადავიდნენ, შეიპყრეს იქ მყოფი ხალხი – მამები და დედები, მღვდლები, დიაკვნები და მონაზვნები და შეამწყვდიეს ქვათახევის ღვთისმშობლის წმიდა ტაძარში. შიგნიდან წაუკიდეს ეკლესიას ცეცხლი და დაწვეს [ყველა], ვინც კი იქ იმყოფებოდა. დღევანდელ დღემდე მოჩანს წმიდა ეკლესიაში იატაკზე მათი დამწვარი სახეები. აიყარნენ იქიდან და ზემოთ წავიდნენ. სადაც ნახეს ხალხი თუ შენობები, ყველას მუსრი გაავლეს და დაარბიეს. მიადგნენ რუისს⁴⁴, ისიც დაიკავეს და იავარქმნეს. საძირკვლიანად დაანგრეს წმიდა ღვთაების ეკლესია. მოაოხრეს მთელი [ის] მხარე. წამოვიდნენ იქიდან, ჩამოიარეს კახეთი და ისიც ააოხრეს, გადაწვეს და წავიდნენ.

გარკვეული დროის მანძილზე იქ დარჩა⁴⁵ [თემურ-ლენგი]. წავიდა იქიდან და საქში⁴⁶ ჩავიდა. მთელი იქაური მოსახლეობა მიემხრო – დიდებულები და მდაბიონი, კავკასიელები⁴⁷, ლეკები, შირვანელები და გილან-მაზანდარანელები⁴⁸. თან ჰყავდა დატყვევებული მეფე ბაგრატი. ისევ ცდილობდა თემურ-ლენგი, ლიქნითა და მრავალი პატივის შეპირებით გადაეყვანა ბაგრატი მეფე მაჰმადის რჯულზე. მაშინ ბაგრატი მეფემ წინასწარ გადაწყვიტა და ასეთი ხერხი იხმარა: დაჰყვა მათ ნება-სურვილს, ოღონდ არა წრფელი გულით, არამედ იმ საქმის გამო, რასაც შემდგომი სიტყვა გაუწყებს. დამორჩილდა თემურ-ლენგს და გადავიდა მაჰმადის რჯულზე. მაშინ დიდი სიხარულით გაიხარა თემურ-ლენგმა, გადაეხვია ბაგრატი მეფეს და დიდი პატივი სცა. მისცა საჩუქრები და სამეფო შესამოსელი, საწოლი და საბანი მისი დიდებულების შესაფერისი. მეტად დაიახლოვა და ბევრ სიკეთეს უკეთებდა. იმხანად მრავალმა ქართველმა მიატოვა თავისი სარწმუნოება და გადავიდა მაჰმადის რჯულზე. მაშინ ძალზედ დაღონდა მეფე ბაგრატი და გულში ამბობდა: „არ მივცემ ჩემს თვალებს ძილსა და არ დავასვენებ ჩემ ხორცს, სანამ შურს არ ვიძიებო ამათზე“ და ღმერთს მიანდო საქმე. უფრო მეტად კი მის მიერ რჯულის მიტოვებისა და [სარწმუნოებისგან] ქართველთა განდგომის გამო ნუხდა.

ასეთი გამოსავალი მონახა: რადგან თემურ-ლენგი ძალიან ენდობოდა და იჯერებდა ბაგრატი მეფის სიტყვას, უთხრა თემურ-ლენგს: „რაკილა კარგად დავრწმუნდი შენი რჯულის სიმტკიცეში, ახლა მეც

გვედრები [ნება დამართო], რომ მთელი საქართველოს მოსახლეობა სრულად დავეუმორჩილო თქვენს რჯულს. თუ გსურს თქვენს რჯულზე მათი გადმოყვანა, მომეცი ახლა თქვენი მრავალრიცხოვანი მხედრობა. წავალ ჩემს თემებსა და სამეფოებში, მოვუხმობ მთის ადგილებში მცხოვრებ ხალხს – მთიულებს⁴⁹, ოსებს, დვალელებს⁵⁰, სვანებს, აფხაზებს და ყველა იქ მყოფს მე მივალბინებ თქვენს რჯულს“. თემურ-ლენგმა რომ მოისმინა ბაგრატ მეფის ამგვარი ჩანაფიქრი, დიდი სიხარულით გაიხარა, მისცა ურიცხვი საბოძვარი და ლაშქარი, დაახლოებით თორმეტი ათასი. დაუდგინა სარდალი და გამოგზავნა მეფე ბაგრატი საქართველოში.

საქართველოს არემარეს რომ მოუახლოვდნენ, მაშინ [ბაგრატმა] გამოგზავნა რჩეული და სანდო აზნაური, რუს ეგნატაშვილთაგან⁵¹ და საიდუმლოდ მოსწერა მეფე ბაგრატმა გიორგის თავის ძეს შემდეგი: „მე მოვდივარ თემურ-ლენგის ჯარით, თქვენც შეკრიბეთ საქართველოს მხედრობა. ჩასაფრებულები წინ დაგვიხვდით ერთ საძნელო ვინრო გზაზე. მეც მოვალ თქვენთან და შუაში მოვიქცით. მახვილით გავავლოთ მუსრი და შური ვიძიოთ იმის გამო, რაც უწინ თითონ გაგვიკეთეს“. გიორგი ისე მოიქცა, როგორც მამამისმა მოსწერა – შემოიკრიბა საქართველოს რჩეული მხედრობა და ერთ ვინრო გზაზე გამაგრებულ [ადგილზე] ჩაუსაფრდა.

როცა ბაგრატ მეფე და თემურ-ლენგის მოლაშქრენი მივიდნენ, მაშინ ბაგრატ მეფე გაიქცა თავის ძესთან. დაირაზმნენ [მათ] პირისპირ და შეუტიეს ქართველებმა, როგორც ლომებმა. გაიმართა ძლიერი ბრძოლა. მუსრი გაავლეს და ამოწყვიტეს ყველა თათარი. თორმეტი ათასი კაცი მოკვდა თათრების მხრიდან, საქართველოს ჯარს კი არაფერი დაშავებია. შური იძიეს უწინდელის გამო და შინ დაბრუნდა გამარჯვებული მეფე ბაგრატი და მისი ძე გიორგი.

ეს რომ შეიტყო თემურ-ლენგმა, ძალიან შეწუხდა და დადარდიანდა ამ ამბის გამო. იქვე⁵² დაიბანაკა იმ ზამთარს. მარტის თვე რომ დადგა, თემურ-ლენგმა შეკრიბა მრავალრიცხოვანი [ჯარი] და მეტისმეტად გასასტიკებული ისევ ქართლის წინააღმდეგ წამოვიდა. დატოვა შაქისი და ჩამოვიდა ბარდავში⁵³, იქ დატოვა მძიმე ბარგი, რომელიც [ბრძოლაში] არ დასჭირდებოდა. გადაარჩია მებრძოლი მხედრები და პირადად წამოვიდა აურაცხელი მოლაშქრით. მოადგა მდინარე მტკვარს. მტკვარზე ნავებით [გაკეთებული] ხიდი გადო და ზედ გაიარეს. მოვიდა

შარვანის შაჰი⁵⁴, ჯარით შემოუერთდა თემურ-ლენგს და გამოემართა საქართველოს წინააღმდეგ.

მაშინ გაზაფხულის პირი იყო და ძალიან ციოდა, წვიმდა და თოვდა. თემურ-ლენგი საქართველოში რომ შემოვიდა, ბაგრატ მეფე და ქართველებიც მომზადებულნი დაუხვდნენ. შეუტიეს ერთმანეთს და ძლიერი ბრძოლა გაჩაღდა. ძალზე ბევრი ხალხი დაიხოცა ორივე მხრიდან. თათრები ორჯერ უფრო მეტი განყდნენ ამ ომში. ჯარის სიმრავლით გაიმარჯვეს თათრებმა. გაბრუნდნენ ქართველები და გაიქცნენ ციხესიმაგრეებში შეხიზნულ თავისიანებთან. ზოგიერთები შეიპყრეს, დახოცეს და ამონყვიცეს. ყველას მახვილით გაავლეს მუს-რი. ქართველებმა წინასწარ იცოდნენ თემურ-ლენგის მოსვლის შესახებ და ყველანი კავკასიის მთებში იყვნენ თავშეფარებული. თათრები კვალში ჩაუდგნენ, შემოვიდნენ საქართველოში, მოითარეშეს, აიკლეს და გადანვეს წმიდა ეკლესიები, დაარბიეს ქვეყნები⁵⁵, მაგრამ ხიზნები ვერ ჩაიგდეს ხელში. ამის შემდეგ გაბრუნდა თემურ-ლენგი უკან. მერე ისევ ყარაბაღში ჩავიდა და გარკვეული ხნით იქ გაჩერდა.

იმხანად გარდაიცვალა მეფე ბაგრატი. მის ნაცვლად გამეფდა გიორგი, მისი ძე. კათოლიკოსი იყო ელიოზი. გარდაიცვალა ელიოზ კათოლიკოსი და მის ნაცვლად აღსაყდრდა კათოლიკოსი გიორგი⁵⁶.

მეფე გიორგი, 69⁵⁷

და დაეუფლა მეფე გიორგი სრულიად საქართველოს, იმერსა და ამერს⁵⁸. როცა თემურ-ლენგმა შეიტყო, რომ საქართველოში ძალაუფლება მეფე გიორგიმ აიღო, ძალზედ განყრა, რადგან [გიორგის მამას] ბაგრატ მეფეს მისი მხედრობა ჰყავდა ამონყვეტილი და მისთვის სამაგიერო ჰქონდა გადახდილი. ამის გამო მეტად გადაემტერა. მრავალრიცხოვანი მხედრობით წინ გამოუშვა თავისი სარდალი ყარაღათი. თვითონაც უკან გამოჰყვა და ურიცხვი ჯარით გამოემართნენ საქართველოს წინააღმდეგ. ბევრი საჩუქრები დაურიგა თავის მეზობლებს და შემოიმტკიცა.

ჩამოვიდა და ყარაბაღში დადგა. ჯარით აივსო ყარაბაღი. მოადგა საქართველოს საზღვარს და წერილი გამოუგზავნა მეფე გიორგის. ასე შემოუთვალა: „მე ვარ შენი მეფე. მოდი ჩემთან და შემირიგდი. მოგცემ მრავალსაჩუქარს და დიდ პატივს მოგაგებ. ხოლო, თუკი არ დამემორჩილე-

ბი, ვუბრძანებ ჩემს ჯარებს და მთლიანად ავაოხრებ შენს ქვეყანას“. როცა დესპანი მოვიდა და წარდგა მეფე გიორგის წინაშე, ასე უპასუხა მეფემ: „მე შენს მეფეზე ნაკლები არა ვარ. [მას] არც ჩემი ქვეყნის აოხრება შეუძლია. და, თუკი არ შეასრულებს იმას, რაც უთქვამს, კაცი კი არა, დედალი იქნება“. ნავიდა თემურ-ლენგის ელჩი, მიიტანა ეს ამბავი და ძალიან შეაქო გიორგი მეფე; [შეაქო] მისი და მისი მხედრობის ლაზათი და მხნეობა.

ეს სიტყვა რომ მოისმინა თემურ ლენგმა, მეტად გამძვინვარდა, აიყარა და წამოვიდა ურიცხვი ჯარით. ეს რომ გაიგო მეფე გიორგიმ, – მაშინ მასთან იყვნენ იმერნი და ამერნი, მესხები და მთელი საქართველოს [მხედრობა], – ისიც აიყარა და წამოვიდა. ეკვეთნენ ერთმანეთს და გაჩაღდა ფიცხელი ბრძოლა. ძლიერი ქარი ქროდა და თემურ-ლენგის ლაშქარს სახეში აყრიდა მტვერს. მეტად გამხნევდნენ ქართველები და, როგორც ცეცხლი მოედება ხოლმე თივას, ისე შეუტოეს, მუსრი გაავლეს და იმდენი მებრძოლი ამოუნყვიტეს თემურ-ლენგს, რომ ასეთი მარცხი და ზარალი არასოდეს განუცდია მის მხედრობას. ძალიან კი შეაძრწუნეს თემურ-ლენგი და მისი მოლაშქრენი, მაგრამ სიმრავლის გამო [ადგილიდან] ველარ დაიძრნენ, იქვე იდგნენ. შეწუხდა თემურ-ლენგი, თავი გამოიღო და ხმამაღლა მოუწოდა თავის მხედრობას. მაშინ კი გამხნევდნენ თემურ-ლენგის მებრძოლები და [ომისთვის] გადადეს თავი. დიდი ომისა და დაღლილობის გამო მეტი აღარ შეეძლოთ ქართველებს, გაეცალნენ და გაიქცნენ. მიმართეს მთებსა და სახიზრებს.

თემურ-ლენგი კი მოადგა თბილისის ციხეს⁵⁹. შიგნით ცოტაოდენი ქართველები იყვნენ და გაამაგრეს ციხე. ალყა შემოარტყა, აიღო ციხე და მისი გალავნები. [ასევე] მის გარშემო არსებული ქართლის ყველა ციხესიმაგრე⁶⁰ დაიპყრო და შიგ თავისი მეომრები ჩააყენა. ხორასნელები ჩააყენა შიგ, თვითონ კი აიყარა, წამოვიდა და მუხრანში დადგა. რაც კი ეკლესიები და შენობები ნახეს მისმა ჯარისკაცებმა, ყველა დაარბიეს.

მაშინ ზოგიერთი ქართველი ეახლა [თემურს]. აიყარა და მიადგა ჯანიბეგის⁶¹ ადგილს. იგი ქართლის მთავარი იყო. ჩადგა [მის მამულში] და დაუნყო რბევა. ჯანიბეგმა ველარ შეძლო წინააღმდეგობის განწევა და ისიც ეახლა. რამდენიმე ხნით დარჩა თემურ-ლენგი და მთელი ქართლი ააოხრა. გიორგი მეფის ხელში ჩაგდება უნდოდა, მაგრამ ვერ შეძლო მისი შეპყრობა. ჯანიბეგი რომ ეახლა, აიყარა და ნავიდა იქიდან.

ჩავიდა, სადაც თავისი ბარგი და მძიმე ტვირთი ჰქონდა [დატოვებული]. მაშინაც არ შეეშვა საქართველოს რბევას – გამოგზავნა ხოჯა⁶²

შიხალი და თან გამოატანა მრავალრიცხოვანი მხედრობა. ერთ მხარეს, ჯანიბეგის მამულისაკენ, ამირჯანშა გამოგზავნა და ურიცხვი ლაშქარი გამოატანა. თითოეულ მხარეს [თავისი] სარდლები გაგზავნა ურიცხვი მხედრობით. უბრძანა, ვისაც ნახავდნენ მის ურჩსა და განდგომილს, ყველასთვის მუსრი გაეველოთ და დაერბიათ მათი მამულებიც. ასეთი ბრძანება გასცა: „ვინც შეიპყრობს მეფე გიორგის და ჩემთან მოიყვანს, აურაცხელ წყალობასა და საჩუქრებს მივცემო“.

წამოვიდნენ მისი მხედართმთავრები და მოლაშქრენი, დაარბიეს მთელი ქვეყანა, მაგრამ მეფე გიორგი ვერ შეიპყრეს. გიორგი მეფის ზოგიერთი ყმა დაიჭირეს, ეკითხებოდნენ, სად არისო მეფე გიორგი, მათ კი არაფერი იცოდნენ და ვერაფერი გაიგეს მეფის შესახებ. გაბრუნდნენ და მივიდნენ თემურ-ლენგთან. მოახსენეს მეფის ვერ შეპყრობის შესახებ. მეტისმეტად დადარდიანდა თემურ-ლენგი. აიყარნენ იქიდან და წავიდნენ, ყარაბაღში ჩავიდნენ.

იმხანად ჯალაის ქვეყნის სულთანი იყო თ[ა]ირი⁶³. რჯულით მუსლიმი იყო. როცა თემურ-ლენგი ჩავიდა მის სამფლობელოში, თაირ სულთანმა წინააღმდეგობა გაუწია და ბევრი ზარალი მიაცენა თემურ-ლენგის მხედრობას. შემდეგ წინააღმდეგობის განევა ველარ შეძლო და წამოვიდა მეფე გიორგისთან⁶⁴. გიორგი მეფემ დიდი პატივი სცა, ეკითხებოდა ხოლმე და უსმენდა მის მონათხრობს.

როცა დაინახა მეფე გიორგიმ თემურ-ლენგის ასეთი ძალმომრეობა, გადანყვიტა დაზავებოდა და დამორჩილებოდა მას. შიკრიკი გაგზავნა და მოიხმო ის კაცი, რომელიც იყო ჩამოსული, რჯულით მუსლიმი, სახელად ისმაილი. იგი განანესა თემურ-ლენგთან [თავის] დესპანად. ეს ამბავი რომ შეიტყო თაირ სულთანმა, დაჟინებით ურჩევდა [მეფე გიორგის], არ მისულიყო თემურ-ლენგთან და არ დაზავებოდა. მეფემ არ დაუჯერა, გაგზავნა ის კაცი და დამორჩილების ამგვარი პირობა შეუთვალა [თემურს]: „გეახლები და დაგემონები, შენი მორჩილი გავხდები, მშვიდობა დავამყაროთ და ხარაჯას⁶⁵ გადაგიხდი“. მივიდა დესპანი, გაიგო თემურ-ლენგმა ეს პირობა, ჭკუაში დაუჯდა და ძალზედ გაუხარდა. გამოაბრუნა შუაკაცი და ასე შემოუთვალა [მეფეს]: „თუკი მეახლები და შემირიგდები, მეც გაპატიებ შენს დანაშაულს“. თავისთვის კი ასე იფიქრა და თქვა: მომატყუებსო მეფე გიორგი, არ მოვაო ჩემთან⁶⁶.

მაშინ გამოილაშქრა ივანე ათაბაგის⁶⁷ წინააღმდეგ იმიტომ, რომ დიდი ერთგულებით ემორჩილებოდა [იგი] მეფე გიორგის. როცა თემურ-

ლენგს ბრძოლა გაუმართა მეფე გიორგიმ, მაშინ ივანე ათაბაგიც თან ახლდა. ამის გამო ძალიან ემტერებოდა მას. გამოემართა ზემო ქართლის წინააღმდეგ⁶⁸, ჩამოვიდა და ააოხრა ქვეყანა, მრავალი სული ამოწყვიტა, დალენა წმიდა ეკლესიები, ხატები და ჯვრები. ვინც კი შეიპყრო ქრისტიანი, მაჰმადის რჯულის მიღება აიძულა. ვინც დაემორჩილა, თან წაიყვანა, ხოლო ვინც არ დაჰყვა, მახვილით გაავლო მუსრი.

იქიდან გადმოვიდა და მანგლისში⁶⁹ ჩამოვიდა და ორი თვე გაჩერდა იქ. მოვიდა [მასთან] მაჰმადის რჯულის ხალხი, რომელიც ქართლის საზღვრებთან ცხოვრობდა. როგორც კი ქართველები თემურ-ლენგისგან დროს იხელთებდნენ, ჩადიოდნენ მაჰმადიან თათრებთან, რომლებიც ქართლის საზღვართან ესახლნენ და არბევდნენ ხოლმე. მათ შესჩივლეს [თემურ-ლენგს]: „მრავალი უბედურება გვინახავს იმ ქართველებისგან, რომლებიც ჩვენთან ახლოს ცხოვრობენ. დიდი გაჭირვება და რბევა გადაგვხდა მათგან. დაგვეხმარეთო ამის გამო“. შეებრალა თემურ-ლენგს, მოიყვანა ერთი სარდალი, რომელსაც სახელად ამირ შიხ ნურადინი ერქვა და უბრძანა, რომ [საომრად] გასულიყო თავისი მხედრობით. ის რომ გამოემართა, ორი დღის შემდეგ, სხვა მხედართმთავარს უბრძანა, წამოსულიყო და მოშველებოდა მას. ისიც რომ ჩამოვიდა იმ ქართველების სამკვიდრებელში, რომლებიც თავს ესხმოდნენ⁷⁰ თათრებსა და მათ თემებს, ხუთი დღის განმავლობაში იბრძოდნენ. სიმრავლის გამო გაიმარჯვა თემურ-ლენგის მხედრობამ. აიღეს ადგილები და ციხესიმაგრენი, მაგრამ ტყვეები ვერ ჩაიგდეს ხელში. იმ ადგილის ყველა ნაგებობა დაარბიეს, გადაწვეს და დაბრუნდნენ თემურ-ლენგთან.

ამ დროს ფრანგების ელჩი ჩამოვიდა⁷¹, რადგან [თემურის მეზობლებს] კეისრის შვილი ჰყავდათ შეპყრობილი, ისიც თემურ-ლენგისთვის მიეგვარათ. შეუყვარდა [თემურ-ლენგს] და შეინყალა მისი სილამაზე და სიჭაბუკე. მისცა საჩუქრები, სამეფო ტანსაცმელი და გაუშვა თავის სამეფოში.

ორი თვის შემდეგ აიყარა მანგლისიდან, წავიდა და მიადგა არაგვის ხეობას⁷². შევიდა იქ, აიღო, დალენა და დაარბია არაგვის ყველა ციხესიმაგრე, მაგრამ ხალხი ვერ შეიპყრო. გადაწვა [იქაურობა] და წავიდა.

დაიპყრო სიასის ქვეყანა⁷³ და სხვა მრავალი მხარე. მაშინაც არ დაიოკა გულისწყრომა ქრისტიანთა მიმართ. გიორგი მეფე ისევ დაეუფლა ქართლს. თემურ-ლენგმა რომ შეიტყო, ისევ განიზრახა თავისი

ლაშქრის შემოსევა. გამოგზავნა თავისი ძე, სულთანი ჰუსეინი, ფირ მაჰმად ამირ შიხი, აბუბექირი, მისი თავადები – ჯანშა და თემურ ხაჯა აღბულა, სეიდ ხაჯა, შიხ ალის შვილი, [ასევე] სხვა მრავალი თავადი და ურიცხვი მოლაშქრე. გამოემართნენ, ჩამოვიდნენ და მოადგნენ ერინჯაგის ციხესიმაგრეს, რადგან იმხანად იგი ქართლის მეფეს ეჭირა. დიდხანს გაჩერდნენ [იქ]. გარკვეული დროის შემდეგ შენუხდნენ ციხესიმაგრეში მყოფნი, გამოვიდნენ და ჩააბარეს ციხე. ციხესიმაგრეში მყოფი მრავალი [სული] გამოვიდა და შეწყალება ითხოვა. წამოიყვანეს ციხისთავი და უფროსი მეციხოვნე, თემურ-ლენგს მიჰგვარეს. თემურ-ლენგის ძეები კი გამოემართნენ ქართლში, ჩამოვიდნენ მანგლისში.

ეს რომ მეფე გიორგიმ შეიტყო, დესპანი გაუგზავნა, შერიგებისა და დაზავების თხოვნა შემოუთვალა, რომ ეშუამდგომლათ მამამისთან. თემურ-ლენგის ვაჟებმა დაუფერეს და აცნობეს თემურს გიორგი მეფის ვედრება. თემურ-ლენგმა შეისმინა [მეფისა] და შეწყვიტა ბრძოლა. აცნობა [ამის შესახებ] თავის ვაჟებს და თავისთან იხმო. წავიდნენ, მივიდნენ⁷⁴ თემურ-ლენგთან და თავი დაანებეს ქართლს.

შემდეგ თემურ-ლენგის ძეებმა ისევ ბაღდადზე გაილაშქრეს. მივიდნენ და აიღეს ბაღდადი. დაიპყრეს არაბეთის მრავალი თემი და გაივსნენ ნადავლით. მოისურვა თემურ-ლენგმა თავრიზის ალყაში მოქცევა და წამოვიდა იმ ციხე-სიმაგრის სანახავად, რომელიც უნინ აიღეს, [რომელსაც ერქვა] ალინჯა⁷⁵. გაემართა ურიცხვი ჯარითა და ქრელი კარვებით. მივიდა და ნახა ალინჯას ციხე.

წამოვიდა და მოვიდა გელაქუნის ტბასთან⁷⁶. გიორგი მეფემ რომ გაიგო, გამოუგზავნა თავისი ძმა⁷⁷ და მრავალი ძღვენი. ასე შემოუთვალა: „სადაც გვიბრძანებთ, იქ ვილაშქრებთ თქვენთვის და თქვენს მორჩილებაში ვიქნებით, [ოღონდ] ამიერიდან დაიოკე შენი გულისწყრომა ჩვენზე“. დაინდო თემურ-ლენგმა [საქართველოს მეფე], მიიღო მისი ძღვენი და ასე შემოუთვალა: „მიპატიებია შენი დანაშაული, ამიერიდან კი აღარ მისცეთ თავს უფლება, რომ დაარბიოთ და შეანუხოთ ის მუსლიმები, რომლებიც საქართველოს საზღვრებთან ცხოვრობენ. და იყოს მშვიდობა ჩვენ შორის“.

იქიდან აიყარნენ და ბარდაში ჩავიდნენ. იქ გაჩერდა [თემურ-ლენგი]. ერთი წელი რომ გავიდა, თავისი ყველა საქმისგან მოიცალა თემურ-ლენგმა. [მერე] გულში თქვა: „ვნახოთ, შემისრულებს თუ არა მეფე გიორგი იმ დანაპირებს, რასაც შარშან შემპირდა. ახლა გავიგებ, თუ შემისრულებსო“. წამოვიდა და დაბანაკდა მანგლისში. იმ ადგილს

მარტიანა ერქვა, ხოლო მის თავადს – ესაია. მას პირობა ჰქონდა მიცემული თემურ-ლენგისთვის, რომ ეახლებოდა, მაგრამ არ იყო მასთან მისული. თემურ-ლენგი რომ მოვიდა, შეწუხდა ეს თავადი, მაგრამ სხვა გზა აღარ ჰქონდა, უნდა ხლებოდა. ასეთი გამოსავალი მონახა, შეეხვეწა შარუხს, თემურ-ლენგის ძეს და შუამავლად გაიხადა. წავიდა, ბევრი სიმდიდრე წაიღო ძღვნად და მივიდა თემურ-ლენგის ძესთან. მან მიიყვანა ეს თავადი თემურ-ლენგთან. თემურ-ლენგმა რომ დაინახა, სიბრაზით უთხრა: როგორ გაბედე ჩემი ურჩობაო. მაშინ დაეხმარა მისი ძე, აპატიებინა, შეაწყალებინა მამამისს და ხალათიც აშოვნინა. იმ თავადს ერთი ასული ჰყავდა, თემურ-ლენგის ძემ აბუბექირმა გამოართვა და ცოლად შეირთო. მას შემდეგ მოყვრები გახდნენ და თემურ-ლენგიც ენდობოდა.

მერე აღბულა ათაბაგმაც, ივანეს⁷⁸ ძემ, აიღო კარგი ძღვენი და მივიდა თემურ-ლენგთან. შეიწყალა თემურ-ლენგმა, მისცა ხალათი და დაასაჩუქრა. ეახლნენ თავადები მეზობელი სომხითიდან, სამცხიდან და კარიდან. ეს რომ გაიგო მეფე გიორგიმ, მრავალი ძღვენით გამოგზავნა თავისი ძმა კონსტანტინე და მოკრძალებული სიტყვებით შეუთვალა მორჩილება. ძალიან ესიამოვნა თემურ-ლენგს და შეიწყალა.

იქიდან ქურთისტანის მხარეს წავიდა და დაიპყრო ქურთისტანი. მაგრამ მაშინაც არ დაიოკა იმ ბოროტმა საქართველოზე თავისი გულისწყრომა. ქვეყნის გათათრება უნდოდა. ჯავრი ჰქონდა ბაგრატ მეფის საქციელის გამო და ბოროტს განუმზადებდა საქართველოსა და უფრო მეტად კი მეფე გიორგის. თავიდან ჯერ შირვანის პატრონი შიხ ბარაიმი გამოგზავნა. იგი იმიტომ გამოგზავნა, რომ შეეტყო, საქართველოს გლეხობისა და ბევრის გადასახადი და მეფე გიორგის წილი [ამ შემოსავლიდან]. თვითონაც წამოვიდა და ჩამოვიდა კარში. მეფე გიორგიმ რომ შეიტყო, ის კაცი გაუგზავნა, სომხითის თავადი რომ იყო, სახელად ესაია. შეუთვალა: „რაც კი პირობა მოგვიცია, ყველაფერი შეგვისრულდება, ურჩობა საერთოდ არ გაგვიწევია. არც იმაზე შეგეწინააღმდეგებით, რასაც ამის შემდეგ გვიბრძანებ. შეისმინე ჩვენი ხვეწნა-მუდარა და შეიბრალე ჩვენი ქვეყანა. ნუ შემოხვალ და ნუ დალუპავ ამ მხარეს. მოსავლის აღების დროა. ახლა რომ მოხვიდეთ, საერთოდ გაჩანადდება ეს ქვეყანა“. თავადი ესაია გიორგი მეფის ყმა იყო. გაგზავნა იგი და საჩუქრებიც⁷⁹ გაატანა მეფემ. ძღვენი მიართვა, მაგრამ არ აიღო თემურ-ლენგმა, რადგან ძალიან ჯავრობდა. ასე შემოუთვალა [გიორგის]: „თუ

გინდა ამ ქვეყნის გადარჩენა, მოდი ჩემთან და გაათარღი. თუ გაათარღები, არც ხარკს მოგთხოვ, მაგ ქვეყანასაც მოგცემ შეუვალობის პირობით და სხვა მრავალ საბოძვარსაც. ხოლო, თუკი არ გაათარღები, დაიდე ჩემი ხარკი, მოდი ჩემთან და მოგცემ მაგ ქვეყანას. როგორც კეისრის შვილი გაფუშვი, შენც ასევე არაფერს გავნებ და მშვიდობით გაგიშვებ. ისიც ხომ შენი რჯულისა იყო. ხოლო თუკი არ მოხვალ, ჯავრს ვიყრი შენზე და შენს ქვეყანაზე. შენც მოგისწრაფებ სიცოცხლეს და [მაგ] ქვეყანასაც. თუ მოხვალ, ვფიცავ მაჰმადის თავს, რომ კეისარზე უკეთეს პატივს შენ გცემ და მშვიდობით გაგიშვებ. ხოლო თუ არა, მაშინ ტყვეობაში ჩაცვივდებიან შენი ძეები და ასულები“.

დესპანი რომ წამოვიდა, თემურ-ლენგმა თავისთვის იფიქრა: „ვიცი, მოსავალს რომ აიღებენ და ციხესიმაგრეებში დაიგულებენ, მერე აღარ მოვლენ ჩემთან“. ამ მიზეზით არ შეისმინა მეფე გიორგის ხვეწნა-მუდარა და გამოემართა მრავალრიცხოვანი მხედრობით, რადგან მიზეზი უნდოდა გიორგი მეფის შესაპყრობად. ეს რომ მეფე გიორგიმ გაიგო, მთელი ქართლი გაიხიზნა, მოიმკეს მოსავალი და თან წაიღეს. წამოვიდა თემურ-ლენგი, შემოვიდა შიდა ქართლში და რამოდენიმე ხნით [იქ] გაჩერდა. ვერაფერს გახდნენ, გაუჭირდათ, წამოვიდნენ და მოადგნენ ბირთვისის ციხეს. [იქ] იყო ციხისთავი, სახელით ნაზალი, ოცდაათი დიდებული თავადი, ასევე აზნაურები და ქართლის მსახურნი⁸⁰ მრავლად. თემურ-ლენგის მეომრებს იმ ციხის შიში ჰქონდათ, რადგან ქართველებისგან მრავალჯერ ენახათ დიდი უბედურება. როგორც კანჯარი⁸¹ ლომთაგან, ისე თრთოდნენ ქართველების [შიშით], რადგან ერთი ქართველი ათ მათგანს განდევნიდა [ხოლმე]. ციხის შეუვალობისა და [იქ არსებული] სანოვავის სიმრავლის [შესახებაც] იცოდნენ. თავის მრჩევლებთან ერთად ითათბირა თემურ-ლენგმა. არჩევდნენ, თუ რა მოეხერხებინათ ციხისათვის. მათ ასე უთხრეს: მთელმა ქვეყანამ იცის, რომ თუკი შემოადგება თემურ-ლენგი რომელიმე ციხეს, არ შეეშვება, ვიდრე არ აიღებს⁸². და გადაწყვიტეს ციხის ალყაში მოქცევა და აღება.

მაშინ შემოადგნენ თემურ-ლენგის მეომრები ციხესიმაგრეს, [იქიდანაც] გამოვიდნენ მეციხოვნე მებრძოლები და შემოუტიეს თემურ-ლენგის მხედრობას. თემურ-ლენგს უკან ჰყავდა ჯარი ჩასაფრებული. ზურგის მხრიდან გაერიდნენ თათრები [ბრძოლის ველს]. მაშინ შეუტიეს მეციხოვნეებმა, ამოწყვიტეს და ძალზედ დააზარალეს. მეტისმეტად გამძვინვარდა თემურ-ლენგი, ბრძანა, [ციხის] ორივე კუთ-

ხეში კოშკის აგება. თვითონ ციხის კარს მიადგა და იქაც ბრძანა კოშკის აგება. ერთი კვირის გასვლის შემდეგ დარწმუნდნენ, რომ უშიშრად იყვნენ მეციხოვნენი, ციხე მეტად მაგარი იყო და ვერ შევიდოდნენ შიგ. იქ ერთი კლდე იყო, იქიდან მონახეს ვინრო ასაძრომი. თემურ-ლენგის ჯარში იყო ერთი ეგვიპტელი კაცი, სახელად ბეგიჯაგი⁸³. მან მოახერხა და ფარულად ღამით ავიდა ციხეში. თან აიყვანა ერთი თხა და იქ დაკლა, რათა გაეგოთ მეციხოვნე ქართველებს ციხეში თემურ-ლენგის მოლაშქრეთა შემოპარვის შესახებ. ქართველები [მაინც] უშიშრად იყვნენ. უჩვენა ამ კაცმა [თემურს] ციხეში ასასვლელი. მაშინ გაიხარა თემურ-ლენგმა და ბრძანა ბამბისა და აბრეშუმისაგან ოსტატურად დაენნათ კიბე. ისევ ის კაცი აგზავნეს [ზევით], უნინ ვინც ავიდა. მან კიბის ერთი ნვერი კლდის მაგარ ქიმს გამოაბა. ღამით შევიდა თემურ-ლენგის ჯარი. აივსო ციხესიმაგრე ჯარით. მაშინ ჯარის ერთი ნაწილი წავიდა და ციხის კარი გაუღო თემურ-ლენგსა და მის ლაშქარს. ეს რომ გაიგეს ქართველებმა, გულმესისხლედ შეებნენ და თავგნირვით იბრძოდნენ. ფიცხელი ბრძოლა გაჩაღდა, თემურ-ლენგის მრავალი მებრძოლი ამოწყვიტეს, [მაგრამ] ბოლოს გამარჯვება თემურ-ლენგს დარჩა მხედრობის სიმრავლის გამო და აიღო ციხე. მიჰგვარეს თემურ-ლენგს მრავალი გადარჩენილი დიდებული აზნაური. ყველას მოჰკვეთეს თავები. იმ ციხისთავსაც მოჰკვეთა თავი, ნაზალი რომ ერქვა, მისი ცოლი კი შირვანის პატრონს მისცა. ციხის ამლებს მრავალი წყალობა უყო. თავისი ჯარი ჩააყენა ციხეში. ციხისთავად დააყენა [ერთი კაცი], სახელად მამადი. მრავალი მცველი ჩააყენა. უბრძანა, გარშემო [არსებული] წმიდა ეკლესიები დაენგრიათ და აეოხრებინათ, ხოლო, ვისაც ნახავდნენ, მთლიანად გაეველოთ მუსრი და ამოეწყვიტათ.

წავიდა იქიდან და მეტჯერ აღარ ჩამოსულა თემურ-ლენგი საქართველოში. ისევ გამოვიდა გიორგი მეფე, დაეუფლა თავის ქვეყანას, საქართველოს და იყო უშიშრად. დაასრულა თემურ-ლენგმა საქართველოს აოხრება და წავიდა სხვა ქვეყნის დასაპყრობად. ბევრი გოლიათური საქმე გააკეთა თემურ-ლენგმა. მისი თავგადასავალი ვრცლად არის აღწერილი სპარსეთის ისტორიაში. ჩვენ კი ყველაფერი დავწერეთ საქართველოში მისი მოსვლისა და საქართველოს აოხრების [შესახებ], რომლის მსგავსი განსაცდელი საქართველოს არასოდეს გადახდენია, რაც ამან დაატეხა თავს. თემურ-ლენგის წასვლის შემდეგ ქართლს ისევ მეფე გიორგი დაეუფლა.

ხოლო თემურ-ლენგმა დაიპყრო ქურთისტანი, ინდოეთი, სპარსეთი, შირაზის ადარბადაგანი და შეიპყრო ბურსაში მჯდომი ხონთქარი, რომელსაც სახელად ბაიაზითი⁸⁴ ერქვა. იგი იყო ო[ს]მანის⁸⁵ მოდგმისა. მუჰამედის გამოჩენის შემდეგ [ასპარეზზე] გამოვიდა ერთი კაცი, სახელად ოსმანი, რჯულით სუნიტი. მან დაიწყო ავაზაკობა, ყაჩაღობით ბევრი ქონება იშოვა და ამით მრავალი ხალხი შემოიკრიბა. დაიპყრო არაბეთი, სატახტო ქალაქად გაიხადა ბურსა⁸⁶ და იქ დაჯდა. ხონთქარ ბაიაზითის დრომდე ბურსას მისი ძეები განაგებდნენ. ხონთქარი ბაიაზითი შეიპყრო თემურ-ლენგმა, ჩასვა რკინის გალიაში⁸⁷ და რკინის გალიით დაატარებდა. მისი სამფლობელო თემურ-ლენგმა დაიპყრო. კეისარმაც მოართვა ძღვენი თემურ-ლენგს და ხარაჯა გადაუხადა. დაიპყრო რუსეთი, წამოვიდა და თურქეთში ჩამოვიდა. იქ მოკვდა და ბოროტი ბოროტად მოისპო. მაშინ გაუნანილა თავის ძეებს [დაპყრობილი] თემები და ქვეყნები: ზოგს ინდოეთი მისცა, ზოგს ხორასანი და ზოგს ადარბადაგანი⁸⁸. მას შემდეგ მისი ძეები მეტჯერ აღარ შემოსულან საქართველოში, რადგან შუღლი და მტრობა ჰქონდათ ერთმანეთში. დაიწყო საქართველომ აღორძინება. გარკვეული დროის შემდეგ მიიცვალა მეფე გიორგი.

მეფე დავითი. 70⁸⁹

ქრისტეს აქეთ 1355⁹⁰ [წელს], მის ნაცვლად გამეფდა მისი ძე დავითი. მაშინ კათოლიკოსი იყო ბასილი⁹¹. კარგად და მშვიდობიანად იმეფა დავით მეფემ გარკვეული ხნით და გარდაიცვალა.

მეფე ალექსანდრე. 71⁹²

ქრისტეს აქეთ 1362[?]⁹³ [წელს], მის ნაცვლად ტახტზე ავიდა მისი ძე ალექსანდრე. მაშინაც ისევ ბასილი იყო კათოლიკოსი. მიიცვალა ბასილი კათოლიკოსი და აღსაყდრდა დორათეოზი⁹⁴. მშვიდობიანად და კარგად იმეფა ამ ალექსანდრემ და გარკვეული დროის შემდეგ მიიცვალა.

მეფე გიორგი. 72⁹⁵

ქრისტეს აქეთ 1393⁹⁶ [წელს], მის ნაცვლად გამეფდა გიორგი, მისი ძე. იმხანად კათოლიკოსი იყო გიორგი⁹⁷. გარდაიცვალა გიორგი კათოლიკოსი და აღსაყდრდა ელიოზი⁹⁸. გარდაიცვალა ელიოზ კათოლიკოსი და აღსაყდრდა მიქაელი⁹⁹. გარდაიცვალა კათოლიკოსი მიქაელი და

აღსაყდრდა დავითი¹⁰⁰. კარგად და მშვიდობიანად იმეფა გიორგიმ და გარკვეული დროის შემდეგ გარდაიცვალა.

მეფე ალექსანდრე, 73¹⁰¹

ქრისტეს აქეთ 1412¹⁰² [წელს], მის ნაცვლად [სამეფო ტახტზე] ავიდა ალექსანდრე¹⁰³, მისი ძე. იმხანად კათოლიკოსი იყო დავითი. მიიცვალა კათოლიკოსი დავითი და აღსაყდრდა ელიოზი¹⁰⁴. მიიცვალა ელიოზ კათოლიკოსი და აღსაყდრდა თეოდორე¹⁰⁵. გარდაიცვალა კათოლიკოსი თეოდორე და აღსაყდრდა შიო¹⁰⁶. ალექსანდრე მეფემ გადააჭარბა ქართლის სხვა მეფეებს [თავისი] სიკეთით, რადგან განათლებული და ღვთისმოსიანი კაცი იყო. გული შესტკიოდა წმიდა კათოლიკე ეკლესიის¹⁰⁷ აოხრების გამო, მაგრამ არ შეეძლო აეშენებინა, რადგან ქვეყანა თემურ-ლენგისგან იყო გაპარტახებული და სიმდიდრე აღარ გააჩნდა. ამგვარი გამოსავალი მონახა: დასავლეთ და აღმოსავლეთ [საქართველოს], ზემო ქართლისა და კახეთის [მოსახლეობას] კომლზე¹⁰⁸ ექვსი შაურის¹⁰⁹ [გადახდა] დააკისრა. ყოველწლიურად ამ ხარკს¹¹⁰ ახდევინებდა და ამით დაიწყო მცხეთისა და რუისის ღვთაების საყდრის მშენებლობა. ბევრს იღწვოდა, რამოდენიმე ხანში დაასრულა [მშენებლობა] და შეამკო ყოველგვარი სამკაულით. შესწირა სოფლები და აგარაკები დასავლეთ და აღმოსავლეთ [საქართველოში], ზემო ქართლსა და კახეთში. იმეფა კარგად და მშვიდობიანად და გარკვეული დროის შემდეგ გარდაიცვალა ამ წუთისოფლიდან.

მეფე ვახტანგი, 74¹¹¹

ქრისტეს აქეთ 1419 [წელს],¹¹² მის ნაცვლად გამეფდა ვახტანგი, მისი ძე. მაშინ კათოლიკოსი იყო შიო. გარდაიცვალა ვახტანგი მშვიდობით. ძე არ ჰყავდა.

მეფე გიორგი, 75¹¹³

ქრისტეს აქეთ 1445¹¹⁴ [წელს], მის ნაცვლად [სამეფო ტახტზე] ავიდა გიორგი, მისი ძმა. იმხანად კათოლიკოსი იყო დავითი¹¹⁵. მაშინ განრისხდა ღმერთი ქრისტიანებზე და ქრისტეს აქეთ 1445¹¹⁶ [წელს], კონსტანტინოპოლი დაიპყრეს ოსმალებმა. თემურ-ლენგის სიკვდილის შემდეგ, ხონთქარ ბაიაზითის ძეები ისევ დაეუფლნენ თავის სამკვიდრო მამულს. მას შემდეგ გაძლიერდნენ, დაიწყეს ბრძოლა კონსტანტინოპოლისთვის

და დაიპყრეს კონსტანტინოპოლი. მათი თავგადასავალი ვრცლად არის დაწერილი მათ ისტორიაში¹¹⁷. იმხანად ოსმალები ებრძოდნენ კონსტანტინოპოლს. ხოლო სპარსელებს ერთმანეთში შუღლი და მტრობა ჰქონდათ. საქართველო კი იყო მშვიდობითა და მოსვენებით. გარდაიცვალა მეფე გიორგი და მის ნაცვლად გამეფდა ბაგრატე, მისი ძე.

მეფე ბაგრატე¹¹⁸

ამ ბაგრატე მეფის დროს ყაენმა უზუნ-ჰასანმა¹¹⁹ გამოგზავნა თავისი მხედრობა. ყაენი უზუნ-ჰასანი იყო თურქმანთა მოდგმისა. თემურ-ლენგის ძეების გარდაცვალების შემდეგ მან დაიპყრო თავრიზი და სხვა მრავალი მხარე. ბევრი უბედურება მოუტანა სომხეთის მოსახლეობას და ქართლამდეც მოაღწია მისმა ლაშქარმა. რაც იმ დროს მოხდა, ან რაც ბაგრატე მეფემ მოიმოქმედა და რაც მოხდა მეფე ალექსანდრეს დრომდე, ყველაფერი ძველი ქართლის ცხოვრების¹²⁰ მიხედვით გვაქვს ქვემოთ გადმოცემული. ალექსანდრე მეფის ისტორია და ყველაფერი იმ დროს [მომხდარი] ძველი გუჯრებიდან და სპარსეთის ისტორიიდან გვაქვს გადმოწერილი.

ღმერთის სახელით დავიწყით ბაგრატის მეფობის ისტორია, 76¹²¹

ქრისტეს აქეთ 1455¹²² [წელს], ბაგრატე მეფეთ მეფის ზეობის ჟამს, კათოლიკოსი იყო დავითი¹²³. იმხანად მეტად დაწყნარებული დრო იყო ქრისტიანებისთვის. მაშინ მოღვაწეობდა დიდებული¹²⁴ ყაენი ჰასან-ბეგი¹²⁵, ორივე საყაენოს მფლობელი. დიდი თემურ-ლენგის შემდეგ საქართველო აღარასოდეს დარბეულიყო, [იყო] აღმშენებლობა და სინყნარე. ამ დროს საქართველოში არ იყო არც ხარაჯა, არც მალი, არამედ საქართველოს ყველა სამეფო და კუთხე გათავისუფლდა თურქების მონობისაგან.

ბაგრატე იყო დიდებული [და] სახელოვანი მეფე. მას ეკუთვნოდა ქართლი და სომხეთი; [მისი] ყმები იყვნენ ლორეს, კახეთის, შირვანისა და სამცხის პიტიახშები¹²⁶; [გამგებლობაში] ჰყავდა იმერლები, ოდიშის მკვიდრნი, გურულები, აფხაზები, ჯიქები, სვანები და კავკასიის მთიულები.

იმხანად განდგნენ დადიანი¹²⁷ და გურიელი¹²⁸ და განდგომილებაში მიიმხრეს ოდიშის მცხოვრებნი და აფხაზები. გაერთიანდნენ და აღარ

ემორჩილებოდნენ ბაგრატ მეფეს. იწყინა მეფემ, შეკრიბა [მხედრობა], წავიდა და ცხენისწყლთან დაბანაკდა. იქიდან ისინი მოადგნენ რაზმით და ბრძოლა გამართეს. ღმერთმა ინება და გაიქცნენ დადიანი და ოდიშის მცხოვრებნი. დახოცეს, დაატყვევეს და ამონყვიტეს ქართლებმა. უკან გაჰყვნენ, მათ სამკვიდრებელში ჩადგნენ, გადაწვეს და დააქციეს ციხესიმაგრეები. გამობრუნდნენ გამარჯვებულები და თან წამოიყვანეს ტყვეები და მძევლები – ამის გამო მოუცლელი იყო მეფე.

დაირაზმა ყაენი უზუნ-ჰასანი და შემოვიდა სომხეთში. მეფე კი ლიხს იქით იყო და ქართლის [მხედრობაც] თან ახლდა. [უზუნ-ჰასანი] მოადგა საბარათიანოსა და ორბეთის ძირს. მეტად კარგად დაუხვდნენ ბარათაშვილები¹²⁹, გამაგრდნენ და ვერაფერი დააკლეს. მოვიდნენ და აიღეს თბილისი. თვითონ ყაენი მუხრანში გაჩერდა. გაივსო ქართლი [მტრის] ლაშქრებით. მოაოხრეს ქართლის მთელი არემარე. თავისთან უხმო ყაენმა ბარათაშვილებს, მოიპოვა მათი ნდობა, შეხვდა [მათ] და შეინყალა. მისცა მრავალი [ძღვენი], ყელამდე აავსო. ამასობაში, ღმერთმა [სასჯელი] დაუშვა, [რადგან] ეწყინა საქრისტიანოს ამონყვეტა. უკურნებელი სნეულება დაემართა ყაენს. აიყარა და წავიდა, გამოუშვა შეწყალებული ბარათაშვილები და მრავალი ძღვენი მისცა.

ამავე დროს კონსტანტინე წავიდა თათრებში. ქართველ წარჩინებულთაგან სხვამ ვერავინ გაბედა თათრებში წასვლა და ბატონის ხლება – მეტად ერთგულები იყვნენ მტკიცედ იდგნენ ბარათაშვილები. სწორედ ისინი წაჰყვნენ და ემსახურებოდნენ [ბატონს].

ღვთის განგებით მოკვდა ყაენი. მიატოვეს თათრებმა თბილისი და სომხითი. [ისევ] ბაგრატ მეფემ დაიკავა. თავს დაესხნენ ბარათაშვილები, დაანოკეს ელები¹³⁰, ბევრი თათარი ამონყვიტეს, [რომლებსაც] ყაენი მფარველობდა. ამის შემდეგ ყაენის ტახტზე ავიდა იალუ-ბეგი, ჰასან-ბეგის შვილი. ამასობაში გავიდა დრო, ნუთისოფელმა არ მოიკლო თავისი ბეგარა – რაჭაში გარდაიცვალა მეფე ბაგრატი. დიდი გლოვა და სიმწუხარე იყო სამეფოში. აიღეს და დაკრძალეს გელათში, მათ საძვალეში.

მეფე კონსტანტინე, 77¹³¹

ქრისტეს აქეთ 1461¹³² [წელს], ბაგრატის გარდაცვალების შემდეგ, მის ნაცვლად ტახტზე ავიდა კონსტანტინე, მისი ძე¹³³. იმხანად კათოლიკოსი იყო დავითი. ზეობდა, როგორც კარგი მეფე, აღარ იყო თათრებისგან შეწუხება. დაიმორჩილა იმერლები, მეგრელები, აფხაზები, ემსახურე-

ბოდა [სამცხის] ათაბაგი და კახელებიც ემორჩილებოდნენ. საერთოდ, არავინ ანუხებდა ქრისტიანებს, იყო მშვიდობა და სიწყნარე.

შემდეგ კი, როგორც არის ეშმაკის წესი და ჩვეულება, კეთილისმოძულე ეშმაკმა თათრები გამოიყვანა ქრისტიანების წინააღმდეგ. შეკრიბა თურქმანების ურიცხვი სიმრავლე და წამოვიდნენ სამცხეზე. მოვიდნენ და მოადგნენ ტაშირს¹³⁴. აცნობეს ქართლის მეფეს, რომ ქვემო ქართლის მკვიდრნი შეიჭრნენ სამცხეში და ყაენმაც თავისი ერთი თავადი მიაშველა ლაშქრით. ჩადგნენ სამცხეში და იავარყვეს მათი ქვეყანა. მოადგნენ ახალციხის ციხეს, დიდი ხანი ებრძოდნენ. ვეღარ გაუძლო ციხესიმაგრემ, გატეხეს, გადაწვეს ქალაქი და ხელში ჩაიგდეს მეციხოვნე მესხი წარჩინებულები. მერე აიყარნენ და მოადგნენ აწყურის ციხე-ქალაქს. დაეთათბირნენ მეციხოვნეებს, შეჰპირდნენ უვნებლობას, რომ არ დაანგრევდნენ საყდარსა და ციხესიმაგრეს. ამ პირობაზე გამოვიდნენ და ჩაბარდნენ. ამავე დროს ბრძანა ყაენმა, რომ სომხითი დაერბიათ. ბარათაშვილი გაგზავნა, ფარულად გამოვიდა მისი რჩეული ლაშქარი და მოულოდნელად თავს დაესხა [თათრებს] დმანისსა და ქვეშის ხევში¹³⁵. წამოიყვანეს ტყვეები და უამრავი ნადავლი. საქვეყნოდ ცნობილი გახდა ბარათაშვილების [ამბავი] – მცირე ლაშქრით გზა გადაუღობეს [თათრებს]. ღმერთმა ინება და ისე გაიმარჯვეს, რომ ერთმა ქართველმა ასი და ორასი [მტერი] მოკლა. დახოცეს და ამონყვიტეს, ტყვედ ჩაიგდეს, ცოტანილა გაექცნენ, ვისაც კარგი ცხენები ჰყავდათ. რჩეული [მებრძოლი იყო] სულხან ბარათაშვილი, უვნებლად გადარჩა. ერთი ისეთი წარჩინებული მოკლა, ყაენის კარზე იმისი დარი სხვა არავინ იყო. სხვები კი იმდენი დახოცა, თვლა არ ჰქონდა. ვინც გაექცნენ, ყაენთან მივიდნენ. [ყაენს] ძალზედ ეწყინა, დაღონდა ლაშქრის ამონყვეტის გამო. ამის შემდეგ აიყარა ყაენი, წავიდა და დაატყვევა აწყურის ღვთისმშობელი, მოსახლეობა და ვინც კი [აწყურის] ციხეში იყო. მრავალი სული წაასხეს. გაბრუნდა ყაენი თავის საყაენოში.

ამასობაში გავიდა ცოტახანი, ყაენმა გამოგზავნა ხალიბეგი და დაიწყო ქაოზიანისა და არჯაყელის ციხეების აგება. არ მოენონათ ბარათაშვილებს [ეს ამბავი] და ნება არ მისცეს – დაუწყეს სამაგიეროს მიზღვა და მტრობა. გაგულისდა ყაენი, ლაშქარი მოაშველა ხალიბეგს, შეიკრიბნენ და მოადგნენ თბილისს. მრავალი დღის განმავლობაში ებრძოდნენ, მაგრამ ვერაფერი დააკლეს, რადგან მტკიცედ იდგნენ. ყოველდღიურად იმართებოდა ბრძოლები, მაგრამ ციხის ასაღებად ძალა არ შესწევდათ.

მაშინ შეიკრიბნენ ბარათაშვილები, შემოუთვალეს მეფე კონსტანტინეს და დახმარება ითხოვეს მისგან. ცოტაოდენი აზნაურიშვილებითა და ლაშქრით გაგზავნა მეფემ ქაიხოსრო ციციშვილი და ჯავახი ჯავახიშვილი. ბარათაშვილები წინ გაუძღვნენ, მივიდნენ და თავს დაესხნენ ქანდრებში¹³⁶ მდგომ თათრების განაპირა [ლაშქარს]. განდევნეს და ისე ამოხოცეს, რომ ამბის წამლები თუ გაექცათ სადმე, თორემ სხვა ერთიც არ გადაურჩათ. ყელამდე აივსნენ აბჯრებით, ალაფითა და ბარგით.

ეს რომ გაიგეს ქალაქში მდგომმა თურქმანებმა, შეეშვნენ თბილისის ციხეს და ქვემოთ ჩაუყვნენ. კუმისის ბოლოს გზა გადაუჭრეს, შეებრძოლნენ მწინავე ლაშქარს. გაექცნენ [თათრები]. ისე ხოცავდნენ, რომ თათრებს თავებსა ჭრიდნენ და ვენახის ღობეებსა და სარებზე¹³⁷ აცმევდნენ. შემდეგ განრისხდა ღმერთი, ზემოდან ჩასაფრებული მტერი დაესხა¹³⁸, შუა გზაზე შეხვდნენ და რაც მაშინ ქაიხოსრო ბარათაშვილმა და ჯავახმა გააკეთეს, უწინდელი დროის გმირებსაც არ ჩაუდენიათ. ულუსის ლაშქარში ხმალთაკვეთებით შევიდნენ. [ქართველთაგან] ცოტაოდენი მოლაშქრენი დაშავდნენ, თვითონ კი უვნებლად გადარჩნენ ღვთის ნებითა და შეწევნით.

ამის შემდეგ თურქმანთა შერცხვენილი ლაშქარი ორბეთის ძირს დადგა. ცდილობდნენ თათრები, მაგრამ ყოველთვის ბარათაშვილები და ორბეთისძირელნი იმარჯვებდნენ. ამის გამო ადგნენ ხალიბეგი და ყაენის სხვა თავადები, მივიდნენ და დახმარება სთხოვეს ყაენს, რადგან უკვე ერთი წელი იყო გასული [რაც აქ იმყოფებოდნენ]. მიაშველა ლაშქარი, გაძლიერდა [ხალიბეგი] და ნამოვიდა სომხითსა და ორბეთის-ძირზე. მოაშურა კოჯრის ციხეს, ალყაში მოაქცია, აუტეხეს ომი და თოფის სროლა. დიდი ხნით შიგნით მოიმწყვდიეს სოლაღაშვილები. დიდხანს გასტანა ბრძოლამ. გადამეტებულმა თოფის სროლამ შეანუხა [მეციხოვნენი], ცოტათი ციხეც დაანგრია. ველარ გამაგრდნენ ამის გამო, რადგან დამხმარეც აღარ ჰყავდათ. ერთ ღამეს აღარ თოვდა, გამოვიდნენ ციხიდან, ციხე ცარიელი დაუტოვეს და თვითონ მთებსა და გამაგრებულ ადგილებს შეაფარეს თავი. რომ გათენდა, ნახეს თათრებმა დაცლილი ციხე, შევიდნენ და ვერავინ იპოვეს. მიადგნენ და დააქციეს. მეფემ რომ შეიტყო ციხის აღების ამბავი, გული დაწყდა, რადგან დარაზმული ნიჩბისის წყალთან იდგა [და ვერ მიეშველა].

ამის შემდეგ ადგნენ თათრები და მოადგნენ თბილისის ციხეს. ყოველდღე იმართებოდა ბრძოლები. ებრძოდნენ, უშენდნენ თოფებს, მა-

გრამ ძალა არ ჰყოფნიდათ ციხის ასაღებად, რადგან [მეციხოვნეებს] ბარათაშვილები უმაგრებდნენ მხარს. მოუწოდებდა მეფე კახელებს, მაგრამ არ უშველეს, იმერლები განდგომილები იყვნენ და აღარც მესხები დაეხმარნენ. ამის გამო ომი ველარ გაბედა მეფემ. დიდი ხანი იყვნენ ქალაქს მომდგარნი. მობეზრდათ ბრძოლა თათრებს. ციხეს ვერაფერი დააკლეს. მერე შეამზადეს ლაშქარი და გადანყვიტეს ორბეთის ძირის დარბევა. აარჩიეს ათას ხუთასი კაცი და დანარჩენი ქვეითი მოლაშქრე მრავლად. ცისკრის ჟამს მოულოდნელად დაეცნენ ორბეთის-ძირს. აანოკეს და ამონყვიტეს მთის სოფლები, [ხელში ჩაიგდეს] საგანძური, ტყვეები და ურიცხვი ნადავლი. ამასობაში გაიგეს [მომხდარი] ენაგეთში მყოფმა ბარათაშვილებმა. მათთან იყვნენ ქაიხოსრო თურმანიძე და კიდევ მეფის სხვა ყმები ცოტაოდენი. [ბრძოლის] ხმა გაისმა და ისე შეუტიეს, როგორც ვეფხვებმა. ერთი მხრიდან სულხან ბარათაშვილი და მისი ძმები წამოვიდნენ, ხოლო მეორე მხრიდან სხვა ბარათაშვილები. წამოენივნენ და შეებრძოლნენ, განდევნეს და ხირხალას ხევში შეიმწყვდიეს. ისე დაუწყეს ხოცვა, როგორც ქათმის ვარიებს. ღმერთმა ქრისტიანებს მისცა გამარჯვება. ურიცხვი ამოხოცეს, რადგან არ განიცდიდნენ [მათ] სიკვდილს. სისხლის ნაკადული მოდიოდა. ვინც სიკვდილს გადაურჩა, ხელში ჩაიგდეს. მერაბ ბარათაშვილმა ერთი ისეთი თავადი დაატყვევა, რომ ყაენის კარზე მასზე უკეთესი არავინ იყო და ყაენის ახლობელიც იყო. ისეთი გამარჯვება მისცა ღმერთმა ბარათაშვილებს, რომ თითო ყმა ქალს სამი-ოთხი მუსულმანი მოჰყავდა ყელზე დოღბანდ [შემოჭდობილი]¹³⁹.

თავდაპირველ შებრძოლებას ვერც ქაიხოსრომ მოუსწრო, ვერც ჯავახმა, ვერც ქავთარ სოღალაშვილმა და ვერც სხვა წარჩინებულებმა. ზურგიდან თავს დაესხნენ ნარჩევი, შედარებით¹⁴⁰ დიდი [ტანის] მდევრები და მოლაშქრენი. აქედან არც ამათ დაუთმეს გზა. ბრძოლა გამართეს. ოცი კაცი ხმლით გადაუდგა წინ სამასამდე თათარ მოლაშქრეს. ღმერთმა ინება და გადარჩინენ. ორ-სამჯერ დაუჭრეს ცხენები, დაცემულები ისევ ამხედრდნენ. ჩვენ ქართველთაგან ერთი თურმანიძის მეტი არავინ დაგვაკლდა, ისიც ჯარმა გადათელა ფეხით. დიდი უღუუსის ჯარიდან შედარებით ცოტანი¹⁴¹ წავიდნენ მაცნედ, სხვა ყველა ხელში ჩაიგდეს [ქართველებმა]. ეს რომ გაიგეს ქალაქში¹⁴² მყოფმა [თათრებმა], შეშინდნენ და ციხეს ალყა მოხსნეს. ბარათაშვილებს რომ არ გაემარჯვათ, [თათრები] ქალაქსაც ძალით დაიპყრობდნენ

და ქართლშიც ითარეშებდნენ. ინება ღმერთმა და წყალობით მოხედა ბარათაშვილების თავდადებას. მას შემდეგ ველარ ბედავენ თათრები ძალმომრეობასა და რბევას. ღვთის შეწევნით გატყდნენ და შეშინდნენ. კონსტანტინე მეფე იყო ბაგრატ მეფის ძე. მანაც კარგად იმეფა, როგორც ამას მისი ისტორია მოგვითხრობს. და გარდაიცვალა კონსტანტინე მეფე, ქრისტეს აქეთ 1404¹⁴³ [წელს].

მეფე ალექსანდრე, 78¹⁴⁴

ქრისტეს აქეთ 1468¹⁴⁵ [წელს], გამეფდა ალექსანდრე, მისი ძმა. იმხანად კათოლიკოსი იყო დავითი. მიიწვალა დავითი და აღსაყდრდა ნიკოლოზი¹⁴⁶. [ალექსანდრემ] კარგად იმეფა, რადგან მის დროს თათრები დაუძღურებული იყვნენ. იმეფა მშვიდობიანად და გარკვეული დროის შემდეგ გარდაიცვალა.

მეფე კონსტანტინე, 79¹⁴⁷

ქრისტეს აქეთ ათას ოთხას ორმოცდათორმეტ¹⁴⁸ [წელს], მის ნაცვლად ტახტზე ავიდა კონსტანტინე, მისი ძე. კათოლიკოსი იყო აბრამი¹⁴⁹. ამანაც კარგად იმეფა. მაშინ ათაბაგი იყო ყვარყვარე¹⁵⁰. არ ემორჩილებოდა მეფე კონსტანტინეს. ყვარყვარე ათაბაგის ერთი ვაჭარი აბრეშუმის შესაძენად ჩავიდა არემის ქვეყანაში¹⁵¹. რომელიღაც იქაური ვაჭარი და ყვარყვარეს ვაჭარი წაეკიდნენ ერთმანეთს. აჯობა არეშელმა ვაჭარმა, გალახა კიდეც და აბრეშუმიც წაართვა. სიამაყით ეს მოაძახა: „[თუ] წახვალ და შენს პატრონს მოუყვები შენს უბედურებას, შენმა ბატონმა დუქანი არ დამინგრიოს და ჩემს დუქანზე ყურით არ მიმაჭედოსო“. ესე რომ მოექცნენ იმ ვაჭარს, საჩქაროდ წამოვიდა ათაბაგთან და ყველაფერი, რაც შეემთხვა, აცნობა ყვარყვარეს. ეს რომ შეიტყო ყვარყვარემ, ხუთასი რჩეული მოლაშქრით წამოვიდა განრისხებული, გადმოიარა ფარავანი და ჩამოიარა დმანისზე. ორბელიანებმა მასპინძლობა გაუწიეს. წავიდა, ჩაიარა ხუნანზე¹⁵², გადალახა მტკვარი და ჩავიდა არეშში. [თავისი] ვაჭარი წაიმძღვარა წინ [და ისე მიადგა] არეშელი ვაჭრის სახლს. შეუსია ხალხი, გამოიყვანეს ის კაცი, მიიყვანეს და თავის დუქანზე ყურით მიაჭედეს. წიხლიც ჰქონდა იმის დუქანს და ყველაფერი ისე გააკეთა, როგორც მას ჰქონდა ნათქვამი. აბრეშუმშიც გამოატანინა იმ ვაჭარს და უშიშრად წამოვიდა.

შემოვიდა კახეთში, გამოიარა ყარაიაზე, გაიარა მცხეთა და ჩავიდა შიდა ქართლში. ხოლო შიდა ქართლის [წარჩინებულებმა] არ ისურვეს

გზის მიცემა. კონსტანტინე მეფემ არაფერი იცოდა ამ საქმისა და მისი მგზავრობის შესახებ. ამიტომ შიდა ქართლის [დიდებულეებმა მეფის] ნებართვის გარეშე არ ისურვეს მისი გაშვება. შეიკრიბნენ [მდინარის] გაღმა და გამოღმა მცხოვრები ციციშვილები, უფრო მეტად ზაზა ციციშვილი მეთაურობდა. გზაზე დაუხვდნენ ათაბაგს ქართლელები და აცნობეს, რომ არ გაატარებდნენ. ეს რომ გაიგო ათაბაგმა, გამოუგზავნა შუაკაცი და ასე შემოუთვალა: „მე თქვენს მამულში არაფერი არ წამიხდენია, თქვენი არაფერი არ მიმაქვს, ჩვენსა და თქვენ შორის ხომ არანაირი მტრობა არ არის, ძმობისა და მეზობლობის მეტი თქვენთან სხვა საქმე არა მაქვსო. ჩემს მტერს სამაგიერო გადავუხადე და ჩემს გზაზე მოვდივარ, თქვენ რას მემართლებით, გზაზე წინ რად მიდგებითო“. ქართლელებმა ყური არ უგდეს და დაირაზმნენ ერთმანეთის წინააღმდეგ. ქრისტეს აქეთ 1484¹⁵³ [წელს], 12 აგვისტოს, ძლიერი ბრძოლა გაიმართა არადეთში, [იმ] გორაკზე, რომელსაც მას შემდეგ სისხლის ჯვარი ჰქვია¹⁵⁴ და დღევანდელ დღემდე სისხლის ჯვრად არის სახელდებული. ისეთი ბრძოლა გაიმართა, რომ მთელი საჭურველი და საომარი იარაღი შემოემტვრათ, იქიდან თუ აქედან დაილაღნენ ბრძოლით, ორივე მხარეს ბევრი ხალხი დაიხოცა. გაიმარჯვა ათაბაგმა იმიტომ, რომ უსამართლოდ ედავებოდნენ და სიმართლე მის მხარეზე იყო¹⁵⁵. მაშინ ერთი შალიკაშვილი გაუხედნავ¹⁵⁶ კვიცზე იჯდა. ეს შალიკაშვილი და მაჩაბელი შეხვდნენ ერთმანეთს. შალიკაშვილმა შუბი უგმირა და ფარის ზურგი გაუხეთქა, მხარში გაუტარა და გადმოაგდო ცხენიდან. ასე შემოსძახა: „გაუხედნავ კვიცზე არ ვმჯდარიყავ, აწყურის ღვთისმშობლის მადლმა, შიგ [გულში] გაგთხრიდო“. მაშინ წამოიჩოქა მაჩაბელმა, ხმალი იშიშვლა, შემოჰკრა [მის] ცხენს, თავი მოჰკვეთა, უნაგირზე დაარჭო და შეუძახა: „[ცხენიდან] ჩამოგდებული რომ არ ვყოფილიყავი, სპარსის წმიდა გიორგის [მადლმა] შუაზე გადაგჭრიდო!“

გამოედევნა ათაბაგი, გაიქცნენ ქართლელები. მეორე მხარესაც მრავალი დაიხოცა. მაშინ წავიდნენ მესხები, ხოლო ათაბაგი ერთ ადგილზე, ბრძოლის ველის მახლობლად, დასასვენებლად ჩამოქვეითდა ცხენიდან. მესხი ამილახორი მონყენილი იჯდა ათაბაგთან. ათაბაგმა ჰკითხა: „რისთვის ხარ მონყენილი, ნუთუ ბრძოლაში ვერავინ ჩაიგდეო ხელში“. ამილახორმა მოახსენა: „მე ერთ კაცს ხმალი შემოვკარი და სამკლავიანი ხელი მოვკვეთეო. თუ გინდათ, წამოდიო, გაჩვენებთო“. წავიდნენ, ნახეს ძეძვის [ეკლებში] ეგდო სამკლავე-საჭურველიანი

ხელი. მაშინ დაიჯერა ათაბაგმა და წავიდა შინ. ეს რომ შეიტყო მეფე კონსტანტინემ, მეტად დალონდა, მაგრამ ველარაფერი მოახერხა. რამოდენიმე ხანი იმეფა რიგიანად და გარდაიცვალა.

მეფე დავითი, 80¹⁵⁷

მის ნაცვლად გამეფდა დავითი, მისი ძე. ამ დროს უკვე აღარ იცვლენ-ბოდნენ არც ერისთავები და არც თავადები. ყველანი ხეობების, სანახების, თემებისა და [მათი] ადგილების მფლობელები გამხდარიყვნენ. ვისაც [მეფე] მამულს მისცემდა, სამუდამოდ აძლევდა. ყველანი ძალგულოვნად იყვნენ: მთავრები, ერისთავები და თავადები. ამ ალექსანდრე და კონსტანტინე [მეფეების] დროს, გადგნენ იმერლები, მეგრელები და გურულები; აღარც ათაბაგი იჩენდა მორჩილებას და კახეთიც განდგა.

თვითონ ძველ [დროში] დაწერილი რომელიღაც [წიგნი] ვნახეთ, კონსტანტინეს ისტორია. იქ ეწერა¹⁵⁸, რომ სპარსეთის ლაშქრის შემოსევის დროს [ესენი] აღარ შველოდნენ [მეფეს]. ის კი ვერ გამოვარკვიეთ, იმერეთისა და კახეთის მეფეები ვისი შთამომავლები არიან; ან კი რა უფლებით განაგებენ ამ ქვეყნებს. ზოგიერთმა იმერელმა თქვა, რომ: „როცა ალექსანდრეს მამა, ბაგრატ მეფე¹⁵⁹ ჩავიდა იმერეთში, მაშინ [სამეფო] ოჯახის წევრები დატოვა [იქ] და მას შემდეგ არიან [იმერეთში] მისი შთამომავლები¹⁶⁰. ამ ბაგრატის შემდგომ რამდენი თაობა იყო, არ ვიცით, ხოლო იმერეთის მფლობელი ბაგრატის¹⁶¹ ამბავი ქვემოთ გვაქვს დაწერილი.

კახეთის მეფეების წინაპარი იყო დავითი. არ ვიცით, ვინ იყო ამ დავითის მამა. დიდოეთამდე ჩამოიყვანეს დავითი¹⁶² კახელებმა და მეფედ დაისვეს. გარდაიცვალა დავითი და გამეფდა ლევანი¹⁶³, მისი ძე. ლევანის შემდეგ კი მისი ძე – ალექსანდრე¹⁶⁴. იმხანად კახეთის მეფეს ეკუთვნოდა: ლეკის მთის გადმოღმა თუშეთი. დიდოელები კი მათი სურვილისამებრ არ ემორჩილებოდნენ; [ეკუთვნოდა] ზემო ფშავი და თიანეთი, სადაც ფშავისწყალი უერთდება არაგვს. იქიდან, ვიდრე არაგვის გაღმა ხევძმარამდე; ხევძმარადან გაყოლებით ლილოს სერამდე, რაც კი სერზე ნაკადულები მოდიან, უერთდებიან მარტყოფის წყალს. [ამის] გაყოლებით, [ვიდრე] ამართულამდე; შემდეგ, ვიდრე აჯი-სუმდე, აჯი-სუდან, ვიდრე მტკვრის შესართავამდე; ამის ქვემოთ მტკვრის გაღმა მხარე, ვიდრე შაქისის საზღვრამდე.

ხოლო მეფე დავითის, კონსტანტინეს ძის, გამგებლობაში იყო: აჯი-სუს ზემოთ [მდებარე] უდაბნოები და სამგორის ქვევით [არსებული მი-

ნები]; ლილო და ლილოს ქვემოთა [მხარე], ხევძმარას ქვემოთა [მინები] და არაგვის გამოღმა მხარე, ფშავისწყლის აქეთ [არსებული მინები], გუ-დამაყარი, ხევ-ხილაკასა და კასრისხევის აქეთა მხარე. წედისის მთის გადმოღმა [მინები], კუდარო და ჭალის მთის გადმოღმა მხარე; ერნო, მშვილდაურისა და პერანგას გადმოღმა მხარეები; გორასძირას აქეთა მინები, ლიჩი, ლოდორა, ქეფინისხევი და ჩხერის ციხე. ამის ზემოთ ასე გაყოლებით მთის აქეთა ხეობა დვირამდე; კოდიანის გადმოღმა მხარე, სადაც ნინოსხევი ჩამოდის; [შემდეგ] სამგორის გადაღმა, ცივწყაროს ხევდახევე მიჰყვება [საზღვარი] და გახშული-ბარშიამის მთას ჩამოუყვება ჯანელის ციხემდე, საღამოს [ტბის] თავში; ბორცვის ზემოთ [საზღვარი] სერებზე გადის სათხე-ქუნცელის თავზე, გადაივლის ხენჭურის თავს, [ვიდრე] პალაკაციოს მთამდე, რომელსაც თურქები იელდოლდის უწოდებენ; პალაკაციომდე სერებს ჩაუყვება [საზღვარი]. [ასევე] კარის ქვეყნის აქეთ [არსებული მინები] ერეენის საზღვრამდე; [იქიდან] ჩაყოლებით ბამბაკი და ლორე, ვიდრე ყაზახის საზღვრამდე ეკუთვნოდა ქართლის მეფეს.

ხოლო იმერეთის მფლობელს [ჰქონდა]: წედისის მთის აქეთა [მხარე], დიგორის მთის აქეთა [ნანილი]; ლენტეხი და თაკვერი, რომელსაც ახლა ლეჩხუმი ჰქვია; [მდინარე] ცხენისწყლის ქვემოთა გამოღმა [მხარე] და საჯავახოს აქეთა [მინები], ფერსათის მთის ორივე მხარე, ვიდრე ქართლის საზღვრამდე.

დადიანი განაგებდა: ცხენისწყლის ქვემოთ [მინებს], ლეჩხუმის ქვემოთა მხარეს, სვანეთს მთის გადმოღმა [მინები]; აფხაზეთის ზემოთა მხარეს. აფხაზეთს ჯიქეთამდე შარვაშიძე განაგებდა. შარვაშიძე დადიანის ყოველ ბრძანებას არ ასრულებდა მორჩილებით. დადიანი ასევე განაგებდა ზღვის ნაპირსა და რიონის გაღმა მხარეს.

გურიელს ჰქონდა [მდინარე] რიონის გაღმა მხარე, საჯავახო და იმის აქეთ გამოსწვრივ ღომის ციხის¹⁶⁵ გადმოღმა [მინები]; ასევე აჭარა, ჭანეთი და რკინისპალოს აქეთა მხარე.

ათაბაგის სამფლობელო იყო: გურიელის საზღვრის ზემოთა [მხარე], ფერსათის მთის გადმოღმა [მინები], დვირის ზემოთა [მხარე]; აქეთ ქართლის საზღვრამდე, იქით – კარის მიჯნამდე, [ხოლო] აზრუმისკენ გურჯი-ბოღაზის¹⁶⁶ აქეთა [მხარე].

ამის გარდა, საქართველოს მხარეები, ზოგი თავისუფალი გახდა, ზოგი სპარსელებმა მიიტაცეს, ზოგიც ხონთქარმა და ხაზარებმა.

კონსტანტინე ალექსანდრეს ძეს¹⁶⁷ შეეძინა ხუთი ვაჟი¹⁶⁸. მათი სახელებია: უფროსი – დავითი, გიორგი, ბაგრატი, ალექსანდრე და მეხუთე მელქისედეკ მონაზონი, რომელიც იყო მცხეთის კათოლიკე [ეკლესიის]¹⁶⁹ კათოლიკოსი¹⁷⁰. ქრისტეს აქეთ 1504¹⁷¹ [წელს], გარდაიცვალა კონსტანტინე.

დავით მეფე¹⁷²

გამეფდა მისი ძე დავითი. იმხანად, ქრისტეს აქეთ 1514¹⁷³ [წელს], ხონთქარმა¹⁷⁴ გამოგზავნა საქართველოს წინააღმდეგ თავისი მხედართმთავარი მრავალრიცხოვანი ლაშქრით. ააოხრეს სამცხე, ჩამოვიდნენ იმერეთში და გადაწვეს ქუთაისი¹⁷⁵. მოვიდნენ და ცეცხლს მისცეს გელათი. აიღეს ბევრი ნადავლი. ხოლო იმერეთის მფლობელმა ბაგრატმა¹⁷⁶ ველარ შეძლო მათთან დაპირისპირება. წავიდნენ და გაბრუნდნენ თავისსავე ქვეყანაში. მათი წასვლის შემდეგ დაბრუნდა იმერეთის მბრძანებელი ბაგრატი და ისევ დაეუფლა იმერეთს.

კახეთს კი ალექსანდრე¹⁷⁷ განაგებდა. წესიერი კაცი იყო, ორი ძე ჰყავდა. გიორგიმ, მისმა უფროსმა ვაჟმა, საფურცლის ქალაში ლალატით მოკლა მამამისი ალექსანდრე, ხოლო [თავის] ძმას თვალები ამოშანთა¹⁷⁸. ამის შემდეგ უწოდეს ავ-გიორგი და გახდა კახეთის მფლობელი¹⁷⁹.

ქართლის მეფე იყო დავითი. მის დროს კათოლიკოსი იყო ბასილი¹⁸⁰. მიიცვალა ბასილი და აღსაყდრდა კათოლიკოსი დოროთეოსი¹⁸¹. დავითი ლმობიერი კაცი იყო, მშვიდი და ღვთისმოშიში. გამოვიდა ავ-გიორგი დავითის წინააღმდეგ, დავითმა კი ვერ გაუწია წინააღმდეგობა. მრავალჯერ დაარბია ქართლი, ვიდრე იმერეთის საზღვრამდე, თვითონ დავით მეფე კი ატენის ციხეში მოიმწყვდია. მრავალი დღის მანძილზე ებრძოდა, ვერ წაართვა ციხესიმაგრე და გაბრუნდა თავის მხარეში.

ასე უთხრეს დავით მეფეს მისმა ძმებმა: „ჩვენს მამა-პაპას კახეთი წაართვეს, ამჯერად კი ქართლის მიტაცებაც უნდათ. ახლა ჩვენც დავირაზმით მის წინააღმდეგ და ვებრძოლოთ მათ“. დავით მეფემ კი არ ისურვა [ბრძოლა]. მაშინ თქვა ბაგრატმა, მისმა უმცროსმა ძმამ: „მომეცი მუხრანი, როგორც საუფლისწულო და სადროშო.¹⁸² ქსნის ერისთავი და არაგვის ხეობა იყოს ჩემი დამხმარე. ქრისტეს ძალას დავიხმარებ და მის თემობასაც ავიკლებ“. დაუჯერა მისმა ძმამ, დავით მეფემ და მისცა ყველაფერი, რაც სთხოვა. მოვიდა ბაგრატი, ააშენა მტვერის ციხე, რომელიც არის ციხისძირის თავში და იქ დადგა.

როცა [ამის შესახებ] შეიტყო კახეთის მფლობელმა ავ-გიორგიმ, შეკრიბა თავისი ლაშქარი, რამდენის [თავმოყრაც] შეეძლო, წამოვიდა და თავისი ძალებით მოადგა მტვერის ციხეს. სამ თვემდე ალყაში ჰქონდა მოქცეული. მერე კაცი გაუგზავნა ავ-გიორგიმ, ერთი სურა¹⁸³ ღვინო გაატანა და შეუთვალა [ბაგრატ მუხრანბატონს]: „მეფის ძე ხარ, იქნებ, უღვინოდ ხარ და გიჭირს, ეს დალიეო“. ეს სიტყვა რომ გადასცეს ბაგრატს, მას ახალი ორაგული ჰქონდა, ღვინის სამაგიეროდ თევზი გამოუგზავნა და შემოუთვალა: „კარგა ხანია უკვე, რაც ქსნის ნაპირზე დგახარ და ორაგული ვერ გიმოვია, ახლა ეს მიირთვი და წადი შენს ქვეყანაშიო“. [ორაგული] რომ მოართვეს ავ-გიორგის, მაშინ მიხვდა, რომ საქმელი მათ უხვად ჰქონდათ. ჯარიც შეწუხებული იყო მრავალი დღის მანძილზე [ერთ ადგილზე] დგომით. და წავიდა თავის სამფლობელოში.

გარკვეული დროის შემდეგ ავ-გიორგიმ [ისევ] შეკრიბა თავისი ლაშქარი და წამოვიდა ზემო ქართლის დასარბევად. მოვიდა, დაარბია ზემო ქართლი, მობრუნდა გამარჯვებული და გამოემართა. ბაგრატმა, როცა გაიგო, მუხრანის მფლობელმა, შეყარა თავისი მხედრობა, და ჩაუსაფრდა იმ ხევში, რომელიც ძალისსა და ჭაპურს შორის მდებარეობს. ავ-გიორგის ლაშქარი წინ წამოვიდა, [რადგან] წამოღებული ნადავლი მოჰქონდათ. ხოლო ავ-გიორგი მცირე ამალით უკან მოდიოდა, ნადირობდა და არაფერი აფიქრებდა. როცა მიუახლოვდა [ადგილს], სადაც ბაგრატი იდგა, მაშინ გახედულად შეუტია, შეიპყრო ავ-გიორგი და მისი მოლაშქრეებიც, რომლებიც მასთან ერთად იყვნენ. ქრისტეს აქეთ 1504¹⁸⁴ [წელს], ავ-გიორგი მტვერის ციხეში ჩააგდო, რომელიც მუხრანში მდებარეობს და აცნობა ეს ამბავი თავის ძმას, მეფე დავითს. [მეფემ] ეს რომ გაიგო, მეტად გაუხარდა. მალევე გარდაიცვალა ავ-გიორგი. ზოგი ამბობს დაახრჩვესო, ზოგი კი ფიქრობს, თავისით გარდაიცვალაო. [ბაგრატმა?] მცხეთის ჩრდილოეთით მთავარანგელოზის მცირე ეკლესია ააშენა და იქ დამარხეს. მას შემდეგ აცხადებენ კახეთის მეფეები, რომ მცხეთაში არისო ჩვენი საძვალე.

ავ-გიორგის შეპყრობის შემდეგ კახეთი დავით მეფემ დაიმორჩილა. გიორგის დარჩა მცირეწლოვანი ძე, რომელსაც ლევანი¹⁸⁵ ერქვა. წამოიყვანა [...] ის ბავშვი დედამისთან ერთად და ზრუნვით გადამალა გარსევან ჩოლოყაშვილთან, რომელიც იყო სახლთუხუცესი¹⁸⁶ და ენათესავებოდა მის დედას. [ეს] რომ შეიტყო დავით მეფემ, გაგზავნა

ბაგრატი, თავისი ძმა, ქსნის ერისთავი და ამილახორი, რომ კახეთის მოსახლეობა დიდხანს პატარიანად გადაეჩნებოდა და ეპოვათ ეს ბავშვი. ნავიდნენ მოსაძებნად, დააშინეს და თავზარი დასცეს ყველას. დააფიცეს, რომ არ იცოდნენ, სად იმყოფებოდა ეს ბავშვი. ყველამ მისცა ფიცი, არაფერი ვიცითო.

შემდეგ მოვიდნენ სახლთუხუცეს გარსევან ჩოლოყაშვილის სახლში. გარსევანმა ასეთი ხერხი იხმარა: ეს ბიჭი, ლევანი, ისე გამოიყვანა, როგორც თავისი ყმის¹⁸⁷ ვაჟი. იმ დღისით ღვინის მწედდ იმსახურებდა ამ ბიჭს, როგორც ყმას.¹⁸⁸ მეორე დღეს საშინელი ფიცით შეჭფიცა ბაგრატს, რომ „სხვა არავინ მყავს იმით გარდა, ვინც ჩემს სახლში თქვენ შეგხვდათ და თქვენი თვალთ ნახეთ, არც დიდი კაცის შვილი და არც უგვაროსიო“. ამ ფიცით დააჯერა. ბაგრატი, [ქსნის] ერისთავი და ამილახორი რომ წამოვიდნენ, გარსევან ჩოლოყაშვილმა ველარ შესძლო თავის სახლში ლევანის დამალვა. წამოიყვანა იგი და ოჩონის ციხესიმაგრეში შეიყვანა, რომელიც მდებარეობს მდინარე ივრის სათავეში. ლევანთან შეიკრიბნენ და შეუერთდნენ [ციხის] შემოგარენში [მცხოვრები] კახელები და მთის ხალხი. [შემდეგ ლევანი] გამოემართა და ჩამოვიდა კახეთში.¹⁸⁹

გაიგო ეს დავით მეფემ, შეკრიბა თავისი ლაშქარი და კახეთისკენ გაემართა. გადაიარა გომბორის [ქედი] და ჩავიდა კახეთში. ხალხი ისევ დავით მეფეს შემოეგება. ლევანი ველარ აღუდგა წინ, გაიქცა და შევიდა ციხესიმაგრეში, რომელიც მალრანის თავში მდებარეობს. მეფემ დაიკავა ციხის მიდამოები და ფიცხელი ბრძოლა გაუმართა. ამ დროს მოვიდნენ ოსმალები და სამცხე ააოხრეს. სამცხეში ვერავინ გაუნია წინააღმდეგობა და შემოვიდნენ შიდა ქართლში. ქართლშიც ვერავინ აღუდგა წინ, რადგან [მხედრობა] კახეთში იყო სალაშქროდ. ეს ამბავი კახეთში აცნობეს დავით მეფეს. ეს რომ გაიგო [მეფემ], მაშინვე არ გაამხილა, რომ ამის გამო იქ ყოფნა აღარ შეეძლო. [უნდოდა] შეეჭირვებინა ციხესიმაგრეში მყოფი ლევანი და დედამისი.

გაუგზავნა დედამისის შუაკაცები¹⁹⁰ – ამილახორი და მთავარეპისკოპოსი და მოსთხოვა ციხის დანებება. ლევანის დედამ და ციხის მცველებმა, რომ შეიტყვეს შუაკაცების მოსვლა, ისეთ გაჭირვებაში იყვნენ, დანებების გარდა სხვა გზა აღარ ჰქონდათ. მთავარეპისკოპოსის შესვლის დროს, წამოდგა ლევანის დედა, რომ ამბორით შეჭგებოდა. უჩუმრად უთხრა მთავარეპისკოპოსმა: „გამაგრდი, ამაღამ წავალთო“. ეს რომ გაიგო ლევანის დედამ, გაუხარდა და თავისიანებს ყველას

აუნყა. ყველამ გადანყვიტა გამაგრება და არდანებება [ციხისა]. ეს რომ გაიგეს შუაკაცებმა, წამოვიდნენ და მოახსენეს მეფე დავითს მეციხოვნეთა ასეთი სიმტკიცის შესახებ. ველარ გაჩერდა მეფე და წამოვიდა. შემოვიდა ზემო ქართლში, შეებრძოლა ოსმალების ჯარს. ღმერთმა გამარჯვება მისცა მეფე დავითს, ამონყვიტა ოსმალები და გაიმარჯვა. ოსმალები უკან გააბრუნდნენ თავის მხარეში.

ცოტახნის შემდეგ დავით მეფემ [ისევ] გაილაშქრა კახეთში. [ქართლში] დავით მეფის დაბრუნების შემდეგ, [ისევ] გამოსულიყო ლევანი, შეკრებილიყვნენ მასთან კახელები და თავის პატრონად გაეხადათ.¹⁹¹ მაშინ ლევანი შვიდი წლის იყო. საგარეჯოში რომ ჩავიდა დავით მეფე, შეუერთდნენ საგარეჯოელები და იმის აქეთ [მცხოვრები] კახელები. წავიდა მეფე დავითი ქიზიყში. ლევანიც იქ იყო პატარა რაზმით. დავით მეფე რომ მივიდა, ქიზიყში გამართეს ბრძოლა. დამარცხდა დავით მეფე და გამობრუნდა თავის მხარეში. ლევანი კი დაეუფლა კახეთს¹⁹² და ცოლად შეირთო გურიელის¹⁹³ ასული თინათინი.

თინათინზე ამბობენ, სიყმანვილეში ასეთი ჩვენება უნახავს: „ერთი მთავარი წაგიყვანს ცოლად, როცა მიხვალო ერთ ადგილზე, – ნიშანდობლივად უჩვენა ის ადგილი და ასე უთხრა, – ერთი თეთრი შინდი იდგება. იქ აუშენო მონასტერი ღმერთის დედას. როცა შუამთაში ჩამოიყვანეს, დასასვენებლად გააჩერეს. თინათინმა ნახა ის ადგილი, ყველაფერი ენიშნა გამოცხადებიდან, თეთრი შინდიც. ქორწილის შემდეგ ააშენა შუამთის ეკლესია და დააყენა მოძღვართმოძღვარი.¹⁹⁴ ორი ძე შეეძინა: ალექსანდრე და ვახტანგი.¹⁹⁵ გარდაიცვალა თინათინი და დაიკრძალა თავის აშენებულ ეკლესიაში. ქმრის გვერდით იმიტომ არ დაიკრძალა, რომ ლევანი მეძავი კაცი იყო. შემდეგ ლევანმა სხვა ცოლი მოიყვანა, შამხალ ყარამუსალის ასული. მისგანაც შეეძინა სამი ვაჟი: გიორგი, ელიმირზონი და ქაიხოსრო.¹⁹⁶

ქართლის მეფე დავითი კი თავის [სამფლობელოში] იყო. გარკვეული დროის შემდეგ მონაზვნობა მიიღო. სამი ვაჟი ჰყავდა: ლუარსაბი,¹⁹⁷ დემეტრე და რამაზი.¹⁹⁸ მეფობა თავის უმცროს ძმას, გიორგის დაუტოვა. გარკვეული ხნის შემდეგ, ქრისტეს აქეთ 1527¹⁹⁹ [წელს], ქალაქ თბილისში გარდაიცვალა მეფე დავითი.

მეფე გიორგი, 81²⁰⁰

მცირე ხნით გიორგი მეფობდა. იმჟამად კათოლიკოსი იყო მელქისედეკი, მისი ძმა. მაშინ ხონთქარმა კაცი რომ გამოუგზავნა მეფე გიორ-

გის, იმერეთის მფლობელ ბაგრატსა და კახეთის პატრონ ლევანს. [შემოუთვალა]: „ქრისტეს საფლავი და თქვენი რჯულის წმიდა ადგილები ურჯულოებმა დაიპყრეს და შებილნეს. მოდით, თქვენი მხედრობით, გააძვევთ ისინი და [ეს ადგილები] თქვენთვის მომიციაო“. ეს რომ გაიგეს მეფე გიორგიმ, იმერეთისა და კახეთის მფლობელებმა და მათმა ყველა ქვეშევრდომმა, გაიხარეს, შეკრიბეს მხედრობა და გაემართნენ.

იერუსალიმში რომ ჩავიდნენ, გაიგეს იქ მყოფებმა ამათი მისვლა, კაცი გამოუგზავნეს და ასე შემოუთვალეს: „თუ სტუმრები ხართ, მამ მტრობა რაღააო. სტუმრების პირობაზე ბევრი ხართ, ხოლო თუ საომრად მოხვედით, ცოტანიო“. ამათ კი აცნობეს, ომისთვის მოვედითო. ეს რომ გაიგეს, გამოვიდნენ და დაირაზმნენ ერთმანეთის წინააღმდეგ. გაიმართა ფიცხელი ბრძოლა. ღმერთმა და ქრისტეს საფლავმა ქართველებს მისცა ძლევა და გაიმარჯვეს. გაქცეული [ურჯულოები] შევიდნენ ქალაქში და გამაგრდნენ. გამოედევნენ ქართველები, წაართვეს ციხესიმაგრე და ქალაქი. მრავლად ამონყვიტეს ყველა იქ მყოფი,²⁰¹ გაათავისუფლეს ქრისტეს საფლავი და ყოველი წმიდა ადგილი. აცნობეს ხონთქარს ეს ამბავი და გამოუგზავნა ხალათები და მრავალი წყალობა. ხონთქარმა შეუვალი სიგელით მისცა მათ ქრისტეს საფლავი, გოლგოთა, ბეთლემი, ჯვრის მონასტერი და სხვა ყველა მონასტერი. გაიხარა მეფე გიორგიმ, ბატონმა ბაგრატმა და ლევანმა. წამოვიდნენ თავის მხარეში, ჩამოვიდნენ მშვიდობით გამარჯვებულები და იზიემეს.

ამის შემდეგ ყვარყვარე ათაბაგი მიემხრო ხონთქარს,²⁰² ეს რომ შეიტყო იმერეთის მფლობელმა ბაგრატმა, შეკრიბა თავისი იმერლების ლაშქარი. კაცი გაუგზავნა კახაბერ გურიელს²⁰³ და ისიც ბაგრატს გაჰყვა. გადაიარეს მთა და მურჯახეთში თავს დაესხნენ ყვარყვარე ათაბაგს. ათაბაგიც დაუხვდათ, შეიბნენ და დაირაზმნენ ერთმანეთის წინააღმდეგ. განდევნეს ათაბაგის მეზობლები. კახაბერ გურიელის მერიქიფემ ისაკ ართუმელაძემ [ცხენიდან] ჩამოაგდო ყვარყვარე ათაბაგი, შეიპყრო და მიჰგვარა გურიელს. გურიელმა კი მიჰგვარა ბაგრატს იმერეთის მფლობელს. ქრისტეს აქეთ 1534²⁰⁴ [წელს], ბაგრატი დაეუფლა საათაბაგოს. [ქვეყნიდან] გადაიხვეწა ოთარ შალიკაშვილი²⁰⁵ და თან წაიყვანა ქაიხოსრო, ყვარყვარე ათაბაგის შვილი.²⁰⁶

ამ დროს გამოჩნდა შაჰ-ისმაილი,²⁰⁷ შიხის ძე. როცა თემურ-ლენგი გამოვიდა ასპარეზზე, დაატყვევა შამის [მოსახლეობა] და იქიდან არდაველში გადავიდა. იქ იყო ერთი ვილაც შიხი, გრძნეულების მოქმედი.²⁰⁸

მუსლიმებს მისი დიდად სჯეროდათ, სასწაულთმოქმედად ჰყავდათ. თემურ-ლენგს ქებით მოახსენეს ამ შიხის შესახებ და თვითონ მივიდა მის სანახავად. რაღაც ბოროტისმიერი სასწაული აღასრულა თემურ-ლენგის თვალწინ. მოენონა თემურ-ლენგს მისი საქმე, უბრძანა, რასაც ისურვებ, მოგცემო. მაშინ თემურ-ლენგს თან ჰყავდა შამიდან დედა-ბუდიანად [წამოყვანილი] მრავალი ხალხი. შიხმა ეს მრავალრიცხოვანი [ხალხი] სთხოვა ამგვარი სიტყვით: „შამელები, რომლებიც დაგიტყვევებია, მუსლიმები არიან. მაჰმადს არ დაუდია რჯულად, რომ მუსლიმმა დაატყვევოს მუსლიმი. ეს [ხალხი] მომეცი, რომ გავათავისუფლოო“. შეისმინა თემურ-ლენგმა შიხის ვედრება, მთლიანად მისცა ტყვეობაში მყოფი ოჯახები, მისცა ქალაქი არდაველი და არდაველის მთელი შემოგარენი. შიხმა კი გაათავისუფლა შამელი ტყვეები. ზოგიერთი მათგანი თავისთან გააჩერა, ზოგი კი წავიდა შამის ქვეყანაში.

თემურ-ლენგის სიკვდილის შემდეგ ირანი კუთხეებად დაიშალა, სათითაოდ გაინაწილეს ამ ქვეყნის მთავრებმა. ზოგიერთი მათი ამბავი ვრცლად არის აღწერილი სპარსეთის ისტორიაში. ეს შიხი არდაველში იჯდა, მთელ სპარსეთში კი ომიანობა იყო. შიხის შვილიშვილი შირვანის მბრძანებელმა მოკლა. ერთი ვაჟი დარჩა და იგი დაეუფლა არდაველს. ისიც თავისი უფარგისობის გამო მოკლეს, რაც ვრცლად აღწერილი სპარსეთის ისტორიაში. დარჩა [ერთი] შვიდი წლის ვაჟი – შაჰ-ისმაილი. თავრიზის მეფემ მოსაკლავად დაუწყო დევნა. შაჰ-მლუს [ხალხმა]²⁰⁹, წაიყვანა და გადამალა. სრულწლოვანი რომ გახდა, მოიყვანეს, დაეუფლა თავის სამფლობელო არდაველს. მას შემდეგ დაიწყო ბრძოლა ყველას წინააღმდეგ და მთელი სპარსეთი დაიპყრო.

მეფე ლუარსაბი²¹⁰

იმხანად მონაზვნობა მიიღო ქართლის მეფე გიორგიმ. თავისი ვაჟი არ დარჩა. ქრისტეს აქეთ 1542²¹¹ [წელს], მეფობა დაუტოვა ლუარსაბს, თავის ძმის შვილს, ღვთისმოყვარე, ურჯულო მტერთა გამანადგურებელ და ბრძოლაში უშიშარ კაცს. იმჟამად ბაგრატ მუხრანბატონმაც მიიღო მონაზვნობა. დარჩა ოთხი ძე: ვახტანგი, ერეკლე, არჩილი და აშოთანი.²¹² ლუარსაბი დაეუფლა ქართლის ქვეყანას. მაშინ კათოლიკოსი იყო გერმანე,²¹³ თბილელი [მღვდელთმთავარი] – დომენ[ნ]ტი, მროველი – გედევანი.

სპარსეთის ქვეყანას რომ დაეუფლა შაჰ-ისმაილი,²¹⁴ მერე ქართლში შემოსვლა მოინდომა და აღჯაყალაში²¹⁵ ჩამოვიდა. შაჰ-ისმაილის შემო-

სევის ამბავი რომ შეიტყო, [მეფემ] მრავლად შეკრიბა თავისი მხედრობა და თბილისში გამაგრდა. შაჰ-ისმაილმა ლუარსაბ მეფის საბრძოლო მზადების შესახებ რომ გაიგო, თავისი სარდალი ყარაფირი გამოგზავნა დიდი ლაშქრით. შემდეგ გადნყვიტა და მრავალრიცხოვანი ლაშქრით მიაშველა მისკარბაში ელიასბეგი. მერე იფიქრა, იქნებ დამარცხებულიყო მისი ლაშქარი, თვითონაც ადგა და წამოვიდა. ეს რომ გაიგო მეფე ლუარსაბმა, თავისი მხედრობით გამოვიდა თბილისიდან, თელეთის ღელეში დაბანაკდა და იქ დარაზმა თავისი მხედრობა. ყარაფირი რომ მოვიდა, შეებნენ ერთმანეთს და ფიცხელი ბრძოლა გაიმართა. ისე შეერკინნენ ქართლელები, რომ მათი მხნეობის ამბავი სპარსეთის ისტორიაში ვრცლად არის აღწერილი. ურიცხვი ყიზილბაში განადგურდა ქართლელების ხელით. აჯობეს ქართლელებმა და განდევნეს ყიზილბაშები.

მათი გაქცევისას ელიასბეგ მისკარბაშიც მოვიდა, გაქცეული ლაშქარიც მოაბრუნა და თავისი მხედრობითაც შემოუტია ქართლელებს. წინანდელზე უფრო ფიცხელი ბრძოლა გაიმართა, ქართლელებმა ისევ ურიცხვი ყიზილბაში ამოწყვიტეს. ყიზილბაშების გაქცევისას შაჰ-ისმაილი ამოვიდა თელეთის მთაზე, რომელიც მდებარეობს ტაბახმელის მხარეს. გადმოიხედა და დაინახა ამოწყვეტილი და გაქცეული თავისი მხედრობა, ქართლელები კი მათზე ლომებივით გათამამებულიები. შეწუხდა და [ბრძოლაში ჩაბმა] უბრძანა ყარა ყოინლუს,²¹⁶ თავის მხედრობას. ჩამოვიდა, ზურგის მხრიდან შემოუტია ქართლელებს ყარა ყოინლუმ. ქართლელები ომით ძალიან დაღლილები იყვნენ. დამარცხდა ქართლის მხედრობა და უკან გამობრუნდა.

წამოვიდა მეფე ლუარსაბი ზემო ქართლში, უნდოდა თავიდან შეეგროვებინა ლაშქარი და თავს დასხმოდა შაჰ-ისმაილს. ველარ შეძლო, რადგან ქართლელები მიმოფანტული იყვნენ და ჯარი ველარ შეკრიბა. მამინ წამოვიდა შაჰ-ისმაილი და მოადგა თბილისის ციხეს, ბევრი წყალობა აღუთქვა თბილისის ციხისთავს. ენდო ციხისთავი და ჩააბარა ციხე. შევიდა ციხესიმაგრეში და თბილისიც²¹⁷ დაიპყრო შაჰ-ისმაილმა. თავისი ხელით დალენა და შემუსრა ხატ-ჯვრები და ხიდის ყურეში ააგო თავისი რჯულის მერეთი.²¹⁸ გაბრუნდა და წავიდა თავის მხარეში, ციხეში კი მცველები დატოვა. ციხისთავს რომ არ ჩაებარებინა ციხე და ცოტა ხანს გამაგრებულიყო, მოვიდოდა მეფე ლუარსაბი, შემოუტევდა შაჰ-ისმაილს და, თუკი ღმერთი ინებებდა, დიდად დააზარალებდა. შაჰ-ისმაილის წასვლის შემდეგ მოვიდა მეფე ლუარსაბი და ისევ დაეუფლა ქართლს.

ამ დროს მოკვდა შაჰ-ისმაილი და მის ნაცვლად შაჰ-თამაზი²¹⁹ ავიდა ტახტზე. ჭკვიანი და სიმდიდრით სავსე²²⁰ კაცი იყო შაჰ-ისმაილი. მან აღიარა შიას რჯული,²²¹ დაიწყო ოსმალების რჯულის გინება, განადიდა ალიას²²² სახელი და თავისი თავი ალის ძედ გამოაცხადა. იმ დროიდან აღიარეს ყიზილბაშებმა [იგი] იმამის²²³ ძედ. ღმერთის შესაფერის პატივს მიაგებენ დღევანდელ დღემდე და ლოცულობენ მასზე არა მხოლოდ მისი მეფობის გამო, არამედ [იმიტომაც], რომ იმამის ძედ მიანიათ. რაც შეეხება მის შვილებს, როცა მის ნაცვლად მისი ძე შაჰ-თამაზი გამეფდა, ძალზედ გამდიდრდა. უფრო მეტი ქვეყნები დაიპყრო, რომლებიც გადაურჩა შაჰ-ისმაილს.

იმხანად თბილისის ციხე ლუარსაბ მეფეს ჰქონდა აღებული და გამაგრებული. ყარაბაღში ყოფნისას შეიტყო ეს ამბავი შაჰ-თამაზმა, ფარულად შეკრიბა თავისი რჩეული ჯარი და გამოემართა მეფე ლუარსაბის წინააღმდეგ. იმჟამად გარდაეცვალა ლუარსაბ მეფეს მცირეწლოვანი ვაჟი და მცხეთაში წაიღო დასაკრძალად. სიყვარულის გამო მეფე და დედოფალი თან გაჰყვნენ [მცხეთაში]. იმ ღამით შემოვიდა თბილისში შაჰ-თამაზი. ღვთის განგებას რომ არ დაეფარა მეფე ლუარსაბი, თავის ვაჟის [ცხედარს] რომ არ გაჰყოლოდა [მცხეთაში], დედოფალთან ერთად ხელში ჩაუვარდებოდა [მტერს]. შაჰ-თამაზის შემოსევის ამბავი რომ გაიგო, სახიზარს მიაშურა და ჯარი ველარ შეკრიბა. ამის გამო შაჰ-თამაზი დარჩა თბილისში, ყველანი გასახიზნად მოემზადნენ. ხოლო ქალაქი თბილისი დაიპყრო შაჰ-თამაზმა და დედაბუდიანად ამონყვიტა ყველა.

როცა თბილისის ციხისთავმა გულბადმა დაინახა, [ქალაქში] მოულოდნელად შემოსული შაჰ-თამაზი, შეეშინდა ლუარსაბ მეფისა, არ ამიკლოსო [მტრის] შემოსევის ვერ შეტყობის გამო. გამოვიდა ზემო ციხიდან²²⁴ და ეახლა შაჰ-თამაზს. ციხის მცველებმა რომ გაიგეს ეს ამბავი და ციხისთავის წასვლა, ზოგიერთი მათგანი შინ წავიდა, ზოგიც შაჰ-თამაზს ეახლა. შაჰ-თამაზმა ბევრი საჩუქრები მისცა, ქრისტიანული რჯული დაათმობინა, დაიპყრო თბილისის ციხე, გაამაგრა და თვითონ ყარაბაღში წავიდა.

ეს რომ შეიტყო ლევან კახეთის მეფემ, ისიც დაუზავდა [შაჰ-თამაზს]. წავიდა შაჰ-თამაზი სომხეთის ნახჭევანში და სომეხი განდგომილები დაიმორჩილა. იმხანად სამცხეში იმყოფებოდა იმერეთის მბრძანებელი ბაგრატი. [ისიც] ეახლა მას,²²⁵ რადგან ოთარ შალიკაშვილი და ყვა-

რყვარე [ათაბაგის] ვაჟი ქაიხოსრო ხონთქართან იყვნენ წასულები და მათგან მხარდაჭერა ჰქონდათ. ბაგრატიც იმიტომ ეახლა შაჰ-თამაზს, რომ მისი შემწეობა მიეღო. თვითონ შაჰ-თამაზი მოუცლელი იყო და ჯარი ვერ მიაშველა. ბევრი წყალობა მისცა, გამოისტუმრა და თვითონ ქვემოთ წავიდა.²²⁶

ბაგრატი დაბრუნდა სამცხეში. ოთარ შალიკაშვილსა და ქაიხოსროს, ყვარყვარეს ძეს, ხონთქარმა დიდი ლაშქარი გამოუგზავნა. სარდლად დაუყენა მუსტაფა ფაშა, თან დიდი ზარბაზანიც გამოატანა და მოადგნენ ზემო ქართლს. ეს რომ ბაგრატი გაიგო, მოუხმო გურიელს. მოვიდა გურიელი და დაირაზმნენ ხონთქრის მხედრობის წინააღმდეგ. ფიცხელი ბრძოლა გაიმართა, უკუაქციეს ოსმალთა მხედრობა, მუსრი გაავლეს და გარბოდნენ ოსმალები. მოკლეს მუსტაფა ფაშა, ხელში ჩაიგდეს მათი საგანძური და თოფები.

ამის შემდეგ წავიდნენ ხონთქართან ოთარ შალიკაშვილი და ყვარყვარეს ვაჟი ქაიხოსრო. მეტად დაღონდა ხონთქარი მისი ჯარის დამარცხების გამო. შემოუსია [საქართველოს] აზრუმისა და დიარბექირის ფაშა და ურიცხვი ლაშქარი. ეს რომ შეიტყო იმერეთის მბრძანებელმა ბაგრატი, დახმარება სთხოვა ქართლის მეფე ლუარსაბს, დადიანსა და გურიელს. ლუარსაბ ქართლის მეფეს, მართალია, არავინ ეხმარებოდა ურჯულოებთან ბრძოლაში, მაგრამ თვითონ, რაც კი შეეძლო, თავს არ ზოგავდა. მიდიოდა და [ყველას] ეშველებოდა, რადგან გული შესტკიოდა საქართველოზე, როგორც მამა [ზრუნავს ხოლმე] შვილებზე. შეკრიბა თავისი მხედრობა და წავიდა ბაგრატთან. მაშინ ბაგრატს არ შეუერთდა დადიანი. თავისი ჯარით მოვიდა გურიელი, იმერლები და მესხებიც შეუერთდნენ. ხონთქრის ჯარი შემოვიდა ბასიანში, ესენიც მოვიდნენ. ქართლელებმა ბრძოლაში მენინავეობა მოინდომეს. მესხები არ შეეგუვნენ ამას, რადგან უნინაც ჩვენ ვიყავითო და წესი გვაქვსო მენინავეობისა. ახლაც წესით, ჩვენ უნდა ვიყოთო. ქართლელები არ დაჰყვნენ და შეუტიეს [მტერს], ქრისტეს აქეთ 1545 [წელს]²²⁷. ძლიერი ბრძოლა გაიმართა და ორივე მხრიდან დაიხოცნენ. მესხებმა კი, ქართლელების მენინავეობის გამო, პირი იბრუნეს, არ გაჰყვნენ ქართლელებს. [ბრძოლაში] მოკლეს გურიელის ვაჟი ქაიხოსრო. სულ მთლად შემოემტვრათ ქართველებს აბჯარ-საჭურველი, აღარ ჰქონდათ საბრძოლო იარაღი. დამარცხდა საქართველოს ჯარი. გამოიქცნენ და ყველა თავის მხარეს გაემართა. ბაგრატი იმერეთში წავიდა, მეფე ლუარსაბი კი ქართლში.

მაშინ შემოიჭრნენ ურუმები²²⁸, ვინც კი შეიპყრეს, უმოწყალოდ დახოცეს. გურიელი[ც] თავის სამფლობელოში წავიდა და ყველა თავის მხარეს გაემართა.

ურუმები დამკვიდრდნენ სამცხეში და ოთარ შალიკაშვილის განზრახვით, ჩადგნენ სამცხის ციხესიმაგრეებში. ასე ეუბნებოდა ოთარი: „თუკი დაეუფლებით სამცხის ციხესიმაგრეებს, ეს ქვეყანა თქვენი სამკვიდრებელი გახდებაო“. მაშინ მესხებმა ათაბაგად დასვეს ქაიხოსრო, ყვარყვარეს ვაჟი. [იგი] მუხრანბატონის ძმახალი გახდა – ამოთან მუხრანბატონის ასული მოიყვანა ცოლად, სახელად დედისიმედი. ეს ქალი ურცხვი, თავნება და ამაყი იყო. როცა დაინახეს ათაბაგმა და ოთარ შალიკაშვილმა, რომ ოსმალებმა დაიპყრეს სამცხის ციხესიმაგრეები, მეტად ძალმომრეობდნენ და უსამართლოდ იქცეოდნენ სამცხეში, მაშინ ათაბაგმა და ოთარმა თავისი ქვეყნისთვის სასარგებლო რამ მოიფიქრეს, შაჰ-თამაზთან გაგზავნეს ელჩი და ასე შეუთვალეს: „ძველი დროიდან ეს ქვეყანა, სამცხე, სპარსეთის მეფეებს ეკუთვნოდა. ახლაც, თუკი მოისურვებთ, გაქვთ საიმისო ძალაუფლება, რომ [კვლავ] თქვენი გახდეს. დაგვეხმარე, ნულარ დაანებებ ოსმალებს ჩვენს თავს, ისევ თქვენი გახდეს ჩვენი ქვეყანა და უწინდელივით შენს მორჩილებაში ვიყოთ“. ეს რომ გაიგო შაჰ-თამაზმა, გაუხარდა და დიდი ჯარით წამოვიდა სამცხეში. როცა ამის შესახებ შეიტყო სულთანმა სულეიმანმა,²²⁹ ისიც მრავალრიცხოვანი ლაშქრით წამოვიდა, ასე გადაწყვიტა: რადგან ოთარმაც მიღალატა და ათაბაგმაც და აღარ უნდათ, რომ მათი მბრძანებელი ვიყო, ახლა მეც იქ ჩავალ, დავანგრევ და გავაპარტახებ მათ ციხესიმაგრეს, ქაჯეთის ციხეს და არ დავუთმობ სპარსელებს იმ ქვეყანასო.

გაიგო შაჰ-თამაზმა ხონთქრის წამოსვლის ამბავი. არ შეეძლო მას სულთან სულეიმანთან შებრძოლება. ასეთი გამოსავალი მონახა და ოთარს შემოუთვალა: „ეს იცოდე, რომ რაც არ უნდა კარგი საქმე [გამიკეთო], არაფრის გულისთვის მე შენ ცოცხალს არ დაგტოვებო“. ეს წერილი მიიღო ოთარმა, სულთანს გაუგზავნა და ასე მისწერა: „თქვენც მიწყრებით და ყაენიც უფრო მეტად არის ჩემზე გულმოსული. ახლა მე რაღა ვქნა, ღმერთი იყოს მსაჯული თქვენსა და ჩემ შორისო“. ინება ღმერთმა, შეიბრალა სულთანმა და უკან გაბრუნდა. აღარ მოვიდა სამცხეში და შინ გაბრუნდა.

როცა იმერეთის მფლობელი ბაგრატი²³⁰ დაბრუნდა თავის სამფლობელოში, ლევან დადიანი²³¹ ხონის ქალაში მიიწვია. უღალატა და

შეიპყრო ლევან დადიანი იმის გამო, რომ ურუმებთან ბრძოლაში არ დაეხმარა. [მისი] შეპყრობის შემდეგ, კაცი გაუგზავნა, ასე შეუთვალა: „დადიანი დავიჭირე და ჩემს ხელშია. ნავიდეთ ოდიშში, დავლაშქროთ, ნახევარი შენი იყოს, ნახევარი ჩემიო“. ეს რომ გურიელმა გაიგო, ასე იფიქრა და თქვა: „დადიანი დაუტყვევებია, ოდიშს დაიპყრობს და მერე ჩემს ქვეყანასაც წამართმევს, სულ გააერთიანებსო [დასავლეთ საქართველოს]. ბაგრატსაც სწორედ ეს უნდოდა და აღარ დაუჭირა მხარი გურიელმა. მეფემ კი ასე გადაწყვიტა: არ უნდა გაერთიანდნენ გურიელი და ოდიშის მკვიდრნი, რომ მერე ჩემ წინააღმდეგ შური არ იძიონო. დადიანისთვის თვალების დათხრა უნდოდა, მაგრამ აღარ დაუშანთა თვალეები და გელათის სამრეკლოში გამოამწყვდია. ქაიხოსრო ათაბაგმა²³² გაიგო დადიანის დატყვევების ამბავი და ხოფილანდრე ჩხეიძე მიუგზავნა. [მან] გამოაპარა იქიდან და ჩაიყვანა ათაბაგთან. მიიმხრო ათაბაგმა გურიელი, ჩაიყვანა ოდიშში და იქაურობას დააპატრონა.

მაშინ გაუწყრა ხონთქარი გურიელს – ბასიანის ბრძოლაში ბაგრატს რომ არ გამოჰყოლოდი, იმდენ ხალხს ვერ ამომინყვეტავდაო ბაგრატი. შემოუსია ჯარი, კატარღებითა და ნავებით მოვიდნენ ბათუმში და დაიწყეს ციხის შენება. შეკრიბა გურიელმა თავისი მხედრობა და გაემართა ოსმალებთან საომრად. ღმერთმა ხელი მოუშართა და გაიმარჯვა. ხმელეთიდან განდევნა, ზღვაში შევიდნენ ნავებით, ლელვა დაიწყო და ჭოროხის გაღმა გადავიდნენ. წყალდიდობა იყო, ჭოროხში ცხენებით ვეღარ გავიდნენ, მოადგნენ გონიოს და დაიწყეს ციხის შენება. გაძლიერდნენ ოსმალები, ჭანეთი ამოწყვიტეს, გურიელს წაართვეს და თვითონ დაიკავეს.

იმხანად იმერეთს განაგებდა ბაგრატი, [მას] ჰქონდა იმერეთი. კაცი გაუგზავნა გურიელმა ლევან დადიანსა და როსტომს:²³³ „თუკი ესენი გამაჩანაგებენ, ამის შემდეგ თქვენც დიდ უბედურებას მოგიტანენო“. მაშინ შეკრიბა დადიანმა თავისი ჯარი და აფხაზები, წამოვიდა და რიონის ყურეში²³⁴ დაიბანაკა. ბაგრატი რომ გაიგო, დადიანი გურიელს ეხმარებოდა, უფრო მეტად შეკავშირდებიანო [იფიქრა]. გურიელის დასახმარებლად ხუთასი კაცით გაგზავნა თავისი ძმა ვახტანგი²³⁵ და სთხოვა – ეცადე, დადიანი გურიელს [არ] დაეხმაროსო. ნავიდა ვახტანგი, ჩამოვიდა საჯავახოში და შეუთვალა დადიანს: „მე ხომ შენი ძმადნაფიცი ვარ, ეს იცოდე, რომ ჩემი ძმა და გურიელი შეთანხმებული არიან. როგორც კი ჩამოხვალ გურიაში, თავს უნდა დაგესხან და მოგ-

კლანო“. ეს რომ მეგრელებმა გაიგეს, შეშინებულები აღარ წამოვიდნენ რიონიდან. ვახტანგი კი ჩამოვიდა გურიელთან ბათუმში. იქ დახვდნენ როსტომ გურიელი²³⁶ და გურულები. რაკილა დადიანი ველარ დაეხმარა, კატარლა და ნავები ვერ იშოვეს და ვერც გაღმა მხარეს გადავიდნენ. ოსმალებმა გაიგეს ეს ამბავი, ააშენეს ციხეები და დაიპყრეს ქანეთი. ვახტანგი კი შინ გამობრუნდა.

იმხანად გარდაიცვალა ბაგრატი,²³⁷ გელათში დაკრძალეს. მის ნაცვლად ტახტზე ავიდა გიორგი, მისი ძე.²³⁸ თორმეტი წლის მანძილზე განაგებდა როსტომი გურიას. ისიც გარდაიცვალა და დაკრძალეს შემოქმედში. როსტომს სამი ვაჟი ჰყავდა, უმცროსს გიორგი²³⁹ ერქვა. ის დასვეს გურიის მთავრის ტახტზე. მისი ერთი და დადიანის ძეს ჰყავდა ცოლად. როსტომ გურიელი რომ გარდაიცვალა, მაშინ დადიანის ვაჟი გაეყარა თავის ცოლს, ბიძამისს წაართვა ქალი, თვითონ შეირთო და განარისხა ღმერთი. გამოხდა ხანი და ისევ შეკავშირდნენ გიორგი გურიელი და დადიანი. გურიელმა შეირთო დადიანის ასული. ცოტა ხანში გურიელიც გაეყარა დადიანის ქალს, რადგან უწინ მის დას გაეყარა [დადიანის] შვილი. იმერეთის მბრძანებელმა გიორგიმ შეიტყო დადიანისა და გურიელის გადამტერების ამბავი. ერთი ქვრივი რძალი ჰყავდა, გურიელს მისცა თავისი ქალის მაგიერ და ესენიც [...].²⁴⁰

მაშინ დაიწყო სულელი და ბრძოლა დადიანის წინააღმდეგ. არ შეეძლო დადიანს მათთვის წინააღმდეგობის გაწევა. გადაიხვეწა და სტამბოლში ჩავიდა, სულთანს²⁴¹ ეახლა, დახმარება სთხოვა. დაეხმარა სულთანი დადიანს, არზრუმისა და ტრაპიზონის ჯარი მისცა. წამოვიდნენ, მოადგნენ სატყეველას.²⁴² გურიელმა შეიტყო, რომ დადიანს სულთანი დაეხმარა და დიდი ჯარით გამოგზავნა. ასეთი გამოსავალი ნახა, დაუნყო ხვენწა დადიანს, შუაკაცი გაუგზავნა, ათასი ფლური²⁴³ მისცა დადიანს სისხლის ფასად და შერიგდნენ.

ახალი გამეფებული იყო იმერეთის მბრძანებელი გიორგი, მტკიცედ ვერ ეპყრა თავისი საბრძანებელი. მაშინ თავისთან დაიბარა გიორგიმ ჯავახ ჭილაძე, უღალატა და მოკლა. ეს გაიგო გიორგი გურიელმა და ძალიან ეწყინა. შერიგდნენ დადიანი და გურიელი, დაანებეს [მეფეს ჯავახ ჭილაძის ლალატი]. ნახევარი [საჯავახო] გურიელმა დაიკავა, ნახევარი კი დადიანმა.

იმხანად გარდაიცვალა დადიანი. ისე მოხდა, რომ ნადირობისას ჯაიანმა ცხენი აძგერა და მოკლა დადიანი.²⁴⁴ მაშინ დადიანის ტახტზე

დასვეს გიორგი, მისი უფროსი ძე.²⁴⁵ ეს გაიგო გურიელმა, გადაიბირა მამია, მისი უმცროსი ძმა,²⁴⁶ ჩაიყვანა გურიაში და თავისი და შერთო ცოლად. მერე ლაშქარი მისცა გურიელმა, თვითონაც წავიდა და ჩავიდნენ ზუგდიდში. გამართეს ბრძოლა, გურიელმა გაიმარჯვა, ჩამოაგდეს გიორგი დადიანი, დადიანის ტახტზე დასვეს მისი ძმა მამია, გურიელი კი გაბრუნდა თავის მხარეს. გიორგი დადიანმა შეკრიბა აფხაზების, ჯიქებისა და ჩერქეზების ლაშქარი. გურიელმაც ისევ ათხოვა ჯარი მამიას, თავის სიძეს და გამართეს ბრძოლა. ისევ მამიამ გაიმარჯვა და გაიქცა გიორგი დადიანი.

გიორგი დადიანმა მოლაპარაკება გამართა იმერეთის მბრძანებელ გიორგისთან. დახმარების პირობა მისცა იმერეთის პატრონმა გიორგიმ. გიორგი დადიანმა შემოუთვალა: „რაკილა ერთი ჩერქეზის ქალი თქვენ გყავთ და ერთიც გურიელს, მესამე და კი, თქვენ რომ ზრდით, გასათხოვარია, მე მომეცით, აბა სხვა რით გენდოთო“. გიორგი ბატონმა გურიელს ჰკითხა: „მივცე [ჩერქეზის ქალი] თუ არაო?“ გურიელმა უპასუხა: „მე მის ქალს გავყვარე და სისხლის ფასი გამომართვა, იგი ჩემს დას გაშორდა და სისხლის ფასი მომცესო“. ეს პირობა შეუთვალეს გიორგი დადიანს. დათანხმდა დადიანი სისხლის ფასის მიცემაზე. ვერცხლის ფული არ ჰქონდა, გაქცეული იყო. რაც გურიელს ჰქონდა გადახდილი სისხლის ფასი, იმის გირაოდ მისცა ხოფი და მისცეს მესამე ჩერქეზი და გიორგი დადიანს. სამივე ერთმანეთის ქვისლი გახდა და დამოყვრდნენ. მამია დადიანმაც, რადგან უფროსი ძმა იყო, დაუთმო, წესით მას ეკუთვნოდა დადიანის ტახტი და იმანაც დაანება. მამია დადიანს ლომკაც ჭილაძისა და რევაზისეული²⁴⁷ [მამული] მისცეს და შერიგდნენ. მას შემდეგ დამყარდა მშვიდობა სამ საბატონოს შორის.

ეს რომ გაიგო დათულიამ, დადიანის ბიძამ, შეკრიბა საჯავახოელეზი და გამოემართა, რომ ელაღატა გიორგი დადიანისთვის. შეიტყო ეს საქმე დადიანმა, ველარ უღალატა და გაბრუნდა დათულია უკან საჯავახოში. მაშინ გიორგი დადიანმა, მისმა ძმამ, მამიამ და გიორგი ბატონმა შეუთვალეს გიორგი გურიელს, ასე მისწერეს: „რადგან დათულიამ ღალატი გამოიჩინა, ახლა შენ უმუხტლე მაგას, მოკალი და საჯავახო დაიპყარო“. გიორგი გურიელი ასე მოიქცა: შეიპყრო დათულია, დაატყვევა ოზურგეთში და საჯავახოს თვითონ დაეპატრონა. ისევ შეუთვალეს გურიელს, მოკალიო, მაგრამ გურიელმა არ მოკლა. შემდეგ თვითონ გაგზავნეს კაცი და მოაშთვეს დათულია.

იმხანად გარდაიცვალა გიორგი დადიანი. ისევე მამია დადიანი დაეუფლა ოდიშს და ავიდა დადიანის ტახტზე. დადიანს ერთი ვაჟი-ვილი დარჩა, ლევანი ერქვა. ღმერთი განარისხა გიორგი გურიელმა – წაართვა ის ბავშვი დედამისს, წამოიყვანა და შხეფის ციხეში გამოამწყვდია. ბავშვმა ტყვეობას ვერ გაუძლო, გადმოვარდა გალავნიდან და გარდაიცვალა. იმერეთის მბრძანებელს, დადიანსა და გურიელს ერთმანეთში მშვიდობა და ერთობა ჰქონდათ.

როცა სულთანის სულეიმანი²⁴⁸ უკან გაბრუნდა, მაშინ შაჰ-თამაზი სამხრეთით იყო. ქართლის მეფემ, კახეთის ბატონმა და ათაბაგმა ადარბადაგანის რბევა და აოხრება დაიწყეს. იმხანად შაჰ-თამაზს განუდგა შაქის მფლობელი, ასან ბეგის ძე, სახელად დავრიმ მაჰმადი. სულთანი სულეიმანი უკან რომ გაბრუნდა, შაჰ-თამაზმა ყარაბაღში შეკრიბა ჯარი. ასანბეგი შაჰ-თამაზის მორჩილი იყო, ხოლო მისმა ძემ, დავრიმ მაჰმადმა, აღარ ისურვა მორჩილება და განუდგა. ამის გამო შაჰ-თამაზმა ყარაბაღში შეკრიბა ჯარი და კაცი გამოუგზავნა კახეთის ბატონ ლევანს, დახმარება ითხოვა მისგან. წამოვიდა ლევანი, ეახლა შაჰ-თამაზს და დაემორჩილა. როდესაც ასან-ბეგი, დავრიმ მაჰმადის მამა, შაჰ-ისმაილის მორჩილებაში იყო, მაშინ ლევანი შაქში თავს დაესხა ასან-ბეგს, მოკლა და დაარბია შაქი. ამის შემდეგ მოიყვანეს შაქის მცხოვრებლებმა მისი ვაჟი, დავრიმ მაჰმადი და მბრძანებლად გაიხადეს. მას შემდეგ მტრობა ჰქონდათ კახეთის ბატონ ლევანსა და დავრიმ მაჰმადს. ესენი რომ შეიკრიბნენ, მერე გაგზავნა შაჰ-თამაზმა შირვანში თავისი ჯარი. ეს შეიტყო დავრიმ მაჰმადმა, თავს დაესხა და მრავალი მოლაშქრე დაუხოცა. ქრისტეს აქეთ 1546²⁴⁹ [წელს], როდესაც შაჰ-თამაზმა გაიგო, რაც დავრიმ მაჰმადმა გააკეთა, მოაგროვა [ჯარი] და გაემართა შირვანისკენ. შაქის მცხოვრებლებმა გაიგეს შაჰ-თამაზის მისვლის ამბავი, ძალიან შეშინდნენ. მაშინ გაუგზავნა შაჰ-თამაზმა წერილი დავრიმ მაჰმადს: „მოდით ჩემთან და მიპატიებთა შენი დანაშაულო“. მან არ შეისმინა, გაამაგრა თავისი ციხესიმაგრეები და ომისთვის მოემზადა. გაიგო შაჰ-თამაზმა მისი ამბები, გაგზავნა კახეთის ბატონი ლევანი, სხვა ხანები, თავისი ორი სარდალი და ჯარი. ჩავიდნენ შაქში, მთლიანად ააოხრეს დასახლებული და ცარიელი [ადგილები] და მოადგნენ იმ ციხესიმაგრეს, სადაც დავრიმ მაჰმადი იმყოფებოდა. გარკვეული დროის შემდეგ ველარ შესძლო ციხის შენარჩუნება, ღამით გაიპარა და უნდოდა ჩუმად გადახვეწილიყო. როცა დავრიმ მაჰმადი გამოვიდა,

გაიგო ლევან ბატონმა, დაედევნა, დაენია, გამართეს ბრძოლა და გაიმარჯვა ბატონმა ლევანმა. ლევანის მოლაშქრეებმა მოკლეს დავრიშ მაცმადი. მისი თავი ლევანმა შაჰ-თამაზს მიართვა. მრავალი წყალობა მისცა შაჰ-თამაზმა ლევან ბატონს. გამოგზავნა თავის მხარეში ლევან ბატონი, თვითონ კი ყარაბაღს გაემართა.

ჩავიდა ყარაბაღში, მაინც არ დაიოკა ლუარსაბ მეფის მტრობა და ისევ თბილისისკენ გამობრუნდა. ააოხრა თბილისი და მისი შემოგარენი. აიღო თბილისის ციხე და იქ თავისი მეციხოვნეები ჩააყენა. ლუარსაბს კი ვერაფერი დააკლო. ქართლზე იმიტომ იყო გადამტყრებული, რომ ლუარსაბ მეფე, თავისი ზეობის დროს, არც ყაენს დაემონა და არც ხონთქარს. იმიტომ, რომ თუკი ისიც დაემორჩილებოდა, სხვა ყველა ისედაც დამონებული იყო, ქვეყანა გაათარღებოდა და მოხარკედ გადაიქცეოდა. ამიტომ მრავალჯერ ამონყვიტა ლუარსაბ მეფემ, როგორც ხონთქარის, ასევე ყაენის ჯარი.

ამჯერად ასეთი რამ მოიფიქრა შაჰ-თამაზმა – შეუთანხმდა ქაიხოსრო ათაბაგს²⁵⁰ და მისი მონათესავე [ქალი] სთხოვა ცოლად. ათაბაგს თავისი [გასათხოვარი] არავინ ჰყავდა. ათაბაგის მონათესავე იყო ოთარ შალიკაშვილი, ამიტომ მისი თანხმობით გამოართვა ქალი და, როგორც თავისი ნათესავი, გაუგზავნა ყაენს და ყაენმა ცოლად შეირთო. ცოლად რომ მიიყვანა, შეუყვარდა ყაენს და შეეწყვნენ ერთმანეთს ყაენი და ათაბაგი. შეიტყო ლუარსაბ მეფემ, რომ ათაბაგი დაემორჩილა შაჰ-თამაზს, შეუთანხმდა ივჯუს და შერმაზანს,²⁵¹ შემოიკრიბა ესენი და თავს დაესხა ქაიხოსრო ათაბაგს, მრავალი თემი წაართვა და აუოხრა. ქაიხოსრომ შაჰ-თამაზს მისწერა, რომ „მოვიდა მეფე ლუარსაბი, ააოხრა ჩემი სამფლობელო და აზრუმის ფაშა ისკანდერიც [სალაშქროდ] მოდისო“. შაჰ-თამაზმა შაქი რომ დაიპყრო, ის ჯარი ჯერ კიდევ არ ჰყავდა დაშლილი. ეს რომ გაიგო, წამოვიდა [საომრად]. შემოეგება ქაიხოსრო ათაბაგი, წინ გაუძღვა და შეიყვანა სამცხეში. შაჰ-თამაზმა მისი ძე, მირზა-ისმაილი გაგზავნა კარში. ჩაივიდა მირზა-ისმაილი, დაიპყრო ციხესიმაგრეები, ამონყვიტა და განდევნა კარის მცხოვრებლები, ვინც კი ოსმალები იყვნენ. შევიდა სამცხეში შაჰ-თამაზი, დაიპყრო ციხესიმაგრეები და განდევნა ოსმალები. ზოგიერთები, ათაბაგისგან განდგომილები, ერთ ციხესიმაგრეში იყვნენ. აიღო ეს ციხე და დაატყვევა. ეკლესია, რომელიც იქ იყო, შემუსრა, ხატ-ჯვრები დაღენა. ეს რომ შეიტყვეს ომანმა და შერმაზანმა, შეეშინდათ და ეახლნენ

შაჰ-თამაზს. ივჯუზიცი ეახლა. შაჰ-თამაზთან დააბეზღეს ივჯუზი და შერმაზანი, ესენი თქვენს ხელისუფლებას არ სცნობენო. ორივე სიკვდილით დაასჯევინა შაჰ-თამაზმა, ხოლო მათი მამულები ქაიხოსრო ათაბაგს მისცა.

ზემო ქართლში ყველა საქმე მოიგვარა, მერე კი გამოემართა მეფე ლუარსაბის წინააღმდეგ. ჩამოიარა თრიალეთი და ააოხრა. წამოვიდა საბარათიანოზე და ისიც ააოხრა. მოვიდა და მოადგა ბირთვისის ციხეს. მცირე ხნით იქ დაბანაკდა. ციხის სიმტკიცე რომ დაინახა, დაეთათბირა მეციხოვნე ბარათაშვილებს, ბევრი წყალობა აღუთქვა და მიინდო ისინი. მერე კი აღარ დაინდო, ზოგი დაატყვევა, ზოგსაც კი თავისი მამული დაუმტკიცა.

მეფე ლუარსაბს ასეთი ჩვევა ჰქონდა, თუკი ჯარი ეყოლებოდა, არ მოერიდებოდა, რაც არ უნდა დიდი ჯარი ყოფილიყო [მტრისა]. ხოლო, თუკი ჯარი არ ჰყავდა, დააცდიდა და თვალყურს ადევნებდა. სადაც მოიხელთებდა მოთარეშეებს, ან მცირე რაიმე ჯარს, დაირაზმებოდა, გაემართებოდა და ძლიერ ბრძოლას გაუმართავდა. მცირერიცხოვანი მხედრობით თათრების დიდ ჯარს ამოსწყვეტავდა ხოლმე.

შაჰ-თამაზი გადავიდა გორში. აიღო გორის ციხე, ვერის ციხე²⁵² და გარშემო არსებული ყველა ციხესიმაგრე. მერე მიადგა ატენის ციხეს, რომელიც საცივის თავში მდებარეობს, რადგან მასში იმყოფებოდნენ ლუარსაბ მეფის დედა და მრავალი თავადი მათი ოჯახებით. ამის გამო ძლიერი ბრძოლა გაუმართა და გარკვეული დროის შემდეგ, ქრისტეს აქეთ 1556²⁵³ [წელს], აიღო ატენის ციხე. დაატყვევა ლუარსაბ მეფის დედა, ბევრი თავადის ოჯახი და ბევრიც სხვა ტყვე ჩაიგდო ხელში. ყველანი დაატყვევა და წავიდა. გაიგო მეფე ლუარსაბმა დედამისისა და მისი თავადების ტყვედ ჩავარდნის ამბავი, უკან გაჰყვა, დაენია [მტრის] ჯარის ბოლო ნაწილს, ბევრი ყიზილბაში განყვიტა და მრავალი ნადავლი წაართვა, მაგრამ დედამისის გათავისუფლება ვერ მოახერხა. როცა ერევანში ჩავიდა შაჰ-თამაზი, მაშინ მიხვდა ლუარსაბის დედა, რა შეურაცხყოფაც მოელოდა, სანამლავი დალია, თავი მოიკლა და არ დაამცირებინა თავი. უკან გამობრუნდა დედამისის დატყვევებისა და ქვეყნის აოხრების გამო დამნუხრებული მეფე ლუარსაბი. შაჰ-თამაზიცი წავიდა თავის მხარეში და თბილისის ციხეც მას დარჩა.

მაშინ [შაჰმა] ყაზახში და შამშადილში თავისი ხანი დასვა. უწინ ამ ქვეყანას რანი ერქვა. სულთანი დასვა [ასევე] განძაში, ბარგუმათში და

შაქში. განძის სულთანი დაადგინა უფროსად და დაავალა: „თუკი ლუარსაბ მეფემ თბილისის ციხეს ბრძოლა დაუწყოს, თქვენ უნდა დაეხმაროთ თბილისის ციხის მცველ თათრებს“.

ამის შემდეგ ლუარსაბი გულჯავრიანი იყო იმის გამო, რომ [თბილისის] ციხე და შემოგარენი ადგილები თათრებს ჰქონდათ დაპყრობილი. შეკრიბა მხედრობა და წამოვიდა მათ წინააღმდეგ. საბარათიანოს მხარეს, რაც კი ადგილები და ციხესიმაგრეები ეჭირათ თათრებს, წაართვა და ყოველ მათგანს თვითონ დაეუფლა თბილისის ციხის გარდა. ეს შეიტყო განძის სულთანმა შავერდომ, შეკრიბა ყარაბაღის ჯარი, ყველას მოუყარა თავი, ვის შესახებაც შაჰ-თამაზს ჰქონდა ნაბრძანები და წამოვიდა მეფე ლუარსაბის წინააღმდეგ. ერთმანეთის პირისპირ რომ აღმოჩნდნენ, ლუარსაბ მეფემ მინდორში შებრძოლება არ ისურვა, გარისში გადავიდა.²⁵⁴ ლუარსაბ მეფეს სამი ვაჟი ჰყავდა: სვიმონი, დავითი და ვახტანგი.²⁵⁵ ყიზილბაშები უკან გაჰყვნენ. მაშინ ლუარსაბი დაუძღვრებული იყო მოხუცებულობის გამო. სვიმონი, მისი ძე, თავისთან მიიყვანა. გაატანა სვიმონს თავისი ლაშქარი, თვითონ კი უკან დადგა ეპისკოპოსებისა და მოხუცებულ საეროთა ამაღლის თანხლებით. მოვიდნენ ყიზილბაშები. როგორც კი სვიმონ ბატონიშვილმა და ქართლელებმა დაინახეს [მტერი], ისე შემოუტიეს, როგორც ლომებმა კანჯრის ჯოგს. შეუტიეს ქართლელებმა და თავგამეტებით იბრძოდნენ, ურიცხვი ყიზილბაში ამოწყვიტეს და განდევნეს მათი ლაშქარი.

შავერდი სულთანი და სხვა ყიზილბაში მხედრები გაიქცნენ და ტყეებში გაიფანტნენ. მაჰმად სულთანი შეშინებული დაეხეტებოდა ტყეში. მაშინ გადაეყარა მცირე ამალით მდგომ ლუარსაბ მეფეს. მეტი გამოსავალი არ ჰქონდა სულთან მაჰმადს, წასასვლელი გზა აღარ ჰქონდა და შემოუტია მეფე ლუარსაბს. ისე გამხნევდნენ ეპისკოპოსები და მოხუცებული ერისკაცები, რომლებიც თან ახლდნენ მეფეს, თითქოს ოცდაათი წლისეები გახდნენ. შეუტიეს ყიზილბაშებს და გაჩაღდა ფიცხელი ბრძოლა. გააქციეს მაჰმად სულთნის რაზმი და მრავალ მათგანს გაავლეს მუსრი. დაინახა ლუარსაბ მეფემ მაჰმად სულთანი. შუბიც გადამტვრეული ჰქონდა მეფეს და სხვა ყველა საბრძოლო იარაღი დაღვნილი. ცხენით შეუტია, თავისი მერანი აძგერა სულთან მაჰმადის ბედაურს, დაბლა დასცა ცხენიცა და მხედარიც. შემდეგ სხვასაც შეუტია. გზაზე რალაც თხრილი დახვდა. მიწის ნაპრაღში ჩაუვარდა ფეხი მის ცხენს. ცხენი წამოექცა მეფე ლუარსაბს. მოექრა ვიღაც ყიზილბაში, სახელად ზაქირი, ჩასცა მახვილი და სა-

სიკვდილოდ განგმირა²⁵⁶ მეფე. თვითონ მოახტა ლუარსაბ მეფის ცხენს და გაქუსლა. გამოედევნენ ქართლელები, დაენივნენ, ისიც მოკლეს, მაჰმად სულთანიც და ვინც კი ყიზილბაში გადაეყარათ, მახვილით ამონყვიტეს.

სვიმონი ყიზილბაშებს დევნიდა და მუსრს ავლებდა. მიუტანეს ბატონიშვილს²⁵⁷ [მეფის] ამბავი და მოვიდა მამამისთან. ყიზილბაშები კი წავიდნენ განძაში. ლუარსაბმა რამოდენიმე დღე კიდევ იცოცხლა. და გარდაიცვალა ლუარსაბი – ვახტან გორგასალის მსგავსი წამებული მეფე²⁵⁸. ამდენი რომ არ ებრძოლა მეფე ლუარსაბს, ახლა საქართველო მთლიანად გათათრებული იქნებოდა. რაც კი დღეს საქართველოს სახელი და დიდებაა, სულ მისი ხმლის დამსახურებაა. ლუარსაბი იყო ბრძენი და ღვთისმოშიში კაცი, კეთილმორწმუნე და ღვანლმრავალი, ომში მხნე და გაბედული მებრძოლი, ლომივით ძლიერი, კარგი სარდალი. აიღო [სვიმონმა] მისი პატიოსანი სხეული და დაკრძალა მცხეთაში, ღვთის მიერ აღმართულ სვეტიცხოველში, მის განსასვენებელში. დიდი ზარი და გლოვა დაიწყეს ქართლელებმა. მეფე ლუარსაბი გარდაიცვალა, ქრისტეს აქეთ 1517²⁵⁹ [წელს].

სვიმონ მეფე²⁶⁰

მამამისის წილ სამეფო ტახტზე ავიდა სვიმონ მეფე. იქვე მცხეთაში აკურთხეს. იმხანად კათოლიკოსი იყო ნიკოლოზი. გარდაიცვალა კათოლიკოსი ნიკოლოზი და აღსაყდრდა დომენტი.²⁶¹ შემდეგ სვიმონ მეფე კახეთის მბრძანებელ ლევანს დაუძმახლდა. ბატონმა ლევანმა თავისი ასული, შამხლის ქალისგან შეძენილი, მიათხოვა და გადაიხადეს დიდებული ქორწილი²⁶². ხუთი წლის განმავლობაში მშვიდობა სუფევდა.²⁶³ [სვიმონი] დაეუფლა ქართლს და კარგადაც პატრონობდა. შემდეგ ამანაც დაიწყო ბრძოლა. შეკრიბა თავისი მხედრობა და ჩამოვიდა ციხედიდში. აცნობა თავის ცოლისძმას, კახეთის უფლისწულ გიორგის და დახმარება ითხოვა მისგან. ჩამოვიდა გიორგი, მისი ცოლის ძმა და შეუერთდა ციხედიდში. ეს გაიგეს სპარსელებმა და საჩქაროდ გამოემართნენ ფარულად. მაშინ ხუნანი ქვიანი ვაშლნარი იყო და თელეთი აოხრებული. მოვიდნენ და იაღლუჯას [მთაზე] დაბანაკდნენ. იქიდანაც ფარულად წამოვიდნენ. მაშინ თბილისის ციხე თათრებს ჰქონდათ დაკავებული. მათ არ გათქვეს და ღამით გამოემართნენ.

სვიმონ მეფეს გამოეპარა [მტრის მოძრაობა]. მუხათგვერდში დარაჯად იდგა ფარეშად გერმანოზიშვილი. აღდგომის ღამე იყო, სოფელ

მუხათგვერდში ავიდა, რომ აღდგომის დღესასწაულსა და წირვას დასწრებოდა, მერე კი ისევ დაბრუნებულიყო და გზის მცველად დამდგარიყო. ამასობაში შემოვიდნენ ყიზილბაშები, ვერ გაიგო ფარეშადმა და ქრისტეს აქეთ 1570²⁶⁴ [წელს], თავს დაესხნენ სვიმონ მეფეს. ძლიერი ბრძოლა გაიმართა. თავდადებით იბრძოდნენ ქართლელები და მეფე სვიმონი. მაშინ მოკლეს გიორგი, ლევან [კახ]ბატონის შვილი, ამონყვიტეს თავადები, აზნაურები და მრავალი მსახური. ორჯერ უფრო მეტი ყიზილბაში განყდა, მაგრამ ბოლოს მაინც დამარცხდნენ ქართველები. გაიქცა სვიმონ მეფე და მისი მხედრობა, ყიზილბაშები კი გაბრუნდნენ გამარჯვებულები და წავიდნენ თავის მხარეს. დიდი გლოვა გაიმართა ლევან ბატონიშვილის გარდაცვალების გამო. წაიღეს და დაკრძალეს ალავერდში, მის საძვალეში.

დავითმა, სვიმონ მეფის ძმამ, რომ დაინახა, რაც მოხდა (ეს დავითი იყო უღმერთო და წუთისოფლის მოყვარე კაცი, მეძავე-მემრუშე. მის გულში არ იყო ზრუნვა სულისა და სამშობლოსთვის. ამბობენ, რომ მამამისის, მეფე ლუარსაბის, სიკვდილშიც იყოო გარეული), უღალატა თავის ძმასა და ქვეყანას, წავიდა ყაენთან და ყაზვინში ეახლა შაჰ-თამაზს. თან გაჰყვა ზოგიერთი თავადი, აზნაური და მსახური. გათათრდა და უწოდეს დაუდ-ხანი. იქ დიდი პატივი მიაგო შაჰ-თამაზმა, თავისი ძმა უწოდა და ასწავლა მაჰმადის რჯული. გამოგზავნა თბილისში და ქართლის მხარეებში, რომლებიც დაპყრობილი ჰქონდა. აცნობა განძის სულთანს, რომ დახმარებოდა მას.

ჩამოვიდა დაუდ-ხანი თბილისში და დაეუფლა მას. ამ ამბის გამო ჯავრობდა სვიმონ მეფე და მთელი ქართლი. შეკრიბა ჯარი სვიმონ მეფემ და ქრისტეს აქეთ 1568²⁶⁵ [წელს], გაემართა დაუდ-ხანის წინააღმდეგ საომრად. მოვიდა სვიმონ მეფე დილომში. ეს გაიგო დაუდ-ხანმა, ყაენის დახმარებით გაძლიერდა, შეკრიბა, რაც კი მხედრობა ჰყავდა თბილისსა და მის შემოგარენში, ქართლის [სხვა ადგილებში], წამოვიდა და დილომში წინ დაუხვდა სვიმონ მეფეს. დაირაზმნენ ერთმანეთის წინააღმდეგ და გამართეს ძლიერი ბრძოლა. დაუდ-ხანის მრავალი მე-ბრძოლი განადგურდა და ღმერთმა გამარჯვება სვიმონ მეფეს მისცა. გაიქცა დაუდ-ხანი და შევიდა თბილისის ციხეში. მოადგა გარედან სვიმონ მეფე, დაეუფლა მთელ შემოგარენ ადგილებს და დიდი ხნით დაბანაკდა [თბილისის ციხესთან]. შეანუხეს [მეციხოვნე ყიზილბაშები]. გარკვეული დროით ალყაში ჰყავდათ.

შენუხდა დაუდ-ხანი, კაცი გაგზავნა სარდალ ჰუსეინ ბეგთან ყარამანლუში, აცნობა მისი შევიწროების ამბავი და დახმარება ითხოვა მისგან. ჰუსეინ ბეგმა რომ გაიგო, სწრაფად წამოვიდა. სვიმონ მეფემ ვერ შეიტყო მისი მოსვლა და შევიდა [ჰუსეინ ბეგი] თბილისის ციხეში. იმედი მიეცა დაუდ-ხანს და გაუხარდა. გაიგო ეს სვიმონმა, გამოერიდა და ტაბახმელაში ავიდა. ეს რომ დაუდ-ხანმა დაინახა, გათამამდა და საბრძოლველად გამოვიდა. ტაბახმელაში დაირაზმნენ ერთმანეთის წინააღმდეგ. გაჩაღდა ფიცხელი ბრძოლა. გალომდნენ სვიმონ მეფე და ქართლელები, მუსრი გაავლეს დაუდ-ხანის ურიცხვ მხედრობას და დაიფრინეს მისი ლაშქარი. [ისევ] მოადგა სვიმონ მეფე [თბილისის] ციხეს და შეავიწროვა დაუდ-ხანი. სვიმონ მეფემ დასახმარებლად უხმო მის მომხრე ქართლელებს, მათ კი არ ისურვეს მასთან მისვლა. დაინახა სვიმონ მეფემ, რომ მაგარი იყო ციხე და უკან გამობრუნდა.

დაუდ-ხანმა შაჰ-თამაზს აცნობა ეს ამბავი. მაშინ მიმართა შაჰ-თამაზმა ჩერქეზებს, სამამხლოს მცხოვრებლებსა და შაქის სულთანს, რომ წამოსულიყვნენ შაქელებისა და ყარაბაღელების ლაშქრით. გამოემართა სამამხლოს სულთანი მრავალრიცხოვანი ლაშქრით და შემოვიდა ქართლში. გაიგო სვიმონ მეფემ, შეკრიბა თავისი მხედრობა და ჩავიდა ანუფისში, ისინი კი ფარცხისში დადგნენ. კახაბერ ყორღანაშვილი წავიდა, განჯაში მიეგება [მტერს] და იქიდან წამოუძღვა, გზას ასწავლიდა. ეძნელებოდათ ყიზილბაშებს ქართლში შემოსვლა, ყორღანაშვილმა კი გაუადვილა საქმე, ასე უთხრა: „მე მომეკითხოს თქვენი სისხლი²⁶⁶, თუკი თქვენ რაიმე დაგიშავდეთო“ და წამოიყვანა. სვიმონ მეფემ რომ გაიგო, ფარცხისში მათი მოსვლის ამბავი, [თვითონაც] იქ ჩავიდა და დაირაზმა. გაიმართა ძლიერი ბრძოლა. ორივე მხრიდან მრავალი [მებრძოლი] დაიღუპა. სვიმონ მეფემ ერთ ყიზილბაშს შეუტია, ლახვარი²⁶⁷ ჩასცა და მოკლა. სხვებსაც შეუტია და ჩამოშორდა თავის მხედრობას. მაშინ აცნობა კახაბერ ყორღანაშვილმა ყიზილბაშებს, რომ სვიმონ მეფე ჩამოშორებოდა თავის მხედრობას. ეს რომ ყიზილბაშებმა გაიგეს, შემოეხვივნენ სვიმონ მეფეს. შეიპყრეს სვიმონ მეფე²⁶⁸ და გამოიქცა ქართლის მხედრობა.

წაიყვანეს სვიმონ მეფე შაჰ-თამაზთან. რომ მივიდა, შაჰ-თამაზმა დიდი პატივი სცა სვიმონ მეფეს, ბევრი საჩუქარი მისცა და დიდი ხნის მანძილზე აიძულებდა რჯულის მიტოვებას. სვიმონ მეფემ არ დათმო ქრისტეს რჯული და მტკიცედ იდგა. ამის გამო დაიჭირა [შაჰმა] და ალამუთის ციხეში²⁶⁹ ჩააგდო.

მაშინ, ქრისტეს აქეთ 1576²⁷⁰ [წელს], გარდაიცვალა ლევან ბატონი, კახეთის მბრძანებელი და მის ნაცვლად კახეთში ტახტზე ავიდა ალექსანდრე²⁷¹, მისი პირმშო ძე. შამხლელი ქალის ნაშობი ელიმირზონ ლევანის ძე და ხოსრო-მირზა ალექსანდრეზე ნაკლები არ იყვნენ, სვიმონ მეფის მოყვრობით იყვნენ უნინ გათამამებული და გაძლიერებული. მიემხრო ზოგიერთი კახელი, რადგან [ასეთი] ჩვეულება აქვთ.²⁷² თორღვას [ციხეში] შევიდნენ ელიმირზონი და ხოსრო-მირზა. ეს გაიგო ბატონმა ალექსანდრემ, იმანაც შეკრიბა თავისი ჯარი და გაემართა მათ წინააღმდეგ. მივიდა და დაირაზმნენ ერთმანეთის წინააღმდეგ, გაიმართა ძლიერი ბრძოლა, და ორივე მხრიდან ბევრი მეზრძოლი დაიღუპა²⁷³. ორივე ძმა – ელიმირზონი და ხოსრო-მირზა მოკლეს და კახეთი დაიმკვიდრა ალექსანდრემ. ერთი ძმა ჰყავდა, დედამისის, გურიელის ქალის, ნაშობი, ისიც გარდაეცვალა თავისი სწეულებით და დარჩა ბატონი ალექსანდრე უთვისტომოდ.

დაუდ-ხანი საბარათიანოს დაეუფლა და დმანისის ხევში ციხესიმაგრეში გადავიდა. სვიმონ მეფის ცოლი, კახეთის ბატონის ასული, დედოფალი ნესტან-დარეჯანი კავთისხევში იყო და თან ჰყავდა მცირენლოვანი ვაჟი გიორგი. ქსნის ერისთავმა და ამილახორმა დაინახეს, დედოფალ ნესტან-დარეჯანის ქმარი ალამუთის ციხეში იჯდა, მისი ძმები კი ალექსანდრემ ამოწყვიტა (ალექსანდრე არ სწყალობდა მას, რადგან დედამისის გაჩენილი არ იყო), დრო იხელთეს, შეესივნენ დედოფალ ნესტან-დარეჯანს, აანიოკეს და წაართვეს ყველაფერი, რაც კი გააჩნდა. დაუდ-ხანსაც არ ანალვლებდა [მათი ხვედრი]. მას შემდეგ არის გამონათქვამი, რომელსაც ახლაც გაიგონებთ ქართლში: „ვაი, სვიმონ მეფის ქონებასაო“.

საჩინო ბარათაშვილი სპასპეტი იყო, ყოველგვარი სიკეთით შემკული კაცი. სვიმონის ერთგულების გამო არ ემორჩილებოდა არც დაუდ-ხანს, არც ყიზილბაშებს. ერთ დღეს კოჯრის გზაზე მოდიოდა, გელიყარის ხევის თავს რომ მოადგა, კახაბერ ყორღანაშვილი შემოხვდა წინ, რომელიც შემოუძღვა ყიზილბაშებს და შეაპყრობინა სვიმონ მეფე. იცნო საჩინომ კახაბერ ყორღანაშვილი, დაიჭირა და გადაადგო გელიყარის კლდიდან. ქვევით რომ მიგორავდა, თვითონვე ამბობდა ამ ლექსს: „ყორღანოღლი ქარაფინდა, ხელი ჰკრეს და გადაფრინდა“.

კახეთის ბატონ ალექსანდრეს ცოლად ჰყავდა ამილახორის ასული. ხუთი ვაჟი ჰყავდა: დავითი, ერეკლე, გიორგი, კონსტანტინე და რო-

სტომი და ერთი ასული – ნესტან-დარეჯანი.²⁷⁴ ნესტან-დარეჯანი მითხროვს მანუჩარ დადიანს,²⁷⁵ მამიას ძეს და ბევრი მზითი გაატანა. მისი ძე, ერეკლე, ალექსანდრეს თანამზრახველი გახდა²⁷⁶ და სტამბოლში წავიდა. გაიგო შაჰ-თამაზმა სტამბოლში მისი წასვლის შესახებ, განრისხდა, ეგონა ალექსანდრე ბატონისგან იყო ეს საქმე. ურიცხვი ჯარით წამოვიდა შაჰ-თამაზი ალექსანდრეს წინააღმდეგ და ჩამოვიდა ყარაბაღში. შეწუხდა ბატონი ალექსანდრე.

[იმხანად] სახლთუხუცესი იყო ჩოლოყაშვილი. მან უთხრა კახელებს და ალექსანდრე ბატონს, რომ „რაც ამის გამო ცოდვა მოხდეს, ყველას მოეკითხოს და მე გადავარჩინო კახეთს ამონყვეტისგან“. მაშინ მთელმა კახეთმა წერილობით დაუმონწმა, რომ რაც კი ამ საქმეში ცოდვა იყოს, ჩვენ მოგვეკითხოსო. ასე განიზრახა [სახლთუხუცესმა]: გარდაიცვალა ქაიხოსრო ათაბაგი, მცირეწლოვანი ძე დარჩა, მანუჩარი. არ შეეძლო მანუჩარს ზემო ქართლის მართვა და [ქვეყანას] დედისიმედი განაგებდა. ასე გადაწყვიტა კახეთის ბატონის სახლთუხუცესმა ჩოლოყაშვილმა, დედისიმედი უღმერთო და უვარგისი ქალიყო და შეატყობინა: „ვარაზას მანდ მოჰყავსო ყაენი შაჰ-თამაზი, სამცხის ამონყვეტა და შენი ძის, მანუჩარის, სიკვდილი უნდაო. მრავალჯერ დაგირბია²⁷⁷ სამფლობელო, თვითონ უნდა დაეპატრონოს მაგ ქვეყანას და მანდ გაბატონდესო. შეიპყარი ვარაზა, მოკალი და მერე ყაენი შაჰ-თამაზი ველარ შემოვა, უკან გაბრუნდება, ნავა და გადაგირჩებაო სამფლობელო“. ეს გაიგო დედისიმედმა და დაიჯერა, რადგან უჭკუო და უმეცარი, გარყვნილი და ღვთის შიშის არ მქონე ქალი იყო. ღალატით შეიპყრო ვარაზა შალიკაშვილი და მოკლა.

ვარაზა იყო ოთარ შალიკაშვილის ძე და შაჰ-თამაზ ყაენის ცოლისძმა. გაიგო შაჰ-თამაზმა მისი სიკვდილის ამბავი, განყრა, კახეთს შეემშავა და სამცხის დასარბევად წამოვიდა. შემოვიდა სამცხეში, ააოხრა და ამონყვიტა, მრავალი ბოროტება დაატეხა თავს. ამის შემდეგ გამობრუნდა და წამოვიდა. ოსმალეთის სულთანს ელჩი გაუგზავნა და მისწერა: „დავზავდეთ, რადგან რჯულით მაჰმადის მოსაგნი ვართ“. მაშინ ომი ოყო მათ შორის. დაუჯერა სულთანმა და შერიგდნენ. მაშინ გაიყვეს ქვეყნები. სულთანს დარჩა იმერეთი, ოდიში, გურია, ზემო ქართლი (ვიდრე ქართლის საზღვრამდე), კარი (აბოცისა და ერევნის საზღვრამდე), სომხეთი ბაღდადამდე, რომელსაც ახლა ქურთისტანს უწოდებენ. ხოლო შაჰ-თამაზს დაუტოვა ქართლი, კახეთი, ერევანი და ქურთისტანის აქეთა მხარე.²⁷⁸ დაუზავდნენ ერთმანეთს და მას შემდეგ მოსვენე-

ბით იყო შაჰ-თამაზი. აღარავის შეეძლო მისი მტრობა და მოსვენებუ-
ლი იყო გარკვეული დროით.

[კახეთის] ბატონმა ალექსანდრემ [შაჰს] გაუგზავნა კონსტანტინე,²⁷⁹
თავისი ვაჟი, მრავალი ძღვენი [მიართვა] და თავის მართლება შეუთ-
ვალა – ჩემი ვაჟი, ერეკლე, ჩემს დაუკითხავად წავიდაო სტამბოლში.
შენყალბა სთხოვა და წავიდა. [შაჰმა] შეისმინა ალექსანდრე ბატონის
ვედრება, დაუჯერა და გაბრუნდა თავის მხარეს.

გარკვეული დროის შემდეგ მოკვდა შაჰ-თამაზი, ტახტზე ავიდა მისი
ძე ისმაილ-მირზა.²⁸⁰ მან ალამუთის ციხიდან გამოუშვა სვიმონ მეფე და
თავისთან მიიყვანა. სისხლისმსმელი კაცი იყო ეს ისმაილ-მირზა და მრავალი
ხალხი ამონყვიტა. შეიძულეს ყიზილბაშებმა და რჯულით სუნიტო-
ბასაც აბრალებდნენ. ექვსი თვე გააჩერეს თავის პატრონად, მერე კი მო-
კლეს. მის მაგიერ მისი ძმა, შაჰი ხუდაბანდა²⁸¹ დასვეს ყაენის ტახტზე.

ხუდაბანდა შაჰი იყო უძლური და უსინათლო კაცი. ყიზილბაშების
რიგზე ვერ მართავდა სამეფოს. იმხანად [საომრად] გამოვიდა ხონთ-
ქრის ჯარი. დაიპყრო თავრიზი, ერევანი, განჯა, ყარაბაღი და მთელი
ადარბადაგანი ვიდრე სულთანამდე.

გარკვეული დროის შემდეგ, ქრისტეს აქეთ 1579²⁸² [ნელს], [სალამ-
ქროლ] დაირაზმა ხონთქრის გამზრდელი ლალა ფაშა. დაუხვდა მანუჩარ
ათაბაგი, ქაიხოსროსა და დედისიმედის ძე (მას ცოლად ჰყავდა სვიმონ
მეფის და). დაუხვდა მანუჩარ ათაბაგი, თავს დაესხა რომელიღაც მოთა-
რეშე [რაზმსა] და [ოსმალების] ჯარის ნაწილს. ცოტაოდენი დახოცა, მერე
ველარ შეძლო გამკლავება და ქართლში გადმოვიდა თავის სიდედრთან.
ლალა ფაშამ ამონყვიტა მთელი სამცხე, დაიპყრო ციხესიმაგრეები.

შეიტყო ეს ამბავი შაჰ-ხუდაბანდამ. [მაშინ] შაჰ-ხუდაბანდას²⁸³ დე-
დამ, ოთარ შალიკაშვილის ქალმა. [საპყრობილიდან] გამოიყვანა სვიმონ
მეფე, როგორც ქართველი ქალების წესია, ლეჩაქის მოხვევა, იმანაც
ასე მოიხვია, რადგან ისიც ქართველი იყო, გაუგზავნა თავისი ლეჩაქი
და შეუთვალა: „მეფეო სვიმონ, თუ გინდა, ეს ლეჩაქი აიღე, თუ არადა
ხმალს მოჰკიდე ხელი, ჩვენც გვიშველე და შენს საბრძანებელსაცო“. მისცა
[ყაენმა] მრავალი საბოძვარი, სამეფო შესამოსელი, გამოგზავნა
თავის ქართლში და [სვიმონიც] წამოვიდა. დავითმა რომ გაიგო, ველ-
არაფერი გაანყო, რადგან ყიზილბაშებმა მას ზურგი აქციეს და სვიმონ
მეფეს მიემხრნენ. ქართლელებსაც არ უყვარდათ [დაუდ-ხანი], სვიმონ
მეფე ერჩიათ. ველარც ქართლში გაჩერდებოდა და ვერც ყიზილბაშებს

ენდობოდა. გაუგზავნა კაცი ლალა ფაშას, რაც კი ქართლში ციხესი-
მაგრეები იყო, ყველა გადასცა. მათი მეციხოვნეები ჩააყენა და თვი-
თონ სტამბოლში წავიდა ხონთქართან.

სვიმონი ქართლში ჩამოვიდა, ქრისტეს აქეთ 1579²⁸⁴ [წელს]. აიღო
გორის ციხე, დაიკავა ქართლი და სომხითი, საბარათიანო, ლორე და
ყველა ციხესიმაგრეები, [თბილისის] ციხის გარდა. ქსნის ერისთავ-
სა და ამილახორს მისი შიში ჰქონდათ, რადგან დედოფალს უდიერად
მოექცნენ. დაუწყეს პატიების თხოვნა. ქსნის ერისთავმა, დამცირების
სანაცვლოდ, მეფუდისხევი და ახალგორი მისცა, ამილახორს კარბი და
კასპი ჩამოართვა. კახაბერ ყორღანაშვილის ცოლ-შვილი და ოჯახო-
ბა შეიპყრეს და გელიყარის კლდეზე გადაყარეს, თან ზემოხსენებულ
ლექსს ამბობდნენ. სხვები, მისი ნათესავები, გაიქცნენ. ზოგი ყიზილ-
ბაშებთან წავიდა, ზოგიც ზემო ქართლში.

დაუდ-ხანს მისი მეუღლისგან ერთი ვაჟი დარჩა, სახელად ბაგრა-
ტი.²⁸⁵ შუღლი ჰქონდა [გულში] კახეთის ბატონ ალექსანდრეს. [ჯერ
ერთი] ცოლის ძმები დაუხოცა სვიმონ მეფეს, [მეორეც] ალექსანდრე
დავითის ცოლის ნათესავიც იყო. ამ ორი მიზეზის გამო ემტერებოდა
სვიმონ მეფეს. როცა სვიმონ მეფე დედოფალთან ერთად დილომში
იმყოფებოდა²⁸⁶, თავს დაესხა ალექსანდრე კახეთის ბატონი. თვითონ
სვიმონ მეფემ ძლივს უშველა თავს.²⁸⁷ რაც კი რამ გააჩნდა, ყველაფე-
რი აუწიოკა. ხოლო ცოლის სამოსელი საცვლები,²⁸⁸ შუბის წვერზე შე-
მოახვია და ისე წაიღო.

წამოვიდა დევნილი სვიმონ მეფე და შეყარა ქართლის მხედრობა.
ალექსანდრეს მარტყოფის ზემოთ ჰქონდა ბანაკი მონყობილი, ჭო-
ტორში. საომრად დარაზმული რომ წამოვიდა სვიმონ მეფე, ალექსანდ-
რეს კაცი გამოუგზავნა, ასე შეუთვალა: „შენ რომ გაუფრთხილებლად,
ავაზაკივით მოხვედი და თავს დამესხი, მე ესე ხომ ვერ მოვიქცევი. თუ
კაცი ხარ დამხვდი. დათქმულ დღეს მოვალ“. ამ სიტყვაზე მივიდა
სვიმონ მეფე, ქრისტეს აქეთ 1582²⁸⁹ [წელს]. ეკვეთნენ ერთმანეთს, გაი-
მართა ძლიერი ბრძოლა და გაიმარჯვა სვიმონ მეფემ. გაიქცა ალექ-
სანდრე, ხოლო კახელი თავადები ერთბაშად ყველა დაატყვევა სვიმონ
მეფემ. წამოვიდა გამარჯვებული სვიმონ მეფე და შემოვიდა მცხეთა-
ში. იქ დააფიცა კახელი წარჩინებულები ამგვარი ფიცით: „ღმერთმა
კახელ კაცს არასოდეს მისცეს გამარჯვება ქართლელ კაცზე“. [მერე]
ხალათები მისცა და გაუშვა.

ამის შემდეგ შემოესია [ქართლს] ხონტქრის სარდალი მეჰმად ფაშა.²⁹⁰ ჩამოიარა ზემო ქართლი, აიღო გორის ციხე და შიგ მცველები ჩააყენა. თვითონ გამოემართა და მუხრანში ჩამოვიდა. იქ სვიმონ მეფე დაუხვდა თავისი შეკრებილი ლაშქრით. დაირაზმნენ ერთმანეთის წინააღმდეგ, ძლიერი ბრძოლა გაიმართა. ქრისტეს აქეთ 1582²⁹¹ [ნელს], ღვთის შეწევნით გაიმარჯვა სვიმონ მეფემ, დევნილმა ფაშამ კი ქალაქის ციხეს შეაფარა თავი.

ჩამოვიდა სვიმონ მეფე დილომში, იქ გაჩერდა, ოჯახებით შეკრიბა თავისი თავადები, თვითონაც დედოფალთან ერთად მივიდა. წარჩინებულები და მათი ცოლებიც თან იახლა. წავიდა, ლილოს ტბის ზევით მაღალ გორაკზე დაბანაკდა, თან ახლდა თავისი ჯარი და მხედრობა. ქალაქის ციხიდან ურუმების ნახირი გამოვიდა, სვიმონ მეფემ მცირე რაზმი შეუსია და დაატაცებინა ნახირი. მენახირეებმა დაინახეს, გაიქცნენ და ციხეში მყოფ ურუმებს შეატყობინეს. გამოვიდა ურუმების მრავალრიცხოვანი ჯარი. დაინახა ეს სვიმონ მეფემ, თვითონაც შეუტია თავისი მხედრობით და შეიბნენ. დედოფალი და წარჩინებულთა ცოლები კი უყურებდნენ. ამონყვიტა სვიმონ მეფემ ურუმები, მრავალი დახოცეს, ციხის კარამდე მიჰყვნიენ. დახოცეს, მაგრამ ციხე ვერ აიღეს. მაშინ გამობრუნდა გამარჯვებული სვიმონ მეფე, დაისვენა და მცირე ხნით მოილხინა.

იმხანად ისევ შეკრიბა თავისი ლაშქარი [სვიმონ მეფემ] და დაიძრა ლორეს ასაღებად. მიადგა ლორეს, გამოვიდა იქაური ფაშა, დაირაზმნენ ერთმანეთის წინააღმდეგ და გაიმართა ფიცხელი ბრძოლა. ღვთის შეწევნით გაიმარჯვა სვიმონ მეფემ, ქრისტეს აქეთ 1586²⁹² [ნელს]. მრავალი ურუმი ამოწყდა – ოთხას სამოცდაცამეტი კაცი. აიღო ლორეს ქვაბულები, დაიპყრო ლორე, მაგრამ ციხე იმავე ურუმებს დარჩა.

გამოხდა ხანი, ცოტაოდენი დაისვენა [სვიმონმა], მერე ისევ შეკრიბა [მხედრობა], წამოვიდა და მოადგა ლორეს ციხეს. იერიში მიიტანა და პირველ აპრილს აიღო. დაიპყრო ლორე, გამობრუნდა იქიდან და შინ დადგა.

გარკვეული დროის შემდეგ გამოვიდა და ტაბახმელაში დაბანაკდა. გაიგო ჰასან ფაშამ,²⁹³ რომელიც ქალაქის ციხეში იდგა, ჯარი შეკრიბა და გამოვიდა, უნდოდა თავს დასხმოდა სვიმონ მეფეს. ეკვეთნენ ერთმანეთს და გაიმართა ძლიერი ბრძოლა. ღვთის შეწევნით გაიმარჯვა სვიმონ მეფემ. ერთ კაცს შეუტია მეფემ, ის კაცი თავქუდმოგლეჯილი გაიქცა. დაედევნა სვიმონ მეფე, გაქცეული კაცი კი ტაბახმელის ხევში

გადაიჩეხა. ასე ამბობენ, არ მომკვდარაო ის კაცი, ცხენიანად ვინც გადავარდა. ხუთასამდე ურუმი განყდა იქ.

მაშინ წამოვიდა სვიმონ მეფე და მოადგა თბილისის ციხეს. აილო თბილისის ციხე და თვითონ დაეუფლა ქალაქს. ვინც კი ურუმები იყვნენ თბილისის ციხეში, ყველა ამონყვიტა. შეიტყო ეს ხონთქარმა, გამოგზავნა ლაშქარი და ერთი სარდალი.²⁹⁴ წამოვიდა [ურუმთა სარდალი], მოადგა ლორეს, აილო ლორეს ციხე და დაიპყრო. მოვიდა და ხატისოფლის ბოლოს დაბანაკდა.²⁹⁵ ეს გაიგო სვიმონ მეფემ, შეკრიბა თავისი მხედრობა, მივიდა და [მდინარე] ხრამის მეორე ნაპირზე დაბანაკდა. ასეთი ხერხი იხმარა მაშინ სვიმონ მეფემ: ელჩის ტანსაცმელში გამოეწყო, მივიდა ფაშასთან²⁹⁶ და სვიმონ მეფის სახელით ეს სიტყვები გადასცა: „სვიმონ მეფე მოგახსენებთ, მეყოფა ყაენის გულისთვის ამდენი ხმლის ქნევა და ომი. თუ გინდათ, თქვენ იყავით ჩემი ბატონი, თუ არადა ის იყოსო. ახლა კი თქვენთვისაც უმჯობესი იქნება და ჩვენთვისაც, თუ შევრიგდებით და მოვრჩებით ამდენ ბრძოლებსო“. ფაშამ ეს რომ გაიგო, გაუხარდა. შემოუთვალა, კარგად დაგიბარებია, შერიგება სჯობსო. გამოგზავნა სვიმონ მეფე და მოვიდა თავის ჯარში. მაშინ სვიმონმა დაზვერა მთელი მათი ძალები, ბანაკი და ვითარება. ღამით შემოუარა ხატისოფლის გორებს და თავს დაესხა ურუმებს. ამონყვიტა და გაიმარჯვა სვიმონ მეფემ. ზოგი დახოცეს, ზოგი შეიპყრეს და ზოგმაც გაქცევით უშველა თავს.

გამარჯვებული სვიმონ მეფე თბილისში ჩამოვიდა, [ისევ] შეკრიბა თავისი მხედრობა და მიადგა დმანისს, რადგან მაშინ დმანისი ურუმების ხელში იყო. ამონყვიტა დმანისში მყოფი ყველა ურუმი და მთლიანად დაეუფლა იქაურობას. საერთოდ გარეკა ქართლიდან ურუმები, გორისა და ლორეს გარდა [მთელ ქართლს] თვითონ დაეუფლა. მანუჩარ ათაბაგიც გაბრუნდა თავის საბრძანებელში, დაიმკვიდრა ზემო ქართლი და საათაბაგო. მეტჯერ ვეღარ შემოვიდნენ ურუმები ქართლში.

იმხანად ყაენი შაჰ-ხუდაბანდა ტახტიდან ჩამოაგდეს ყიზილბაშებმა, მისივე ყმებმა და მის ნაცვლად დასვეს შაჰ-აბასი,²⁹⁷ მისი ძე. შაჰ-აბასმა დაიპყრო თავრიზი და რაც კი ადარბადაგანის [მინები] იყო, ყველაფერს დაეუფლა, ერევნისა და ბაღდადის გარდა.

იმხანად გაძლიერდა სვიმონ მეფე, მეტად გამდიდრდა. ყაენი ბევრ [საბოძვარს] აძლევდა, ბევრიც ომებში იშოვა, თავისი ქვეყნებიდანაც ბევრი შემოსავალი ჰქონდა. აღარსად ჰყავდა მტრები. კახეთის ბატონს

წამოეზარდა ვაჟი და მასაც მოესწრნენ შვილები. მისი შვილები და კახეთის ბატონიშვილი ერთმანეთის ახლობლები და ნათესავეები იყვნენ. რაკილა ორივეს ვაჟები ერთმანეთს არაფერს ეცილებოდნენ და ტკბილად იყვნენ, მამებიც შერიგდნენ, მოსვენებით იყვნენ და მშვიდობით განაგებდნენ თავის სამფლობელოებს.

იმხანად მტერი აღარავინ ჰყავდა სვიმონ მეფეს, გაძლიერდა და იმერეთის დაუფლება მოინდომა. შეკრიბა ჯარი და გაემართა იმერეთში. იმჟამად გარდაიცვალა იმერეთის მბრძანებელი გიორგი. კონსტანტინე, მისი ძე, ავიდა ტახტზე. ისიც გარდაიცვალა და ლევანი,²⁹⁸ მისი ძმა, გახდა [იმერეთის] ბატონი. მტრობა ჰქონდათ ერთმანეთში მას და მანუჩარ დადიანს.²⁹⁹ მანუჩარს ალექსანდრე კახ-ბატონის ასული ნესტანდარეჯანი ჰყავდა [ცოლად]. დიდი პატივითა და მზითვით მიათხოვა. მისგან შეეძინა ერთი ვაჟი, სახელად ლევანი ერქვა. ბავშვის გაჩენის შემდეგ გარდაიცვალა ქალი. [დადიანმა კი] ათაბაგის ქვრივი ასული შეირთო, ვახტანგ გურიელის ყოფილი ცოლი, ქაიხოსროს დედა, რომელიც შემდეგში გურიის მთავარი გახდა და ოდიშშიც იგი ბატონობდა. გურიაში გარდაიცვალა გიორგი გურიელი და ვახტანგი, მისი ძე, ავიდა გურიის მთავრის ტახტზე. არც ერთი მათგანი არ დაეხმარა იმერეთის მბრძანებელ ლევანს სვიმონ მეფესთან ბრძოლაში.

[ლევანმა] შეკრიბა, ვინც კი ჰყავდა და გოფანთოში დაბანაკდა. სვიმონ მეფეც დაიძრა მის წინააღმდეგ, შემოიკრიბა ზემო იმერეთის მცხოვრებნი და ჩავიდა გოფანთოში. ქრისტეს აქეთ 1592³⁰⁰ [წელს], გოფანთოში შეეხნენ ერთმანეთს და გაჩაღდა ძლიერი ბრძოლა. გაიმარჯვა სვიმონ მეფემ და გაიქცა ლევანი, იმერეთის მფლობელი, თავს უშველა. სვიმონ მეფე კი დაეუფლა იმერეთს. ზოგიერთს მძევლები გამოართვა, ზოგიერთი კი ვერ ჩაიგდო ხელში. ქართლის ამბავიც აფიქრებდა, რადგან გორის ციხეში ურუმები იდგნენ. ისევ ქართლში დაბრუნდა სვიმონ მეფე. ლიხის მთა გადმოიარა და ჯარს დაშლის ნება მისცა. როცა სვიმონ მეფე ქართლში გადმოვიდა, იმერეთის მბრძანებელი ლევანი ისევ დაბრუნდა და დაეუფლა იმერეთს. იმხანად ლევანი და დადიანი ერთმანეთთან დამდურებული იყვნენ იმის გამო, რომ, როცა სვიმონ მეფემ ბრძოლა გაუმართა ლევანს, დადიანი მას არ დაეხმარა. წყენის უწინდელი მიზეზიც ჰქონდათ. [ლევანმა] საყვედურები დაუწყო და ისეთი მტრობა ჩამოვარდა მათ შორის, რომ აქეთ ეს დაირაზმა საომრად და იქით ის. ბრძოლა გამართეს, გაიმარჯვა დადიანმა და ლევან ბატონი

ხელში ჩაიგდო. წაიყვანა და პატიმრობაში გარდაიცვალა [ლევანი], ამავე ქორონიკონში, 1592³⁰¹ [წელს].

ეს გაიგო სვიმონ მეფემ, ისევ შეკრიბა თავისი ლაშქარი, გადავიდა იმერეთში და, ქრისტეს აქეთ 1593³⁰² [წელს], შევიდა ქუთაისში. ბაგრატს, იმერეთის მბრძანებლის ძმიშვილს,³⁰³ [ქუთაისის] ციხე გამაგრებული ჰქონდა. მიადგა [სვიმონი] და წაართვა ციხესიმაგრე. ისიც გამოიყვანა, მძევლები აიყვანა, თვითონ დაეუფლა იმერეთს და წამოვიდა.

იმერეთის ბატონი ლევანი უძეოდ დარჩა. მისი ძმის, კონსტანტინეს ვაჟროსტომს გარდა,³⁰⁴ სხვა არავინ ჰყავდა [მემკვიდრე]. როსტომმა მანუჩარ დადიანთან³⁰⁵ დაინყო მოლაპარაკება დახმარებისა და შერიგების პირობით. დათანხმდა დადიანი, მოვიდა და დააპატრონა იმერეთს. მოადგნენ იმერლები ქუთაისის ციხეს და ამის შემდეგ ისიც აიღეს.

გაიგო ეს ამბავი სვიმონ მეფემ, შეკრიბა ლაშქარი, გადავიდა [დასავლეთში], აიღო კვარას, კაცხისა და სკანდას ციხე. მოადგა ქუთაისს და მისი ციხეც აიღო. როსტომმა ვერ გაუწია წინააღმდეგობა, გაიქცა და მანუჩარ დადიანთან წავიდა. სვიმონ მეფემ ოდიშზე მიიტანა იერიში, ჩავიდა და ოფშკვითი დაიბანაკა დიდი დიდებულებითა და მრავალრიცხოვანი მხედრობით. მანუჩარ დადიანმა კაცი გამოუგზავნა და შემოუთვალა: „შეურიგდი როსტომს და მეც შენი ყმა გავხდები. ამას იმერეთი დაანებე, დაგვიმონე და ქვეყანა შენ დაგრჩებო“. შუამავლის [ნათქვამი] მოისმინა სვიმონ მეფემ, გაჯავრდა და შეუთვალა: „მოვდივარ და დამხვდით“. ეს რომ გაიგო მანუჩარ დადიანმა, მანაც შეკრიბა თავისი ჯარი. ზოგიერთი იმერელი გაჰყვა როსტომს [ოდიშში], ისინიც თან წაიყვანა. მოვიდა და გამთენიისას თავს დაესხა სვიმონ მეფეს.

ამხედრდა სვიმონ მეფე და მისი ლაშქარი. სვიმონ მეფეს ორი რჩეული ცხენი ჰყავდა, ერთს ფალავანი ერქვა, მეორეს – შურდანი. თუ ფალავანზე შეჯდებოდა, ესე იგი იცოდა, რომ გაიმარჯვებდა. ომში გამოცდილი იყო, მრავალი ბრძოლა ენახა და გადაეტანა. შეატყობდა, რომ გაიმარჯვებდა, ფალავანზე შეჯდებოდა. ხოლო თუ შეატყობდა, რომ ომში გამარჯვება მას არ ერგებოდა, მაშინ შეჯდებოდა შურდანზე და გამობრუნდებოდა ხოლმე. მისი ამგვარი ჩვევის შესახებ იცოდა ერთმა ვილაც თურქისტანიშვილმა,³⁰⁶ რომელიც სვიმონ მეფესთან ერთად იყო გაზრდილი. ყველაფერი იცოდა. გაძნელდა ომი და შეატყო მეფემ, გამარჯვება დადიანს რჩებოდა, მაშინ მოითხოვა, სათადარიგო [ცხენი], შურდანი მომგვარეთო. მაშინ მოახსენა თურქისტანიშვილმა:

„მეფევე, წასვლის დრო ხომ არ არის, შურდანი რატომ მოითხოვეო“. წინ გაიწია თურქისტანიშვილმა და თქვა: „აქედან შუბის გატყორცნის გა-რეშე არ ნავალო“. შეუტია, ჩამოაგდო ერთი მხედარი და გულსრულად იყო წაგებულ ომში თურქისტანიშვილი.

მარტო წამოვიდა სვიმონ მეფე. [უნინ], როცა [იმერეთში მომავალ-მა] სვიმონ მეფემ კოლბეურის³⁰⁷ მთა გადმოიარა, მივიდა მასთან ერთი კოლბეურელი დედაკაცი და შეეხვეწა, ჩემი შვილი თან იახლეო. მე-ფემ ასე მიუგო: „დედაკაცო, მე ხალხით მთვრალი ვარ [იმდენი მყავს]. ხალხი აღარ მჭირდებაო“. სვიმონ მეფე რომ დამარცხდა, მარტო წამო-ვიდა ისე, რომ ერთი კაციც აღარ ახლდა. მაშინ ის დედაკაცი გაკაფულ ჭალას თოხნიდა. [ღვთის] განგებით ისე მოხდა, რომ სვიმონ მეფე ისევ იმ დედაკაცს გადაეყარა. იცნო დედაკაცმა და მიხვდა, რომ დამარცხე-ბული იყო. მოახსენა: „მეფეო, ვეჭვობ, მაშინ ხალხმრავლობით მთვრა-ლი რომ იყავი, ახლა გამოფხიზლებულხარო“. მეფემ ეს რომ მოისმინა, ღმერთს მადლობა შესწირა, სწრაფად წამოვიდა, გადმოიარა [ლიხის] მთა და ჩამოვიდა ქართლში.

იბრძოლა თურქისტანიშვილმა და ისიც წამოვიდა. ჩამოვიდა მეფე კავთისხევში და ერთი უპოვარი გლეხკაცის სახლს მიადგა. დაღლილი იყო მეფე და მასთან ითხოვა დასვენება. ერთი ქალი გამოვიდა, ვერ იცნო, შეუძღვა და [სახლის] კართან გააჩერა, რადგან იმ ქალის ქმარი ლაშქარში იყო. ნადიმი გაუმზადა, მოართვა. მიირთვა მეფემ. [ქალმა] დანაყრება შეატყო, მაშინლა ჰკითხა მეფისა და მისი ჯარის ამბავი: მეფე რა იქნაო. სვიმონ მეფემ კი მიუგო: „არ ვიცი, რა დაემართაო მე-ფეს“. ეს სიტყვა რომ გაიგონა ქალმა, მეტად დალონდა, მოიწყინა და ატირდა. მერე თავისი ქმრის ამბავი ჰკითხა. მიანიშნა, ასეთი და ამნაი-რი კაცი იყო, ის რაღა იქნაო. იმაზეც უთხრა მეფემ, არ ვიციო. მაშინ ქალმა უთხრა: თუ ღმერთმა ინება, მეფე გადარჩა და მშვიდობით არის, ჩემი ქმარიც მისი ჭირის სანაცვლო იყოსო და სხვები, ვინცა მყავს, ისი-ნიცო. მეტად ესიამოვნა სვიმონ მეფეს იმ ქალისგან ასეთი ერთგულე-ბით ნათქვამი. მცირე ხნის შემდეგ წყალობით აავსო მეფემ ეს ქალი. ქმარიც მოუვიდა და აზნაურობა მისცა. ქვლივიძეები ახლაც შეძლე-ბული ხალხია.

როცა ლორეში მდგომმა ურუმებმა მეფის დამარცხების ამბავი გაი-გეს, მაშინ გამოვიდნენ ციხიდან, დაარბიეს ქართლის არე-მარე, ტა-შირში დადგნენ და ზეიმობდნენ. სვიმონ მეფემ ცოტაოდენი მხედრობა

შეკრიბა, თავისი ლაშქარი, რომელიც ქართლში იყო დატოვებული. ნავიდა მეფე, მიეჭრა ურუმებს ლორეში, გაიმარჯვა და ამონყვიტა. აილო ციხე და გამარჯვებული წამოვიდა. ისევ დაეუფლა ლორეს ციხეს, გამობრუნდა და შინ დაბრუნდა.

გარკვეული დროის შემდეგ ზემო ქართლს მიაშურა, გორიჯვარს მიადგა. მაშინ ურუმები იდგნენ გორის ციხეში. გორიჯვარის [გორაზე] წამოჯდა სვიმონ მეფე და დაიწყო ღვინის სმა. როცა ყაენს სვიმონ მეფე ალამუთის ციხეში ჰყავდა დატყვევებული, მაშინ მიეჩვია თრიაქის ჭამასა და ღვინის [გადამეტებულ] სმას. მას შემდეგ ეწეოდა თრიაქს. მაშინაც, გორიჯვარზე რომ იყო, თრიაქი შეჭამა და გამხიარულდა. გორისკენ გაიხედა და დაინახა, რომ ახალი მწვანილი ამოსულიყო. თანაც გაზაფხულის პირი იყო. რომ გამხიარულდა აფიონი³⁰⁸ მოუნდა, რადგან აფიონის მჭამელებს, როგორც წესი, საჭმელი მოშივდებათ ხოლმე. ქართლელებიც თან ახლდნენ. თქვა მეფემ: „ეს როგორ გეკადრებათ ქართლელებს, მწვანილი მინდა და თქვენ გორიდან მწვანილი ვერ მოგიტანიათ“. წავიდნენ ქართლელები, ჩავიდნენ გორის ბოსტნებში და დაგლიჯეს მწვანილი. ციხიდან ურუმებმა სროლა აუტეხეს. ბევრს ისროდნენ, მრავალი ქართლელი ამონყვიტეს, წარჩინებულებაცა და მდაბიოც. მაშინ მოკლეს გოჩა ბატონიშვილი, სვიმონ მეფის პაპის ძმის შვილიშვილი³⁰⁹ და სხვა მრავალი თავადი ამონყვიტეს. მაშინ აძაგეს სვიმონ მეფე უჭკუობის გამო, რადგან მწვანილის გულისთვის ამდენი კარგი ხალხი ამონყვიტეს. მას ყიზილბაშებიცა და ოსმალებიც დელუსვიმონს ეძახდნენ, რაც ითარგმნება, როგორც შლეგი სვიმონ ხელმწიფე. დაინახა სვიმონ მეფემ, რაც ურუმებმა გააკეთეს, განყრა, შეკრიბა ჯარი, მცირე დროში შემოადგა გორს, აილო ციხე და ყველა ოსმალო ამონყვიტა, ვინც კი გორის ციხეში იყო.³¹⁰

ეს რომ ხონთქარმა გაიგო, განყრა, გამოგზავნა სარდალი ჯაფარ ფაშა³¹¹ და კიდევ მრავალრიცხოვანი ჯარი. მოვიდნენ, ნახიდურის მინდორზე დადგნენ და დაბანაკდნენ. იქ შეკრიბა სვიმონ მეფემაც თავისი ჯარი.³¹² მივიდა და დადგა საღირაშენის თავში. ცოტა ხნის შემდეგ თვითონ წავიდა მარტო, ათიოდე მხედართან ერთად, [მტრის] ჯარის დასაზვერად და ერთი მეებნე წაიყვანა თან. მივიდა და ნახიდურის თავზე გადმოდგა, [სადაც] პატარა ეკლესიაა, იქიდან უმზერდა და ამონწმებდა ოსმალების ჯარს, რომელშიც იყვნენ ურუმები,³¹³ რომ თავს დასხმოდა. რომ დაზვერა, მექანარეს უთხრა, აეხმიანებინა ება-

ნი. უნდოდა შეეტყო მეფეს, რამდენად უშიშრად იდგნენ. ქანარის ხმა გაიგეს ურუმებმა, იფიქრეს, ნამდვილად სვიმონ მეფე მოვიდაო, დაინწყეს აღჭურვა და შესხდნენ ცხენებზე. ეს რომ დაინახა სვიმონ მეფემ, თავისი ჯარისკენ გამობრუნდა. ოსმალებიც მისი ქანარის ხმაზე უკან დაედევნენ. ფარცხისში გზად მომავალს ტალახი³¹⁴ შეხვდა. მისი ცხენი სველ ლამში ჩაეფლო. სანამ ცხენზე შეჯდებოდა და მოაგვარებდა თავის საქმეს, ამასობაში ოსმალებიც წამოეწივნენ. იცნეს მეფე და გარს შემოეხვივნენ. მეფეს თავი ისე ეჭირა, როგორც მის ღირსებას შეეფერებოდა,³¹⁵ მაგრამ მარტო იყო და ვერაფერს გახდა. ქრისტეს აქეთ 1600³¹⁶ [წელს], შეიპყრეს მეფე. სვიმონ მეფის ვაჟი, გიორგი, ლაშქარში იყო. შემდეგ აიყარნენ [ოსმალები] და წავიდნენ. მეფეც თან წაიყვანეს. სწრაფად წავიდნენ, რადგან ქართლელებისა და მისი ვაჟის, გიორგის, შიში ჰქონდათ, ამას უსიკვდილოდ არ გაგვატანენო. ეს რომ ქართლეებმა და გიორგიმ გაიგეს, უკან დაედევნენ, გამალებით მისდიეს, მაგრამ ველარ დაეწივნენ. ურუმები კი ჩავიდნენ ლორეში, აიღეს ლორეს ციხე და შიგ თავისი ჯარი ჩააყენეს. წავიდნენ, წაიყვანეს სვიმონ მეფე და სტამბოლში ჩაიყვანეს.

გიორგი მეფე³¹⁷

გიორგი, მისი ძე, პატრონობდა ქართლს. კაცი გაგზავნა სტამბოლში და მამამისისთვის გამოსასყიდი შესთავაზა. ამასაც ამბობენ, რომ ხონთქარი დიდ წყალობასა და დიდებას სთავაზობდა სვიმონ მეფეს, ოღონდ ქართლი და[მი]ბეგრე და ჩემი ყმა გახდიო, მაგრამ არ დაჰყვა მეფე. სვიმონ მეფემ ქართლს ყაენის ბეგარა დააკისრა – თითო გლეხის კომლს ერთი მარჩილი. ამ ვერცხლის ფულით ყიდულობდა შვიდ ტყვეს და უგზავნიდა ყაენს. მას შემდეგ აქვთ ქართლელებს დაკისრებული ტყვეების [გაგზავნა], ხონთქრის [ბეგარა] კი არ დაიდო. გამოსასყიდი შესთავაზა, კაცი გამოუგზავნა მის ვაჟს, გიორგის და რაც კი მათ გამოსასყიდს შეჰპირდა, ის ფული სთხოვა. მაშინ გაუგზავნა გიორგიმ ქონება, რაც მამისგან დარჩა, ან თავისი გააჩნდა, რაც კი ქართლის წარჩინებულებს ებადათ და რაც ეკლესია-მონასტრებისა იყო – ყველაფერი გაუგზავნა. სანამ ეს საგანძური ჩავიდოდა, სვიმონ მეფე ტყვეობაში გარდაიცვალა, საგანძური კი იქ დარჩა.

მეფე გიორგი ლორეს ციხეს მოადგა, აიღო და დაეპატრონა ლორეს. ამის შემდეგ, ქრისტეს აქეთ 1614³¹⁸ [წელს], გარდაიცვალა იმერეთის

მბრძანებელი როსტომი.³¹⁹ [კანონიერი] ძე არ დარჩენია. მხევლის-გან ჰყავდა ერთი ვაჟი, გიორგი. მის ნაცვლად [ის] დასვეს იმერეთის პატრონად.³²⁰ მანუჩარ დადიანიც გარდაიცვალა. ერთი ძე ჰყავდა, სახელად ლევანი, კახ-ბატონის ასულის, ნესტან-დარეჯანისგან [შეძენილი]. ლევანი, პაპამისს, კახეთის ბატონ ალექსანდრეს, თავისთან ჰყავდა წამოყვანილი და ზრდიდა. მანუჩარ დადიანი რომ გარდაიცვალა, ოდიშიდან კაცი გამოგზავნეს, სთხოვეს მისი [დაბრუნება] და წაიყვანეს. ჩაიყვანეს იქ, დასვეს დადიანის ტახტზე და ძლევამოსილი გახდა. კახეთში კი ალექსანდრე იჯდა.

იმხანად ერევნის ასალეზად წამოვიდა ყაენი შაჰ-აბასი. საშველად და ერევნის ასალეზად იხმო [ქართლის] მეფე გიორგი და კახეთის მფლობელი ალექსანდრე. ორივე წავიდა თავისი მხედრობით. [ერევნის ციხეს] სამი მხრიდან თვითონ [შაჰ-აბასი] მიადგა თავისი ჯარით, ერთი მხრიდან კი ესენი დააყენა. როცა ყაენმა იერიშის მიტანა ბრძანა, მაშინ ყველაზე მეტად ქართველებმა გამოიდეს თავი, გადავიდნენ გალავნებზე და ძლიერი ბრძოლა გამართეს. სანამ ყიზილბაშები შევიდოდნენ, ქართველებმა აიღეს ციხის კოშკები. დაანახეს ყაენს თავისი ძალა და გამბედაობა და აიღეს ციხე. მაშინ დაეუფლა [შაჰი] ერევანს.

შემდეგ ყაენმა გიორგი მეფეს უთხრა: „ხონთქარი ხომ ჩემი მტერიც არის და შენიც. ახლა, რაკილა მე გავისარჯე და აქ მოვედი, ლორე ჩემი იყოსო“. გიორგი მეფემ ჯერ შორს დაიჭირა თავი, მაგრამ, რაკილა აიძულა, სხვა გზა აღარ ჰქონდა და დაუთმო. მაშინ დაიპყრო შაჰ-აბასმა ლორეს ციხე და შიგ თავისი ჯარი ჩააყენა. გაბრუნდა და წავიდა თავის სამეფოში. ასე მოექცა შაჰ-აბასი მეფე გიორგის იმ სამსახურის სამაგიეროდ, რაც მამამისმა და თვითონ გაუწიეს [ყიზილბაშებს]. შაჰ-აბასი ცბიერი და მზაკვრობის მოყვარე კაცი იყო, ხალხის მაცდური და მატყუარა.

როცა გიორგი მეფე და კახეთის ბატონი ალექსანდრე თავის სამფლობელოში დაბრუნდნენ, მაშინ ალექსანდრე ბატონის ვაჟებმა, დავითმა და გიორგიმ, მეფე გიორგის ნახვა და მასთან სტუმრობა მოისურვეს, რადგან გიორგი მეფის ბიძაშვილები იყვნენ დედის მხრიდან. ჩავიდნენ, მეფე ავლაბარში შეეგება, წამოიყვანა და მიიღო. ძალზედ გაიხარეს ერთად ყოფნით, რამოდენიმე დღით მოილხინეს. მერე ისევ დაუძახა თავისთან სანადიმოდ. დავითი მივიდა, გიორგიმ კი ღვინის უსმელობა მოიმიზეზა, ღვინო მწყენსო და არ წავიდა. ისინი წავიდნენ [სა-

ნადიმოდ]. მაშინ გიორგიმ, [კახეთის უფლისწულმა] საიდუმლოდ იხმო მისი თანმხლები ხალხი, რადგან თავიდანვე გადანწყვეტილი ჰქონდა ეს უკეთური საქმე – ბელზებელის შუღლით [შეპყრობილს] მისი უფროსი ძმის, დავითის, მოკვლა სურდა. დავითი მრისხანე და ამაყი კაცი იყო, გიორგი კი კარგი შესახედობის მქონე, ყმებისთვის კეთილი და უხვი კაცი. ამის გამო მას უფრო ემხრობოდნენ, ვიდრე დავითს. ფიქრობდა გიორგი, რომ ღვინით მთვრალეები, როცა იქნებოდნენ, დავითი და მისი თანმხლები კახელები, მაშინ აღასრულებდა თავის ბოროტ განზრახვას. ყველაფერი გაანდო მასთან მყოფებს, შემოიფიცა კახელები, დრო იხელთა და უთხრა ყმებს: „გამომყევით, მოვკლავ ჩემს ძმას და მე დავეპატრონებიო კახეთს“.

როცა თავისი ყმები შემოიფიცა, იქ იყო ერთი ღვთისმოსიში კაცი, სახელად ბარძიმ ჩოლოყაშვილი. იგი სწრაფად ნამოვიდა და ყველაფერი დავითს აცნობა. საიდუმლოდ აუწყა, რაც კი გადანწყვიტა მისთვის გიორგიმ, მისმა საკუთარმა ძმამ. ეს რომ შეიტყო დავითმა, მაშინვე ადგა სუფრიდან, გამოვიდა და კახელები ყველანი თან გამოჰყვინენ. ძმის კარავში შევიდა, დაინახა, რომ გიორგი იარაღს ისხამდა. მაშინ ჰკითხა: „ძმაო, რატომ იღებ იარაღსო“ და ვერაფერი მიუგო. მაშინ შეიპყრო გიორგი, თავისი ძმა და ყველა კახელი, ვინც კი მასთან იყო შეფიცული. ველარც მეფე გიორგიმ უსაყვედურა ამ საქმის გამო დავითს, რადგან მართალი იყო. წამოიყვანა თავისი ძმა და თორღვას ციხეში ჩააგდო, ხოლო მასთან შეთქმული თორმეტი ყმა ჭოეთის ციხიდან გადმოყარა და დახოცა. სხვა შეთქმულები კი დააპატიმრა. ტახტიდან გადააყენა მამამისი და თვითონ დაეუფლა მის საბრძანებელს. ექვსი თვე განაგებდა [ქვეყანას], მერე უნია ღვთის რისხვამ, რადგან მამას უსამართლოდ მოექცა და გარდაიცვალა. ისევ მამამისი აღექსანდრე ავიდა ტახტზე, გაათავისუფლა ციხიდან მისი ძე, გიორგი და თავისთან მიიყვანა, რადგან მის გარდა სხვა ძე აღარ ჰყავდა.

დავითს ცოლად ჰყავდა აშოთან მუხრანბატონის ასული, დედისი-მედის³²¹ და, ქეთევანი, რომელმაც შემდეგში იმარტვილა. გონიერი იყო ეს ქეთევანი. როდესაც მისი ქმარი გარდაიცვალა, დაინახა, რომ კახეთი გიორგის დარჩა. ქეთევანს დავითისგან ერთი ძე, თეიმურაზი ჰყავდა. ეშინოდა ქეთევანს, რადგან ახსოვდა, როგორ შეიპყრო დავითმა მისი ძმა გიორგი და ციხეში ჩააგდო. შიში ჰქონდა მისი [მეუღლის] ძმის გამო³²². გიორგის შიშით თავისი ბავშვი ყაენთან გაგზავნა, რადგან თავ-

ვისი მაზლის, გიორგის შიში ჰქონდა. ამიტომ გაგზავნა ყაენთან და თან გაატანა შერმაზან ჩოლოყაშვილი. ჩავიდნენ შაჰ-აბასთან. შაჰ-აბასმა ისე შეითვისა, როგორც თავისი ძე.

შაჰ-აბასს საქართველოს დაპყრობა უნდოდა. მრავალჯერ სცადა, ბევრი ხერხი იხმარა, რომ დაეპყრო საქართველო, მაგრამ ვერ შესძლო. ასეთი რამ იღონა: კახეთის ბატონ ალექსანდრეს თავისი ვაჟი კონსტანტინე ჰყავდა გაგზავნილი [სპარსეთში]. შაჰ-აბასმა იგი აღზარდა და მაჰმადის რჯული შეასწავლა. ამ კონსტანტინეს ხელით ხალათი გამოუგზავნა ალექსანდრეს, მამამისს. თან გამოატანა შირვანის ჯარი და ასე დაარიგა კონსტანტინე: „დავითი გარდაცვლილა, მამაშენს შენ მეტი აღარავინ დარჩა. ნადი, დახოცე მამაშენი და შენი ძმა და კახეთს შენ დაეუფლო“.

წამოვიდა და ჯარიც თან წამოიყვანა. [კახეთს] რომ მოუახლოვდა, კაცი გამოუგზავნა მამამისს და ასე შემოუთვალა: „ყაენმა ხალათი გამოგიგზავნა. მეც ნება მომცა და გამომიშვაო შენს სანახავად“. მაცნე რომ მივიდა, ისე ძალიან გაუხარდა [ალექსანდრეს], რომ გრემში მყოფი წამოვიდა და ბაზარში შეეგება თავის ვაჟს. იქ შეხვდნენ ერთმანეთს. იქ მოისხა მხრებზე ხალათი ალექსანდრემ და ძალიან გაიხარა თავის ძესთან შეხვედრითა და მისი ნახვით. რამოდენიმე დღე შვებასა და ლხენაში გაატარეს. ერთ დღეს [კონსტანტინემ] მამაცა და ძმაც თავის კარავში მიიწვია და ასე უთხრა: „ყაენისგან დაბარებული საქმე მაქვსო თქვენთან“. დაითხოვა ხალხი და შევიდნენ მის კარავში. [მხოლოდ] რუსთველი [ეპისკოპოსი] და მისი ძმა დარჩა მასთან. როგორც კი ასე დაიმარტოვა, მაშინ შეპირებული ჰყავდა ყიზილბაში ჯარისკაცები, შემოცვივდნენ კარავში და ღალატით დახოცეს. მაშინ, ქრისტეს აქეთ 1615³²³ [წელს], მოკლა მამამისი, თავისი ძმა, რუსთველი [ეპისკოპოსი] და ყორჩიბაში, მისი ძმა.³²⁴

ასეთი უკეთური საქმე ჩაიდინა. მერე ბოროტებას ბოროტება შემატა, კაცი გაუგზავნა თავის რძალ, ქეთევანს, დავითის ქვრივს, თეიმურაზის დედას და შეუთვალა: „ცოლად შეგირთავ, შენც დამთანხმდი, რადგან ასეთია მაჰმადის რჯულის წესი და ადათიო“. ეს რომ გაიგო ქეთევანმა, მეტად შეწუხდა, იხმო თავისთან ზოგიერთი კახელი [წარჩინებული], გააცნო საქმის ვითარება და მხარდაჭერა სთხოვა. მაშინ კახელებმა პირობა მისცეს და შეჰფიცეს, რომ შენ გარდა სხვა ბატონი არ გვინდაო. შეიკრიბნენ, წავიდნენ და ბრძოლა გაუმართეს. ღმერთ-

მა ქეთევანს მისცა გამარჯვება, დაამარცხა კონსტანტინე. კახელებმა მოკლეს კონსტანტინე და გააქციეს ყიზილბაშების ჯარი.

ყიზილბაშთა ლაშქარი რომ განდევნეს, აცნობეს ეს ამბავი შაჰ-აბასს. ეს რომ გაიგო, თავისთან იხმო შაჰ-აბასმა თეიმურაზი, კახეთის უფლისწული, რომელიც ქეთევანს, დედამისს, ჰყავდა პატარაობაში გაგზავნილი. [ყაენმა] მეტად აძაგა კონსტანტინე, აუგად მოიხსენია და უთხრა თეიმურაზს: „კონსტანტინემ დახოცა თავისი მამა და ძმა. ახლა კი თვითონ ისიც მოკლეს. ახლა შენთვის მომიცია კახეთი, წადი ჩაფრად³²⁵ და დაეუფლე კახეთსო“. ეს იმიტომ გააკეთა შაჰ-აბასმა, რომ ძალიან ეშინოდა, ქართლის მეფემ არ დაიპყროსო კახეთი. ამიტომ გამოგზავნა თეიმურაზი ჩაფრად. მაშინ წამოვიდა თეიმურაზი ჩაფრად, ჩამოვიდა კახეთში და მოვიდა დედამისთან. ძალიან გაიხარეს და გამხიარულდნენ კახელები. [კახეთის] ბატონი გახდა თეიმურაზი. მაშინ ცამეტი წლისა იყო.

მეფე ლუარსაბი³²⁶

იმხანად გარდაიცვალა მეფე გიორგი. მის ნაცვლად ტახტზე ავიდა ლუარსაბი, მისი მცირეწლოვანი ვაჟი. მაშინ ქართლი ძალზე გაღარიბებული და უპოვარი იყო. ურუმების უწინდელი ლაშქრობებისა და აოხრების გამო იყო იავარქმნილი. უფრო მეტად კი, როცა სვიმონ მეფე დაატყვევეს ურუმებმა, მაშინ [გაღარიბდა]. დიდძალი ქონება გამოიტანეს, არაფერი დაზოგეს ქართლელებმა თავისი ბატონის გამოსახსნელად. ამიტომ ძალზე გაღარიბებული და გაჭირვებული იყო ქართლი. კახეთი კი ძალზედ შეძლებული და მდიდარი იყო. გიორგი მეფე რომ გარდაიცვალა, ორი მშვენიერი და საყვარელი ასული დარჩა. ერთს ხორეშანი ერქვა, მეორეს – თინათინი. როცა გამეფდა პატარა ლუარსაბი, მაშინ ყაენმა შაჰ-აბასმა მისი და სთხოვა ცოლად. მისცა თავისი და თინათინი და ცოლად ჰყავდა შაჰ-აბასს.

იმჟამად კარგად პატრონობდა თეიმურაზ ბატონი კახეთს. როცა თხუთმეტი წლისა გახდა, გურიელის ასული ითხოვა ცოლად. პატიოსანი და დიდებული ქორწილი გადაიხადა. გარკვეული დროის შემდეგ ორი ვაჟი შეეძინა. ერთს ერქვა ალექსანდრე, მეორეს – ლევანი. შემდეგ გარდაიცვალა თეიმურაზ ბატონის ცოლი, გურიელის ქალი. დამწუხრდა და დიდად იგლოვა ბატონმა თეიმურაზმა და მთელმა კახეთმა. დიდ მწუხარებაში იყვნენ. შეიტყო შაჰ-აბასმა კახეთის ბატონის გლოვისა

და მწუხარების შესახებ, გამოუგზავნა კაცი და შემოუთვალა: „გავიგე შენი ასეთი მწუხარებისა და გასაჭირის შესახებ. მოდი ჩემთან, მნახე და მოილხინე. ბევრ საჩუქარსა და წყალობას მოგცემო“.

წავიდა თეიმურაზი და ჩავიდა ყაენთან. ძალიან კარგად დახვდა ყაენი, ბევრი [საჩუქარი] მისცა და მწუხარებიდან გამოიყვანა. მეტად ილხენდნენ და ნადიმობდნენ. გარკვეული დროის შემდეგ ყაენმა საიდუმლოდ იხმო ბატონი თეიმურაზი და უთხრა: „მეფე ლუარსაბს მისი და, ხორეშანი, სთხოვე და ცოლად შეირთე. ჩემი ქვისლი იქნები და ლუარსაბის მოყვარე. აღარ იქნება შენსა და მას შორის შური და მტრობაო“. თეიმურაზ მეფემ უარი უთხრა, რადგან ნათესავები იყვნენ – [ის ქალი] მისი პაპიდაშვილი იყო. ამიტომ გადაჭრით უთხრა უარი. არ შეისმინა მისი შაჰ-აბასმა, გაუწყრა და რაკილა დაჟინებით მოსთხოვა, დაჰყვა თეიმურაზი, დაემორჩილა და ხორეშანის შერთვაზე დასთანხმდა. გამოგზავნა შინ და ჩამოვიდა თეიმურაზი კახეთში. ყაენმა კი ლუარსაბს მოსწერა, დაუმოყვრდიო თეიმურაზს. სთხოვა ქალი თეიმურაზმა. ვერც ლუარსაბი გადავიდა ყაენის სიტყვას და გაატანა თავისი და, ხორეშანი. წაიყვანა ქალი თეიმურაზმა და გადაიხადა დიდებული ქორწილი.³²⁷

იმხანად ხონთქარი სულთან მურადი³²⁸ ბაღდადთან იყო მისული ყირიმის ჯარის თანხლებით. როცა ხონთქარმა სულთან მურადმა ბაღდადის საქმეები მოაგვარა, მერე ყირიმის ჯარს [წამოსვლის] ნება მისცა. მაშინ ერთმა ვინმემ თათარხანებს რჩევა მისცა, რადგან მივდივართ, ქართლის გზა ძალიან კარგია, ჩვენთვისაც მარჯვეა, იქ გავიაროთ, ნადავლიც ბევრი ვიმოვოთ და უვნებლად ვიმგზავროთო. დაახლოებით სამოცი ათასი კაცი წამოვიდა ქართლზე. მაშინ ლუარსაბ მეფე ცხინვალში იმყოფებოდა.

იმხანად განდიდებული იყო ქართლის მოურავი გიორგი სააკაძე, რომელიც იყო თბილისის მოურავი. იმდენად გამდიდრებული იყო, რომ მეფის შემდეგ მეორე კაცი იყო. მას შეაგონეს ქვეყნის არევის მოყვარე და მეშფოთე ხალხმა: „მეფე მოკვლას გიპირებს, რადგან ეჯავრება შენი სიმდიდრე და განცხრომაო“. მოურავმა ეს რომ გაიგო, დაიწყო თათბირი და ლაპარაკი. მაშინ გაუგზავნა მეფემ კაცი და შეუთვალა: „რისი ვაკეთება გინდა, რომ არ ჩერდები, ყოველდღე უჩუმრად თათბირობო“. მოურავმა კი მროველი [ეპისკოპოსი] დიმიტრი ავალიშვილი³²⁹ გაუგზავნა და შეუთვალა: „მოკვლასა და ლალატს მიპირებ. რას მემართლები, რა დამიშავებია, რომ მიწყრები და ჩემი სიკვდილი გინდაო“. მეფემ ფიცით უარყო და დააჯერა: „არ მინდაო შენი სიკვდილი“.

სწორედ მაშინ მოუვიდათ ამბავი თრიალეთში თათარხანის შემოსვლის შესახებ. არ დაიჯერეს, იარალი გაგზავნეს: ნადი, სიმართლე გაიგე, გზები შეკარი და დროულად გაგვაგებინე ვითარება, მართლა ხომ არ შემოვიდნენო. მაშინ მეფე მცირე ამალით იყო. წარჩინებულ ქართლელთაგან არავინ ახლდა, რადგან [ყველა] თავისთვის იყო. წამოვიდა მეფე და ცხირეთში გაჩერდა. წავიდა იარალი, ჩახერგა გზები და ერთ გამოსასვლელადგილზე თვითონ ჩადგა. შეუმჩნეველად წამოვიდნენ თათრები თავზე, მძინარეები ამოწყვიტეს და დახოცეს, ერთი მათგანიც ვერ გადაურჩათ. წამოვიდნენ თათრები, მოვიდნენ, გადანვეს მანგლისი და კველთა.

კველთაში შეიპყრეს ერთი მღვდელი, სახელად თევდორე, პატიოსანი, ღვთისმოშიში და თავისი მეფის ერთგული კაცი. [სოფელ] გოსტიბეს თავში რომ მოვიდნენ, თევდორე მღვდელს ლახტით დაუწყეს ცემა, ეუბნებოდნენ: „გაგვიძეხი მეფისკენო“. მეფის მოკვლა უნდოდათ. მღვდელმა გულში ასე იფიქრა: „ჩემი ორი დღის სიცოცხლისთვის ამას რატომ ვაკეთებ. ახლა, რომ წავიყვანო, მეფე მოვაკვლევინო და ქართლიც ააოხრონ, მე რაღა მეშველება და ჩემ სულსო“. გამოუძღვა წინ მღვდელი და ქვენადრისის გზით ჩამოიყვანა. ერთანმინდა და ცხირეთი საკმაოდ შორს მოიტოვეს. მაშინღა გაიგეს ყირიმელებმა, რომ მეფისგან ძალიან შორს იყვნენ, თავი მოჰკვეთეს თევდორე მღვდელს და წმიდა მონამეთა დასში შეირაცხა.

ერთანმინდა და ახალქალაქი მოიცვეს [თათრებმა]. გადმოხედა ცხირეთიდან მეფემ და მისმა მხედრობამ, რადგან ცხინვალიდან წამოსულიყო მეფე და ცხირეთში იმყოფებოდა. დაინახეს მრავალრიცხოვანი ჯარი. მაშინ [მეფეს] თან ახლდა გიორგი მოურავი და ზაზა ციციშვილი. მოახსენა მოურავმა მეფეს, რომ „ნუ აჩქარდები და ვნახოთ ღმერთი როგორ მოაგვარებს საქმესო“. მოურავი გაბედული კაცი და კარგი სარდალი იყო, ჭკვიანი და გონიერი. წამოვიდა მოურავი, გარშემო ადგილებში მებრძოლები ვინც იყვნენ [შეკრიბა], მოვიდა და შემოუერთდა მეფეს. სხვებიც [შეკრიბა], საბარათიანოში და ვინც კი იყო მისი მომხრე ქართლელი. შეაგროვა თავისი ჯარი, რამდენიც ჰყავდა, ზაზაც თან ახლდა და წამოვიდა მოურავი ყირიმის ჯარის წინააღმდეგ. ჩავიდა ნიაბის ბოლოს, სხერტის ქალაში. იქ დახვდნენ ყირიმელები. შეუტია მოურავმა და მრავალი ჯარისკაცი დახოცა. ბევრი მარცხი და ზარალი მიაყენა. ზაზა ციციშვილმა ერთი დიდებული ფაშა მოკლა. ჩამოქვეითდა და თავსა სჭრიდა. ამასობაში ბევრი ყირიმელი წამოადგა თავს. ეს რომ დაინახა, ზაზამ

მოჭრილ თავს წვერში ჩაავლო კბილები, მოახტა ცხენსა და წამოვიდა. იმ დღისით კიდევ მრავალჯერ მოიხვეჭეს სახელი. დაბრუნდნენ და მოართვეს მეფეს მრავალი [მოჭრილი] თავი და ნადავლი.

ამის შემდეგ აიყარნენ თათარხანები და საციციანოსაკენ გაემართნენ. მეფემ წერილები გაუგზავნა ერისთავებს, მუხრანბატონსა და შიდა ქართლის მთელ მოსახლეობას, რომ შეეგროვებინათ თავისი ჯარი და სურამის ბოლოს დახვედროდნენ. ყირიმელები კი წავიდნენ და ჩავიდნენ დოესში. [ისინი] რომ მიდიოდნენ, მაშინ გორიდან ერთი გორელი ტერტერა მოდიოდა თავის გზაზე წყნარად. არემარეს ათვალიერებდა ტერტერა. დაინახა დოესი და მისი ველები ჯარით იყო სავსე. მიხვდა ტერტერა, რომ ქართველები არ იყვნენ. შეატყო, რომ ვიღაც ურჯულოები იყვნენ და ქვეყნის მაოხრებლები. სწრაფად გაბრუნდა უკან ტერტერა, გაიქცა გორისკენ, გადავიდა მტკვრის ხიდზე, მთლიანად აყარა ხიდის ფიცრები და წყალში გადაყარა, აშალა ხიდი. ყირიმელები უკან გამოედევნენ, მაგრამ ხიდი აყრილი დახვდათ. ძალიან გაუძნელდათ და ველარ გადავიდნენ ხიდზე. შეწუხებულები გაბრუნდნენ უკან და დაადგნენ საციციანოს გზას. შევიდნენ საციციანოში, ცეცხლს მისცეს და გადანვეს. წავიდნენ და ბრბონაში დაიბანაკეს. იქ სახლები დაშალეს, მტკვარზე ხიდი გადეს და ზედ გადავიდნენ. წავიდნენ და გაჩერდნენ ტაშისკარის ბოლოს, ნახვეტარში.

წამოვიდნენ ლუარსაბ მეფე და მოურავი და ახალდაბაში ჩამოვიდნენ. მტკვარი მაშინ ადიდებული იყო, რადგან ივნისის თვე იყო, ფონი არ უჩანდა. ის ღამე მხურვალე ლოცვასა და ვედრებაში გაატარეს და ღმერთს მიანდეს საქმე. გადანყვიტეს, მტკვარში ფონის მონახვა და შიგ გავლა. გათენდა და შევიდნენ წყალში. სავსე იყო მაშინ მტკვარი და კალაპოტში ვერ ეტეოდა. ღვთის საფარველი იცავდა მათ, ისე უვნებლად გადალახეს, არაფერი დამავებია არც ხალხს და არც ტვირთს. ისე გავიდნენ [წყალში], როგორც ისრაელის შვილები მენამულ ზღვაში. მალვით ჩამოჰყვნენ მტკვრის ნაპირებს ისე, რომ ყირიმელებმა ვერაფერი გაიგეს. ჩამოჰყვნენ, ჩამოვიდნენ და შეუერთდნენ სურამის ბოლოს მდგარი ქართლები. მაშინ ურჩია მოურავმა: „თხრილის ნაპირებზე გარშემო მეთოფეები შემოვახვიოთ, ცხენოსნები კი მინდვრიდან მივიდეთ“. დაუჯერეს მოურავს და ისე შეუტყეს, როგორც გადანყვიტა.

ორივე მხრიდან დიდი ომი გამართეს. დიდი თავგამოდებითა და გაბედულებით შეიბნენ. ალბათ, ძველი დროის გამირებიც ძნელად თუ შეს-

ძლებდნენ ისეთ ბრძოლას, მეფე, მოურავი და ქართლები როგორც იბრძოდნენ მაშინ. ღმერთმა ლუარსაბ მეფეს მისცა გამარჯვება, როგორც უნინ აბრაამსა და გედეონს. აღსრულდა უფლის ბრძანება, მოსე წინასწარმეტყველმა რომ უთხრა ლევიტელებს: „ხუთმა თქვენგანმა დაამარცხოს ასი და ასმა თქვენგანმა ათი ათასი (ლევიტ. 26, 8) და მოციქულ პავლეს ნათქვამი: „ძმანო, ღვთისმოყვართა ყოველივე განუმარჯვოს კეთილად“ (რომ. 8, 28). ასევე ამათაც ღვთის იმედად დიდი გამარჯვება მიიღეს, ისე გაიმარჯვეს ურჯულოებზე, რომ მთლიანად გაავლეს მუსრი და მიმოიტაცეს მათი ბანაკი.³³⁰ რაც კი ქართლში ტყვეები და ნადავლი ეშოვათ, ისიც წამოიღეს და მათი კუთვნილიც მრავალი წაართვეს. რამდენი ყირიმელიც შეიპყრეს, ყველა მახვილით ამოხოცეს. ძლივს გადაურჩნენ ცოტანი. გაქცევით უშველეს თავს. შეშინებულები და ნაგვემნი მოსაკიდელისკენ გაემართნენ. თავი შეაფარეს მოსაკიდელის ტყესა და გამაგრებულ ადგილებს, გზის გასაგრძელებლად ღონე არ შესწევდათ. სოფელ მოსაკიდელში მცხოვრები დედაკაცები პოულობდნენ ტყეში დამალულ ყირიმელებს, იჭერდნენ, ართმევდნენ თავსაბურავს და თუკი რამ ებადათ, შეიბრალებდნენ და გაუშვებდნენ ხოლმე. ასეთი გამარჯვება მიანიჭა ღმერთმა ქართველებს.

დაბრუნდნენ გამარჯვებულები და ნადავლით აღვსილნი, ჰქონდათ ზეიმი და სიხარული. მაშინ გადანყვიტეს, ვინც კი ყირიმელები დაეხოცათ, დააჭრეს თავები, ყაენს გაუგზავნეს და მიულოცეს გამარჯვება. გარასპი ფავლენიშვილს გაატანეს. ჩავიდა და მიართვა ყაენს [მოკვეთილი] თავები. ძალიან ესიამოვნა [შაჰს] და მეფის მაღლიერი დარჩა. მრავალი ნყალობა გამოუგზავნა და იმანაც მოულოცა გამარჯვება.

ამის გამო კიდევ უფრო გამდიდრდა მოურავი. ასეთი რამ იღონა: რაკილა ლუარსაბ მეფეს ცოლი არ ჰყავდა, თანაც ყმანვილი კაცი იყო, გადანყვიტა მოურავმა, მიიწვია მეფე, კარგად და თავმომწონედ გაუმასპინძლდა. ღვინის სმაში მეტად გამხიარულდა ლუარსაბ მეფე. მოურავს ერთი და ჰყავდა, მეტად ნაზი და ლამაზი. ღვინის მწდედ დაუყენა მეფეს. ძალიან მოეწონა და გულში ჩაუვარდა. მოურავს წინასწარ ჰქონდა გადანყვიტელი თავის გულში, რადგან უნინ მოურავმა მეფეს ლალატი დასწამა, ფიქრობდა არ დამინდობსო და ასე გადანყვიტა: მოეწონება მეფეს ჩემი და და შეიყვარებსო. მოინდომებს ჩემს დას და ცოლად გავატან. თუ ცოლად არ ისურვებს, მაშინ ჩემი მომხრეები ვინც არიან, ყველანი უფრო მეტად მე დამიჭერენ მხარს, მეფეს ორ-

გულობას დაუნყებენ და ასე წავახდენო. ხოლო თუ ცოლად შეირთავს, ჩემი მტრები დაუნყებენ ორგულობას, მეფე ჩემ გარეშე უძღური იქნება, ხელში რომ ჩამივარდება, რაც მენდომება, გავაკეთებო. გადანყვიტა ეს ჩანაფიქრი. მოიღბინეს და მეტად გალადნენ. მოენონა მეფეს ეს ქალი. მეორე დღეს კაცი გამოუგზავნა მეფემ და ცოლად სთხოვა მოურავს მისი და. მაშინ მოურავმა მოხერხებულად მოიგო: „მეფეო, მე შენი ერთი უბრალო ყმა ვარ, მიუხედავად იმისა, რომ დრომ ხელი შემინყო და თქვენი მრავალი ნყალობით გამდიდრებული ვარ და მეტად დიდი სახელი მაქვს, ჩემი მტრები ჩემს დას დედოფლად არ აღიარებენ. არც არავინ გირჩევს ჩემს [დამოყვრებას], დამიწყებენ დაბეზლებას და აგამხედრებენო ჩემ წინააღმდეგ“. მისი შუაკაცი უკან გაგზავნა, შემდეგ აცნობა მოურავმა დედა დედოფალს, ისევე მოხერხებულად შეეხვეწა: „თქვენი შვილი მეფე ლუარსაბი ჩემს დას ცოლად მთხოვსო, ჩემი ნებით არ ვაძლევ და დამეხმარეთ, რომ თავი დავალწიო ამ საქმესო“. შეიტყო ეს მეფემ, არ დაუჯერა და ცოლად შეირთო მოურავის და. დედა დედოფალი ლიპარტიანის ქალი იყო, მარიამი ერქვა. ქორწილის შესახებ რომ გაიგო, მეტად დაღონდა, მაგრამ ველარაფერი გაანყო. მოიყვანა ულამაზესი ქალი და რამდენიმე თვე ჰყავდა.

მაშინ ქართლის თავადები და დიდებულები და ისინი, ვისაც არ უყვარდათ მოურავი, განაწყენდნენ და დაიწყეს მოურავის ბეზლობა. ეუბნებოდნენ მეფეს მოურავის მტრები: „მოურავი მეტად კარგი კაცია, მაგრამ ჩვენ ძალზედ ჩამოგვივარდება, უგვარო არისო. ჩვენი ცოლშვილი და ჩვენი თავი იმათ ყმებად რატო გავუხადოთო“. ყველაზე მეტად სუფრაჯმა³³¹ შადიმან ბარათაშვილმა დაიწყო მოურავზე აუგის ლაპარაკი, არ ჩერდებოდა. მართალია, არ უნდოდა მეფეს მოურავის განირვა, მაგრამ ძალიან აიძულებდნენ სიტყვით. გამუდმებით შეაგონებდნენ მეფეს, დაერღვია კანონიერი წმიდა ქორწინება, საშინლად დაეგმო წმიდა სახარება და რწმენით არ შეენყნარებინა [სიტყვები]: „ვინც ღმერთმა შეაუღლა, ადამიანები ნუ განაშორებენო“ (მათე 19, 6). მეტად მართალი იყო მეფე, [არ] უნდოდა ღვთისაგან მოცემული მიუღლის გაშვება, მაგრამ ძალიან აიძულეს სიტყვით, დაჰყვა მეფე მათ რჩევას და ბრძანა განქორწინება.

ამაზე რომ დაიყოლიეს მეფე, მერე გაბედეს მოურავის მთლიანად ამოწყვეტა და ბოლოს მოღება. ატყობდნენ მეფეს, რომ სიყმანვილის გამო, რასაც მოვახსენებთ, ვერ გვეწინააღმდეგებო. ბოროტებას

ბოროტება შეჰმატეს და მოახსენეს: „რაკი განემორები და მიატოვებ მოურავის დას, ვიცით, რომ ამას მოურავი არ შეეგუება, მეტად სახელოვანი კაცია, ორგულობას დაგინყებს და [ამას] ბევრი ცუდი მოჰყვებაო“. ურჩიეს ელაღატა და მოეკლა მოურავი. მაშინ ლუარსაბ მეფე ნავკისს ზემოთ იმყოფებოდა. იხმეს მოურავი და მიიწვიეს, ყარაიის ველზე ვნადირობთ, მოდით ვინადიმოთო. სწრაფად მოვიდა მოურავი, არ იცოდა, რა ჰქონდათ მისთვის გადანყვეტილი. მეფეს გადანყვეტილი ჰქონდა მეორე დღეს ღალატით მოეკლა მოურავი. გადანყვეტეს ეს საქმე, მაგრამ ღმერთმა გამოააშკარავა მათი განზრახვა, რითაც იხსნა მეფე ლუარსაბი უდანაშაულო კაცის სისხლისა და მკვლევობისაგან. მოვიდა მოურავთან ფარემთუხუცესი³³² ბააკა ხერხეულიძე და გასცა მეფე. მეფემ რომ გაიგო ფარემთუხუცესის [საქციელი], რაც არასდროს გაუკეთებია გონიერ კაცს, რომ თავისი მეფის საიდუმლო გაეცეს, შეიპყრო ფარემთუხუცესი და ცხვირი და ტურჩები დააჭრევინა. რაც ამის ქვემოთ არის დაწერილი, სამეფო ოჯახის აღმოფხვრა და ქართლის აოხრება, ყოველივე ბააკას სიტყვის გამო მოხდა.

გაიგო მოურავმა ეს საქმე. შიშველი გაიქცა, შეკაზმული ცხენით. გაიარა გელიყარის გზა და ჩავიდა ნოსტეში. აიყარა ცოლშვილიანად და გავიდა დიდგორის მთაზე. მისი ყმებიც თან გაჰყვნენ. მეფემ ჯარი შეუსია, მოვიდნენ ნოსტეში, დაიკავეს იქაურობა და ყოველ მხარეს შეკრეს გზები. ამხედრდა მოურავი, მთა-მთა წამოვიდა ცოლშვილიანად. უგზოდ გადმოლახა მთები, მდევრებმა საერთოდ ვერ გაიგეს, ისე ჩამოვიდა მცხეთაში. საბაყოს გზაც შეკრული დახვდათ და ხიდიც გადაკეტილი. მაშინ, მცველების უჩუმრად, ღამით არაგვის ზემოთ გადალახა ადიდებული მტკვარი. ცხენდაცხენ ცურვით გაიყვანა ცოლშვილი უვნებლად ისე, რომ წყალმა არაფერი დაუშავათ. ფონს გავიდა, მხურვალედ თაყვანი სცა ღვთის მიერ აღმართულ სვეტიცხოველს და წავიდა ნუგზარ არაგვის ერისთავთან.

ნუგზარ არაგვის ერისთავის მამა-პაპამ ხევის პატრონი თექეთრმანიძე ამოწყვიტა და ხევს დაეუფლა. მას შემდეგ მისცა მეფემ ზოგს ხადა, ზოგს მთიულეთი, ზოგს კიდეც დუშეთი და ანანური. და გადაიქცნენ ხევის ერისთავებად. ნუგზარ ერისთავის ასული ჰყავდა მოურავს. ნუგზარმა რომ შეიტყო მოურავის ამბავი და მასთან მისი წამოსვლის შესახებ, მუხრანის სოფელ მისაქციელში შეეგება, ნაუძღვა და მიიყვანა თავის სახლში, დუშეთში. მოურავი გამოცდილი და მოხერხებული

კაცი იყო. ბევრი შეაგონა, აუხსნა შექმნილი ვითარება და ურჩია ნუგზარს თან გამომყევო. ნუგზარ ერისთავმაც დაუჯერა და გადაწყვიტეს ყაენთან წასვლა. იქ [დუშეთში] მეფისთვის წინააღმდეგობის განწევა არ შეეძლოთ და ნუგზარიც თან გაჰყვა. წამოვიდნენ იქიდან და ლილოში ჩამოვიდნენ. იქიდან გადავიდნენ ყურყუტაზე, მტკვარში ფონს გავიდნენ და ჩავიდნენ აღჯაყალაში. აღჯაყალაში მყოფმა თათრებმა გაიგეს მათი მისვლის შესახებ, გაიხარეს და დიდი პატივი სცეს.

რამოდენიმე ხნით იქ გაჩერდნენ, მოურავმა ცოლ-შვილი იქ დატოვა და თვითონ წავიდა ყაენ შაჰ-აბასთან. შაჰ-აბასი შეხვდა, ძალიან გაიხარა, მრავალი ნიჭი და საბოძვარი მისცა. მაშინ შაჰ-აბასი ყანდაჰარის ასაღებად გაემართა. იქ გაიყოლა [მოურავი]. ბრძოლაში და ციხის აღებაში მეტად გამოიჩინეს თავი [ქართველებმა]. დაბრუნდა იქიდან შაჰ-აბასი და ბაღდადს გაემართა. იქაც თან წაიყვანა [მოურავი]. იქაც კარგად, მხნედ, მამაცურად და გაბედულად იბრძოლეს. იქაური საქმეები რომ მოაგვარა შაჰ-აბასმა, წამოვიდა და დაბრუნდა ისპაჰანში. მაშინ შეჰპირდა მოურავი, ქართლსა და კახეთს დაგაპყრობინებო. შაჰ-აბასსაც ეს უნდოდა და მისცა წამოსვლის ნება.

გარკვეული დროის შემდეგ, [ქართლის] მეფისა და კახეთის ბატონის ურჩუმრად და მოულოდნელად [ყაენი] ჩამოვიდა განჯაში. განჯაში რომ ჩამოვიდა, კაცი გამოუგზავნა თეიმურაზ კახ-ბატონს და შემოუთვალა: „შენი შვილი გამომიგზავნეო“. გაიგო ეს ამბავი თეიმურაზმა. იცოდა, რომ შაჰ-აბასი ვერავი, დაუნდობელი და მოხერხებული იყო. იმასაც ფიქრობდა თეიმურაზი, მასთან გაზრდილი ვარ, მაგრამ მეც არ დამინდობსო. არ უნდოდა შვილის გაგზავნა. იცოდა, რომ არც მას დაინდობდა და არც მის შვილს. მაგრამ კახელებმა დაიჟინეს, არ მოეშვნენ, მეტად ძალა დაატანეს და მაშინლა გაუგზავნა გურიელის ქალისგან შეძენილი ვაჟი, ალექსანდრე. დედამისი ქეთევანიც თან გააყოლა, [რადგან] ფიქრობდა, უფრო მეტ პატივს დამედებს და არაფერს დაუშავებსო ჩემს შვილს. თან შეეხვეწა, არ გასწყრომოდა.

ჩავიდა ქეთევან დედოფალი, დიდი პატივი სცა [შაჰმა]. მისი შვილიშვილი ალექსანდრე რომ დაინახა, უთხრა ყაენმა: „ძიძა ხომ არ ვარ, ასეთი პატარა ყმაწვილი რომ გამოგზავნა, უფროსი შვილი რატომ არ გამომიგზავნაო. თუ ჩემი შერიგება უნდა, უფროსი შვილი გამომიგზავნოსო“. კაცი გაუგზავნა და უფროსი შვილი მოსთხოვა. არ უნდოდა კახეთის ბატონ თეიმურაზს უფროსი შვილის გაგზავნა, ქეთევან

დედოფალმაც შემოუთვალა, ნუ გამოუგზავნიო. არ უნდოდა თეიმურაზს გაგზავნა, მაგრამ კახელები არ მოეშვნენ, შეაგონებდნენ: „რაც შენ იქ იყავი, რა დაგიშავდა, რისთვის უნდა ააოხრებინო ქვეყანა?“ რაკილა არ დაეხსნენ კახელები, მერე უფროსი შვილი ლევანიც გაუგზავნა. ისიც რომ ჩავიდა, მერე ისევ გამოუგზავნა კაცი შაჰ-აბასმა თეიმურაზს: „რადგან ასეთი ერთგული კაცი ხარ, შენც მოდი, მნახე და მრავალ წყალობას მოგცემო“. მოუტანეს ეს ამბავი. მაშინ თეიმურაზ ბატონმაც დააჯერა გული და კახელებიც მიხვდნენ, რომ [ყაენს] მათი ამონყვეტა უნდოდა.

მაშინ შეუთანხმდნენ ქართლის მეფე ლუარსაბს: „რადგან მოყვრებიც ვართ და ქვეყნისთვისაც ასე ჯობს, მოდი გავერთიანდეთ ამ საქმეში. შენც იცი, ყაენი შაჰ-აბასი საქართველოსთვის ავგულები არის, მოურავიც ხომ შენი მტერია, მას მოჰყავს ყაენი და ქვეყნის დაღუპვა უნდათ, გავერთიანდეთო“. მაშინ შეკავშირდნენ და ერთმანეთს მტკიცე ფიცი მისცეს. თეიმურაზმა შეკრიბა კახელები და გამაგრდა. გაიგო ეს შაჰ-აბასმა. თვითონ წამოვიდა და შემოვიდა კახეთში. შეკრიბა თეიმურაზმა თავისი მხედრობა. შაჰ-აბას ყაენმაც წინ დაუხვედრა ჟალეთში თავისი ლაშქარი. შაჰ-აბასი თვითონ წამოვიდა თეიმურაზ ბატონის წინააღმდეგ. ვერ შეძლო თეიმურაზმა შებრძოლება და უკან გამობრუნდა. თავს დაესხა ჟალეთში მდგომ ყიზილბაშებს, რომლებსაც გზა ჰკონდათ შეკრული, მხნედ შეება. ღმერთმა ძლევა მისცა და გაიმარჯვა ბატონმა თეიმურაზმა. ყველანი მახვილით ამონყვეტა და მუსრი გაავლო. წამოვიდა, ჩამოვიდა მუხრანში და შეხვდა ლუარსაბ მეფეს.

თავიდან თურმე ასეთი რჩევა მისცა მოურავმა ყაენ შაჰ-აბასს: „ზამთარში შედიო ქართლში. ხიზანი მთებში ვერ შევა და, რასაც გინდა, იზამო. ხოლო თუ მთებს შეაფარებენ თავს, თოვლი და სიცივე ამონყვეტავთო“. დაუჯერა შაჰ-აბასმა მოურავის ნათქვამს, ხუთ იანვარს შემოიჭრა, ქრისტეს აქეთ 1624³³³ [წელს]. აიღო თორღვას ციხე და კახეთის მთელი საგანძური ხელში ჩაიგდო შაჰ-აბასმა. თავისი ხელით დალენა ალავერდის წმიდა გიორგის [ხატი], შემუსრა პატიოსანი ხატები და ჯვრები, ძვირფასი თვალ-მარგალიტი შემოსძარცვა და თავის მეძავებს, ცოლსა და ხარჭებს მისცა, მათ სამკაულად გახადა. შეურაცხყო კახეთის წმიდა ეკლესიები და წამოვიდა ქალაქ [თბილისის] წინააღმდეგ.

მაშინ გადაწყვიტეს ქართლელებმა ომი, მაგრამ ველარაფერს გახდნენ და ვერც წინააღმდეგობა გაუწიეს მრავალრიცხოვან ჯარს. ლუარ-

საბ მეფე და კახეთის ბატონი თეიმურაზი იმერეთში გადავიდნენ. შემო-
ეგება იმერეთის მფლობელი გიორგი,³³⁴ მეტად დაიახლოვა, დააბინავა
და შეიფარა. შაჰ-აბასი კი გორში ჩამოვიდა და იქ გაჩერდა. კაცი გაუგ-
ზავნა შაჰ-აბასმა იმერეთის მბრძანებელს და შეუთვალა: „ეგ ორივე
მეფე გადმომეცი და აგავსებ მრავალი ძღვენითა და საბოძვართო“.
ეს რომ გაიგო იმერეთის მბრძანებელმა, ელჩებად გამოუგზავნა აფხა-
ზეთის კათოლიკოსი მალაქია³³⁵ და ლევან აბაშიძე. ბევრი საჩუქრებიც
გამოუგზავნა და ასე შემოუთვალა: „ჩემგან არ მოხდება ამათი გაცემა.
[თქვენმა] ხელმწიფებამ კი იმდენი მონყალეება გამოიჩინოს და პატივი
გვცეს, რომ ესენი ისევ შეირიგოს, თვითონ კი წაბრძანდეს და დაანე-
ბოს ამათ თავისი მამული და საბატონო“.

ჩამოვიდნენ მალაქია კათოლიკოსი და ლევან აბაშიძე. თან ახლდათ
ყაენის გაგზავნილი კაცი. მოვიდნენ, ყაენი მეტად კარგად შეხვდათ და
დიდი პატივი სცათ. გაიგო, რომ იმერეთის მბრძანებელი გიორგი არ
გადასცემდა [ლუარსაბ] მეფესა და თეიმურაზს. სხვა რომ ველარაფე-
რი გააწყო შაჰ-აბასმა, მაშინ ხერხი იხმარა: დაიბარა მალაქია კათო-
ლიკოსი, ლევან აბაშიძე და შეუთვალა იმერეთის მბრძანებელ გიორ-
გის: „რადგან შუამდგომლობ, [იცოდე], რომ მე მეფე ლუარსაბის სა-
წინააღმდეგო არაფერი მაქვს, არც არაფერს ვემდურები და არც მაგის
დასაღუპავად ვარ ჩამოსულიო. ბატონი თეიმურაზი არის ჩემი მტერი,
მაგას არც შევირიგებ და არც მინდა. მეფე ლუარსაბს კიდევ შევირი-
გებ, თუ მოვა და შემირიგდება და წყალობითაც მოვექცევიო“. მათ
ეს სიტყვა დააბარა და გაუშვა. [მერე] მოიხმო ლუარსაბის გამზრდე-
ლი შადიმან სუფრაჯი. ტირილი დაიწყო შაჰ-აბას ყაენმა და თქვა: „მე
მეფე ლუარსაბს როგორ დავლუპავო. სვიმონ მეფის შვილიშვილსა და
გიორგი მეფის ძეს მე ცუდსა და შეუფერებელს როგორ ვაკადრებ, მა-
გრამ თეიმურაზმა შეაცდინა და მოატყუაო. იცოდე, თუ ლუარსაბ მეფე
მოვა და შემირიგდება, დიდი წყალობით მოვექცევი და გავამდიდრე-
ბო. საშინელი ფიცი დადო, საფიცარი მისცა და ბევრი იტირა. დაინახა
შადიმანმა შაჰ-აბასის ამდენი ტირილი და ფიცი, გული დააჯერა, რომ
ლუარსაბ მეფეს ყაენი დიდი სიკეთით მოეპყრობა და კიდევ შეირი-
გებსო. ამაში მეტად დარწმუნდა, მაგრამ ამ ყველაფერს საცდურ ხრი-
კად იყენებდა შაჰ-აბასი. მაშინ გაუგზავნა ყაენმა [ლუარსაბს] შადიმან
სუფრაჯი და თან გააყოლა ერთი ერთგული და სანდო ხოჯა. მისწერა
წერილი თავისი ფიცით და გაუგზავნა ძვირფასად მოჭედილი ხმალი.

მაშინ შაჰ-აბასს ცოლად ჰყავდა ლუარსაბ მეფის და. იმასაც მიაწერინა წერილი და მოიხმო ლუარსაბ მეფე, რადგან მეფის დაც მოატყუა. მრავალი საბოძვარი მისცა მალაქია კათოლიკოსსა და ლევან აბაშიძეს, ყელამდე აავსო.

ჩავიდნენ მეფე ლუარსაბთან და იმერეთის მბრძანებელ გიორგისთან, მოახსენეს საქმის ვითარება და ყაენის დანაბარები, ყველაფერი გადასცეს. შადიმანმაც აჩვენა [შაჰის] ფიცი, ხოჯამ ხმალი მიაართვა და გადასცეს მისი დის გაგზავნილი წერილი. მაშინ კი დააჯერა გული ლუარსაბ მეფემ და გაემზადა წამოსასვლელად. იმერეთის მბრძანებელმა გიორგიმ შეატყობინა ლევან დადიანს³³⁶ და მამია გურიელს³³⁷ (მამია გურიელი იყო ვახტანგ გურიელის³³⁸ ძე). მოვიდნენ ისინი და ერთად შეიკრიბნენ. ურჩევდა ბატონი თეიმურაზი და მთელი იმერეთი – ყიზილბაშებმა ბევრი ტყუილები იციან, დაუნდობელი ხალხია, შენც არ დაგზოგავენ, ნუ წახვალო. მან არ შეისმინა და წამოვიდა³³⁹.

გზაზე გარკვეულ მანძილზე გამოაცილეს, გამოემშვიდობნენ ერთმანეთს და გაბრუნდნენ უკან. ისინი იქით წავიდნენ, მეფე ლუარსაბი კი წამოვიდა გორში ყაენ შაჰ-აბასთან. იგი წინ კი არ მიეგება, არამედ სანადიროდ ამხედრდა ცხენზე და ისე შემოხვდა გზაზე. პატივი სცა ლუარსაბს, თავისთან მიიყვანა, მეტად გაიხარა ყაენმა შაჰ-აბასმა და დიდი პატივი სცა. გარკვეული ხნით ინადიმეს. შემდეგ გულში იფიქრა ყაენმა შაჰ-აბასმა, ეშინოდა, ქართლებმა აზრი არ შეაცვლევინონ და ამბოხება არ განაახლოსო. გარკვეული დროის შემდეგ შაჰ-აბასმა თბილისში წასვლა მოისურვა, უთხრა ლუარსაბ მეფეს: „წავიდეთ თბილისში, იქაც მოვილხინოთ და ვინადიმოთო. შენ იქ დაგტოვებ და მე წავალო“. თბილისში რომ ჩავიდნენ, იქ უთხრა: „წავიდეთ ყარაიის ველზე, ვინადიროთ, თან ვინადიმოთ და მოვილხინოთ. შენ უკან დაგაბრუნებ და მე წავალო“. ყარაიაში რომ ჩავიდნენ, დიდი სანადირო მახე³⁴⁰ შემოავლეს [იქაურობას]. ჰარემებიც თან ახლდნენ. ჰარემებისთვის კარავი [გაშალეს], შუაში თეთრი [ქსოვილი] შემოავლეს. თვითონ შაჰ-აბასი და ლუარსაბი შევიდნენ კარავში და სანადიროდ მოემზადნენ. ლუარსაბ მეფე კარგი შესახედაობის კაცი იყო. სხვა არავინ გამოსულა ისეთი კარგი, ყოველგვარი ღვთისნიერებითა და ვაჟკაცური ზნეობით სრულყოფილი და უნაკლო. ინადირეს ყარაიაში. ლუარსაბ მეფემ თავის კართან ცხრამეტი [ნადირი] მოკლა. ეს რომ შაჰ-აბასმა ნახა, უფრო მეტად აღეგზნა შუღლი მის გულში და გადაემტერა. მართალია პირში

დიდად აქებდა და ეფერებოდა, გულში კი ძალზედ ემტერებოდა და ბოროტს განუმზადებდა.

მაშინ მეფის დამაც საიდუმლოდ მოსწერა წერილი და დაარია: „ამას ასე ნუ დაენახვებით, სიკარგესა და მშვენიერებას ნუ აჩვენებთ, ვიცი ამისი ზნე, შურიანი და მზაკვარი კაცია, გულს მოუკლავს შენი სიკარგე. პირდაპირ ვერაფერს გეტყვის, მაგრამ მაინც მოერიდე და ფრთხილად იყავი“. მეფე ლუარსაბმა კი უთხრა: „ახლა რაღა ვქნა, რაც არ უნდა უვარგისად მოვაჩვენო თავი და ვიფრთხილო, ვიცი, აღარ გამათავისუფლებს. და რაკილა აღარ გამიშვებს, ისევ კარგად დავენახები, ასე სჯობიაო“. [ყაენს] ფარულად ძალიან შურდა მისი. მაშინ უთხრა შაჰ-აბასმა: „რადგან ასეთი კარგი მონადირე ხარ და სწორუპოვარი მშვილდოსანი, ყარაბალი ძალზედ კარგი სანადირო და სანადიმო ადგილია, წავიდეთ და იქაც ვინადიმოთ, ვინადიროთ და მოვილხინოთ“. და იქაც წაიყვანა. გარკვეული დროის შემდეგ კი უთხრა: „გილანი, მზანდარანი და მისი შემოგარენი ადგილებიც კარგი სანადიროა, იქაც წავიდეთ და გავერთოთ“.

აშრაფში რომ ჩაიყვანა, მაშინ რჯულის დათმობა მოსთხოვა. მან ყურად არ ილო და არ უარყო თავისი რჯული. მაშინ განრისხდა შაჰ-აბასი და ბოროტ ხვედრს განუმზადებდა მეფე ლუარსაბს: ბევრ წყალობას აღუთქვამდა, ლიქნითა და მზაკვრული სიტყვებით, ეგონა აცდუნებდა და გადაიყვანდა თავის რჯულზე. თავისი ვერაგობით ცდილობდა დაერწმუნებინა, მაგრამ ვერ აჯობა. ფუჭი გამოდგა მისი სიცრუე, ვერ აიხდინა გულის წადილი. უფრო აღივსო შურით, როგორც დავითი ამბობს: „უმზირნ ცოდვილი მართალსა და იღრჭინის მის ზედა კბილნი მისნი, ხოლო უფალმან ეცინის მას, რამეთუ წინასწარ ხედავს მას“ (ფსალ. 36, 12-13) და ამის მომდევნო. მაშინ მოისმინა იმ მტარვალისგან მეფე ლუარსაბმა მრისხანე სიტყვები, მაგრამ არაფრად ჩააგდო მტარვალის რისხვა. იყო, როგორც ანდამატი, როგორც შეუძრელი კლდე და უშიშარი, როგორც ლომი თავის სამყოფელში. წარმავალი ქვეყნიერების საზრუნავს არც იხსენებდა, ზეცად აღაფრენდა თავის გულსა და გონებას. როგორც ცის ლაჟვარდში მფრენი ორბი, ისე ეშურებოდა განახლებას (შდრ. ფსალ. 102, 5), რომ შეემოსა სულიერი შესამოსელი, განეგდო ეს ხრწნადი თმის საფარველი და შეემოსა ის უხრწნელი, რომელიც წმიდა მხნე მარტვილებს აქვთ შემოსილი. წარმოთქვამდა მოციქულის სიტყვებს: „მაქვს გულისთქმა, გავიდე და ქრისტესთან

ვიყო“ (შდრ. ფილიპ. 1, 23) ფიქრობდა წმიდა მოწამეთა მხნეობასა და ღვაწლზე, მათ გვირგვინსა და საზღაურზე. საღმრთო მოშურნეობა ჰქონდა და უფრო მეტად ჰზადავდა მეფეთა შორის წარჩინებულ მარტვილ მეფე არჩილსა³⁴¹ და ვახტანგ [გორგასალს]. ამბობდა მოციქულის სიტყვას: „თუკი მოვკვდე[ბით] ქრისტესთვის, მნამს, რომ მასთან ვიცოცხლებთ“ (შდრ. 2 ტიმ. 2, 11) და რადგან იმ სახიერმა თავისი სიკვდილით გვიხსნა ჯოჯოხეთის ქვესკნელისაგან, ჩვენც მოვალენი ვართ, რომ სისხლი დავსთხოთ მისთვის და მისი გულისთვის არ დავზოგოთ თავი. ოღონდ ღირსმყოს იმ სახიერმა, რომ არათუ ერთგზის და ორგზის გარდავიცვალო მისთვის, არამედ მრავალგზის, რომელმაც მიბრძანა საუფლო ხმით: „ნუ გეშინია [იმათი], ვინც ხორცს მოგიკვდინებენ, ხოლო სულის მოკვლა არ შეუძლიათ“ (შდრ. მათე 10, 28) და ასევე: „ვინც მე მაღიარებს ადამიანების წინაშე, მეც ვაღიარებ მას ჩემი ზეციერი მამის წინაშე“ (შდრ. მათე 10, 32). რადგან იგი აღმითქვამს იმ დაუჭკნობელ გვირგვინსა და საზღაურს, „რომელიც თუალს არ უხილავს და ყურს არ მოუსმენია, კაცს გულში არ ჰქონია“ (შდრ. 1 კორ. 2, 9). ესეც ვიცი, რომ სიკვდილის ვალი მაქვს და შეუბღალავად უნდა ამოვუშვა სული და განვაშორო ხორცს. მეგულება ამ თიხოვანი ცომის გარდაცვალება და დარღვევა ამ ჩემი კიდურებისა და აღნაგობისა³⁴². ნამდვილად სასიკეთო იქნება ჩემთვის, თუკი სწრაფად გადავლახავ ამ საძლეველ ასპარეზს, მოვაკვდინებ მიწიერი [სხეულის] ასოებს და უკვდავს შევიმოსავ. რაკი უეჭველად ასე იქნება, რალატომ დავყოვნდე და არ ვიჩქარო უკვდავი და მშვენიერი სიძის ქორწილში შესვლა? უკვე მზად არის, რომ თავისი ხელით მომცეს უხრწნელების გვირგვინი. აჰა, უამი შეწყნარებისა და დღე ღვთის სათნო.

თავიდანვე იცოდა, უწყალო და უღმობელი რომ იყო მტარვალი შაჰ-აბასი. მხურვალე გულითა და ცრემლების ნაკადულით ევედრებოდა [ღმერთს] და სულ უფრო მეტ დღეებს განლევდა მარხვაში. ისევე აიძულა შაჰ-აბასმა სარწმუნოების მიტოვება და არ დაჰყვა. მაშინ ბრძანა ჩაეგდოთ იგი იმ ციხეში, რომელსაც გულაბყალას ციხეს ეძახიან. იქ ჰქონდა ჩაფიქრებული მისი გათავება. მეფე ლუარსაბმა აუწყა მასთან მყოფ ქართველებს, რომლებიც თან ახლდნენ და ამგვარი ბრძანებით დაუტოვა მთელი თავისი ანდერძი: „აჰა, ვტოვებ ამ წუთისოფელს და თქვენც გშორდებით. მივდივარ ჩემი უფალი ღმერთის წინაშე, ვისთანაც მსურდა, მაგრამ ნუ დამივიწყებთ. ეს სიტყვა მოიხსენიეთ და ცრემლით მი-

გლოვეთ, ვინც ხართ ჩემთან ერთად გაზრდილები და ჩემი გამზრდელე-ბი. ნუ უგულებელმყოფთ ტკბილ პატრონს, ჩემს ყმურ მეგობრობასა და სიყვარულს. მსურს თქვენგან, რომ ქართული წესით დაიწყოთ ჩემი და-საკრძალავი გლოვა და მოთქმა და ასე დამიტიროთ, რადგან ამის მერე, არა მგონია, ისევ გავიგონო თქვენი ხმა. არამედ მოველი ანგელოზებრი-ვი სიხარულისა და ზატიკობის ხმის გაგონებას“.

მაშინ დაიწყეს ქართველებმა მოთქმა და გოდება, როგორც რაქელი დასტიროდა თავის შვილებს და არ ეძიებდა ნუგემს (შდრ. იერემია 31, 15). გოდებდნენ ქართული წესით. ნამონოლილი იყო ლუარსაბ მეფე, ქართველები კი მისტიროდნენ თავზარდამცემი ხმითა და უნუგემო ცრემლით. ასევე პასუხობდა მეფე ლუარსაბი, მათი განშორებით გამ-ნარებული. ასე აღასრულეს მიცვალებულის წესი და იყო დიდი მოთქმა-გოდების ხმა. მაშინ იხმო მასთან მყოფი ეპისკოპოსი მღვდლებისა და დიაკვნების თანხლებით. უბრძანა ქრისტეს წმიდა საიდუმლოთა, ცხოვ-ელსმყოფელი სისხლისა და ხორცის, მობრძანება. ზეცისაკენ აღაპყრო ხელები და გამსჭვალა მისი გონების თვალეხი. მწყურვალევიტ დაენა-ფა ნექტარს და აღმოაცენებდა თვალეხიდან ცრემლებს ნაკადულს და ნილოსივით რწყავდა მისი სულის იფქლის ხნულებს და წარმოთქვამდა ამ ფსალმუნს: შენთვის მოვკვდები, ქრისტე ღმერთო ჩემო, როგორც დასაკლავი ცხვარი (შდრ. ფსალ. 43, 22). ახლა კი ღირსი გამხადე, ვეზ-იარო შენს წმიდა საიდუმლოებს“. მაშინ ეზიარა შიშითა და კრძალვით. ზიარების შემდეგ ჰმადლობდა ღმერთსა და ამბობდა: „შენ იცი, უფა-ლო ჩემო იესო ქრისტე, რომ არც ანგარებით და არც სიმდიდრის სიყ-ვარულით არ მიმიტოვებია ჩემი მამული და სამყოფელი. არც არავის შეეძლო ჩემი შეპყრობა. ვერც გამომიყვანდნენ იმ სიმაგრეთაგან, სა-დაც ვიმყოფებოდი. მაგრამ ამ ბოროტი მტარვალის მცდელობითა თუ ხრიკებით, ეშმაკისა და მისი მოყვარული და მსახური ბოროტი ხალხის მზაკვრობით წამოვედი და მოვედი ამ ჯალათთან. უფრო მეტად დამ-ნუხრებული ვიყავი და გული შემტკიოდა საქართველოს გაპარტახების გამო, წმიდა ხატ-ჯვრების შებილწვისა და წმიდა ტაძრების დაქცევის გამო. მე რომ ამათგან თავი დამეღწია, მაშინ, როგორც იერუსალიმი ნაბუქოდონოსორის ხელში³⁴³, ისე შეიბილწებოდა და მოოხრდებოდა [ქვეყანა] ამათგან. საქართველოსაც ამას განუმზადებდა ეს მტარვალი, სრულიად უნდოდა გაჩანაგება, მაგრამ მოვინდომე და შენი ბრძანების შესმენით, წინასწარ გადავწყვიტე ეს საქმე, რადგან ბრძანე წმიდა სახ-

არებაში: მწყემსმა კეთილმა დადოს თავისი სული მისი ცხვრებისთვის (მდრ. იოანე 10, 11). ჯამაგირით დადგენილი კი არ გავხდით, რომ მიმეტოვებინა ჩემი ცხვარი, გავქცეულიყავი და მხეცების შესაბილნი და შესაჭმელი გამეხადა სინმიდეები და ქართლის არემარე, არამედ შენს ბრძანებას მინდობილმა თავი გავნირე ქვეყნისათვის და აწიოკებას გადაურჩა ჩემი ხალხი. ყოველივე ეს შენ უწყის, რადგან იცი გულისა და გონების ზრახვანი. არ მენანება მეფობა და გვირგვინოსნება ჩემი, არც მშვენიერება, მოხდენილობა და ჩემი ჭაბუკური სიძლიერე, არც ჩემი უებრობა და მშვენიერი აღნაგობა, არც მარჯვედ გამოსვლა ასპარეზობაზე და ჩემი კარგი ტანადობა, არც მხნეობა ბრძოლაში და მკლავის სიმაგრე, არც მოედანზე ცხენის ნავარდი და ჭენება, ნადირის მარჯვედ ხოცვა. მკლავის მოუღლელობა და ყველა ჩემი მოიმედის გადამეტება; არც დიდება, პატივი და მრავალგვარი საჭმელ-სასმელი და ნადიმი, სანიმუშო ლხინი და მხიარული საუბრები, ქცევა და სიმღერა; სამეფო საწოლი, ტახტი და გვირგვინოსნება. ეს ყველაფერი დამითმია შენი სიყვარულის გამო და ახლა გევედრები, უფალო, ჩემი სული, გული და გონება აღამაღლო შენამდე, რომ არაფრად ჩავაგდო ქვესკნელში დამნთქმელი და ამაო ამქვეყნიური სიამეები, რამეთუ შენ გშვენის დიდება, პატივი და თაყვანისცემა, მამისა და ძისა და ნმიდისა სულისა, ან და მარადის და უკუნითი უკუნისამდე, ამინ“.

ეს სიტყვები რომ დაასრულა, მაშინ მიაგვლინა თავისი ჯალათები მტარვალმა შაჰ-აბასმა, ტყვესავით გაგზავნეს იგი გულაბყალას ციხეში და იქ ჩააგდეს. მცირე დროის შემდეგ კაცი გაუგზავნა იქ მყოფ ხანს, რომელსაც ჰყავდა დატყვევებული ლუარსაბ მეფე და შეატყობინა, რომ მოეხრჩო. შეიტყო იმ ხანმა ლუარსაბის სასიკვდილო განაჩენის შესახებ, ძალზედ დამწუხრდა, ებრალებოდა მისი სიჭაბუკე და ვაჟკაცობა. მაშინ შევიდნენ ჯალათები და აუწყეს მეფე ლუარსაბს მტარვალი შაჰ-აბასის ბრძანება. ეს რომ გაიგო, ამ ფსალმუნის წარმოთქმა დაიწყო: „იყოს სახელი უფლისა კურთხეული ამიერიდან და უკუნისამდე“ და ევედრებოდა მრავალმონყალე ღმერთს. ამის შემდეგ უთხრა ნმიდა ლუარსაბმა ჯალათებს: „შესარულეთ, რაც ნაბრძანები გაქვთ“. აიღეს მშვილდის საბელი, გამოაბეს ყელზე და მოაშთვეს. ამგვარად სრულყო თავისი მარტვილობა, ნმიდა მონამეების კრებულს შეერთო და ახლა იხარებს მოუკლებელი და გამოუთქმელი სიხარულით. ამჟამად ლუარსაბ მეფე-მარტვილის ნმიდა ნაწილები განისვენებენ გულაბყალას ციხეში.

ხოლო ბატონი თეიმურაზის დედა, ქეთევანი და მისი ორი ვაჟი, ალექსანდრე და ლევანი, შირაზში გაგზავნა [შაჰმა] და იქ დაატყვევეს. როცა დაბრუნდა შაჰ-აბასი, ველარავინ დასვა ვერც ქართლისა და ვერც კახეთის ბატონად, რადგან ლუარსაბს არც შვილი ჰყავდა და არც ძმა. კახეთი შაჰ-აბასმა ნოდარ ჯორჯაძესა და დავით ასლანიშვილს ჩააბარა, ქართლი კი უბატონოდ დარჩა. თავადები განაგებდნენ თავ-თავის მხარეს და ერთმანეთში უფროს-უმცროსობა ჰქონდათ³⁴⁴. ნოდარმა და დავითმა ერთგულება გამოიჩინეს, იმერეთიდან ჩამოიყვანეს ბატონი თეიმურაზი და კახეთის ტახტი მისცეს. არაგვის პირამდე გამოაცილეს თეიმურაზ ბატონი იმერეთის მბრძანებელმა გიორგიმ, დადიანმა და გურიელმა. ჩავიდა კახეთში ბატონი თეიმურაზი, ისინი გაბრუნდნენ და იმერეთში წავიდნენ, თავის სამკვიდროში. თეიმურაზ ბატონი ავიდა კახეთის ტახტზე და განაგებდა [ქვეყანას].

გაიგო შაჰ-აბასმა თეიმურაზის დაბრუნების ამბავი. განრისხდა, ვეშაპივით გამძვინვარდა და მრავალრიცხოვანი ჯარით გამოგზავნა ალი ყული-ხანი. სთხოვა, ყოველი მხრიდან შეეკრა გზები, რომ არ გაჰქცეოდა. [შემდეგ] თვითონაც გამოემართა, რადგან უნდოდა, პირადად დასხმოდა თავს. წამოვიდა ალი ყული-ხანი და არაგვზე გზები შეკრა. გაიგო ეს ბატონმა თეიმურაზმა, შეკრიბა ლაშქარი, მივიდა და შუადღისით წინამურს ზემოთ დაესხა თავს. ძლიერი ბრძოლა გაიმართა და დიდი გაიმარჯვება მოიპოვა ბატონმა თეიმურაზმა. ღმერთმა გამარჯვება მისცა და შუადღიდან მოკიდებული დაბინდებამდე ხოცავდნენ თათრებს. გაიმარჯვეს თეიმურაზ ბატონმა და კახელებმა, გააქციეს [მტერი]. გაიგო ეს ამბავი შაჰ-აბასმა, უფრო მეტად გამძვინვარდა და თვითონ წამოვიდა. ჩამოვიდა შაჰ-აბასი, ველარ შესძლო თეიმურაზმა შებრძოლება და იმერეთში გადავიდა. ზოგიერთი კახელი ცოლ-შვილით აიყარა და თან გაჰყვა თეიმურაზს.

ბაგრატ მეფე³⁴⁵

შაჰ-აბასი კახეთზე გამოვლით შემოვიდა ქართლში. ქრისტეს აქეთ 1619³⁴⁶ [წელს], ქართლის ბატონად დასვა ბაგრატი, სვიმონ მეფის ძმისშვილი, [რომელიც] კახ-ბატონის მოგვარე ქალის ნაშობი იყო.

მაშინ შეუთანხმდა შაჰ-აბასი ლეკებს, კაცი გაუგზავნა და შეუთვალა შემდეგი: „მინდა ტყვედ წავასხა და მთლიანად გავაჩანაგო აქაურობა. მე კახეთის [მოსახლეობას] ავყრი და ვინც კი მანდ ქალი თუ კაცი

შემოიხიზნოს, დაატყვევეთ“. ნავიდა, ჩაიარა კახეთი და ამონყვიტა [ხალხი]. ნავიდა და ააოხრა, სხვები აყარა და თან ნაასხა, ზოგიც ლეკე-ბმა ამონყვიტეს და დაატყვევეს. ზოგიერთებმა თუშეთს, ფშავსა და ხევსურეთს შეაფარეს თავი და გადარჩნენ. სხვები ააოხრეს და ამონყვიტეს. ვინც კი შეიპყრეს, ცოლ-შვილიანად აპყარეს საცხოვრებელი ადგილებიდან და ფერეიდანში გარეკეს. ზოგიერთი ახლაც მეთოფეებად ჰყავთ მენინავე [ჯარში]. დღევანდელ დღემდე მეთოფეები არიან, წინ მიუძღვიან ხოლმე ყაენს. მაშინ შემუსრა და დალენა რაც კი ხატ-ჯვრები გადაურჩა უწინ. წამოიღო თავისი ნაძარცვი და [წამოასხა] ტყვეები. იქ პატრონად დაადგინა ფეიქარხანი, რომელიც ლაშქარი მისცა და ელების [ტომის ხალხი]³⁴⁷. თვითონ ნავიდა განრისხებული და ჩავიდა ისპაჰანში.

მაშინ გაუგზავნა კაცი შირაზის ხანს და დაიბარა თეიმურაზ ბატონის ვაჟები, ალექსანდრე და ლევანი. მიჰგვარეს, დაასაჭურისა ორივე და თავისთან დაიტოვა. ერთი ძმა, ლევანი, ჭკუიდან გადავიდა, ასე დაეხეტებოდა შეშლილი. მეორე, ალექსანდრე, კი გარდაიცვალა. რაც შეეხება ქეთევანს, კაცი გაგზავნა იმამ ყული-ხანთან და ასე შეუთვალა: „თუ გათათრდება ქეთევან დედოფალი, არაფერი აწყენინო, ხოლო თუ არ გათათრდება, ანამე და სიკვდილით დასაჯეო“. იმამ ყული-ხანმა ეს რომ გაიგო, უკან გამოუგზავნა მაცნე და ასე მოახსენა: „ბებერი ქალია, ახლა იგი არ გათათრდება. რაში გჭირდებათ ამისი გათათრება, შეეშვიტ, მისი მოკვლა თქვენი სირცხვილი იქნებაო“. ეწყინა შაჰ-აბასს, კაცი გაუგზავნა, არ მოხდებო [დედოფლის შეწყალება]. მაშინ დაუნყო იმამ ყული-ხანმა ქეთევანს შეგონება, აცნობა ყაენის შემონათვალი და უთხრა, გათათრდიო. ქეთევანი არ დაჰყვა. მაშინ შეიპყრეს მისი თანმხლები [ხალხი] ერთად და თვალწინ გაუთათრეს. [ქეთევანს] თან ახლდა ერთი იმერელი მღვდელი, ისიც გაუთათრეს.

ხელ-ფეხი შეუკრეს და გააშიშველეს წმიდა ქეთევან დედოფალი. გახურებული შანთებით დააგლიჯეს ძუძუები, გახურებული მარნუხები შემოაწყვეს დაფლეთილ ხორცზე და დაგლიჯეს. გაახურეს ლურსმნები, დაუყარეს ქვეშ და ზედ გაატარეს. დაანვინეს და შიშველ სხეულზე ზედ დააყარეს გახურებული ლურსმნები. ასევე გახურებული შამფურები გაუტარეს მუცელსა და მკერდში, გახურებული ქვაბი ჩამოამხეს თავზე. მერე გახურებულ დიდ ქვაბში ჩასვეს და თავსახურიც დააფარეს. გახურებული ბარები შემოაწყვეს შუბლზე, თავის ქალა ააგ-

ლიჯეს და ბევრი ტანჯეს. ასე შეავედრა თავისი წმიდა სული უფალს³⁴⁸ და შეირაცხა წმიდა ქალწულმონამეთა კრებულში. მოვიდა ნათელი და ყველას სამხილებლად ზედ დაადგა. ამას შეესწრნენ კათოლიკები. კათოლიკებმა აიღეს წმიდა ქეთევანის წმიდა ნაწილები და თავისთან წაიღეს, როგორც სინმადე, ხოლო ხელი და მკლავი თეიმურაზ ბატონს გამოუგზავნეს. ამგვარად აღასრულა თავისი ღვანლი და მარტვილობა წმიდა ქეთევანმა. მისი ცხოვრება ვრცლად არის დანერილი მის მეტაფრასში. მიწაზე, სადაც აწამეს, აღარ ამოდის ბალახი და ისე გამოიყურება ის ადგილი, რომ ვისაც ეს ამბავი არ უნახავს, ატყობს, აქ რაღაც მომხდარაო.

ქართლის [სამეფო] ტახტზე ბაგრატი ავიდა. იგი მაჰმადის რჯულზე იყო გადასული და არც მეფობის ღირსი არ იყო. განჯის ხანის და სხვა ხანები უმაგრებდნენ ზურგს. ბაგრატმა ვერ მოახერხა ქართლის მართვა და ვერც ზემო ქართლს დაეუფლა ქალაქის ზემო მხარეს. ქართლებსაც არ უყვარდათ და თათრობის გამო არც კი მოიხსენებდნენ [მის სახელს].³⁴⁹ საბარათიანოს ბატონს ეძახდნენ და ასე იყო.

როცა ბატონი თეიმურაზი იმერეთში იმყოფებოდა, მაშინ იქ დიდი შიმშილობა ჩამოვარდა. მაშინ ბატონმა თეიმურაზმა კაცი გაუგზავნა ხონთქარს, შეევედრა, სარჩო სთხოვა. ხონთქარმა სხვა ვერაფერი გაანყო, გონიოსა და ახალციხის შემოგარენი მიწები მისცა სარჩოდ. სანამ ხონთქრის კაცი ჩამოვიდოდა, ბატონი თეიმურაზი ველარ გაჩერდა იმერეთში და მამია გურიელთან³⁵⁰ წავიდა. მაშინ ჩამოვიდა ხონთქრის გამოგზავნილი კაცი და უკან გაბრუნდა. [თეიმურაზი] ჩავიდა ხონთქრის მიერ მოცემულ მამულში. იმხანად ათაბაგი იყო მანუჩარ ათაბაგის ძე, სახელად მანუჩარი³⁵¹, სვიმონ მეფის დისშვილი. ბატონმა თეიმურაზმა ცოლ-შვილი ოლთისში დატოვა კახეთის სახლთუხუცეს ნოდართან ერთად, თვითონ კი, შვიდი კაცით, ხონთქართან წავიდა. მათი გამგზავრების შემდეგ შეიტყო ყაენმა ბატონი თეიმურაზის ხონთქართან წასვლის ამბავი და ის, რომ ცოლ-შვილი საათაბაგოში ჰყავდა დატოვებული. შემოუთვალა ამირგუნა-ხანს, ერეგნის ხანს და ასეთი წერილი გამოუგზავნა: „ბატონი თეიმურაზი ხონთქართან წავიდა, თავისი ცოლ-შვილი კი საათაბაგოში დატოვა. შეკრიბე ჯარი, წადი და თავს დაესხი. აუნიოკე ოჯახი და ქონება, მისი ცოლ-შვილი აქ გამომიგზავნეო“.

წამოვიდა ამირგუნა-ხანი, ზამთარი იყო და დიდი თოვლი იდო მთაზე. გადათხარა მთაზე [დადებული თოვლი] და წამოვიდა. იმ ღამით

სიზმარი უნახავს ხორეშანს, თეიმურაზ ბატონის ცოლს, თითქოს ყიზილბაშები დაესხნენ თავს და აიკლეს მისი ხიზნები და ქონება. როგორც კი გაიღვიძა ქალბატონმა ხორეშანმა, იმავე ღამეს აიყარა ქალაქ ოლთისიდან და ციხესიმაგრეში შევიდა. ვინც ჰყავდა და რაც გააჩნდა, ყველა შეხიზნა ციხეში, რადგან უნინ ციხის ქვემოთ იდგნენ. წამოვიდა ამირგუნა-ხანი იმ ღამეს, ჩამოვიდა, სადაც თეიმურაზ ბატონის ცოლ-შვილი იმყოფებოდა, თავს დაესხა იმ სოფელს. დაარბია სოფელი და მიმოიტაცა, მეტი ვერაფერი გააჩნო, გაბრუნდა და წავიდა. შეიტყო [მომხდარი] ნოდარ სახლთუხუცესმა. საათაბაგოში მცირე რაზმი შეკრიბა, თვითონ ვინც ჰყავდა, ისინიც [წაიყვანა] და დაედევნა. დაენია ამირგუნა-ხანს, ბევრი ხალხი ამოუნყვიტა, გააქცია და ბევრი ნადავლი იშოვა. გამობრუნდა და მოვიდა გამარჯვებული ბატონ თეიმურაზის ცოლ-შვილთან.

სტამბოლში ჩავიდა თეიმურაზ ბატონი. ხონთქარი იყო სულთან-იბრაჰიმი³⁵². დიდი პატივი სცა ბატონ თეიმურაზს. თეიმურაზ ბატონმა ჯარი სთხოვა. მაშინ ყიზილბაშებსა და ურუმებს შორის ფიცი იყო დადებული, შერიგებულები იყვნენ. ქვეყნები რომ გაიყვეს, მაშინ დადეს პირობა, რომ ერთმანეთს აღარ ეომებოდნენ. ამიტომ არ დაუჭირა მხარი ხონთქარმა, სარჩოდ მისცა სანჯაყები, მრავალი წყალობა უყო, გამოისტუმრა და დაბრუნდა უკან ბატონი თეიმურაზი.

იმხანად ხონთქრის მამულში მრავლად იყვნენ ჯალალელები. ხონთქრისგან განდგომილი ხალხი [გზაზე] წინ დახვდა ბატონ თეიმურაზს. ამას შვიდასი კაცი ჰყავდა, მათ კი თვლა არ ჰქონდათ და მრავალნი შეებრძოლნენ ბატონ თეიმურაზს. ღმერთმა მისცა გამარჯვება და გაიმარჯვა ბატონმა თეიმურაზმა, მრავალი ჯალალი ამოწყვიტა. ერთ დღეში შვიდჯერ გამართეს ბრძოლა და შვიდჯერვე მან გაიმარჯვა. ისე მოუმართა ღმერთმა ხელი, რომ შვიდასი კაცი ახლდა და არც ერთი არ დაუკარგავს. იმათ კი მრავალი ამოუნყვიტა და გამარჯვებული დაბრუნდა ცოლ-შვილთან. ცოტა ხნის შემდეგ გონიოში გაემართა და იქ იმყოფებოდა.

იმხანად, ქრისტეს აქეთ [...] წელს, მოკვდა საბარათიანოს ბატონი ბაგრატი,³⁵³ დავითის ძე. გაიგო შაჰ-აბასმა მისი სიკვდილის შესახებ. არ ჰქონდა კახეთის გამგებელ ფეიქარ-ხანის იმედი, რომ კარგად მოაგვარებდა კახეთისა და ქართლის საქმეებს. იმდროისთვის მოურავი უკვე დიდი ხანი იყო, რაც გვერდში ედგა შაჰ-აბასს და მრავალი სამსახური ჰქონდა მისთვის განუელი. გულით მიენდო და მრავალი წყალობაც

მისცა, ფიქრობდა, რომ მოურავს ჩემს იქით გზა არ აქვსო. უბრძანა მოურავს: „მინდა წახვიდე საქართველოში. თან გაგატან ყარჩიხა-ხანს დიდი ჯარით და პატარა სვიმონ-ხანს, ბაგრატის ძეს. წადი, პირველად ჩადი და მთლიანად ააოხრე კახეთი, [მერე] გააპარტახეთ ქართლი და მახვილით გაავლეთ მუსრი. აყარე [მოსახლეობა] და აქ ჩამომირეკეო“. აღუთქვა დიდი წყალობა და მრავალი საბოძვარი. ამასობაში კარგა ხანი გავიდა და მოურავი ისევ იქ იყო.

იმხანად ისპაჰანში იმყოფებოდა ერთი ვილაც, ხოსრო-მირზა ერქვა. ხოსრო-მირზა იყო დიდი სვიმონ მეფის ძმის დავით მეფის ხარჭის ნაშობი. როცა დავითი ყაენ შაჰ-აბასთან იყო ჩასული, მაშინ წავკისიდან თან წაიყვანა ერთი ქალი და ხარჭად ჰყავდა. დავითისგან დაორსულდა ეს ქალი, გააჩინა ვაჟი და დაარქვა ხოსრო-მირზა. როცა დაუდ-ხანი ყაენმა ქართლში გამოგზავნა, იქ დატოვა პატარა ბიჭი, ხოსრო-მირზა და დედამისი. ობოლი იყო ხოსრო-მირზა და დედამისის გარდა, სხვა არავინ იყო მისი შემწე. ორივემ, დედა-შვილმა, მაჰმადის რჯული მიიღო და დიდ სილატაკეში ცხოვრობდნენ, არანაირი შეძლება არ გააჩნდათ. მაშინ ხოსრო-მირზა მივიდა მოურავთან და მცირედი რაღაც აჩუქა. მოურავმა, როგორც კი დაინახა ხოსრო-მირზა, ფეხზე წამოდგა, გაუთავისუფლა თავისი ადგილი, მიიყვანა, დასვა და დიდი პატივი სცა. იმხანად მოურავი ყაენს ძალიან დიდ პატივში ჰყავდა, ყველა ყიზილბაში ემორჩილებოდა და მრავალი მათგანი ახლდა თან. ყიზილბაშებმა რომ დაინახეს ხოსრო-მირზას ასეთი პატივისცემა, ჰკითხეს მოურავს: „ვინ არის ეს კაცი, რომ ასეთი დიდი პატივი ეციო“. მოურავმა კი აცნობათ, რომ „ეს არისო დაუდ-ხანის, ჩემი პატრონის ძე“. მაშინ გაიგეს ყიზილბაშებმა ეს ამბავი და დიდ პატივს მიაგებდნენ ხოსრო-მირზას. ყაენიც ბევრ სიკეთეს უკეთებდა ხოსრო-მირზას. ისპაჰანის მოურავობა მისცა და ქართლის ბატონის მეტოქედ ჰყავდათ.

სვიმონ მეფე³⁵⁴

გაემზადა მოურავი, წამოვიდა და თან გამოატანეს პატარა სვიმონ მეფე. მრავალრიცხოვანი ლაშქრით ჩამოვიდნენ ქართლში. აკეთებდა მოურავი იმ საქმეს, რაც ყაენისგან ჰქონდა დავალებული. სვიმონ მეფე რომ გამოგზავნა ყაენმა, მაშინ ცოლად მისცა ყორჩიბაშის ასული, სახელით ჯანბანუმი. ჩამოვიდნენ ქართლში, შეხვდნენ ქართლელები, ასეთი მრავალრიცხოვანი ჯარი რომ დაინახეს, იფიქრეს და თქვეს: „რა-

ლაც საქმის გამო არის ამხელა ჯარი გამოგზავნილიო“. მოურავმა არ გაამხილა [მიზეზი], დიდი ფიცით დააჯერათ, რომ „ეს მრავალრიცხოვანი ჯარი ქართლისთვის საშიში არ არის, ამაზე ფიქრი ნუ გაქვთ, თქვენი საქმე მე მომანდეთო. მაშინ გული დაიმშვიდეს ქართლელებმა, წავიდნენ და მუხრანში გაჩერდნენ. კაცი გაგზავნეს და მოუხმეს კახელებს. ღართისკარში შემოუერთდნენ კახელები. მოურავმა დიდი ბოროტება ჩაიდინა: ყარჩიხა-ხანმა თავის კარავს ფანჩატურები შემოავლო. დაიბარა: „მოვიდნენ კახელები და ხალათებს დავურიგებო“. მიადგნენ კახელები კარავს. შეჰყავდათ კახელები და თავებსა სჭრიდნენ. გარეთ მდგომ კახელებს კი ეგონათ ხალათების გამო იქ დასხდნენო. ბევრის დახოცვის შემდეგ მიხვდნენ კახელები რაშიც იყო საქმე და ხმლები იშიშვლეს. თათრები მოერივნენ, გამოიქცნენ კახელები და ცოტანი ძლივს გადაურჩნენ. ამის შემდეგ გარკვეული დროით მუხრანში იდგნენ და ემზადებოდნენ, რადგან ქართლის მოსახლეობის აყრა უნდოდათ.

მოურავს ჩვევა ჰქონდა, ქორის დასაგეშად წავიდოდა ხოლმე. ერთ დღესაც ლოჭინის ხევში გავიდა ქორის დასაგეშად. დაინახა, რომ ერთი შიკრიკი მოდიოდა. იცნო, ყაენის მალემსრბოლი იყო. დაუძახა მოურავმა მაცნეს, რომ მასთან მისულიყო, მაგრამ მან არ დაუჯერა. რაკილა არ დამორჩილდა შიკრიკი, ცხენით წამოუნია, შეიპყრო, ძალით გაჩხრიკა და უპოვა წერილი. წაიკითხა, ასე მოენერა ყაენს ყარჩიხა-ხანისთვის: „კახელებს რომ მუსრს გაავლებთ, აყარეთ ქართლელები და გამორეკეთ, ხოლო მოურავს ღალატით გაავდებინე თავი და გამომიგზავნეო“. ეს რომ წაიკითხა მოურავმა, მოკლა მალემსრბოლი. მისი სიცრუე მის თხემზე დაუხვდა (მდრ. ფსლ. 7, 16). ძალიან შეწუხდა და გამოსავალს ეძებდა.

ნუგზარ ერისთავი მაშინ მოურავის მოყვარე და მეგობარი იყო. მის ვაჟს, ზურაბს ჰქონდა ერისთავობა. ზურაბ ერისთავს ცოლი ისპაჰანში ჰყავდა დატოვებული. პაატა, მოურავის შვილიც, იქ ისპაჰანში იყო დარჩენილი. მაშინ მოურავმა ურჩია ზურაბს: „მოდი, ქართლს ნუ ამოვწყვეტთ, თორემ სულსაც დავკარგავთ და მერე ჩვენც არ დაგვინდობენო“. ბევრი ლიქნის, თათბირისა და ბევრი კამათის შემდეგ, ზურაბმა თავისი ცოლი განირა, მოურავმა კი თავისი შვილი, პაატა. ზურაბი რომ გადაიბირა მოურავმა, მერე ურჩია ყარჩიხა-ხანს: „გავგზავნოთ ანდუყაფარ ამილახორი და ზურაბ ერისთავი, დავიბაროთ ქართლის მთელი მოსახლეობა, შევიპყროთ და ყაენს გავუგზავნოთო“. დაუჯერა

ყარჩიხა-ხანმა და გაგზავნეს ანდუყაფარ ამილახორი, ზურაბ ერისთავი და სხვა ქართველები.

დაიბარეს ქართლის მოსახლეობა და იქ შეკრიბეს. [შეთქმულების შესახებ] მოურავისა და ზურაბ ერისთავის გარდა, სხვამ არავინ იცოდა. წამოვიდნენ ზურაბ ერისთავი და ანდუყაფარ ამილახორი. მოურავმა თავისიანებთან დააყენა პაატა ხერხეულიძე³⁵⁵, თავისი ვაჟი ავთანდილი, ელია დიასამიძე და პაპუნა ვაშაყიშვილი. ზურაბი და ანდუყაფარი მოვიდნენ და არაგვის პირას გაჩერდნენ. მაშინ გაგზავნეს ხალხი და მთელი ქართლი იქ მიიხმეს. რომ შეგროვდნენ, ზურაბ ერისთავმა ფარულად იხმო ქართლები და ასე უთხრა: „ჩვენ ყაენ შაჰ-აბასისგან ასე გვაქვს დაბარებული, კახელები ხომ დავხოცეთ, ქართლები კი, ვინცა ხართ, აგყაროთ და ყაენთან გაგზავნოთ. ახლა ჩვენ ამას ვფიქრობთ, ყიზილბაშები ქვეყნის აოხრებას ლამობენ, მოდით, მოვანწყოთ შეთქმულება, ამოვწყვიტოთ ყიზილბაშები და ნუ ამოვადებთ ქართლს“. ანდუყაფარს არ ენდობოდნენ, რადგან სვიმონ მეფის ცოლისდა ჰყავდა ცოლად, ყაენის ნათესავი. თვითონაც მაჰმადის რჯულზე იყო გადასული, ძალიან ცდილობდა ყიზილბაშებისთვის და მათი დიდი ერთგულება ჰქონდა. ქართლებმა რომ გაიგეს, მეტად განცვიფრდნენ და შეწუხდნენ. პირობა მისცეს ზურაბ ერისთავს და მტკიცედ შეჰფიცეს, რომ „რასაც თქვენ გვიბრძანებთ, იმას გავაკეთებთ“. რომ შეიფიცნენ, რაკილა არ ენდობოდნენ ამილახორს, შეიპყრეს ცოლ-შვილიანად, გაგზავნეს და არშის ციხეში გამოამწყვდიეს.

მაშინ შეიკრიბნენ ქართლები და ზურაბ ერისთავი და აცნობეს დიდ მოურავს. გათენებისას მოვიდნენ და თავს დაესხნენ ყიზილბაშებს. მეტად სასახელოდ მოიქცა იმ ღამეს მოურავი: მივიდა და თვითონ განგმირა შუბით ყარჩიხა-ხანი. მისმა შვილმა ავთანდილმა კი ყორჩიხაშის შვილი მოკლა. დაუშინეს [თოფები] და მთლიანად ამოწყვიტეს ქართველებმა ყიზილბაშები. ასე მისცა ღმერთმა ქართველებს ძლევა და გაიმარჯვეს: ამოწყვიტეს [მტერი], განდევნეს და იყო დიდი გამარჯვება. ისინი რომ გაიქცნენ, მაშინ გამარჯვებული ქართლები ფეიქარ ხანის წინააღმდეგ დაიძრნენ, რომელიც კახეთში იჯდა. ფეიქარ ხანს ცოლად ჰყავდა ლელა ბატონიშვილი. უნდოდათ თავს დასხმოდნენ ფეიქარ ხანს, მოეკლათ, წაერთმიათ ლელა ბატონიშვილი და ზურაბ ერისთავისთვის მიეთხოვებინათ. წავიდნენ, გაიგო ფეიქარ ხანმა და გაიქცა. გამოუდგნენ, ბარდამდე³⁵⁶ სდიეს და ველარ დაე-

წივნი. მაშინ მოარბიეს ქართლელებმა ბარდა და განძა, გააჩანაგეს, ბევრი ალაფი იშოვეს, დაბრუნდნენ და თან წამოიღეს. გონიოში კაცი გაუგზავნეს ბატონ თეიმურაზს და მოიხმეს. მოიყვანეს და კახეთის ტახტზე დასვეს. ქართლის გამგებლად დავით მეფის ძის შვილიშვილი ქაიხოსრო მუხრანბატონი დაადგინეს. მაგრამ მათ ხელისუფლებას არ ემორჩილებოდნენ, თავადები ცალ-ცალკე პატრონობდნენ ქართლს.

მაშინ მოთავე და პირველი კაცი მოურავი იყო. მთელი ქართლი მას ემორჩილებოდა, რადგან თვითონ ზურაბ ერისთავი და ვინც კი იყო ქართლის წარჩინებული, თავს დებდნენ დიდი მოურავისთვის და ყმებივით ემონებოდნენ. მაშინ დაუმძახლდა ზურაბ ერისთავი თეიმურაზ ბატონს, თავისი ასული, დარეჯანი, ცოლად მისცა ზურაბ ერისთავს. ზურაბ ერისთავი პატარაობიდანვე მოურავის გაზრდილი იყო და ერთმანეთის დიდი ერთგულება ჰქონდათ. იცოდნენ, თუკი ისინი ერთმანეთს დაშორდებოდნენ, მაშინ საქმე წაუხდებოდათ. ამიტომ უჯერებდნენ ერთმანეთს.

შაჰ-აბასმა რომ შეიტყო ეს ამბავი, ანდუყაფარ ამილახორისა და მისი ცოლის შეპყრობა და ციხეში ჩაყრა. მეტად განრისხდა და გამოგზავნა ისა-ხან ყორჩიბაში. დიდი ძალებით გამოემართნენ, ჩამოვიდნენ და ალგეთში დაბანაკდნენ. მაშინ გაერთიანდნენ ქართლელები და კახეთის მბრძანებელი თეიმურაზი შეკრებილი კახელებით. მოვიდნენ, კოჯორში გაჩერდნენ და წავიდნენ ქართლელები. იმუამად ხონთქარი გაჯავრებული იყო მანუჩარ ათაბაგზე³⁵⁷. ველარ გაუჩერდა ურუმებს, სამასი კაცით ახალდაბაში წამოვიდა. ეს ამბავი რომ გაიგო მანუჩარ ათაბაგმა, სამასი რჩეული მებრძოლით წამოვიდა და შემოუერთდა. ძალიან გაუხარდათ ქართლელებსა და კახელებს. წავიდნენ და განთიადის ჟამს თავს დაესხნენ ყორჩიბაშს. მათ წინასწარ იცოდნენ, თოფხანა მომზადებული ჰქონდათ. მივიდნენ ქართველები და თოფები დაუშინეს. ისეთი კვამლი დადგა, იმათი ჯარი ველარ დაინახეს. კვამლი რომ გაიფანტა, შეუტიეს ქართველებმა და გაჩაღდა ფიცხელი ბრძოლა. თოთხმეტი ათასი ყიზილბაში განყდა, ცხრა ათასი ქართლელი და კახელი, ზურაბ ერისთავისა კი – ცხრაასი. წინამძღოლებიდან დაიღუპნენ ალათანგ ხერხეულიძე და მისი შვიდი ნათესავი, ბაადურ ციციშვილი, კახი და დავითი, შვიდი ჩოლოყაშვილი³⁵⁸ დაიღუპა და ცხრა მჩაბელი. დანარჩენები, – აზნაურიშვილები, მსახურები და გლეხები, – მრავლად განყდნენ. გაიმარჯვეს ქართველებმა და გაიქცნენ ყიზილბაშები, გატეხილ ხიდამდე მისდიეს. ძალიან ბევრი დახოცეს. ზურაბ

ერისთავი შუბლში იყო დაჭრილი, თოფი ჰქონდა მოხვედრილი, გული მისდიოდა. მეფემ, მოურავმა და სხვა თავადებმა ნახეს და დაუცადეს.

მაშინ შაბადა-ხანი თავისი ჯარით წინწყაროში იდგა. წამოვიდა და მოადგა ნაომარ ადგილს. დაინახა, რომ ცოტა ხალხი იყო ერთ ადგილზე შეკრებილი. იცნო შაბადა-ხანმა, რომ ქართველები იდგნენ. შემოუტია და გაჩაღდა პირვანდელზე უფრო ძლიერი ბრძოლა. ფიცხლად იბრძოდნენ ქართველები. იმ დღისით ბატონმა თეიმურაზმა დაამტვრია ყველა საბრძოლო იარაღი და აღარაფერი შემორჩა. ბეჭდებიც დაემტვრია მუშტი-კრივში. მოურავმა იმ დღისით ისე იომა და [ისეთი] საქმეები აკეთა, რომ უწინდელი გმირებისგანაც არ გაგონილა, რაც იმ დღისით მოურავმა იომა და სახელი დატოვა. ძლიერ იბრძოლეს იქ აღათანგ ხერხეულიძემ, კახი ასლანიშვილმა და დავითმა³⁵⁹ და ორივე იქ დაიღუპა. შემდეგ ძლიერ იბრძოლა თეიმურაზ მუხრანბატონმა, ქაიხოსროს ძმამ და ისიც იქ მოკლეს. თეიმურაზ მუხრანბატონი მოკლეს, ხმამალა დაიძახეს, თეიმურაზი მოკლესო. ეს რომ გაიგეს ქართლელებმა, იფიქრეს, ბატონი თეიმურაზი მოკლესო. მაშინლა გაიქცნენ დაღლილი ქართლელები. ათაბაგი და მისი ყმები მეტად მხნედ და ძლიერ იბრძოდნენ. დაინახა ათაბაგმა მისი გამზრდელი ერევნის ხანი ამირგუნა-ხანი, შეუტია, ხმალი დაჰკრა ჩალმიან თავში, გაუპო გვირგვინი, ღრმად დაჭრა თავში და ცხენიდან ჩამოაგდო. შემოსძახა ამირგუნა-ხანმა: „დალოცვილო (?), რისთვის მკლავ, ჩემი გაზრდილი არ ხარო“? ეს რომ გაიგო ათაბაგმა, გაუშვა, წავიდა და გაიქცა. ეს დაინახეს ყიზილბაშებმა, მაშინლა გაბრუნდნენ უკან. თვითონ ყორჩიბაშიც გატრიალდა და დაბრუნდა უწინდელი ბრძოლის ველზე. ბატონი თეიმურაზი და ქართველები გაბრუნდნენ თავ-თავის მხარეს.

ნოსტეში ჩავიდა მოურავი და შემოიკრიბა თავისი ჯარის დარჩენილი ნაწილი. მაშინ ქალაქის ციხიდან გამოვიდნენ მოთარეშე თათრები და ლისი დაარბიეს. წავიდა მოურავი, რადგან ლისი მას ეკუთვნოდა, ბატონის ნაწყალობევი [იყო]. მივიდა მოურავი სამოცი კაციით, გულმესისხლედ შეება და ამონყვიტა. ღმერთმა გამარჯვება მისცა და შვიდასი კაცი განდევნა და ამონყვიტა. თავის ცოლ-შვილს კაცი დაუყენა და სამცხეში გაგზავნა. თვითონ გავიდა, წინამურის გზები ჩახერგა, ღართისკარის გზაც შეკრა და იქ მომავალი ყიზილბაშები ამოხოცა.

ყიზილბაშები ცდილობდნენ, უნდოდათ გამოეყვანათ არშის ციხიდან ანდუყაფარ ამილახორის ცოლი. ეს ქალი ყაენის შვილიშვილი იყო, სვი-

მონ მეფის ცოლისდა. ზურაბთან დაინყეს მოლაპარაკება, გადმოგვეციო ეს ქალი, რადგან არშის ციხეში ჰყავდათ, რომელიც ხევის ციხე არის. ყორჩიბაში ეთათბირა ზურაბ ერისთავს: „გზა მომეცი, ჯარს გავგზავნი, იმ ქალს გამოვიყვან და ჩემთვის წავალო“. ფიცი მისცა ზურაბ ერისთავმა: „გზას დაგანებებ და არ შეგებრძოლები. შესვლით ჩემს მამულზე გამოიარე, ჩამოვლისას კი ქსანზე წამოდი, [თორემ] ჩემს მამულს მეტად ძალა დაადგებო“. ყორჩიბაშმა ზემოხსენებული ხოსრო-მირზა³⁶⁰ დააყენა ჯარის მეთაურად. ნავიდნენ, შევიდნენ, გამოიყვანეს [ქალი], გადმოიარეს ლომისა და ქსანზე უნდოდათ ჩამოვლა. მაშინ პირობა დადეს ზურაბ ერისთავმა, იესე ერისთავმა, გიორგი მოურავმა და ერისთავის ძმამ, ქსანზე გზები შეკრეს, დაუხვდნენ და ისე ამონყვიტეს, რომ ისეთი გამარჯვება არავის გაუგონია. ისე ამონყვიტეს, რომ ქსანი სისხლით შეიღება და სისხლისფერი მოდიოდა. ხოსრო-მირზა გადარჩა, ქალი ვერ წაართვეს, ჯარი ამონყვიტეს, ძალით წაართვეს სალარო და ბარგი. მოვიდა ხოსრო-მირზა და მოიყვანა ქალი ყორჩიბაშთან. მოურავი კი სამცხეში წავიდა, ცოლ-შვილს მიხედა.

წამოვიდა ყიზილბაშების ჯარი, დაიკავა საბარათაშვილო და სომხითი. ითარეშა და იქ ჩადგა. გარკვეული დროის შემდეგ ყორჩიბაშმა ჯარი გაგზავნა მოურავზე თავდასასხმელად. მოურავი სანადიროდ მთაზე იყო [ასული], გადმოიხედა და დაინახა ყიზილბაშების ჯარი. ასპინძა ავსილი იყო ჯარით. შეუტია მოურავმა, ღმერთმა გამარჯვება მისცა და ამონყვიტა თათრების ჯარი. იმათ ბევრი [ნადავლი] დააყრევინა, თორემ ამათი ვერაფერი წაიღეს, ნავიდნენ და გაიქცნენ.

იმხანად ხერთვისი და სამცხის სხვა რამოდენიმე ციხე ყიზილბაშებს ეჭირათ. მივიდა მოურავი, აიღო ხერთვისის ციხე და სხვა ციხეები, იქ მყოფი ყველა ამონყვიტა. მაშინ გაგზავნა ხონთქართან გიორგი ქავთარიშვილი და შეუთვალა: „ეს ციხეები ყიზილბაშებს ეჭირათ, ახლა მე წავართვი, გამოგზავნეთ თქვენი ჯარი და ჩააყენეთ ამ ციხეებში“. ხონთქარი დიდად მაღლიერი დარჩა და მრავალი წყალობა გამოუგზავნა. გამოგზავნა იანიჩრები³⁶¹ და ჩააყენა იმ ციხეებში.

ყორჩიბაშმა გაამაგრა თბილისის ციხე და ქრისტეს აქეთ 1628 [წელს], იქ დატოვა სვიმონ მეფე. თვითონ ყორჩიბაში გაბრუნდა, წავიდა და თან წაიყვანა ქალი. ყორჩიბაშის წასვლის შემდეგ სვიმონ მეფე ვერ გამოდიოდა ციხიდან და ვერც ქართლს მართავდა. ისეც დაბრუნდა მოურავი და ზურაბ ერისთავთან ერთად კვლავ დაეუფლა ქართლს.

ისევე ქაიხოსრო მუხრანბატონი³⁶² დასვეს ქართლის მბრძანებლად, [მაგრამ] ისევე ისინი პატრონობდნენ და განაგებდნენ ქართლს.

მაშინ მოკვდა შაჰ-აბასი. ხოსრო-მირზასთვის, ქართლში მისი დიდი დამსახურების გამო, ყულარალასობა³⁶³ ჰქონდათ მიცემული და ყულარალასი იყო. შაჰ-აბასი რომ მოკვდა, მაშინ აირივნენ ყიზილბაშები. კარის ბეგლარბეგებს უნდოდათ ირანში არეულობა. ხოსრო ყულარალასმა გაამაგრა სასახლე. გამოიყვანა შაჰ-აბასის შვილი შაჰ-სეფი³⁶⁴ და ყაენად დასვა. მხარში დაუდგა, განუმტკიცა ხელისუფლება და ყაენის ძალიან ერთგული დარჩა. ყაენიც სწყალობდა მას.

აღზევდა ზურაბ ერისთავი, მოურავს აღარ ერთგულებდა, თანაც თეიმურაზ ბატონის სიძეც იყო. ამის გამო მედიდურობდა. ეწყინა მოურავს მისი თავებობა და ამანაც დაივიწყა მათი [მეგობრობა]. ამის გამო ჩამოვარდა დიდი შური და მტრობა. ზურაბი ბატონ თეიმურაზს მიემხრო, მოურავი – ქართლის გამგებელ ქაიხოსროს. მთელი ქართლი ქაიხოსროს გარშემო დარაზმა მოურავმა. [მარტო] ეს ორი ერისთავი, ზურაბი და იოთამ ამილახორი არ ემორჩილებოდა. ერთმანეთთან დაპირისპირებული იყვნენ. მოურავმა კაცი გაგზავნა და დახმარება ითხოვა იმერეთის მბრძანებელ გიორგისგან. დაეხმარა, გამოგზავნა გიორგიმ თავისი მხედრობა.

საათაბაგოში მაშინ საფარ-ფაშა იჯდა, რადგან, როცა მანუჩარ ათაბაგი ქართლში იმყოფებოდა, მაშინ [საფარ-ფაშა] წავიდა ხონთქართან. შეინყალა ხონთქარმა და მისცა საათაბაგო თავისი მოსახლეობით. უკან რომ დაბრუნდა, მაშინ წინ დახვდა საფარ-ფაშა მანუჩარ ათაბაგს. მანუჩარის ნათესავი იყო, მაგრამ ფარულად მონამლა და მოკლა ათაბაგი. თვითონ წავიდა საფარ-ფაშა [ხონთქართან] და გაათათრდა. [ხონთქარმა] საფარ-ფაშას მისცა საათაბაგო. წამოვიდა და დაბრუნდა საათაბაგოში. ათაბაგის ზოგიერთი თავადი იმხანად უკვე გაათათრებული იყო. საფარ-ფაშა რომ მოვიდა, ვინც კი ქრისტიანი თავადი იყო, ყველა გაათათრა. მას შემდეგ დაიწყეს თათრობა.

საფარ-ფაშას მოურავმა ჯარი სთხოვა და დაეხმარა. იმხანად ბატონი თეიმურაზი და ზურაბ ერისთავი ერთად იმყოფებოდნენ დუშეთში, ზურაბ ერისთავის კარზე. შეკრიბა მოურავმა ჯარი და თავს დაესხა დუშეთში ბატონ თეიმურაზს. მთელი კახეთი იქ იყო [შეკრებილი], ზურაბ ერისთავის ლაშქარი და [მთელი] საამილახვრო. ბაზალეთში ეკვეთნენ ერთმანეთს³⁶⁵, ისე ფიცხლად [იბრძოდნენ], კაცი არ დარჩა, რომ არ დაჭრილიყო. მრავალი თავადი დაიღუპა. თვითონ ბატონი

თეიმურაზიც დაიჭრა იმ დღისით. მოურავი დამარცხდა იმ დღისით და თვითონაც დაიჭრა.

წამოვიდნენ ქაიხოსრო გამგებლის ცოლი, მისი ძმა თეიმურაზი და მათი ვაჟი და იმერეთში გადავიდნენ. მოურავის ცოლი და ვაჟები სამცხეში წავიდნენ. თვითონ მოურავი და ქაიხოსრო გამგებელი კი ხონთქართან გაემართნენ. წყალობა გამოიჩინა ხონთქარმა მოურავის მიმართ, სანჯაყები მისცა. მოურავმა თავისი ცოლი და შვილი იოთამი სანჯაყში დატოვა. დაგმო მოურავმა თავისი რჯული, გამაჰმადიანდა, ჯარი სთხოვა ხონთქარს და შეჰპირდა: წავალ, დავიკავებ ქართლს, მთლიანად გავათათრებ და დაგიმონებ ყმებსო. ხონთქარი იმხანად ყაენთან დაზავებული იყო და უპასუხა: „ერთი განდგომილი ქვეყანა მაქვს, იმის წინააღმდეგ გაგზავნი, თუ მასზე გაიმარჯვებ და დაიპყრობ, მერე მაგ [საქმესაც] გადაგინწყევტავო“. გაგზავნა და თან გაატანა აზამ ვეზირი დიდი ჯარით.

ჩავიდნენ, იქაც ძალიან კარგად მოიქცა მოურავი: შეებრძოლა და გაიმარჯვა. აზამ ვეზირს ხონთქრის და ჰყავდა ცოლად. ეს ამბავი რომ მოუვიდა ხონთქარს, ძალზედ ესიამოვნა. დიდი სახელი მოიხვეჭა მოურავმა და გახმაურდა მისი ამბავი. ეწყინა ხონთქრის დას, რომელიც ჰყავდა ვეზირს და წერილი მისწერა: „რაშია საქმე და როგორ გეკადრება, რომ სულ მოურავის სასახელო ამბები მოდის და შენი არაო“. მაშინ უღალატა ვეზირმა: მიიპატიჟა და ღალატით მოკლა მოურავიც, [მისი] შვილებიც, ქაიხოსრო გამგებელიც და ვინც კი ჰყავდათ, ყველა ამოუწყვიტა. ერთი შვილი ჰყავდა თან, ავთანდილი, ისიც მოუკლეს. თან ჰყავდა [ასევე] გორგასალი და მისი შვილი ბეჟანი. გამოიყვანეს ბეჟანი მოსაკლავად, შეეხვეწა [გორგასალი] და ქრთამი მისცა იასაულს, ჩემს შვილს კი ნუ მოჰკლავ, მე მომკალიო. ჩემი თავი მიათვალე ანგარიშში და მაგას ნუ მოკლავო. დაუჯერა ჯალათმა, აღარ მოუკლა შვილი, თვითონ გორგასალი მოკლა, თავი მოაჭრა, მიიტანა და სათვალავში გაატარა. ბეჟანი გადარჩა და წამოვიდა. მოურავის ცოლი და შვილი იოთამი აზრუმის მხარეში დარჩნენ. თეიმურაზ მუხრანბატონისა³⁶⁶ და ქაიხოსროს ვაჟები წამოვიდნენ იმერეთიდან და ჩამოვიდნენ მუხრანში. თეიმურაზ ბატონმა გაიგო მუხრანში მათი ჩამოსვლის ამბავი, დაუნყო მტრობა, არ მორჩა მათ შულლს და იმყოფებოდნენ ერთ გლეხის კაცთან სიღარიბითა და გაჭირვებით.

იმხანად უფრო მეტი ძალაუფლება შეიძინა ზურაბ ერისთავმა, არაფრად აგდებდა ბატონ თეიმურაზს. მაშინ დაიჭირა საქმე პატარა სვიმონ

მეფესთან. სვიმონ მეფე თბილისის ციხეში იმყოფებოდა. დიდი ფიცი მისცა ზურაბ ერისთავმა და გამოიყვანა ციხიდან. მხარში ამოუდგა ზურაბ ერისთავი, ტახტზე აიყვანა და ქართლი მის მხარეს გადაიბირა. წამოიყვანა ზემო ქართლში და იქ იმყოფებოდა. სვიმონ მეფე ზურაბს მამას ეძახდა და მისი მორჩილი იყო, არაფერს აკეთებდა მის გარეშე.

თეიმურაზ ბატონმა დაინახა ზურაბ ერისთავის საქციელი და განდგომილება, დააკლდა ძალაუფლება და გასაქცევიც აღარსად ჰქონდა. მაშინ გაემზადა და წავიდა ყაენთან, როგორც თავიდან ჰქონდა გად-ანწყვეტილი. უფადარში³⁶⁷ ჩავიდა, იქ დაწერა ეტრატზე ასეთი სიტყვები [და გამოგზავნა]: „არ შეიძლება სიმამრის მიერ სიძის განირვა, რადგან ჩემი შვილი და სიძე ხარ. ახლა მე ყაენთან წამოვედი და ამის შემდეგ ვნახავო შენი და სვიმონ მეფის ერთობას“. ზურაბ ერისთავმა რომ მოის-მინა ეს ნათქვამი და შეიტყო ყაენთან თეიმურაზ ბატონის წასვლის ამ-ბავი, თავისთვის გადანწყვიტა, რადგან ასეთი სურვილი ჰქონდა ზურაბ ერისთავს, რომ ბატონი თეიმურაზი კახეთის მბრძანებელი ყოფილიყო, სვიმონ მეფე ქართლისა და თვითონ ორივეზე ჰქონოდა გავლენა, უმი-სოდ ვერაფერი გაეკეთებინათ. ჩქარობდა თავისი საქმის წარმატებას და თუ რომელიმე არ იქნებოდა მისი სურვილის დამყოლი, ერთს, მეორეს მონინაალმდეგედ გამოიყენებდა და, რომელიც მისი მორჩილი იქნებო-და, იმას გაიხდიდა პატრონად. ეს საქმე ღმერთის ბრძანების წინააღმ-დეგია, რომ ამბობს: შეუძლებელია ორი ბატონის მსახურება (მდრ. მათე 6, 24; ლკ. 16, 13). როცა დარწმუნდა თეიმურაზ ბატონის გამგზავრებაში, მაშინ მიიღო თავისი თავის დამღუპველი ბოროტი გადანწყვეტილება, ეშ-მაკის შურით სვიმონ მეფის მკვლეელი გახდა – ღალატით მოკლა სანოლ-ში მძინარე. თავი მოჰკვეთა და თეიმურაზ ბატონს გაუგზავნა. აქ დას-რულდა დიდი მეფე ლუარსაბის მოდგმა. ზურაბ ერისთავმა, მისი თავის გაგზავნის შემდეგ, ჩაიყვანა ბატონი თეიმურაზი და ქართლ-კახეთში მბრძანებლად დასვა.

მცირე დროის გასვლის შემდეგ გაიხსენა თეიმურაზ ბატონმა წახ-ეთის სულთნის³⁶⁸ დანაშაული. რადგან, როცა ყაენი შაჰ-აბასი მოვიდა კახეთის გასაჩანაგებლად და ააოხრა მთელი კახეთი, მაშინ წახეთის სულთანი დაეხმარა და მრავალი ბოროტება გაუკეთა კახეთს. ამიტომ ბატონმა თეიმურაზმა ფარულად მოიხმო ქართლ-კახეთის მხედრობა, გაილაშქრა და წავიდა წახეთის წინააღმდეგ. როცა ალონში³⁶⁹ ჩამოვი-და, ნაიბორძიკა ცხენმა, რომელზეც თეიმურაზ ბატონი იჯდა და ხელი

მოიტყება. თვითონ აღარ შეეძლო, ზურაბ ერისთავი დააყენა მეთაურად და გაატანა ჯარი. ნავიდნენ, უჩუმრად შევიდნენ და თავს დაესხნენ წუხეთის სულთანს, მახვილით ამოხოცეს ყველა იქ მყოფი. ააოხრეს და გააჩანაგეს სულთნის მთელი ქვეყანა და თემები. თვითონ ის სულთან-იც შეიპყრეს და მოკლეს. წამოიღეს ბევრი ნადავლი და მათი ნატაცები. დაბრუნდნენ გამარჯვებულები და მოვიდნენ ბატონ თეიმურაზთან. ესამოვნა თეიმურაზ ბატონს და ძალზედ გამხიარულდა.

ამასობაში გამოხდა ხანი და გაიხსენა ზურაბ ერისთავის უწინ-დელი უკეთურება. დიდი შუღლი ჰქონდა მის მიმართ, მარჯვე დროს ეძებდა, რომ რაიმე ბოროტება შეემთხვია მისთვის და გადაწყვიტა მისი მოკვლა. არ მოერიდა სიძის სიყვარულს, არც მისი ასულის დარე-ჯანის ქვრივობას. მუხრანში [იმყოფებოდა] მაშინ ბატონი თეიმურაზი. იქ სურდა ელაღატა ზურაბ ერისთავისთვის. მოიხმო ბატონმა თეიმურაზმა საიმედო ყმები³⁷⁰ და გაანდო თავისი გულის საიდუმლო, ასე თქვა: „რადგან იმდენად გაძლიერდა ზურაბ ერისთავი, რომ არ უნდა ქართლსა და კახეთს მბრძანებელი ჰყავდეს, ვისაც მოისურვებს, დააყენებს, ხოლო ვინც არ უნდა, ზოგს მოჰკლავს, ზოგს განდევნის, ახლა მინდა მისი მოკვლა და თქვენ არ გაამხილოთ ეს საიდუმლო. როცა მე მისი მოკვლის [ბრძანებას] გამცნობთ, თქვენ ურჩობა არ დამიწყით“. ასე შეაგულიანა თავისი ყმები, გაგზავნა კაცი და მოიხმო ზურაბ ერისთავი. მოვიდა იგი, გაერთნენ, ლხინობდნენ და ვერაფერს მიხვდა ერისთავი. ერთ დღესაც, [როცა იქ] ისხდნენ მისი ყმები, ანიშნა ბატონმა თეიმურაზმა. მათ ერისთავის უჩუმრად აიღეს ხმლები, ნადიმზე მჯდომს უღალატეს და მოკლეს. მასზე აღსრულდა უფლის ბრძანება: რომელმაც აიღოს მახვილი, მახვილით დაიღუპოს (შდრ. მათე 26, 52). შური იძია ბატონმა თეიმურაზმა, ნავიდა დუშეთში, წამოიყვანა თავისი ასული დარეჯანი, მოვიდა და მუხრანში დადგა.

მაშინ განიზრახა იმერეთის მბრძანებელის ალექსანდრე გიორგის ძის მძახალი გამხდარიყო. [გიორგის] სამი ვაჟი ჰყავდა: ალექსანდრე, მამუკა და ნაბოლარა, სახელად ბერი. თავისი ასული დარეჯანი, ზურაბ ერისთავის ყოფილი ცოლი, გაატანა ალექსანდრეს, იმერეთის მბრძანებლის ვაჟს. მოიხმო იმერეთიდან და ჩამოიყვანა მუხრანში, სოფელ ქინძარაში. ქინძარას მცირე ეკლესიაში უკურთხა გვირგვინი და ქორწილი გადაიხადა. ალექსანდრეს პირველად გურიელის ქალი ჰყავდა ცოლად. რალაც ცილი დასწამა გურიელის ქალს და ამის გამო გაშორდა

ალექსანდრე. ცოლად შეირთო დარეჯანი და წაიყვანა იმერეთში. იმხანად იმერეთის მბრძანებელ გიორგისა და დადიანს ერთმანეთის შური ჰქონდათ. მტრობა და შულლი ჰქონდათ ერთმანეთში და ერთმანეთს უოხრებდნენ სამფლობელოებს.

ბატონმა თეიმურაზმა შეკრიბა თავისი ჯარი, წავიდა და ულიკოსორში ლეკებს დაესხა თავს, რადგან ისინი კახეთს ესხმოდნენ თავს, ავაზაკობდნენ, ხალხს ხოცავდნენ, ტყვეები მიჰყავდათ და ჰყიდდნენ. ამის გამო შური იძია ბატონმა თეიმურაზმა. შეიჭრა, გაიმარჯვა და მახვილით გაავლო მუსრი ყველა იქ მცხოვრებს. წამოვიდნენ იქიდან მტრებისგან დაუმარცხებელნი და დაბრუნდნენ კახეთში.

აღარავინ ჰყავდათ ქართლელებს მკვიდრი მეფე და არც ბატონიშვილები, მხოლოდ მცირედ ემორჩილებოდნენ კახეთის მბრძანებელ თეიმურაზს და განიცდიდნენ ქართლის მეფეების ამონყვეტას. ამიტომ, რაკილა [ტახტის] მემკვიდრეებზე იმედს ველარ დაამყარებდნენ, დროებით ეგუებოდნენ ვითარებას. დაჰყვებოდნენ [თეიმურაზს] ლაშქრობასა და ნადირობაში. არ წუხდნენ, [ქართლი] რომ მას ჰქონდა დამკვიდრებული და მის ზურგს უკან ამბობდნენ: „დღეს არის და ხვალ აღარ იქნება“.

იმჟამად ქართლიც კახეთის ბატონ თეიმურაზს ჰქონდა დაკავებული. ამიტომ აწყობდა ლაშქრობებს, რადგან მრავალრიცხოვანი ჯარი ჰყავდა და ძალმომრეობდა მის ყველა მოწინააღმდეგეზე. ძველი შური იძია მის მტრებზე. ისევ მოიხმო ქართლელები და კახელები, შეიკრიბნენ ყველანი და წავიდა ყარაბაღის გასაჩანაგებლად და ასაოხრებლად. მოულოდნელად თავს დაესხნენ, იავარყვეს და ასაოხრეს მთელი ყარაბაღი. წამოასხეს ტყვეები და ბევრი ნადავლი წამოიღეს. ძლევამოსილნი წამოვიდნენ და დაბრუნდნენ კახეთში.

იმხანად განჯას განაგებდა უნდილაძის გვარის კაცი, დაუდხანი ერქვა, ყიზილბაშებში იყო გაზრდილი. მის ძმებსა და ახლო ნათესავებს იცნობდა ყაენი შაჰ-აბასი. მის კარზე მრავალგვარად წამსახურები, ყაენის მხარდამჭერები და ერთგულები იყვნენ. ბევრ სიკეთეს უკეთებდა ყაენი შაჰ-აბასი მათ. მაგრამ მაინც მათი უნდობლობისა და სიბოროტის ჩვევამ იმარჯვა, როგორც ნათქვამია: „ჩვეულება რჯულზე უმტკიცესიაო“. მათი ჩვეულება მართლაც არის მათ რჯულზე უფრო მტკიცე. შაჰ-სეფიმ შეიპყრო დაუდ-ხანის ძმა და თავი მოჰკვეთა, მის შვილს თვალელები დათხარა და ექვსი ძმისშვილი მოუკლა. ეს რომ

დაუდ-ხანმა შეიტყო წამოვიდა განჯიდან და კახეთში ჩამოვიდა ბატონ თეიმურაზთან. თან ჰყავდა ყაჯრის ჯარი მათი ცოლ-შვილით. ივრის პირზე დაასახლა [თეიმურაზმა]. ეს რომ შეიტყო ყაენმა შაჰ-სეფიმ, შაჰ-აბასის ძემ, ძალიან ეწყინა.

როსტომ მეფე³⁷¹

მაშინ იყო ერთი როსტომ სააკაძე, ყაენის კარზე აღზრდილი. როსტომ სააკაძე გამოჩენილი კაცი იყო და ყიზილბაშებისგან მეტად პატივცემული. [ყაენმა] სპასალარობა მისცა, გამოგზავნა ქართლში და თან გამოატანა ქართლის მბრძანებლად ხოსრო-მირზა, დაუდ-ხანის ძე, რომელიც უნინ ვახსენეთ. ხოსრო-მირზას მისცა ყაენმა ქართლი და უწოდა როსტომ-ხანი. ორივე ერთად გამოგზავნეს როსტომ-ხანი და სპასალარი როსტომ სააკაძე. კახეთი კი სელიმ-ხანს მისცა და ისიც თან გამოაყოლა. გამოემართნენ, ჩამოვიდნენ და დაიბანაკეს ხუნანში, სადაც არის გატეხილი ხიდი. ეს რომ შეიტყო ბატონმა თეიმურაზმა, შეკრიბა თავისი ჯარი, მოვიდა და საფურცლეში დადგა. ცოლ-შვილიანად მოიხმო ბარათაშვილები, მორეკა მუხრანში და იქ დატოვა. ბარათაშვილებმა გაიგეს ხუნანში როსტომ მეფის მოსვლის ამბავი, ცოლ-შვილი დატოვეს და როსტომ მეფესთან წავიდნენ. მეტად განრისხდა ბატონი თეიმურაზი ბარათაშვილების წასვლის შესახებ როცა გაიგო, უნდოდა ცხვირ-პირი დაეჭრა ბარათაშვილების ცოლ-შვილისათვის, მაგრამ ხორეშან დედოფალმა არ დაანება. ველარ გაჩერდა ბატონი თეიმურაზი მუხრანში, არც ის შეეძლო, რომ როსტომ მეფისთვის გაეწია წინააღმდეგობა. მაშინ ცოლ-შვილით გადავიდა იმერეთში და ზოგიერთი კახელიც თან გაჰყვა.

იმხანად მუხრანს ფლობდა ვახტანგი, თეიმურაზის ძე. ამათი წასვლის შემდეგ ადგა ვახტანგი და მივიდა როსტომ მეფესთან. გაიგეს ყიზილბაშებმა ბატონი თეიმურაზის წასვლის ამბავი და მდევარი დაადევნეს. ბატონმა თეიმურაზმა და ზოგიერთმა კახელმა იმერეთში გადაასწრეს, ზოგს კი პერანგაზე წამოეწივნენ. ზოგი მოკლეს, ზოგი შეიპყრეს, დაატყვევეს გახიზნულები, წამოვიდნენ და დაბრუნდნენ როსტომსპასალართან. ძალიან ბევრნი იყვნენ ყიზილბაშები, მოიყვანეს და დასვეს როსტომ მეფე ქართლში. ქართლელები მასთან შეიკრიბნენ, ხოლო სელიმ-ხანი ჩაიყვანეს და დასვეს კახეთში. მაშინ ააშენეს გორის ციხე და შიგ მცველები ჩააყენეს. მეციხოვნეები სურამის ციხეშიც

ჩააყენეს. როსტომ მეფეს დამხმარედ მისცეს ლორეს, ყაზახისა და შამ-შადილოს ხანები. სელიმ-ხანს კი დამხმარედ დაუდგინეს განჯისა და ყაჯარის ჯარები.

როსტომ მეფე მეტად მდიდარი და შეძლებული იყო, რადგან ყაენი ბევრს სწყალობდა. ყულარალასი იყო და ისპაჰანის ტარულა³⁷². დიდად სწყალობდა ყაენი როსტომ მეფეს, მრავალ [ძღვენს] უგზავნიდა, როსტომ მეფე კი ქართლელებს ურიგებდა ლეინის ხალათებსა და პატარა-პატარა საჩუქრებს, რადგან მაშინ ქართლელი [მამაკაცები] არ იცვამდნენ [მუსლიმურ] კაბებს და არც მორთვა უყვარდათ. ამ მცირედი საჩუქრებით შემოიკრიბა ქართლელები და მოიპოვა მათი ნდობა. მაშინ ქართლელები გულწრფელები იყვნენ, არ ჰქონდათ შეთვისებული ყიზილბაშური ხრიკები და მატყუარობა. როსტომ მეფეს კი ხალხი ჰყავდა, მოხერხებული და მიზანდასახული კაცი იყო. იმხანად ვინც კი იყვნენ სპარსეთში დატყვევებული და გათათრებული ქართლელები, ყველა დააბრუნა ქართლში³⁷³. ქართლის გათათრება უნდოდათ. ყიზილბაშურ წესებს მისდევდა და ყიზილბაშურად მოაწყო თავისი კარის წესები. მოხელეებად და მსაჯულეებად თათრები დააყენა ქართველი მოხელეებიც არ დაითხოვა,³⁷⁴ დიდებულად იქცეოდა.

იმხანად ქართლის მეფეთა სასახლე [თბილისის] ციხეში იყო, სადაც წმიდა ნიკოლოზის საყდარი დგას. როსტომმა დატოვა [ეს სასახლე], იქ ყიზილბაში მიმბაში³⁷⁵ დასვა. თვითონ გამოვიდა და დასახლდა მტკვრის პირას, ანჩის საყდარსა და სიონს შორის. იქ ციხეშიც ააგო მეჩეთი, აბანოს პირდაპირ, ხევის გადმოღმა და თავის სასახლეშიც ააშენა მეჩეთი. ასევე გააშენა ბალი იჩიტუნტრუხის⁴⁷⁶ კლდის ქვემოთ და იქაც ააშენა მეჩეთი.

იმხანად ერისთავად იჯდა დათუნა არაგვის ერისთავი და არ ერთგულებდა როსტომ მეფეს. თეიმურაზთან ეჭირა საქმე და როსტომ მეფის სამსახურშიც იყო. ეს ხრიკი რომ შეუტყო როსტომ მეფემ, ჯარი შეკრიბა, შევიდა მუხრანში და შეუთვალა დათუნა ერისთავს: „მომეცი პირობა, რომ ყაენთან ნახვალ, ხელს შეგინყო და გაგზავნი, თუ არადა შემოვიჭრები და სამფლობელოს აგოხრებო“. არ შეეძლო როსტომ მეფისთვის წინააღმდეგობის განევა, წამოვიდა მეფესთან და მოვიდა. უღალატა როსტომ მეფემ, თავი მოჰკვეთა და ყაენს გაუგზავნა. აცნობა, რომ ეს მაჩხუბებდაო ბატონ თეიმურაზთან. თვითონ კი შეიჭრა მის საერისთავოში. დათუნა ერისთავს ჰყავდა ძმა, ზაალი. მან შეკრიბა თავისი ჯარი, წინ დაუხვდა, გაიმარჯვა და უკან გამოაბრუნა.

მაშინ გაუგზავნა კაცი ზაალმა ბატონ თეიმურაზს, გაუგზავნა მძევლები და საშინელი ფიცით შეუთვალა: „მოდით და მბრძანებლად გაგხდით“. თეიმურაზ ბატონს მოუვიდა კაცი, არ შეეძლო ქართლზე წამოსვლა. იმერეთიდან დვალეთზე გადმოვლით ჩამოვიდა ანანურში და იქ გაჩერდა. ხალხი მიუჩინეს, ემტერებოდნენ როსტომ მეფეს, მაგრამ ვერსად ჩაიგდეს ხელში. სიფრთხილეს იჩინდა და ქალაქის ციხეში იყო. მაშინ კი ერთგულად დაუდგა მხარში ზოგიერთი მდაბიო ქართლელი. ციხესიმაგრეში იჯდა და ვერ მტრობდნენ.

სელიმ-ხანი მოსაბრუნში იჯდა, კახეთის ქვეყანაში. იქ ააშენა სახლი. რაკი დაინახეს, რომ როსტომ მეფეს ვერაფერი დააკლეს, მერე სელიმ-ხანს მიუხდნენ და თავს დაესხნენ. თვითონ სელიმ-ხანმა გაასწრო, ვერ შეიპყრეს, სხვები კი, მისი ყმა თათრები, ვინც კი ჩაიგდეს ხელში, დახოცეს, ზოგი დაატყვევეს. წამოვიდა ბატონი თეიმურაზი და კახეთი დაიკავა. მაშინ კახეთი დაუძღურებული იყო, ვერ გაჩერდა როსტომ მეფის შიშით, წავიდა, ანანურთან დადგა და იქიდან ქართლშიც მოქმედებდა.

იმხანად როსტომ მეფემ და დადიანმა დამოყვრება გადაწყვიტეს. მაშინ ლევან დადიანი და იმერეთის მბრძანებელი ერთმანეთს ემტერებოდნენ, დიდი შუღლი ჰქონდათ ერთმანეთში. ამიტომ მოინდომა დადიანმა როსტომ მეფესთან დამოყვრება. როსტომ მეფემაც იმის გამო მოისურვა დადიანთან დამოყვრება, რომ ბატონი თეიმურაზი მისი მტერი იყო და იმერეთში გამაგრდებოდა ხოლმე. [უნდოდა] დადიანი მისთვის გადაემტერებინა. არავინ ჰყავდათ ისეთი, რომ ერთმანეთისთვის გაეყოლებინათ. დადიანს ჰყავდა და, სახელად მარიამი, იგი სვიმონ გურიელს³⁷⁷ ჰყავდა ცოლად. მარიამი ათაბაგის ასულის გაჩენილი იყო. მაშინ დაგმო ღმერთი სვიმონ გურიელმა, ეშმაკის შურით აბორგებულმა მოკლა მამამისი მამია გურიელი³⁷⁸, სანოლში მყოფი მოკლა ლალატი. ლევან დადიანმა რომ გაიგო, მოიმიზეზა ეს ამბავი და შეუთვალა სვიმონ გურიელს: „რადგან ეს ბოროტი საქმე ჩაიდინე, მე ჩემს დას შენ აღარ დაგიტოვებო“. შეკრიბა ჯარი ლევან დადიანმა და თავს დაესხა ლანჩხუთს. იქიდან სვიმონ გურიელმაც შეკრიბა ჯარი. სვიმონ გურიელი მხნე და გაბედული კაცი იყო, ისიც ჩავიდა ლანჩხუთში. შეიბნენ და გაიმარჯვა ლევან დადიანმა. შეიპყრო სვიმონ გურიელი, თვალეები ამოუშანთა და წაართვა მარიამი, თავისი და. გურიის მთავრის ტახტზე ქაიხოსრო³⁷⁹ დასვა, გურიელის ბიძაშვილი. ქაიხოსრო მარიამ დედოფლის ძმა იყო დედის მხრიდან. როსტომ მეფეს კაცი გამოუგზავ-

ვნა და აღუთქვა ქალს მოგცემო. ესიამოვნა როსტომ მეფეს და გაემზადა ქალის წამოსაყვანად. შემოიკრიბა ქართლელები და წამოვიდა. იმხანად ლევან დადიანი მეტად ძლიერი იყო, როგორც ქონებით, ისე ჯარით. აქედან როსტომ მეფე წავიდა მრავალრიცხოვანი მხედრობით, იქიდან კი დადიანი შეკრებილი [ამალით] და თან წამოიყვანა მარიამი, თავისი და. იმერეთის მბრძანებელ გიორგის შიში ჰქონდათ. წამოვიდა სამიქელაძეოზე, გამოიარა ფოკე, გადმოლახა რიონი, ამოიარა საჩხეიძეო და მოვიდა დადიანი კაკას-ხიდთან. როსტომ მეფეც სამცხის გავლით წამოვიდა. კაკას ხიდზე შეხვდნენ ერთმანეთს როსტომ მეფე და დადიანი, ერთმანეთთან პირისპირ დაბანაკდნენ, სიახლოვით.

მაშინ შეკრიბა თავისი მხედრობა იმერეთის მბრძანებელმა გიორგიმ და ისიც წავიდა მათ წინააღმდეგ, შებრძოლება გაბედა, არ შეეშვათ. ისიც მათ სიახლოვეს მივიდა და დადგა. გიორგიმ თავისთვის იფიქრა და გადაწყვიტა, მსუბუქად წავალ და დავთირავ მათ ჯარსო და წავიდა. იმერლებმა ურჩიეს, მარტო ნუ წახვალო, მაგრამ თავისი არ დაიშალა. ათი კაცით წავიდა და მალლობიდან გადახედა მათ ჯარს. შეუტყო ეს საქმე ლევან დადიანმა, გაგზავნა თავისი მხედრები, ნახეს გიორგი, რომ მცირე რაზმით იყო, შეუტიეს, შეიპყრეს და მიიყვანეს დადიანთან. მაშინ ქრისტეს აქეთ 1632³⁸⁰ [წელი] იყო. დადიანს ესიამოვნა, მეტად გამხიარულდა და დაატყვევა, ქალი კი როსტომ მეფეს გაატანა. წამოვიდა როსტომი და წამოიყვანა. დადიანიც გაბრუნდა უკან და თან წაიყვანა გიორგი. ციხეში ჩააგდო და ტყვეობაში ჰყავდა. ალექსანდრე³⁸¹ გიორგის ძე მამისის ნაცვლად დაეუფლა [იმერეთს]. იმავე გზით წამოვიდა როსტომ მეფე, რომლითაც ჩავიდა. მაშინ გათათრებული იყო ათაბაგი, ამიტომ ათაბაგად აღარ იხსენიებდნენ, არამედ ფაშას ეძახდნენ ოსმალურად. მაშინ ფაშა იყო იუსუფ-ფაშა, საფარ-ფაშას ძე³⁸². მან გზა მისცა როსტომ მეფეს, გამოიარა ოცხე და ჩამოვიდა ქართლში. გადაიხადა მეფური, დიდებული ქორწილი. ალექსანდრემ, გიორგის ძემ, დადიანს მამამისის გათავისუფლება სთხოვა და გამოსასყიდი შესთავაზა. დადიანმა ჩიხორსა და ჩხარში მცხოვრები სომხები მოსთხოვა საფასურად. აჰყარა და მისცა, რაც მოითხოვა, გაათავისუფლა მამამისი და ჩამოიყვანა იმერეთში. ცოტა ხანი კიდევ იცოცხლა გიორგიმ და გარდაიცვალა. ტახტზე მის ნაცვლად ავიდა ალექსანდრე, მისი ძე.

ამის შემდეგ დადიანი მეტად მძლავრობდა იმერეთზე. ისე გაუჭირდა ალექსანდრეს, რომ ქუთაისს გალავანი შემოავლო, შიგნით იჯდა და ლე-

ვანს წინააღმდეგობას ვერ უწევდა. ყოველ საუფლო დღესასწაულზე, – შობას, ახალ წელს, ნათლისღებას, აღდგომას, – შემოიჭრებოდა დადიანი და არბევდა იმერეთის ქვეყანას. ზოგს ხოცავდა, ზოგს ატყვევებდა და ჰყიდიდა, ან დაიტოვებდა და თავს გამოასყიდებინებდა. ამ დროს შემოიღო ლევან დადიანმა ტყვეებით ვაჭრობა და გამოსასყიდის [აღება]. მანამდე ტყვეებით ვაჭრობა არ ყოფილა. დადიანი ძალიან მდიდარი იყო, მთელი აფხაზეთი ემორჩილებოდა. შარვაშიძეები მისი ყმები იყვნენ და ლაშქრობებში თან ახლდნენ დადიანს. როსტომ მეფეც ძალიან გაძლიერდა და ველარაფერი დააკლეს მტრებმა. ამასობაში გაიარა სამმა წელიწადმა.

მაშინ განუდგნენ ბატონ თეიმურაზს ზაალ არაგვის ერისთავი და ქსნის ერისთავი. ესენი ემხრობოდნენ მას და ამეფებდნენ კახეთში. მაშინ კახეთი გაჩანაგებული იყო, ლტოლვილი ხალხიც დაბრუნდა და მას შემდეგ ნელ-ნელა დაიწყო აღშენება და დასახლება. იმხანად ბატონი თეიმურაზი ხან შეურიგდებოდა ყაენს და საჩუქრებს გაუგზავნიდა, ხან ისევ განუდგებოდა. კახეთში იმყოფებოდა და ასე მეფობდა.

მაშინ ბატონმა თეიმურაზმა იფიქრა და გადაწყვიტა, რომ დაეპყრო დიდოეთი. უნდოდა იქიდან რუსეთისკენ გაეხსნა გზა, რუსეთის მეფისგან ზურგი გაემაგრებინა და იქიდან რუსული ჯარი შემოეყვანა – ასეთი წადილი ჰქონდა. შეკრიბა ჯარი და დაიძრა დიდოეთისკენ. დიდოეთის მოქცევა უნდოდა, შეიჭრა დიდოეთში, აიღო ზოგიერთი კოშკი და ადგილი. დიდოელებმა ლეკებისგან ითხოვეს დახმარება. მაშინ ლეკები ძალიან ემტერებოდნენ კახელებს, რადგან ბატონი თეიმურაზი დაესხა თავს და ბევრი უბედურება დაატეხა ლეკებს. თავიდანვე მტრობა ჰქონდათ, ამიტომ ემტერებოდნენ ლეკები კახელებს. უშველეს ლეკებმა დიდოელებს და დაეხმარნენ, სიმაგრეში დაუხვდნენ ბატონ თეიმურაზს, დაუშინეს საგორავები, ქვეები და ისრები. მრავალი [ხალხი] ამოუნყვიტეს და გამოდევნეს ბატონი თეიმურაზი. ვინც კი ჰყავდა გამორჩეული ეპისკოპოსი და წარჩინებული, ყველა იქ ამოუნყვიტეს. კახეთში ჩამოვიდა და იტირა: „ვაი, ეპისკოპოს-დარბაისლებ ამონყვეტილსო“.

ამასობაში გამოხდა ხანი. შეთქმულება მოაწყვეს ზაალ ერისთავმა, იოთამ ამილახორმა, ნოდარ ციციშვილმა, კათოლიკოსმა ევდემოზ დიასამიძემ, გიორგი გოჩაშვილმა და კიდევ ზოგიერთმა სხვა ქართელმა. ამათ გადაწყვიტეს, განდგომოდნენ როსტომ მეფეს. ევდემოზ კათოლიკოსი უფრო ცდილობდა იმიტომ, რომ დათუნას,

თეიმურაზ ბატონის შვილს, ცოლად ჰყავდა მისი ძმის ასული. კაცი გაუგზავნეს ბატონ თეიმურაზს, შეჰფიცეს, დიდი პირობა მისცეს და მოიხმეს: „ისევ დაბრუნდი ქართლში და ბატონად გაგხდითო“. ამის გამო შეკრიბა ნოდარმა ჯარი და წავიდა. შეიტყო ეს ამბავი როსტომ მეფემ, შეკრიბა ჯარი და ისიც წამოვიდა ნოდარის წინააღმდეგ. მოვიდა და დაბანაკდა საჯავახიანოში. ნოდარმა რომ გაიგო როსტომ მეფის წამოსვლის შესახებ, გაიქცა და წავიდა. უკან დაედევნა როსტომ მეფე. იმხანად ნოდარს თან ახლდა ორი ძმა, ჩხეიძეები, ხიზანები იყვნენ და ნოდართან ცხოვრობდნენ. როსტომ მეფე რომ წამოენია ნოდარს, შემოუბრუნდნენ ძმები ჩხეიძეები, შეებრძოლნენ და ისინიც დახოცეს. ნოდარი კი გაიქცა და შევიდა ატენის ციხეში. მივიდა როსტომ მეფე და ალყაში მოაქცია. ველარც იქ გამაგრდა ნოდარი და ზემო ქართლში გაეშურა, რომელიც არის საათაბაგო. როსტომ მეფემ აიღო ციხე და დაღენა, წამოვიდა იქიდან და ცხირეთში გაჩერდა. მიიხმო დედოფალი მარიამი და იქ იმყოფებოდნენ.

ევდემოზ კათოლიკოსიც იქვე იმყოფებოდა როსტომ მეფესთან. ისევ შეუთვალა კათოლიკოსმა ბატონ თეიმურაზს: „ნოდარის წასვლის გამო საქმეს რატომ წაახდენ, უკან რატომ გაბრუნდიო“? მაშინ თეიმურაზ ბატონს ზაალ ერისთავი შეუერთდა, მოვიდნენ და მუხრანში გაჩერდნენ. ისევ გაუგზავნა კათოლიკოსმა კაცი: „ნულარ აყოვნებთ, მოდით და გაგაკეთებინებთ, რაც გინდათო“. ეს საქმე შეიტყო ვახტანგ მუხრანბატონმა, სწრაფად გაუგზავნა კაცი როსტომ მეფეს და აცნობა საქმის ვითარება. მაშინ დედოფალი გაგზავნა გორის ციხესიმაგრეში, თვითონაც უკან გაჰყვა. მივიდნენ გორის ციხეში და იქ გამაგრდნენ. ბატონი თეიმურაზი უფლისციხეში ჩამოვიდა, ველარაფერი გაანყო, გამობრუნდა და წამოვიდა. წინ დაუხვდა ვახტანგ მუხრანბატონი, ბევრი ზარალი მიაყენა და წავიდა კახეთში. შეიპყრო როსტომ მეფემ ევდემოზ კათოლიკოსი, გაგზავნა ქალაქის ციხეში და დაატყვევა. გარკვეული დროის შემდეგ იქვე ციხეში მოაშთობინა. გიორგი გოჩაშვილი შეიპყრო და თვალები დასთხარა. სხვები, ვინც კი როსტომ მეფის ორგულები იყვნენ, ზაალ ერისთავისა და იოთამ ამილახორის გარდა, ზოგი დაახეიბრა, ზოგს მამულები ჩამოართვა და გააძევა თავისი სამკვიდროდან. იოთამ ამილახორი, ხან როსტომ მეფეს ემხრობოდა და ხან ბატონ თეიმურაზს. საითკენაც დროს იმარჯვებდა, იქით დადგებოდა.

ეს საქმე რომ მოაგვარა როსტომ მეფემ, შეკრიბა ქართლის ჯარი და ყიზილბაშები, რომლებიც ყაენმა [დამხმარედ] დაუდგინა, ისინიც შეკრიბა და წამოვიდა კახეთში ბატონი თეიმურაზის წინააღმდეგ. მაშინ ბატონი თეიმურაზი მცირე ამალით იდგა მაღაროში, კახელები თავთავისთვის იყვნენ³⁸³. თავს დაესხა როსტომ მეფე. ვინრო გასასვლელებში აუტეხა სროლა ბატონმა თეიმურაზმა. რამდენიც შეეძლო იომა ბატონმა თეიმურაზმა. ველარ გამაგრდა როსტომ მეფე, გამოიქცა და თბილისში ჩამოვიდა. აღარ დაედევნა ბატონი თეიმურაზი, მისი მრავალი საქონელი ჩაიგდო ხელში, აიკლო, წამოიღო, წამოვიდა და მოვიდა თავის სახლში. დანახეს ზაალ ერისთავმა და იოთამ ამილახორმა, რომ ამ დამარცხებითაც ვერაფერი დააკლეს, მოლაპარაკება დაიწყეს როსტომ მეფესთან და ეხვეწებოდნენ: „შევრიგდეთ და გვიმსახურეო“. როსტომ მეფემ ასე უპასუხა ზაალ ერისთავს: „თუკი ნახვალ ყაენთან, შეგირიგდები, ხოლო თუ არ ნახვალ, ჩემთან საქმე არა გაქვსო“. დაჰყვა ზაალ ერისთავი, მოიყვანა და შეირიგა. გაგზავნა ყაენთან და კარგი წერილები მისწერა ყაენს. ყაენთან რომ ჩავიდა ზაალ ერისთავი, დიდი პატივი სცა. როსტომ მეფის შუამდგომლობით, კარგად მიიღო და ბევრი წყალობა მისცა – წელიწადში სამასი თუმანი ჯამაგირი დაუნიშნა, გაათათრა და ქართლში გამოუშვა. მოვიდა როსტომ მეფესთან და მას შემდეგ მისი ერთგული იყო.

იმ დროიდან დაიწყო ქართლის წეს-ჩვეულებებმა შეცვლა. ყველამ შეიყვარა ანგარება და სიმდიდრე, ჯამაგირი და ყაენისაგან მამულის მიღება. შემოიღეს ყიზილბაშური ჩაცმულობა, ქართლის დიდებულები და თავადები ყაენისგან მდიდრდებოდნენ და რაყამით შოულობდნენ მამულებს. თვითონ როსტომ მეფის სურვილი ასეთი იყო, რომ ყაენის დაუკითხავად არავის არაფერი მისცემოდა. თუკი ვინმეს დაწინაურება უნდოდა, ყაენს დაეკითხებოდა. ყაენის მორჩილი და მაჰმადის რჯულის მოყვარე კაცი იყო როსტომ მეფე. მან ააშენა ყიზილბაშური სასახლე. ლამაზად და მშვენივრად ააგო. შემოიღო [ხალიჩებისა და ფარდაგების] დაფენა, [ყიზილბაშური] ჭამა-სმა, თავმონონება და ხალიჩებზე მორთხმა. მთლიანად ყიზილბაშურ წესებზე გადავიდნენ. გამრავლდა მის კარზე სიძვა და უწმიდურება, სოდომ-გომორული ცოდვა, მეძავობა და მრუშობა. ასევე მოისურვა ციხის გამაგრება და შიგნით მყოფი თათრების გათავისუფლება. გაძლიერდნენ თათრები და გაუთავხედდნენ ქართლებს. ვინც იყო ქართლელი, მათი წესის მოყვარული, მეძავი და

სიბილწისმოქმედი, დიდ პატივს სცემდა როსტომ მეფე, [რჩევას] ეკითხებოდა და ყურს უგდებდა. ხოლო თუკი ვინმე იყო სიმართლისმოქმედი, გულწრფელი და ცოდვასმორიდებული, მას საერთოდ არ სცემდა პატივს, ცუდ და შეუფერებელ კაცად მიიჩნევდნენ.

დღითიდღე სმასა და განცხრომაში იყვნენ, სულისათვის კი საერთოდ აღარ ზრუნავდნენ. მოიყვანა მეჩანგეები და მგოსანი ქალები. აქებდნენ ქართლელი წარჩინებულები, მათაც ასევე გაიჩინეს მეჩანგე ქალები, ბლომად მხევლები და აღარ იყო სირცხვილი სიძვისა და მეძავობისა. ქართლელებმაც ისწავლეს ყიზილბაშურად ჭამა-სმა, დიდ სირცხვილად მიაჩნდათ მაგიდასთან სუფრის უფლობა (თამადობა) და არა ხალიჩებზე მორთხმა. ვისაც არ შეეძლო ამ წესების მიყოლა, გაღარიბდნენ, გაყიდეს მამა-პაპის დანატოვარი მამულები და აგარაკები. [ძვირფასად] იმოსებოდნენ, ჭამდნენ, სვამდნენ და შვილებზე საერთოდ აღარ ზრუნავდნენ. მაშინ შემოიღეს თავადებმა ზოგიერთ ადგილში ტყვეებით ვაჭრობა. ვინც იყო ობოლი და ქვრივი, გამოიყვანდნენ, გაჰყიდინდნენ და გამრავლდა ცოდვა.

სამღვდელო ეპისკოპოსების ერთგულება იმით მოიპოვა [როსტომ-ხანმა], რომ ყველას ჯამაგირი დაუნესა, თავმდაბლად და ტკბილად ექცეოდა. ამიტომ უზრუნველად იყო სამღვდელოთა კრებული. ააშენა წმიდა კათოლიკე ეკლესია – მცხეთის გუმბათი³⁸⁴ და კიდევ რამდენიმე სხვა გაპარტახებული ეკლესია. ასევე ააგო გატეხილი ხიდი. იყო ჭამა-სმის მოყვარე, ბევრ საჩუქრებს გასცემდა სმის დროს. მის დროს ერისკაცებში არ იყო სულიერი საზრუნავი. არამედ იყვნენ გაფუფუნებული და ხორციელების მოყვარულნი. თვითონ სამღვდელონი და მღვდელთმთავრებიც მიდრკნენ წესიერებისგან და აღერივნენ ერისკაცებს, იერემის გოდებისაებრ, რადგან იყვნენ ღვინის მოყვარე, სმისა და შვების, განცხრომის [მოყვარე], უმღეროდნენ ერთმანეთს სიძვა-მრუშობასა და მეძავობას. ამის გამო მოუძღურდა სარწმუნოება და შეიბღალა ეკლესიის წესები, რადგან აღარ ეძიებდნენ სულიერ ღვანლს, არამედ ხორცისთვის ზრუნავდა ყველა.

როცა მოკლა კათოლიკოსი ევდემოზ დიასამიძე,³⁸⁵ მაშინ როსტომ მეფემ, თავისი წინასწარი გადანყვეტილებითა და მთელი საქართველოს მღვდელთმთავრებისა და სამღვდელო დასის გამორჩევით, კათოლიკოსობა მისცა ქრისტიფორე ურდუბეგაშვილს.³⁸⁶ ქრისტიფორე კათოლიკოსი იყო სიმართლის მოყვარე კაცი, მშვიდი, თავმდაბალი, გულტკ-

ბილი, ყველას მიმართ მწყალობელი, სინმიდის მოყვარე, სახით სახიერი და ღირსი თავისი ხარისხისა და ნოდებისა. ამავე დროს აღზრდილი იყო საერო-ვაჟკაცურ ლაშქარ-ნადირობაში და [ამის] გამოცდილება ჰქონდა. მაგრამ წიგნიერი არ იყო, მცირედი სწავლა-განათლება გააჩნდა. კარგად განაგებდა წმიდა კათოლიკე ეკლესიას.³⁸⁷

როსტომი [ყაენისადმი] ყოველგვარ ძღვენს უფრო მეტს გზავნიდა. მეტადრე იმ სიტყვას გადავიდა, რომელიც დატოვა სვიმონ მეფემ; [უნინ] ამ წესით ხდებოდა: ან ებრაელის შვილი, ან ნაყიდი [ყმა], ან ოსი იგზავნებოდა [ყაენთან]. ამან კი გამოიყვანა ქართლელი გლეხების, აზნაურებისა და დიდებულების ასულები და ვაჟები და მათ აგზავნიდა. ამ დროიდან შემოიღეს ეს [წესი] და ქართლის ყველა მეფე ასე იქცეოდა, ვიდრე დღევანდელ დღემდე.

მთელი ქართლი დაიმორჩილა როსტომ მეფემ, მეტად ერთგულები იყვნენ. შეკრიბა თავისი მხედრობა, მივიდა და საფურცლეში დადგა. იქიდან მოუხმო ყიზილბაშ ხანებს, რომლებიც ყაენის მიერ მის [დამხმარებად] იყვნენ დადგენილი. მოვიდნენ და შეუერთდნენ ისინიც. და დაიძრა ბატონ თეიმურაზის წინააღმდეგ,³⁸⁸ რადგან მაშინ ბატონი თეიმურაზი თიანეთში იმყოფებოდა. ბიძინა სუფრაჯმა ურჩია ბატონ თეიმურაზს: „გაგზავნე დავითი, შენი ვაჟი, მე თან გავყვები და კახელების ნაწილიც გაგვატანე. ჩავალთ ქიზიყში და იქიდან გავუმართავთ ბრძოლას როსტომ მეფესო“. დაუჯერა ბატონმა თეიმურაზმა და გაგზავნა დავითი, თავისი ძე. გაიგო როსტომ მეფემ და მანაც გაგზავნა ყიზილბაშების ჯარი მათ წინააღმდეგ, თვითონ კი ბატონ თეიმურაზს შეუტია. სარდლებად დააყენა ვახტანგ მუხრანბატონი და ზაალ ერისთავი და გაატანა ქართლის ჯარი. ჩავიდნენ ესენი ულლისში, იქიდან ბატონი თეიმურაზი წამოვიდა, ატყდა დიდი ბრძოლა და თოფის სროლა გამეტებული. მაშინ თოფი მოარტყეს სახლთუხუცეს რევაზ ჩოლოყაშვილს, რომელიც იყო კარგი კაცი და საუკეთესო სარდალი. იგი იყო ბატონ თეიმურაზის [ლაშქრის] წინამძღოლი. მას მოარტყეს თოფი და სასიკვდილოდ დაჭრეს. რომ მიხვდა, კვდებოდა, არ დაფანტა ჯარი, თავისი ვაჟები დააყენა იქ, თვითონ კი გაბრუნდა სახლთუხუცესი და მივიდა ბატონ თეიმურაზთან. მაშინ ასე დალოცა ბატონი თეიმურაზი: „მე ვკვდები შენი სამსახურისა და ერთგულებისათვის და ჩემი თავი თქვენი ქირის სანაცვლო იყოსო“. გამოეთხოვა, ყელზე მოეხვია და ორივემ ბევრი იტირა. ნავიდა სახლთუხუცესი, იმავე ადგილს

დაუბრუნდა, სადაც იბრძოდა და იქ გარდაიცვალა. დაინახეს კახელებმა, რომ დაიღუპა იგი, უმეთაუროდ დარჩნენ, შეშინდნენ, უკან დაიხიეს და წავიდნენ. უკან გაბრუნდა ბატონი თეიმურაზიც და წავიდა.

იქ კი ყიზილბაშები და დავითი, თეიმურაზ ბატონის ძე, შეიბნენ. გაიმარჯვეს ყიზილბაშებმა, მოკლეს დავითი და მისი ჯარიც ამოწყვიტეს. მაშინ მეტად შენუხდა ბატონი თეიმურაზი, საერთოდ აღარ ჰქონდა გამაგრებისა და წინააღმდეგობის განწევის ძალა. გაგზავნა დედოფალი ხორეშანი, რომელიც როსტომ მეფის მამის ძმის შვილიშვილი იყო. მოვიდა იგი როსტომ მეფესთან და შეწყალება სთხოვა. როსტომ მეფემ გაიგო მისი მოსვლა, დიდი პატივი სცა და შეუსრულა თხოვნა – გზა მისცა, წინ წაუმძღვანა ქრისტიეფორე კათოლიკოსი და ბარგიც მან გადაუტანა იმერეთში. კახეთს თავი დაანება ბატონმა თეიმურაზმა და იმერეთში ჩავიდა. მოეგება მისი სიძე ალექსანდრე,³⁸⁹ იმერეთის მბრძანებელი. ჩაიყვანა, დააბინავა და კარგად მიიღო. მაშინ გააგებინეს ბატონ თეიმურაზს მისი ძის დავითის [დალუპვის ამბავი]. ტირილი და დიდი გლოვა დაიწყეს. როსტომ მეფე კი მთლიანად დაეუფლა კახეთს. პატრონობდა ქართლსა და კახეთს. დათუნას თავი ყაენს გაუგზავნა და მიულოცა გამარჯვება. აღარაფერი აფიქრებდა როსტომ მეფეს, იყო შვებასა და ღებინაში.

იმხანად სამცხეში გარდაიცვალა უსუფ-ფაშა³⁹⁰ და მის ნაცვლად [ტახტზე] ავიდა როსტომ-ფაშა,³⁹¹ მისი მხევლისგან შეძენილი ძე. მაშინ მოინია ღვთის რისხვა საათაბაგოზე მათი ცოდვების სიმრავლის გამო: კაცი გამოგზავნა ხონთქარმა და როსტომ-ფაშას ცოლს მაჰმადის რჯულის მიღება აიძულეს. ქალმა ეს რომ გაიგო, ძალიან შეძრწუნდა, თავზარი დაეცა. გადანყვიტა თავი მოეკლა და საწნმუნოება არ დაეთმო. კლდეზე უნდოდა გადავარდნა, მაგრამ არ გაუშვეს. მერე თავის მოშობა გადანყვიტა, მაგრამ ვერც ეს აღასრულა, რადგან შეპყრობილი ჰყავდათ და აღარაფერი შეეძლო. ძალიან რომ გაუჭირდა იმ ქალს, მაშინ თქვა: „თუკი საათაბაგოში მცხოვრებ ყველა ქალსა და კაცს გაათათრებ, მერე მეც გავთათრდები. თუ არადა თავს მოვიკლავ და ამას არ გავაკეთებო“. მაშინ გაათათრეს ყველა და ისიც გაათათრდა. ყველა იქაურმა მიატოვა ქრისტიანული რჯული და მაჰმადიანები გახდნენ. მას შემდეგ მოინია საათაბაგოზე ღვთის რისხვა: შეიბიღნა წმიდა ეკლესიები. ყველაფერი ურჯულო თათრებმა მოშალეს და მიმოიტაცეს. დაეუპატრონნენ და წმიდა მონასტრები ნახირისა და ცხვრ-

ის სადგომად გახადეს. ეკლესიის მსახურებმა, სამღვდელო კრებულმა, ეპისკოპოსებმა და ბერ-მონაზვნებმა მიატოვეს თავისი სამყოფელი, თან წამოიღეს წმიდა ხატ-ჯვრები, [წმიდა] ნაწილები და წამოვიდნენ ზოგი ქართლში, ზოგი გურიასა და იმერეთში და დამკვიდრდნენ ქართლისა და იმერეთის მიდამოებში. ვინც კი დარჩნენ იქ ქრისტიანები, ისინიც ძალადობითა და იძულებით გადაიყვანეს თავის მხარეს და ამ დრომდე თანდათანობით განდგნენ ქრისტიანობისგან. ახლა საერთოდ აღარ მოიძებნებიან იქ მორწმუნენი, კლარჯეთის მდაბიოების გარდა, ჯავახეთი რომ ჰქვია.

როსტომ მეფეს ვაჟი არ ჰყავდა. უძეობა მეტად ადარდებდა. მისი ზოგიერთი მრჩევლის წინასწარი თათბირით, კაცი გაგზავნეს ისპაჰანში და ჩამოიყვანეს სპარსეთიდან ლუარსაბი, ვახტანგის ძის თეიმურაზის [ვაჟი], რომელიც სპარსეთში იყო დარჩენილი. რჯულით მაჰმადიანი იყო. იგი იშვილა როსტომ მეფემ. სულელი, თავშეუკავებელი და დაუფიქრებელი კაცი იყო, რაც არ ეკადრებათ საქართველოს მეფის შვილებს. ზრდიდნენ და კარგად ასწავლიდნენ, უყვარდა მეფეს.

ბატონი თეიმურაზი კი იმერეთში იმყოფებოდა. მაშინ ლევან დადიანი აურაცხელი სიმდიდრის პატრონი იყო, და მრავალრიცხოვანი ლაშქრით მეტად ჩაგრაჲდა იმერეთის მბრძანებელ ალექსანდრეს. გალავანი ააშენა და ასე იმყოფებოდა ქუთაისში. იქ იჯდა თვითონ თავისი ძმებით და იმერეთის წარჩინებული თავადების ოჯახებით. ყველა თავისთან ჰყავდა დადიანის შიშით სიმაგრეში თავშეფარებულს, რადგან ძალიან მძლავრობდა, შუღლით თავს ესხმოდა და აჩანაგებდა ზემო და ქვემო იმერეთის მიწებს. არსად დარჩა დაბები, შენობები და ციხესიმაგრეები, რომ თავს არ დასხმოდა. შობა-ნათლისღების საუფლო დღესასწაულებისა და ახალი წლის გარდა, სხვა დროს, არაფერს აკეთებდა. მაშინ არ ანებებდა თავს ქვეყანის აოხრებას, მუსრს ავლებდა და ატყვევებდა მრავალ [ხალხს], ჰყიდიდა შეპყრობილ ტყვეებსა და დარჩენილ ხალხს. აჰა, ღვთის უწყალო რისხვა ამ ბოროტმოქმედებზე, რადგან მან [ლევან დადიანმა] შემოიღო წესად ბოროტი მტრის [ემმაკის] მიერ გადმონთხეული იუდაებრივი გესლი, რომელმაც ვერცხლზე გაყიდა შემოქმედი და თავისი მოძღვარი. მას შემდეგ დაწესდა იმერეთში, ოდიშსა და გურიაში ურჯულო და ღვთის მოწინააღმდეგე ხალხზე ქრისტესმიერ ნათელღებული ტყვეების გაყიდვა. ნუ დაუშვას ღმერთმა ქართლში ეს ბოროტი საქმე. იქ კი უფრო მეტად გამრავლდა და ზღ-

ვარს გადავიდა ეს ცოდვა, ვიდრე დღევანდელ დღემდე. ვაი მე, რამეთუ თვით იქ მყოფი მღვდელთმთავრებიცა და სამღვდელთონი შეერივნენ ამ ბოროტ სნეულებას. [ეს] არ იყო ლევან დადიანამდე და ალექსანდრემდე, მათ დროს შემოვიდა მათი სულის წარსანყმედელად.

ეს ასე მოხდა, ახლა კი ზემოთქმულს დავუბრუნდეთ. გააჩანაგა დადიანმა მთელი იმერეთი, ალექსანდრეს კი, იმერეთის მბრძანებელს, არ შეეძლო წინააღმდეგობის განწევა და დაპირისპირება, ვერც იმ გალავნიდან გამოდიოდა. მამუკა, მისი უმცროსი ძმა, მონიფული ჭაბუკი იყო, მშვენიერი და ახოვანი, მამამისის მსგავსი, ვაჟკაცობით განთქმული, მოქნილი და უებრო მხედარი. იმ დროს თითქმის არსად გაზრდილა მისი ტოლი ზნესრული და გოლიათივით გაბედული. მამუკა თავისი მცირერიცხოვანი რაზმით გამოდიოდა გალავნიდან, დაზვერავდა დადიანის მოთარეშე ჯარს, ჩაუსაფრდებოდა, დაუხვდებოდა პატარა რაზმით და მრავალს გაავლებდა მუსრს, ბევრს შეიპყრობდა, დაატყვევებდა და დაბრუნდებოდა ხოლმე გამარჯვებული. მათ მსგავსად ჰყიდიდნენ თათრებზე დატყვევებულ ხალხს. ერთ დღესაც, კიდევ რომ შემოიჭრა დადიანი და მოაოხრა ქვეყანა, ჩვეულებრივ გაეგება პატარა რაზმით დადიანის მოთარეშეებს და მხნედ შეუტია. მაშინ სიჩქარისგან წაექცა ცხენი და ქვემოთ დაეცა. შეუტიეს მეგრელებმა, შეიპყრეს, წაიყვანეს და მიჰგვარეს დადიანს. გამხიარულდა დადიანი მისი შეპყრობის გამო. წაიყვანეს და ოდიშის ციხეში ჩააგდეს.

ეს რომ შეიტყო ალექსანდრემ, იმერეთის მბრძანებელმა, მეტად დადარდიანდა. ამგვარი გამოსავალი მონახა, სთხოვა ბატონ თეიმურაზს, რომ ოდიშში წასულიყო დადიანთან. დაჰყვა ბატონი თეიმურაზი ალექსანდრეს, თავის სიძეს და წავიდა. რომ ჩავიდა, ლევან დადიანი წინ მიეგება, კარგად გაუმასპინძლდა, დიდი და ხელმწიფური სუფრა გაუმალა. გაიხარეს ერთმანეთის ნახვით, რადგან ერთმანეთის ახლობლებიც იყვნენ: ლევანი თეიმურაზის მამიდაშვილი იყო. რამდენიმე დღის შემდეგ უთხრა თავისი მისვლის მიზეზი და ხვეწნა დაუნყო მამუკას გამოსახსნელად და გასაშვებად, რომ აღარ ჰქონოდათ ერთმანეთში შუღლი და მტრობა. იქ იმყოფებოდა პაატა ნულუკიძე. ნუნკი იყო, კოჭლი, ლევან დადიანის ნათესავი და თანამოაზრე. იგი უწინ მეფე ალექსანდრემ გააძევა თავისი მამულიდან, ლტოლვილი ჩავიდა ოდიშში, გაერთიანდა ლევან დადიანთან და ძალიან ემტერებოდა იმერეთის მბრძანებელ ალექსანდრეს. დადიანს უნდოდა პატივი ეცა ბატონი თეიმურაზისთვის და გაემ-

ვა მამუკა, მაგრამ ეს შუღლით სავსე [კაცის], ნებას არ აძლევდა. დადიანი ისე უჯერებდა, რომ არაფერს აკეთებდა მის გარეშე. პაატა წულუკიძემ მზაკვრული ენით დაარწმუნა დადიანი. დადიანმაც გადათქვა მამუკას გაშვება და აუნყყეს ბატონ თეიმურაზს: „ვერ მოხდება ჩვენგან მისი გაშვებაო“.³⁹² გარკვეული ხნით კიდევ დარჩა იქ ბატონი თეიმურაზი, აღარც მან დაიჟინა, წამოვიდა და ჩამოვიდა იმერეთში, თავის სიძესთან.

მაშინაც არ შეეშვა [დადიანი] ბოროტებას. არც ღვთის რისხვისა შეეშინდა. შუღლს იმ მართალი [კაცის] სიკვდილიც დაამატა – ციხეში ამოუშანთა თვალები მამუკას და გარდაიცვალა. იმხანად მძიმედ დაავადდა უკურნებელი სენით და გარდაიცვალა გიორგი,³⁹³ თეიმურაზის შვილიშვილი, რომელსაც ალექსანდრე ზრდიდა. ისიც გარდაიცვალა და დიდად იგლოვეს, აღასრულეს გლოვის წესი. თითქმის შვიდი წელი იმყოფებოდა იქ ბატონი თეიმურაზი.

როსტომ მეფე კი მშვიდობიანად მეფობდა, არაფერზე არ ფიქრობდა ლხინის, დროსტარებისა და მოსვენების გარდა. თავისი დღე და წუთისოფელი სიხარულით, ნადირობითა და ნადიმობით გაატარა. იმხანად ზოგიერთი სანადირო ადგილი შემოიარა. ხუნანში იყვნენ, გატეხილ ხიდთან და თან ჰყავდა მის შვილად წოდებული ლუარსაბი. სთხოვა როსტომ მეფეს, ყარაიაში გაეშვა სანადიროდ. მეფემ ნება დართო და წავიდა. თან გაჰყვნენ მისი მსგავსი ჭაბუკები, ქართლელი ახალგაზრდები. იქ რომ მივიდნენ, გამოირეკეს ტყე და გამოვიდა ირმების ჯოგი. ატეხეს ძლიერი სროლა, აირივნენ და ერთმანეთს დაუშინეს ყველამ, წარჩინებულმაც და უგვარომაც, სანადიროც გააფუჭეს. ამ სროლაში თოფი მოხვდა ლუარსაბს და იქვე გარდაიცვალა. როსტომ მეფემ რომ შეიტყო, შეწუხდა, იგლოვეს და იტირეს, როგორც წესია.

იმხანად ბატონი თეიმურაზი ისევ იმერეთში იმყოფებოდა. ძალიან უჭირდა, არ გააჩნდა სიმდიდრე და საზრდელი. სამოცდაათი წლისა იყო, დაუძღურებული და აღარ შეეძლო როსტომ მეფესთან ბრძოლა მეტისმეტი უძღურების გამო. ძალიან შეჭირვებული იყო, არც საზრდელი ჰქონდა და არც საჭირო ნივთები. მაშინ გაგზავნა ერეკლე, თავისი შვილიშვილი, რუსეთის ხელმწიფესთან³⁹⁴. გზაზე ავაზაკები დახვდნენ, მახვილით გაავლეს მუსრი ერეკლეს ყმებს, თვითონ ძლივს გადარჩა ისე, რომ არ დაუჭრიათ. ერეკლე ახალგაზრდა ჭაბუკი იყო. მოსტაცეს მხევლები და ბარგი. წაიყვანეს რუსეთში და მივიდა ხელმწიფესთან. ამასობაში გავიდა დრო და თვითონ ბატონი თეიმურაზიც

წავიდა რუსეთში³⁹⁵. სამოცდათორმეტი წლისა იყო. ჩავიდა და დიდი პატივი სცა რუსეთის ხელმწიფემ³⁹⁶. დახმარება და ჯარი სთხოვა ქართლისთვის. ხელმწიფემ [უარის] მიზეზი უთხრა: „ჯერ არ გვცალიაო“. თეიმურაზმა რომ დაინახა, არ ეხმარებოდა, გარკვეული დროის შემდეგ გამოემშვიდობა და წამოვიდა. ბევრი საჩუქარი მისცა ხელმწიფემ. იმხანად [უკვე] ძალიან დაუძღვრებული იყო ბატონი თეიმურაზი. გამოემართა და ჩამოვიდა ასტრახანში. მაშინ იმერეთში გარდაიცვალა მისი შვილიშვილი, ლუარსაბი³⁹⁷, ყმანვილი კაცი, მშვენიერი და კარგი შესახედავი. კაცი მოვიდა ასტრახანში, გააყოლეს იქ და დიდი გლოვა და მწუხარება გადაიხადა. ერეკლე კი რუსეთის ხელმწიფესთან დატოვა.

იმხანად ლევან დადიანიც მოკვდა. ჯარი შეკრიბა იმერეთის მბრძანებელმა ალექსანდრემ და ოდიშში ჩავიდა. წინააღმდეგობა ვერ გაუწიეს. დაიპყრო ოდიში და ბევრი უბედურება დაატყვა თავს. შური იძია იმის გამო, რაც უწინ გაუკეთათ დადიანმა, როგორც წმიდა სახარება ბრძანებს: „რომელი სანყაულითაც მიუწყავთ, [იმავეთი] მოგენწყვებათ თქვენ“ (შდრ. მათე 7, 2) და [იგივე] დაგემართებაო. აიკლო დადიანის ქონება, მთელი მისი საგანძურები და რაც კი გააჩნდა, ყველაფერი დაისაკუთრა, მრავალი მეგრელი დაატყვევა. მთელი ოდიშიდან მრავალი [ჩავარდა] იმერლების [ხელში]. ოდიშის წარჩინებულებს შვილები გამოართვა მძევლებად, თვითონ დიდებულებიც შეიპყრო, თავები გამოსაყიდვინა და მათი ვაჟები მძევლებად გამოირეკა. დადიანის ტახტზე დასვა ლევან დადიანის ძმისშვილი, ვამიყი³⁹⁸. დიდი ნადავლით წამოვიდა ალექსანდრე და დაბრუნდა იმერეთში. სამფლობელო გაუყო დადიანს: უნაგირას [მთის] აქეთ [არსებულ მიწებს] ალექსანდრე დაეუფლა, უნაგირას გადაღმა მხარე დადიანს დაუტოვა.

ვამიყ დადიანი შეუფერებელი სიდიდის უგვანი კაცი იყო. დადიანს ასევე ჰყავდა ძმისშვილები, მამუკა და ლიპარიტი. ისინი არაფრად აგდებდნენ [ვამიყ] დადიანს და არც ემორჩილებოდნენ, რადგან არ იგუეს მისი დადიანობა. წავიდნენ, შეევედრნენ ათაბაგ როსტომ-ფაშას³⁹⁹, როსტომ მეფესთანაც დაიწყეს მოლაპარაკება, დასახმარებლად იხმეს და ჯარი სთხოვეს, რადგან მარიამ დედოფალი ამათი ახლო ნათესავი იყო. როსტომ მეფემ გაატანა ავალიშვილი, ციციშვილები და სხვა მრავალი მოლაშქრე. როსტომ-ფაშამაც გაატანა საათაბაგოს ჯარი. წამოვიდნენ და ჩავიდნენ გურიასში. ქაიხოსრო გურიელიც⁴⁰⁰ თან გაჰყვა ჯარით. ჩავიდნენ ოდიშში და იქაურებაც შეუერთდნენ. გაიგო

ეს იმერეთის მბრძანებელმა ალექსანდრემ, შეკრიბა თავისი ჯარი, წავიდა და ცხენისწყალი გადალახა. მიქელაძე და ჭილაძე ადრეც ლევან დადიანს ახლდნენ, წავიდნენ, მივიდნენ მამუკასთან და ლიპარიტთან. ისინიც ჩამოვიდნენ და შეიკრიბნენ ბანძაში. იქ გამართეს ბრძოლა და გაჩაღდა ძლიერი ომი. გაიმარჯვა ალექსანდრემ, იმერეთის მბრძანებელმა, ოდიშის ბევრი თავადი ამოხოცა, ტყვეებად ჩაიგდო ქართლის თავად-ზნაურები და მესხები. ყველას გამოახსენებინა თავები და ვინც კი იყვნენ განდგომილი მეგრელები, ყველა დაიმორჩილა და შემოირიგა. ისევ მტკიცედ დაეუფლა ოდიშს. დადიანის [ტახტზე] ვამიყი დასვა.

მიადგა ქაიხოსრო გურიელს. ველარ შეენინა აღმდეგა ქაიხოსრო გურიელი, მოვიდა და მანაც შეწყალება სთხოვა ალექსანდრეს. გურიელიც შეირიგა, ქეთევანი, თეიმურაზ ბატონის შვილიშვილი, გაატანა ცოლად ქაიხოსრო გურიელს და დაიმოყვრა. ქაიხოსრო გურიელი იყო მხნე, ახოვანი და ბრძოლაში გამოცდილი კაცი. ამ დროს დაბრუნდა ბატონი თეიმურაზი. მაშინ გარდაიცვალა ქალბატონი დედოფალი ხორეშანი და აღარავინ ჰყავდა, რადგან ერეკლე რუსეთში გაუშვა.

ამავე დროს მოკვდა როსტომ მეფეც. როსტომ მეფეს ნაშვილები ლუარსაბი რომ გარდაეცვალა, შემდეგ ვახტანგ მუხრანბატონს მოჰკიდა ხელი და იშვილა. ძალიან უყვარდა როსტომ მეფეს. მარჯვე [კაცი] იყო, მხნე, ახოვანი და წარმატებული. დაუძღურდა როსტომ მეფე და აღარ შეეძლო ქართლის შემოვლა. ყაენთან გაგზავნა ვახტანგ მუხრანბატონი და წერილი გაუგზავნა ყაენს. ყაენი ძალიან უფერებდა როსტომ მეფეს და ქართლის ჯანიშინობა⁴⁰¹ მისცა. ყაენთან ჩავიდა ვახტანგი, დიდი პატივი სცა და მეტად დააფასა. მაჰმადის რჯულის მიღება მოსთხოვეს. თავიდან ბევრი იუარა, მაგრამ სხვა გზა რომ აღარ ჰქონდა, მაშინლა დამორჩილდა. გაათათრეს, გამოგზავნეს ქართლის ჯანიშინად და დაბრუნდა ქართლში. მაშინ დაუძღურებული იყო როსტომ მეფე, აღარ შეეძლო, მთლად სანოლს იყო მიჯაჭვული, ილხენდა, ისვენებდა და ქართლს ასე მართავდა.

ვახტანგი იყო კონსტანტინე მეფის შთამომავალი, მეოთხე თაობა კონსტანტინეს შემდეგ. კონსტანტინეს შეეძინა დავით მეფე⁴⁰², გიორგი⁴⁰³, ალექსანდრე მეფე⁴⁰⁴, ბაგრატი⁴⁰⁵ და მელქისედეკ კათოლიკოსი⁴⁰⁶. დავით მეფემ მუხრანი მისცა ბაგრატს, თავის ძმას. ბაგრატმა შეიპყრო ავ-გიორგი. ბაგრატს შეეძინა ვახტანგი⁴⁰⁷ და აშოთანი⁴⁰⁸, – მამა მარტვილი ქეთევან დედოფლისა და დედისიმედის, რომელიც იყო ათაბაგის

ცოლი. [ასევე ბაგრატს შეეძინა] არჩილი⁴⁰⁹ და ერეკლე⁴¹⁰. ამ სამ ძმას ვაჟი არ ჰყავდა. ვახტანგს კი შეეძინა თეიმურაზი⁴¹¹ და ქაიხოსრო⁴¹², ქართლის გამგებელი. თეიმურაზს შეეძინა ვახტანგი, რომელსაც სპარსელებმა შაჰნავაზი⁴¹³ უწოდეს და კონსტანტინე⁴¹⁴.

როსტომ მეფემ ეს ცხოვრება დიდ შვებასა და განცხრომაში გაატარა. მერე სიბერით მოუძღურდა და სნეულებამ დარია ხელი. ვახტანგ ჯანიშინმა კაცი გაგზავნა და აცნობა ყაენს როსტომ მეფის დაუძღურებისა და სნეულების ამბავი. იმხანად მოკვდა ყაენი შაჰსეფი⁴¹⁵ და მის ნაცვლად ტახტზე ავიდა მისი ძე შაჰ-აბასი⁴¹⁶. შაჰ-აბასმა კაცი გამოგზავნა, ჩამოვიდა თბილისში და ინახულა დასუსტებული და დასნეულებული როსტომ მეფე. მაშინ მოკვდა როსტომ მეფე, ნაილეს და დამარხეს ყუმში. ხოლო მარიამ დედოფალი, ყაენის ბრძანებით, [როსტომის სასახლიდან] თბილისის ციხეში გადაიყვანეს, ქრისტეს აქეთ [...ნელს].⁴¹⁷

მაშინ ჩამოვიდა შეკრებილი [მხედრობით] ზაალ ერისთავი და ავლაბარში დადგა. იმხანად კახეთს მურთუზალ ყული-ხანი და ზაალ ერისთავი განაგებდნენ. მურთუზალ ყული-ხანს ზურგს ის უმაგრებდა. ზაალ ერისთავის უკითხავად, არაფერი ხდებოდა კახეთში, რადგან როსტომ მეფეს ჰყავდა დადგენილი იგი კახეთის გამგებლად. ზაალ ერისთავს ერნო-თიანეთი ეპყრა. ქართლს განაგებდა ვახტანგი, შახნავაზად წოდებული. იგი მართავდა ქართლს. თათრებს ციხედ ჰქონდათ გადაქცეული ალავერდის მონასტერი, შიგ იდგნენ და კახეთის სხვა მრავალი ადგილიც ჰქონდათ დაპყრობილი. ბახტრიონი ციხედ ჰქონდათ. მრავალი ელი⁴¹⁸ ჩამოსახლდა კახეთში ცოლ-შვილით და ბევრ ბოროტებას უკეთებდნენ კახეთის მოსახლეობას. უნდოდათ მთელი კახეთის გათათრება და ელების ჩამოსახლება. ყარაღაჯში მურთუზალ-ხანი იჯდა.

იმხანად ზაალ ერისთავი შეკრებილი [ლაშქრით] იდგა ავლაბარში. ვახტანგი ზაალ ერისთავის მოყვარე იყო. ვახტანგის ასული ზურაბს, ზაალ ერისთავის ძეს, ჰყავდა ცოლად. მაგრამ მოყვრობითაც ვერ მიიმხრო, დიდი შუღლი და მტრობა ჰქონდა ზაალ ერისთავს ქართლის გამგებლის ვახტანგის მიმართ. როცა როსტომ მეფე გარდაიცვალა, ქართლის გამგებელმა ვახტანგმა კაცი გაგზავნა ყაენთან და ქართლის ტახტი სთხოვა. მაშინ ზაალ ერისთავმაც, – მისმა მძვინვარე მტერმა, – გაგზავნა კაცი ყაენთან და მისი გათავისუფლება სთხოვა.⁴¹⁹ იმხანად

ქართლი ძალზედ დამონებული ჰქონდა ყაენს. არავის შეეძლო ყაენის უკითხავად და დამოუკიდებლად ემართა ქართლი. ყაენმა ვახტანგს მისცა ქართლის მეფობა. იმ დროს ძალიან გამდიდრებული და ძვირფასეულობით განებივრებული იყო ზაალ ერისთავი. მაშინ მოუვიდა შაჰნავაზს ყაენისგან ქართლის ბატონად დამტკიცების რაყამი.⁴²⁰ ეს რომ გაიგო, წავიდა არაგვის ხეობაში, განუდგა და აღარ ემორჩილებოდა მეფე შაჰნავაზს.

მეფე შაჰნავაზი⁴²¹

შაჰნავაზ მეფეს ცოლად ჰყავდა როდამი,⁴²² ყაფლანის ასული, ძალიან კარგი და ყოველგვარი სიკეთით შემკული ქალი. სრულად განსწავლული როგორც საღმრთო, ისე საერო [ცოდნით]. მშვენიერი [იყო როდამი], ქალები შენატროდნენ. როცა ყაენმა ქართლი მეფე შაჰნავაზს უბოძა, მაშინ მოსწერა, რომ მარიამ დედოფალი შეერთო ცოლად. წინააღმდეგობა ვეღარ გაუწია ყაენს, ძალაც აღარ ჰქონდა და შეერთო მარიამ დედოფალი. გადაიხადეს დიდებული ქორწილი და ორივე ჰყავდა ცოლად. როდამისგან შეეძინა ვაჟები და ასულები და გამეფდა შაჰნავაზი.

თვითონ მეფე შაჰნავაზი გასაოცარი კაცი იყო, საქმეში ძლიერი და წარმატებული. ოთხი თვისება ჰქონდა: სწორუპოვარი ბრძენი იყო, საოცრად ბედნიერი, სწორუპოვარი მამაცი სარდალი, შესახედავად – მკაცრი, გულით კი მეტად მოწყალე. ღმერთმა მისი მსგავსი ვაჟები და ასულები მისცა: არჩილი⁴²³ უფროსი იყო. იგი იყო მოხდენილი, მშვენიერი, ბურთის თამაში და ისრის სროლა ემარჯვებოდა. ყველას ისარზე ერთი მტკაველით უფრო გრძელი ისარი ჰქონდა. სხვა არავინ იყო მისი მსგავსი. მეორე შვილი, გიორგი⁴²⁴, გოლიათივით ძლიერი [იყო], ზედმინევნით იცოდა და ემარჯვებოდა სამხედრო საქმე. ისეთი სიტყვა ჰქონდა, მტრებს მოყვრებად აქცევდა. ალექსანდრე⁴²⁵ ყაენის გაზრდილი იყო. ისეთი იყო, რომ ყაენის ყველა ყმა მას, როგორც ყაენს, ისეთ პატივს სცემდა. ლევანი⁴²⁶ ბრძენი და მეცნიერი კაცი იყო, საქმის წინასწარგანმჭვრეტი, სამეცნიერო წიგნებით განსწავლული. ლუარსაბი⁴²⁷ სამხედრო საქმის მცოდნე იყო, სულიმანი – წესიერი კაცი. ძმების სიკარგეს ასულთა [სიკეთე] აღემატებოდა: ანუკა⁴²⁸ ყაენმა წაიყვანა ცოლად და მთელ ირანში მისი სიკეთე ისე იყო განფენილი, თუკი ქალი რამეს კარგს გააკეთებდა, იტყოდნენ, ანუკა ბატონიშვილისგან აქვს

ნასწავლიო. დიდი მშვენიერებით თამარი⁴²⁹ დედას ჰგავდა – მოღვანე, მართალი, ღვთისა და კაცის მოსაწონი, საღმრთო [საქმეთა] გამკეთებელი და ეკლესიების [მაშენებელი].

ძალზედ ეწყინა ზაალ ერისთავს, როცა გაიგო, რომ გაძლიერდა მეფე შაჰნავაზი და სწყალობდა ყაენი, ძალიან ეწყინა. ყაენისგანაც ნაწყენი დარჩა და შაჰნავაზ მეფესაც ორგულობა დაუწყო. განუდგა და დუშეთში იმყოფებოდა. მტკიცედ ეპყრა საერისთავო და კახეთსაც განაგებდა. გულში ჰქონდა, რომ კახეთის ერთპიროვნული მმართველი გამხდარიყო. არ ეგუებოდა შაჰნავაზის მეფობას.

იმხანად გარდაიცვალა [იმერეთის] მბრძანებელი ალექსანდრე.⁴³⁰ გამოიყვანეს ბაგრატი,⁴³¹ მისი ძე, რომელიც გურიელის ასულისგან შეეძინა, რომელსაც მრუშობაში დასწამეს ცილი. ბაგრატი ოდიშში იმყოფებოდა. ჩამოიყვანეს იმერლებმა და ბატონად გაიხადეს. ბატონი თეიმურაზი კი სკანდას ციხეში დარჩა. [...] ალექსანდრესა და ბაგრატის დედინაცვალი.⁴³² დარეჯანმა, მოიყვანა თავისი ძმისშვილი ქეთევანი. [ამგვარად] მამიდამ მიათხოვა იგი ბაგრატს, თავის გერს და სიძედ გაიხადა. იმხანად ქაიხოსრო⁴³³ გურიელი მოკლა მისმა ყმამ მაჭუტაძემ და ბატონად გაიხადა მისი ბიძაშვილი დიმიტრი გურიელი⁴³⁴. გიორგი, ქაიხოსრო გურიელის ვაჟი, ლტოლვილი წავიდა ახალციხის ფაშასთან და იქ შეინახა ფაშამ. [დარეჯანმა ქეთევანი] მისცა ბაგრატს, თავის გერს და იყვნენ მშვიდობით. გარკვეული დროის შემდეგ იმერლებმა წააჩხუბეს დარეჯანი და მისი გერი ბაგრატი. დიდი შუღლი ჩამოაგდეს მათ შორის. ზოგი იმერელი [წარჩინებული] დარეჯანს მიემხრო, ზოგი კი ბაგრატს. თავიდან იმერლები გულწრფელები და თავისი ბატონის ერთგულები იყვნენ. კახელები რომ ჩავიდნენ იმერეთში და დიდი ხანი იქ იმყოფებოდნენ, [მათ მიბაძეს]. კახელები ჩვეულებრივ შურიანები და ერთმანეთის მტრები იყვნენ, მრავალი მზაკვრობისა და შფოთის მოქმედნი, თავხედები და ამპარტავნები, ჩაცმა-დახურვისა და სიკოხტავის მიმხედველნი და მოყვარულები. თავიდანვე ასეთი ჩვევა ჰქონდათ მათ და იმერლებმაც მათ მიბაძეს. ისწავლეს კახელების ჩვევები და კიდევაც გადააჭარბეს მათ. მას შემდეგ დამკვიდრდა იმერეთში შინააშლილობა და ერთმანეთის გაუტანლობა. ისე გადაჰკიდეს იმერლებმა ერთმანეთს დარეჯანი და მისი გერი ბაგრატი, [რომ] უარყო ღმერთი დარეჯანმა, იხელთა დრო, უღალატა ბაგრატს, თავის გერსა და სიძეს, შეიპყრო და თვალები ამოუშანთა. მოიყვანა ალექსანდრე

ბატონის შორეული ნათესავი, ვახტანგი, რომელსაც ჭუჭუნაშვილს ეძახდნენ და ის დაისვა ქმრად⁴³⁵.

მაშინ მოკვდა როსტომ ფაშა და ტახტზე ავიდა მისი ძე ასლან ფაშა. ხონთქარი მათ ეკითხებოდა და მათი რჩევით განაგებდა იმერეთს. ისინი განაგებდნენ და მართავდნენ [იმერეთს]. მაშინ გამოემართა ასლან ფაშა ჯარით და ჩამოვიდა იმერეთში. წინააღმდეგობა ვერავინ ვერ გაუწია. თან წამოიყვანა ჭუჭუნაშვილი, ქეთევანი და დარეჯანი, მამიდა და ძმისშვილი. ესენი წამოიყვანა ასლან ფაშამ და ოლთისში დააბინავა დიდი პატივით. თვალებდათხრილი ბაგრატი კი იქვე იმერეთის მბრძანებლად დასვა. გავიდა ხანი, იმერლებმა და დადიანმა მოლაპარაკება დაიწყეს მეფე შაჰნავაზთან, რომ არ დაემორჩილებოდნენ ბაგრატს. იქიდან დადიანი შემოესია და დაიპყრო იმერეთი. ნავიდა მეფე შაჰნავაზი და ფცისწყალზე დადგა.

მაშინ ზაალ ერისთავი არ ემორჩილებოდა მეფე შაჰნავაზს, განდგომილი იყო, ამიტომ ვედარ ჩავიდა იმერეთში. მეფე შაჰნავაზს თან ახლდნენ ოთარი, ედიშერი და იასონი – გიორგი არაგვის ერისთავის ვაჟები. გიორგი, ოთარის მამა, ზურაბ ერისთავის ძმა იყო. გიორგი ამაყი და თავნება კაცი იყო, არ ემორჩილებოდა თავის ძმას. შეიპყრეს ზურაბ ერისთავმა და ბატონმა თეიმურაზმა და ორივე თავალი დასთხარეს. გიორგის ცოლად ჰყავდა შაჰნავაზ მეფის და. ამ ქალისგან გიორგის შეეძინა ვაჟები: ოთარი, ედიშერი, იასონი, პაპუა და დათუნა. მათ მოახსენეს მეფე შაჰნავაზს: „რადგან ბიძაჩვენი თქვენ მიმართ ასეთი ორგული და ურჩი არის და ჩვენთვისაც მრავალი სიავის მოქმედი, – დაგვჩაგრა და ჩვენი მშობლიური მამულის პური არ გვაჭამა, – თანხმობა მოგვეცი, ნავალთ და მოვკლავთო“. დასთანხმდა მეფე შაჰნავაზი და ნავიდნენ დუშეთში.

მაშინ მთელი კახეთი ურჯულო აგარიანებს ჰქონდათ დაპყრობილი და ბევრ ბოროტებას უკეთებდნენ კახეთის მოსახლეობას. ააოხრეს და შებილწეს წმიდა ეკლესიები. იმხანად ერთი კახელი ხუცესი მარტო მიდიოდა კახეთში თავის გზაზე. გზაზე ამ მღვდელს რამოდენიმე თათარი შემოხვდა. შეიპყრეს ხუცესი ურჯულოებმა და ქრისტეს რჯულის მტრებმა. ძალით გათოკეს ხუცესი, ბილწი საქმე დამართეს, სოდომური ცოდვა რომ არის, და გაუშვეს. ნავიდა ეს ხუცესი და ჩავიდა დუშეთში. ერთად ისხდნენ ზაალ ერისთავი და მისი ცოლი. დაუჩოქა ხუცესმა და შესჩივლა: „შენ ზაალ ერისთავი ხარ, კახეთის გამგებელი. მთელი კახ-

ეთი ააოხრეს ურჯულო თათრებმა, მე გზაზე დამიჭირეს და უხამსობა შემამთხვიეს, ხელებშეკრული გამხრნენ და ისე მომექცნენ, მისი თქმაც კი უხამსია. ახლა შენ გაეცი ღმერთს ამის პასუხი. შენ უნდა უპასუხო, რადგან შენ გაქვს კახეთი ჩაბარებული“. ეს რომ ზაალ ერისთავმა გაიგო, მეტად შენუხდა. იმხანად ზაალ ერისთავი ყაენის მოურავი იყო.

მაშინ [ზაალმა] ფიცით მიიმხრო ქსნის ერისთავი შალვა და ელიზბარი და კახელი სუფრაჯი ბიძინა ჩოლოყაშვილი. შეფიცულები გახდნენ თუშები – მთის ხალხი. შალვა ქსნის ერისთავი მისი სიძე იყო. მათ თან გაატანა ზურაბი, თავისი ძე. ერთ ღამეს წავიდნენ და ბახტრიონში თავს დაესხნენ სულთანს⁴³⁶. ამოწყვიტეს და მუსრი გაავლეს ბახტრიონის ციხეში მყოფ ელებს და ვინც იქ იყვნენ. გაჰყვნენ იქიდან ხოცვით და ჩავიდნენ ალავერდში. ვინც იქ იყვნენ თათრები და ელები, ვინც ესახლნენ, ყველა ამოწყვიტეს მახვილით. დედაბუდიანად ამოჟლიტეს, აკვანში მწოლი ბავშვებიც დახოცეს. კახეთში, სადაც კი თათრები და ელები ესახლნენ, ყველა ამოწყვიტეს. არსად დატოვეს [ადგილი], სადაც ყველა არ მოეკლათ. ზოგი გაიქცა, წავიდა და განდევნეს. კახეთში თათრები აღარსად იყვნენ, ყარაღაჯის გარდა. მაშინ ყარაღაჯში იჯდა მურთუზალი-ხანი. გაიმარჯვეს და ბევრი ნადავლი იშოვეს. გაათავისუფლეს კახეთი თათრებისგან და ველარსად ნახავდით თათარს. წამოვიდნენ და დაბრუნდნენ ზაალ ერისთავთან გამარჯვებულები.

შეიტყო ეს ამბავი ყაენმა შაჰ-აბასმა და ძალიან განწყრა. მაშინ მოინწერა ყაენმა, რომ დაემხოთ, მოეკლათ ზაალ ერისთავი და ისინიც დაეხოცათ, ვინც გარეული იყვნენ თათრების სისხლისღვრაში. მაშინ ვითარებით ისარგებლეს ოთარმა და მისმა ძმებმა. ზაალ ერისთავის ღალატის ცდაში იყვნენ. ერთ დღესაც ზაალ ერისთავი დუშეთში იყო, ტალავერში იჯდა უსაჭურველოდ, არავინ ახლდა. დრო იხელთეს და მივიდნენ. ერისთავი კამათელს აგორებდა. მაშინ მოკლეს ღალატით ზაალ ერისთავი ოთარმა და მისმა ძმებმა, მისი ვაჟები კი გაიქცნენ და ჩავიდნენ სამცხეში. მეფე შაჰნავაზმა უკან დაადევნა ხალხი. ტბისყურზე წამოენივნენ, ხალხი დაუხოცეს და ორი ძმა, ზურაბი და ნაბერალი, შეიპყრეს და მოჰგვარეს მეფეს, მან კი ყაენს გაუგზავნა.

შალვა ერისთავი, ელიზბარი, მისი ძე, და სუფრაჯი ბიძინა ჩოლოყაშვილი არ მივიდნენ მეფე შაჰნავაზთან, არამედ ყარაღაჯში წავიდნენ მურთუზალ ყული-ხანთან. მან შეიპყრო და ყაენს გაუგზავნა. ზურაბმა, ზაალ ერისთავის ძემ, მცირე ხანი ისპაჰანში დაჰყო და გარდაიცვალა.

მისი უმცროსი ძმა ყაენმა გაათათრა და თავისთან დატოვა. სუფრაჯი ბიძინა ჩოლოყაშვილი, შალვა და ელიზბარი გადასცეს დახოცილების პატრონებს, როგორც არის თათრების წეს-ჩვეულება, – მკვლელს მის მოსისხლეს გადასცემენ ხოლმე, – და მათი ჩვეულების კვალობაზე აღასრულეს სამართლი. აიძულეს მაჰმადის რჯულის მიღება სუფრაჯი ბიძინა ჩოლოყაშვილს, შალვასა და ელიზბარს. მაშინ დიდი მხნეობა გამოიჩინა ამ სამმა მარტვილმა. უფრო მეტი მონდომებით სუფრაჯი ბიძინა ჩოლოყაშვილი იღვწოდა მონამეობისთვის. გაკიცხეს და შეაგინეს მაჰმადის რჯული. ბიძინა ჩოლოყაშვილი ამხნევებდა შალვასა და ელიზბარს, ეუბნებოდა: „ნუ შევდრკებით და ნუ შევეუშინდებით, არამედ ქრისტეს გულისთვის სიკვდილისთვის გადავდოთ თავი. რადგან სიკვდილი ჩვენი სურვილის მიუხედავად მაინც მოგველის, ვერავინ ვერ აღუდგება წინ სიკვდილს. აჰა, ეს არისო სასუფეველში შესვლის დრო“. სამივემ აღიარა ქრისტეს სარწმუნოება და უარყო მაჰმადის რჯული. ხოლო მათ მახვილებით ნაკუნებად დაჭრეს ისინი, ნაწილი თოფებით დახვრიტეს, ნაწილიც მახვილებით დაჭრეს. დაასრულეს მონამეობრივი სარბიელი და გახდნენ გვირგვინოსნები, როგორც უწინდელ [დროთა] სხვა მარტვილები და იხარებენ ზეცათა სასუფეველში⁴³⁷.

როცა ზაალ ერისთავი მოკლეს, მაშინ შაჰნავაზ მეფემ ერისთავობა მისცა ოთარს, ქართლის მსაჯულად ედიშერი დაადგინა, იესეს კი ქსნის ერისთავობა მისცეს. მტკიცედ დაეუფლა შაჰნავაზი ქართლს, მეტად ერთგულები იყვნენ ოთარ ერისთავი, ედიშერ ქართლის მსაჯული, იესე ქსნის ერისთავი და მთელი ქართლის დიდებულები. დაიერთგულა მთელი ქართლი და ბევრს სწყალობდა მათ. მაშინ შერიგდნენ მეფე შაჰნავაზი და ვამიყ დადიანი⁴³⁸, გაიყვეს იმერეთი: ბუჯას გალმა მხარე ვამიყ დადიანს დაუთმო, ბუჯას გამოლმა მხარეს კი თვითონ მეფე დაეუფლა. მეფობდა შაჰნავაზი სამივე სამეფოში: ქართლში, კახეთსა და იმერეთში. ასე განდიდდა და აღზევდა მისი მეფობა და სიმდიდრე საქართველოში. გაამდიდრა თავისი სამეფოს ყველა მცხოვრები. ვინც კი იყვნენ გლახაკები და ღარიბები, სიუხვით აივსნენ მისი წყალობითა და საბოძვართ. თუკი ვინმეს აკლდა მინები, ან ყმები, ან ძვირფასეულობა, ყველა გაამდიდრა. მეტად გამდიდრდა და განებვირდა ქართლის მოსახლეობა. სადაც იყო მიტოვებული ფუძე მთაში თუ ბარში, ყველგან ხალხი დამკვიდრდა, უდაბური ადგილები აშენდნენ, მრავალი დაბა და

დიდ-დიდი თემები შესძინა ქართლის სამეფოს. ვისაც ვალები ჰქონდათ, მევახშეებისგან გაათავისუფლა. წმიდა ეკლესიები უფრო მეტად დაანინაურა მინების შენირვით და ყოველგვარი სამკაულით მორთო. ღარიბთა და სნეულთათვის მეტად მოწყალე და ქველმოქმედი იყო: ტყვეები გამოიხსნა, ქვრივ-ობლებს სწყალობდა, იყო მიუჟკერძობელი მსაჯული და [გლახაკთა] შემწე, ყველასთვის სამართლიანი და მოწყალე იყო; სასამართლოში პირუთვნელი, უქრთამო, უტყუარი სამართლის აღმსრულებელი. უხვი, უშურველი და უტყუარი, ერთგულთათვის წყალობის უხვად მიმნიჭებელი, ურჩებისა და ორგულების ძლიერ შემრისხველი; დიდებისა და სახელის მაძიებელი, მტერთაგან უძლეველი და ძლიერი მონინააღმდეგე; თავისი მონინააღმდეგეთა უშიშრად შემტევი, რაზმების მოწყობის კარგი მცოდნე სარდალი, შეჯიბრში უებრო მოასპარეზე, სწორუპოვარი ყოველგვარ სამამაკაცო ზნეობაში. ასე კარგად მართავდა თავის სამივე სამეფო-სამფლობელოს. თვითონ ბედნიერად მეფობდა და განაგებდა თავის სამფლობელოებს.

იმხანად გარდაიცვალა ქრისტეფორე კათოლიკოსი და აღსაყდრა მის ნაცვლად დომენტი⁴³⁹, თავისი ბიძაშვილი, უნაკლო მოღვაწე კაცი. მან ააღორძინა ეკლესიის რჯული და წესი.

[მაჰნავაზს] ექვსი ვაჟი და ორი ასული შეეძინა როდამისგან, მეტად ღირსეული, რჯულიერი მეუღლისგან. მის ასულებს ერქვათ ანუკა და თამარი; ვაჟებს კი – პირმშოსა და საყვარელს, არჩილი, [შემდეგ] გიორგი, ლუარსაბი, ალექსანდრე, ლევანი და სულეიმანი. ძალზედ სასახელოები და პატიოსნები გაზარდა მეფემ თავისი ძეები და ასულები, მრავალგვარი ფუფუნებით, სახელმწიფო [საქმეებისა და] სიბრძნის ცოდნით. თავდაპირველად საღმრთო წერილის განმარტებანი შეასწავლა, უფრო მეტად კი საერო და ყოველგვარი სამხედრო ვაჟკაცური გამოცდილება მისცა. ისე [აღზარდა] მამაკაცური ზნეობით, რომ საქართველოში მათსავით არასდროს გაუზრდიათ, არც მეფისა და არც დიდებულთა შვილები.

როსტომ მეფის დროს ქართლის ქვეყანა მეტად განუდგა საღმრთო წერილის სწავლებას. თვითონ სამღვდელთა კრებულები კი თითქმის საერთოდ აღარ ზრუნავდა საღმრთო სწავლებაზე და [აღარ] ეძიებდა [მას]. არამედ უფრო მეტად ამქვეყნიური და ხორციელი საქმეების არჩევით მიატოვეს და მიივიწყეს მთლიანად ღვთივსულიერი და საღმრთო სწავლებანი, რომელთა შეთვისებაც უფრო მეტად საჭირო იყო

და არა მიტოვება. ამ დროს კი ისევ დაინყეს ბოროტებისგან სიკეთის ქვეყანაში შემობრუნება: [დაინყეს] სწავლა და გულმოდგინე წვრთნა ღვთივ-სულიერ საქმეთა კეთებაში. გამშვენდნენ წმიდა ეკლესიები და მონასტრები. შაჰნავაზ მეფის ძეების ღვანლით ეკლესიის ყველა წესი აღორძინდა ქართლში. ეს სიტყვები ძველი დროიდან თქმულა: „დრონი მეფობენო“. მარიამ დედოფალმა შეამკო ეკლესიები ხატების პერანგებით, ჯვრებით, წირვისათვის საჭირო ჭურჭლითა და თვალ-მარგალიტით [მორთული] შესამოსელით. დედოფალს დიდ პატივს სცემდა ყაენი და მთელი საქართველო, კაცი თუ ქალი, მთავარი და დიდებული. იყო ყოველმხრივ შემკული სიკეთით, რომლის მსგავსი თამარ მეფის შემდეგ აღარავინ [გამოჩენილა].

[მეფე გიორგი]⁴⁴⁰

...თამაზ სარდალი და სხვები მივიდნენ და დაემორჩილნენ ნაზარალიხანს. იმხანად ძალიან ავიწროებდნენ ლეკები კახეთს. დაუსრულებელი ავაზაკობითა და ქურდობით მტრობდნენ. ამიტომ გაილაშქრეს მათ წინააღმდეგ კახელებმა. ქალბალიხანმაც ნება მისცა, შეკრიბა მთელი კახეთის მოსახლეობა და შეიჭრნენ ჭარში. ლეკებიც ჩადგნენ თავის სიმაგრეებში. ხალხი მეტად დაზარალდა ლეკებისგან: მრავალი თავადი, აზნაური და უფრო მეტი გლეხი დაიღუპა. ხმლით ამოხოცეს, გამოაძევეს და მიიტაცეს მათი საქონელი. ასე წამოვიდნენ გამოდევნილები. მაშინ ნაზარალიხანმა ურჩია ქალბალიხანს და გაგზავნეს ყაენთან პაპუა მუხრანბატონი⁴⁴¹, დავით ქსნის ერისთავი და სარდალი თამაზი თავის ვაჟ მამუკასთან ერთად. ისპაჰანში რომ ჩავიდნენ, პაპუა მუხრანბატონი, თამაზ სარდალი და ქსნის ერისთავი, შეიპყრეს და ქირმანში გაგზავნეს. ქაიხოსრო, მეფის ძმისშვილი, კარგად არ მიიღო ნაზარალიხანმა, წაართვა მისი კუთვნილი სოფლები და მამულები. ამის გამო აღარ დაიმცირა თავი და წავიდა ყაენთან, რადგან ქალბალიხანი ეხმარებოდა. მესტუმრე(?) [გააყოლა] და პატივით გაგზავნა. ჩავიდა ქაიხოსრო ისპაჰანში, გაუხარდა ყაენს, მასაც პატივი სცა და მამამისსაც.

შუღლი ჰქონდათ ერთმანეთში ერევნის ხანსა და ქალბალიხანს. ამიტომ გადაწყვიტა ერევნის ხანმა, წერილი გამოუგზავნა გიორგი მეფეს, რომ მისი თავდებობითა და შუამდგომლობით შერიგებოდა იგი ყაენს. უთხრა, რომ: „არაფერი ცუდი არ გაგიკეთებია მისი ყიზილბაში

მეომრებისთვის, ამიტომ მე ვიქნები შენი თავდები, რომ არ აგო პასუხი, არამედ უფრო მეტი სარგებელი, წყალობა და მრავალჯერ მეტი სიკეთე უნდა მიიღო ყაენისგანო“. იგივე პირობას აძლევდა და დიდი მონდომებით ეთათბირებოდა მეფეს ქალბალიხანიც. თავისი სიტყვით ცდილობდა, რომ შეერიგებინა ყაენთან. მაგრამ მეფემ არ მოისურვა მისი [შუამდგომლობა], ერევნის ხანს მიენდო და მას დაუმეგობრდა. ეს აუნყა ყაენს ერევნის ხანმა. მეტად გაუხარდა შაჰსულთან ჰუსეინ ყაენს გიორგი მეფის შერიგება და ერევნის ხანს თოფანჩგიალასობა უწყალობა, რაც ყველა მეთოფის უფროსობას ნიშნავს და მიიყვანეს ყაენის კარზე.

მაშინ მეფე გიორგიმ გაგზავნა ყაენთან ზურაბ ზურაბიშვილი და მივიდა თოფანჩგიალასთან. ჩავიდა ისპაჰანში, გაუხარდა თვითონ ყაენსა და ყველა მის დიდებულს, გიორგი მეფის [დესპანის] მისვლა⁴⁴². სწრაფად შეუსრულეს მეფეს ყველა თხოვნა და გამოუგზავნეს რაყამები და წყალობა. გამოგზავნეს მალემსრბოლი, ჩამოვიდა იმერეთში, ნერეთლის სახლში, საჩხერეში. ყაენის ბრძანებით გამოგზავნეს ერევნის ნაიბი და სხვა დიდებულები, რომ ხელმწიფის საკადრისი დიდი დიდებითა და პატივით მომსახურებოდნენ მეფეს, განწესებით მიერთმიათ შესაფერისი ულუფა და სანოვაგე და გაემზადა წასასვლელად.

იმერეთის მბრძანებელ ბაგრატს ერთი უკანონო შვილი ჰყავდა. მას დაუჭირა მხარი იმერეთის ზოგიერთმა თავადმა. აცნობეს ხონთქრის ვეზირ-აზამს და ქრთამით მოიგეს მისი გული. მისცეს ხელისუფლება, ჩამოიყვანეს და ბატონად გაიხადეს. ეს კაცი მეფობისთვის შეუფერებელი და უღირსი იყო. დაამხეს არჩილ მეფე. გიორგი აბაშიძემ თავისი ასული მიათხოვა, ალექსანდრეს ყოფილი ცოლი. არჩილ მეფე ზრამაგაში გადავიდა.

ამ დროს მოვიდა გიორგი მეფესთან ყაენის მსახური. გადაიარა მთა და ჩავიდა ალში. ქართლში დატოვა თავისი ძმა სულეიმანი მისი ცოლშვილით და ნიკოლოზ კათოლიკოსი. იმხანად იმერეთში გარდაიცვალა გივი ამილახორი, ყოველმხრივ კარგი კაცი. ანდუყაფარი, მისი ძე და ესენი, ყაენის ბრძანებით დატოვეს ქართლში. ნავიდა მეფე ისპაჰანში და თან წაიყვანა გიორგი არაგვის ერისთავი. ყიზილბაშებს ბევრი ძღვენი⁵⁰² მოართვეს და დიდი პატივით ჩავიდა ისპაჰანში⁴⁴³.

მომრე ტექსტი⁴⁴⁴

ტახტზე ავიდა მეფე ადარნასე⁴⁴⁵ და განაგებდა ქართლის სამეფოს. იმხანად გარდაიცვალა ქსნის ერისთავი ვირშელი. დარჩა შვილი, სამი წლის შალვა. მეფემ გაზარდა იგი მამამისის პატივისცემის გამო. შემდეგ გარდაიცვალა მეფე ადარნასე და დარჩა ძე, ექვსი წლის ვახტანგი.

გამეფდა დავითი, ადარნასეს ძმა და განაგებდა ქართლის სამეფოს. ბიძამისმა, დავით მეფემ, არაფერი მისცა ვახტანგს, თავის ძმისშვილს. არ მიატოვა იგი მამამისის გაზრდილმა შალვამ და ზრუნავდა ამ ბავშვზე. დავითი დაყვავებოდა და მრავალი დიდების მინიჭებით [ცდილობდა] შალვასთან [შეთანხმებას], მაგრამ იგი არ დაჰყვა. გაამაგრა ციხეები და ერთგულ ყმებს ჩააბარა. მეფის ძეს თვითონ გაჰყვა ურდოში. მაშინ დავით მეფემ შეკრიბა მთელი თავისი ლაშქარი, შირვანელი თათრები და ყველა, ვინც კახეთში და მუხრანში იმყოფებოდა და მოადგა შალვას საერისთავოს ცხრა ხევს. ჩამორეკა დვალეები, ხადელ-ცხვატელები,⁴⁴⁶ და ყველანი ქვემო მთიულეთიდან. ციხესიმაგრეების გარდა მთელი ცხრაძმის ხევი გადანვეს და ააოხრეს. უტევდნენ ქუენიფნევის, ქარჩოხის, ქოლოთისა და ისროლის ციხეებს, მაგრამ ვერ აიღეს. შვიდი წელი გაგრძელდა მათი ომი. მეციხოვნეებს ისე გაუჭირდათ, რომ ტყავის თასმების ჭამა დაიწყეს. ასეთ დროს დაბრუნდნენ ვახტანგი და შალვა სპარსელების ურიცხვი ჯარის თანხლებით. მაშინ დავითი ბაზალეთში იმყოფებოდა. მათი მოსვლის შესახებ შეიტყო, დარიალის ციხეს მიაშურა და უკან გაჰყვა მთელი ჯარი. შევიდნენ არაგვის ხეობაში, გადაიარეს ჯვართა ყელი და ჩავიდნენ დარიალში. გველეთის ციხეში მიადგნენ დავითს. შალვა ხადაში გაჩერდა და ისე ძლიერ იბრძოლა, რომ ერთ დღეში ცხრა ციხე აიღო და დაანგრია. იმ ერთ კვირაში ოცდახუთი ციხე დააქცია, თხუთმეტი არაგვს გაღმა. მაშინ მისცა დავითმა ვახტანგს ჯვავახეთი და ალასტანი და გამოიყვანა გველეთიდან. შალვა კი დვალეთის ხეობებისკენ⁴⁴⁷ გაემართა და მთლიანად ააოხრა. ერთ ბნელ ღამეს თავს დაესხნენ ბოვდაელები⁴⁴⁸, ჩასაფრებულები დაუხვდნენ. შეიტყო შალვამ მათი მოსვლის ამბავი. შეიმწყვდია ისინი კლდოვან ხრამთან და ერთი-ც ვერ გადაურჩა. მრავალ დვალს გაავლეს მუსრი. გადანვეს და ააოხრეს დვალეთის ყველა ხეობა. შემუსრეს და დაანგრიეს ყველა ციხესიმაგრე თრუსოდან აჩაბეთამდე. ნავიდა სპარსელების მთელი ჯარი. მეფემ მისცა შალვას თრუსო, ლუდა, გა-

გასძენი, მლეთა, არახუეთი, ქანდო, ყანჩაეთი, აბაზასძეთა მამული, ძაგნაკორი, დილომი, გავაზი, ანრის ხევი, ბექუშე და თავის ყველა დიდებულზე უფრო უმჯობესად მიიჩნევდა. იმხანად გარდაიცვალა დავით მეფე. იმავე წელს ვახტანგ მეფეც მიიცვალა.

გამეფდა გიორგი, დავითის ძე და განაგებდა ქართლის სამეფოს. ნავროზ აბაზაძე კი სპარსეთში წავიდა. მაშინ მეფემ უბრძანა შალვას, ალყაში მოექცია ლონობნის ციხე. მიადგა შალვა ლონობანს, ოთხი დღე სასტიკი იერიში მიჰქონდა და მეხუთე დღეს აიღო. მაშინ მოაბრძანა ორი მეტად მშვენიერი ხატი. გიორგი მეფემ მალაროში გაილაშქრა. ძალზედ დააზარალეს, ვინრო ხეობებში ბევრი საგორავები [დაუშინეს] და მეტად დაღონებული დაბრუნდა. მეორედაც წავიდა ყველიერის კვირაში. ძალიან ციოდა. საგორავების შიშით მთის გაყინული გზით წამოვიდნენ. მაშინ უფრო მეტად დაზარალდა, რადგან ეცემოდნენ ცხენები და ხალხი მხეცების მსგავსად სისხლში ამოსვრილი მისდევდა. შალვა მასთან არ იყო მას ამ ლაშქრობაში, მხოლოდ მისი ძეები ახლდნენ. ცამეტი ვაჟი ჰყავდა, გულადი და გონიერი. წავიდა შალვა თავისი ლაშქრით და მივიდა. ძირითადი ლაშქარი ღამით ჩაასაფრა, გამთენიისას კი მცირე რაზმით გამოვიდა. გადანვა და მოაოხრა მათი ქვეყანა. აბჯრის მეტი ლაშქარს არაფერი წამოუღია ნადავლად და წამოვიდნენ. უკან დაედევნა იმ ქვეყნის ლაშქარი. გამოსცდნენ ჩასაფრებულებს და მთლიანად გამოვიდა დამალული ლაშქარი. შალვაც მობრუნდა და ვინრო ადგილას შეიმწყვდია. ორმოცდათხუთმეტი კაცი მოკლეს და ბევრი შეიპყრეს. მერე ისევ ჩავიდნენ, იქ დაბანაკდნენ, მოაოხრეს და გადანვეს მთელი მათი ქვეყანა. წამოვიდნენ გამარჯვებულები დიდძალი ალაფით. [ეს მოხდა] ქორონიკონსა 17, ქრისტეს აქეთ 1284⁴⁴⁹ [წელს].

იმხანად მოვიდა ამბავი, რომ იერუსალიმი სპარსელებმა დაიპყრეს. ძალიან დაღონდა მეფე გიორგი. ხმელეთის გზით გაგზავნა ეგვიპტელთან დიდი ძღვენით შალვა ერისთავის ძე, რომელსაც სახელად ჰიპა ერქვა. ეახლა ჰიპა ეგვიპტელს, მან სიხარულით მიიღო ძღვენი და მისცა იერუსალიმის [ტაძრის] კლიტეები. მივიდა ჰიპა ქრისტეს საფლავზე, ეამბორა, წირვა გადაახდევინა და ეზიარა. მოილოცა წმიდა ადგილები, შეკრიბა წმიდათა ნაწილები და მშვენიერი ხატები. იმავე გზით, ხმელეთით დაბრუნდა უკან და მოვიდა მეფესთან. მოიტანა წყალობისა და მისი ყველა თხოვნის აღსრულების სიგელი. მეტად გაიხარა მეფე გიორგიმ, რადგან კლიტეები ქართველებს გადმოეცათ.

მაშინ შემოადგა გორში მყოფ ოსებს და სამი წელი ებრძოდა. ვირშელი და მისი ლაშქარი ყველა ჯარზე უკეთ იბრძოდა. მეტისმეტად აქებდნენ. ეს შეშურდათ არაგვის ხეობის მთიულებს და თქვეს: „თუკი გაშლილ ადგილზე ბრძოლაში უკეთესები არიან, ავიდეთ ლომისას მთაზე, იქ შეგვებრძოლონ და ვნახავთ ვინ არის უმჯობესიო“. მაშინ დათქვეს შეხვედრა და დაემუქრნენ ერთმანეთს. გორის ალების შემდეგ შეატყობინეს ერთმანეთს და ავიდა ვირშელი, მთელი თავისი ლაშქრით, ლომისას მთაზე.⁴⁵⁰ მთიული არაგველები კი ღოჯისთავს დადგნენ. ლომისაში ჩამოსვლას ეუბნებოდნენ, ისინი კი ღოჯისთავის ციხის ტყესა და კლდის ქარაფებს არ მოშორდნენ. მაშინ მოვიდა დავითი, გიორგი [მეფის] ძე და არ მისცა ბრძოლის ნება, ყველა თავ-თავისკენ გაუშვა. ქართლის ყველა აზნაური წავიდა იმ სამი ხეობის აზნაურების გარდა. მაშინ წამოვიდა ვირშელი და ჩამოვიდა ვაჩეში. ლაშქარი კი წყაროებთან, მუხებთან და წისქვილებთან ჩამოჰყვა გვერდით. ეს რომ გაიგეს არაგველმა მთიულებმა, უკან გამოჰყვნენ და ამოვიდნენ ლომისაზე. უფლისწული დავითი მუხლზე დაჩოქილი ევედრებოდა, ლომისაში ვინც იყვნენ, ხატები დაუსვენეს წინ და ევედრებოდნენ, რომ არ დასდევნებოდნენ, მათ კი არ შეისმინეს. დიდი ლანძღვა-გინებით მოსძახოდნენ და ბევრი საგორავები დაუშინეს.

მაშინ ვირშელმა შეკრიბა ამ სამი ქვეყნის პატარა ლაშქარი და მიმართა: „ახლა აღარ იქნება ომი, რადგან დაიშალა ჩვენი ლაშქარი. ისევ შევეკრიბოთ ჩვენი ჯარი და მერე შევებრძოლოთო მათ“. ეს არ ისურვა მცირე ლაშქარმა. ასე თქვეს: „ჩვენი ტანმორჩილი მამა-პაპა სჯაბნიდა მათ ახოვან და უფრო მრავალრიცხოვან მამა-პაპას. ხოლო, თუკი ჩვენი მამების შვილები არ ვართ, მამ რალატომ გვაქვს მათი მამული?“ მაშინ გაიხადეს ფეხზე, წინ გაიძლოლეს დროშა და აღმართეს ლომისას ორ ქედზე. ერთ ქედზე ჩამოვიდნენ ცხვატელგარელები და ყველა მათი მხარდამჭერი. გადმოყარეს ურიცხვი საგორავი და ისევ უკან ავიდნენ. ფარებით ისე იყვნენ დაფარულები, როგორც სიპი ქვით. ქვები და შუბები დაუშინეს წვიმასავით და ბევრი ისრები, როგორც ხშირი სეტყვა. ღმერთს იფიცებდნენ, რომ ქვეით გამოტყორცნილი ისარი ფარსა და ჯაჭვისპერანგიან კაცში გადიოდა და ნახევრად ერჭობოდა მიწაში. იშიშვლეს ხმლები, მიეჭრნენ, აიღეს, შეუდგნენ მთის აღმართს და დაღმა მოგორავდნენ. მათ შორის უმჯობესი ის იყო, რომელიც აბჯარსა და ტანსაცმელს გადაყრიდა და შიშველი გარბოდა. მაშინ ერი-

სთავმა ვირშელმა რაკილა დაინახა ასე დაუძღურებული მისი მეზრდოლები, ბრძანა, არ დაეხოცათ, არამედ შეეპყროთ და განედევნათ. კვალში ჩაუდგნენ და გადაჰყვნენ არაგვს გაღმა. მოვიდა ერისთავი ლომისაში და ყველა გაუშვა, ვინც კი ჰყავდა ხელში ჩაგდებული. ბევრი შესანიშნავი მისცა ლომისას. თავისთან ისტუმრა დავით უფლისწული.

ამის შემდეგ გავიდა რამდენიმე წელი. სიკეთის მოძულე ეშმაკმა, როგორც არის მისი წესი და ჩვეულება, ქრისტიანების წინააღმდეგ აამხედრა თურქები. შეკრიბა უთვალავი ხალხი და ხოსია ბაედარის ძის წინამძღოლობით შემოვიდნენ ქართლში. ბრძოლა გამართეს ქართველებმა და თურქებმა. მოკლეს გიორგი მეფე და მასთან ერთად იოანე ქვენიფნეველი და ქართლის ყველა დიდებული მთავარი. მთლიანად ამოწყვიტეს ლაშქარი, დაარბიეს საქართველო და წაიყვანეს ტყვეები რვა აგვისტოს 61 ქორონიკონში (1373 წ.).

მის ნაცვლად გამეფდა დავითი, მისი ძე და განაგებდა საქართველოს ერთიან სამეფოს. გარდაიცვალა დავითი და მის ნაცვლად ტახტზე ავიდა გიორგი, მისი ძე. გამეფდა ბაგრატი და განაგებდა საქართველოს სამეფოს. იმხანად წმიდა კათოლიკე ეკლესიის მეთაური იყო⁴⁵¹ და კარგად მწყსიდა კეთილი მწყემსი, სანატრელი და ყოვლადწმიდა⁴⁵² კათოლიკოს-პატრიარქი ელიოზი.

იმხანად, თავდაპირველად თურქეთის ქვეყანაში, ასპარეზზე გამოვიდა მტარვალი თემურ-ლენგი. სახელად უწოდეს თემური. კოჭლი იყო, სპარსულად „ლენგი“ კოჭლს ნიშნავს. თემურ-ლენგი წარმომავლობით ჩინციზის გვარისა იყო, სამარყანდიდან. ამიტომ უწოდებდნენ ჩინციზს.

უნინდელ დროში თურქეთის ქვეყანაში იყო ერთი იქაური მდიდარი კაცის ასული. მეტისმეტად მდიდარი იყო ეს ქალი, ძალზედ ბევრი ძვირფასეულობა და მონები [გააჩნდა]. რომელიღაც ელისა და ლაშქრის მბრძანებელი იყო. ისე მართავდა თავის ელსა და მხედრობას ეს ქალი, რომ ქმარი არ ჰყავდა. ბელიარისეული საოცრება შეემთხვა, ანტიქრისტესებრივი ჩასახვა⁴⁵³ [მოხდა მასში] – ეს ქალიც მამაკაცის გარეშე დაორსულდა. ყველამ გაიგო მისი დაფხმძიმების ამბავი. ეს ამბავი შეიტყო მისმა მხედრობამ. დიდ აუგად, გასაკიცხად და სირცხვილად ჰქონდათ, რადგან იმ ქვეყანაში მეტად წარჩინებული იყო [ეს ქალი]. ველარ აიტანეს მისი სირცხვილი მისმა ჯარისკაცებმა და ყმებმა. ერთ დღეს შეიკრიბნენ მის სამყოფელთან, [კაცი] შეუგზავნეს და შეუთვალეს: „ჩვენი პატრონი

და მბრძანებელი ხარ. რატომ გააკეთე ესეთი საქმე და ესეთ სირცხვილში ჩაიგდე თავი“. მან კი დიდად იუარა, უპასუხა: „თუკი დაიჯერებთ ჩემს ნათქვამს, იცოდეთ, რომ მამაკაცისგან არა ვარ დაორსულებული. ხოლო თუკი სარწმუნოდ არ მიგაჩნიათ, მეთვალყურენი დააყენეთ ჩემს სასახლეში, ისინი გაიგებენ, ვინც მოდის ჩემთან და ამით დარწმუნდებითო“. ასეც მოიქცნენ, დაუყენეს მცველები და მოთვალთვალებმა დაინახეს ნათლის მსგავსი, ბნელეთის მთავრის მზაკვრობა, რომელიც თავისი მოჩვენებითობით თითქოს სინათლედ გარდაიქცევა ხოლმე (შდრ. 2 კორ. 11, 14) და უფრო მეტად მისი ნების აღმსრულებლებზე ზემოქმედებს ასე. მცველებმა დაინახეს ის ნათლის მსგავსი, რომელიც მივიდა იმ ქალთან და მსგავსი მსგავსთან დანვა. ასე იქცეოდა ყოველ ღამე. მცველებმა [ხალხს] აუწყეს მათ მიერ ცხადად დანახული. მაშინლა დაიჯერეს ეს ამბავი. მოილოგინა ქალმა და ვაჟი გააჩინა. გაიზარდა, უწოდეს ძე ნათლისა, მას შემდეგ ეძახიან ჩინციზს. როცა გაიზარდა, თურქების მეფე გახდა. მას შემდეგ მეფობს იქ მისი მოდგმა.

თემურ-ლენგიც წარმომავლობით ჩინციზის მოდგმისა იყო, თურქების მეფის საყვარელი ყმა და მხედართმთავარი, თავისი ასულიც მიათხოვა. ამის გამო მეტად გაძლიერდა, პატრონობდა თავის ლაშქარს და სხვებიც ბევრი დაიპყრო. იმ ქვეყნის ხალხში მეტად სახელგანთქმული გახდა. ხრიკებით დრო იხელთა თავისი სურვილის ასახდენად, მოკლა თურქების მეფე, მისი ძეებიც ყველა მახვილით ამოწყვიტა და თვითონ დაეუფლა მთელი თურქეთის ქვეყანას, შემდეგში კი ინდოეთსა და ირანსაც. უფრო მეტად გაძლიერდა და მისთვის წინააღმდეგობის გამწევი აღარავინ ჩანდა. მისი თავგადასავალი ვრცლად არის აღწერილი სპარსულ წიგნებში. სომხებსაც აქვთ დანერილი, გარკვეული განსხვავებით. ამდროიდან უფრო მეტად გაძლიერდა თემურ-ლენგი და თითქმის მთელი ქვეყნიერება დაიპყრო, მასაც ისე აეწყო საქმეები, როგორც ალექსანდრე მაკედონელს. ეს მისი სიკეთის გამო კი არ მოხდა, არამედ იმიტომ, რომ ასეთია წუთისოფლის ჩვევა. იგი, ვინც მთელი ქვეყნის მბრძანებელი იყო, ახლა ისიც მტვერი და ნაცარი გამხდარა და სულთ ქვესკნელშია ჩასული.

ახლა დავუბრუნდეთ ზემოთქმულს. დაიპყრო თემურ-ლენგმა მთელი აღმოსავლეთის ქვეყნები და წამოვიდა მრავალრიცხოვანი ძალებით, ურიცხვი ჯარით, რომელიც მთელი ქვეყნის ველებს დაჰყარავდა. ასე ჩამოვიდა სომხეთში და დაიკავა მთელი სომხეთი. მოუტანა

მათ უბედურება, ხოცვა, ტყვეობა და მთლიანად გააჩანაგა სომხეთი, როგორც ეს სომხების ისტორიაში არის ვრცლად აღწერილი. დაიპყრო მთელი სომხეთი, მრავალი დაატყვევა, მათი უმრავლესობა მახვილით ამოხოცა, სხვა ყველა ძალით დაიმორჩილა და თავის საბრძანებლად გაიხადა. იქიდან გაემართა და დაიპყრო კარი, აიღო მათი ყველა ციხესიმაგრე, მახვილით ამოწყვიტა ყველა, ვინც კი წინააღმდეგობა გაუწია და არ დაემორჩილა. ერთი ზამთარი იქ დაბანაკდა, რადგან ძალზედ ცივი ზამთარი იყო. წავიდა ათაბაგიც და დაემორჩილა, რადგან არ შეეძლო მისთვის წინააღმდეგობის განევა. დიდი პატივი სცა ათაბაგს. მაშინ წავიდა ვირშელი, შერდიას შვილი. წინ გამოუძღვა მთელი ჩაღნელების, ქვეშენელების, სიყალშელების, ნალროელების, ინდოელებისა და სრულიად სპარსეთისა და აღმოსავლეთის ლაშქარს.

ზამთრის შემდეგ, დიდი რისხვითა და გულისწყრომით, როგორც ზღვის დიდი ტალღები, გამძვინვარებული წამოვიდა საქართველოს წინააღმდეგ, რადგან საქართველოს დაპყრობა უნდოდა. ასეთი იყო მისი სინდისის სურვილი. გადმოიარა აბოცი, წამოასხა ტყვეები და სრულიად გააჩანაგა მთელი მხარე. იქ არ შეყოვნდა, წამოვიდა და 20 ქორონიკონში, ქრისტეს აქეთ 1393⁴⁵⁴ [ნელს], დიდი საშინელებისა და უბედურების [თესვით] გადმოიარა თრიალეთი და საბარათიანო. ვის შეეძლო მისთვის წინააღმდეგობის განევა? ურიცხვი მხედრობა და ლაშქარი ჰყავდა, რომელსაც ვერ იტევდა ქართლის მთები, ველები და მთელი არემარე. მუსრი გაავლო მთელ თრიალეთს, საბარათიანოსა და მის შემოგარენს. დაატყვევა იმ ადგილების მცხოვრებნი, დალენა ყველა ციხესიმაგრე და გოდოლი. არ დარჩენილა სოფელი, რომ მთლიანად არ აეოხრებინოს. საქართველოს არასდროს დასტეხია თავს ისეთი უბედურება, როგორც მან მოუტანა.

ეს ამბავი შეიტყო ბაგრატ მეფემ, მეტად შეწუხდა. გამოსავალს ეძებდა, რადგან არ შეეძლო მისთვის წინააღმდეგობის განევა და შევიდა თბილისის ციხეში. მაშინ ადგა გიორგი მეფე და სამწევრისში ჩავიდა. როცა გაიგო, რომ თემური თბილისს მოადგა, აიყარა გიორგი მეფე [და გადავიდა] ლიხის მთის იქით. ერისთავი ვირშელი ბეხუმის ციხეში შეიკეტა ოჯახთან ერთად, თან წაიყვანა ელიოზ კათოლიკოსი ტაძრის ყველა მსახურითა და ხიზნებით, ნახირითა და ცხვრის ფარით და იქ გამაგრდა.

თემურ-ლენგს ეგონა, რომ მივიდოდა, დაემორჩილებოდა მეფე ბაგრატი, როგორც ათაბაგი და სხვა ბევრი დაემორჩილა. მაგრამ [მისი

მხრიდან] წინააღმდეგობის განწევისა და გამაგრების შესახებ გაიგო. მეტად განრისხდა ის მტარვალი, ამაყი და ამპარტავანი. მივიდა და ალყა შემოარტყა თბილისის ციხეს. თავის ყველა სპასპეტსა და სპასალარს უბრძანა, ებრძოლათ ძლიერ და თავგანწირვით. ქართლის ზოგი დიდი თავადი არ იმყოფებოდა ციხესიმაგრეში ბაგრატ მეფესთან ერთად. თავის სახიზრებსა და ციხესიმაგრეებში იყვნენ შესულები და თან ჰყავდათ ზოგიერთი რჩეული ჭაბუკი, როლებიც სულ თან ახლდნენ ხოლმე მეფეს. მტარვალმა თემურ-ლენგმა კი თბილისის მთელი შემოგარენი დაიკავა. ციხის აღება და მისი გალავნების დანგრევა უბრძანა თავის მრავალრიცხოვან ლაშქარს. მაშინ ბეფე ბაგრატი ღმერთს მიენდო და მისი მოწყალების დიდი იმედით გადაწყვიტა შებრძოლებოდა მათ. ასე თქვა: „მეტად უმჯობესია და სანატრელი ქრისტეს სარწმუნოებით გარდაცვალება, ვიდრე მტარვალის მორჩილება და მის მიერ ძალით შეპყრობაო“. ასე შეიჭურვა ქრისტეს სარწმუნოების ფართა და მუზარადით (შდრ. ეფეს. 6, 16-17), გამოვიდა თემურ-ლენგთან შესახვედრად და შესაბრძოლებლად. როგორც გავაზი წეროების გუნდს და როგორც ლომი პირუტყვის ჯოგს, ისე შეუტია მეფემ და ქართველთა მხედრობამ მათ ბანაკს. ორივე მხრიდან ძლიერი ბრძოლა გამართეს, ორივე მხარეს ბევრი მებრძოლი დაიღუპა. გაცილებით უფრო მეტი თემურ-ლენგის მოლაშქრენი დაიხოცნენ. ვერ შეძლეს მათი განდევნა, მათი ლაშქრების სიმრავლის გამო. მეტად დაიღალნენ ქართველები ფიცხელი ბრძოლითა და ხოცვა-ჟლეტით, ბევრი ქართველიც მოკლეს და ასე შებრუნდნენ იქვე თბილისის ციხეში.

ამის შემდეგ მეტად გამძვინვარდა თემურ-ლენგი, რადგან ვერ აიხდინა თავისი სურვილი. ასეთი რამ იღონა: რკინით გააკეთეს ჩელტები, აიფარეს და ისე შეუტოეს თბილისის ციხეს. ასე ძალით შეანგრის და აიღეს ციხე, მთლიანად დაარბიეს. ვინც კი ციხეში იყო. ზოგი მოკლეს, ზოგი დაატყვევეს. მაშინ შეიპყრეს თვითონ ბაგრატ მეფე, დედოფალი ანნა და მათი თანმხლები ყველა ქართველი. გაიხარა თემურ-ლენგმა მათი შეპყრობით, დაატყვევა ბაგრატ მეფე და მასთან მყოფი ყველა ქართველიც. თვითონ დაეუფლა ციხეს და თავისი ჯარისკაცები ჩააყენა შიგ.

ბაგრატ მეფეს მაჰმადის რჯულის [მიღება] აიძულა თემურ-ლენგმა, ბევრ წყალობას ჰპირდებოდა, ძმასავით მოპყრობასა და მისი სამეფოს ისევ დაბრუნებას. ცბიერი სიტყვით იმედოვნებდა, თავის რჯულს მიაღებინებდა. მაგრამ საერთოდ არ დაემორჩილა, რადგან მტკიცე იყო

თავის სარწმუნოებაში ბაგრატ მეფე. მცირე ხნით დარჩა აქ თემურ-ლენგი. მერე აუწყეს, რომ ყარაიაში მრავალი ნადირია, [კარგი] თავ-შესაქცევი [ადგილიაო] და წავიდა ყარაიაში. ინადირეს და კარგად განყვიტეს, მრავალი ნადირი დახოცეს. უზრუნველად გაატარეს დრო განცხრომაში. შემდეგ გადაწყვიტა ყარაბაღში წასვლა. აიყარა, წავიდა და თან წაიყვანა დატყვევებული ბაგრატ მეფე. ყარაბაღში რომ ჩავი-და, გარკვეული დროით იქ დაბანაკდა.

ბოროტებას ეძიებდა, რადგან შურითა და ხდომით იყო სავსე, რომ-ლის „თხლე არ გამოცალა“ (შდრ. ფსალ. 74, 9). ასპიტის გესლი გადმო-დიოდა მისი ბაგეებიდან. გულში ჰქონდა და ნატრობდა, რომ მთლიანად გაეჩანაგებინა საქართველო, რადგან ბაგრატ მეფე დაპატიმრებული ჰყავდა და სხვა არავიზე ჰქონდა ეჭვი, რომ წინააღმდეგობა გაენია მის-თვის. თავისი წარჩინებულებიდან ერთი [კაცი] გამოარჩია სპასალარ-ად, მისცა ურიცხვი ჯარი და გამოგზავნა საქართველოს წინააღმდეგ. უბრძანა, მთლიანად აეოხრებინა და ბოლო მოეღო ქართლისთვის. უფრო მეტად წმიდა ეკლესიების, ციხესიმაგრეებისა და შენობა-ნაგე-ბობების შესახებ უთხრა: „დაექციათ და დაენგრიათ საძირკვლამდე. ხოლო მოხუცებული მამაკაცები და ქალები, განსაკუთრებით კი სამ-ღვდელონი, ვისაც კი შეიპყრობდნენ, ყველა მახვილით დაეხოცათ, სხ-ვები დაეტყვევებინათ და წამოეყვანათ. ცეცხლით გადაეხუთათ წმიდა ეკლესიები, ქართლის ყველა სოფელი და ნაგებობა“. ეს დაავალა და განამტკიცა თავისი სარდლები და მთელი ჯარი უმოწყალო მტარვალ-მა თემურ-ლენგმა.

მაშინ, ქორონიკონში ქრისტეს აქეთ 1393 [წელს], წამოვიდნენ და სწრაფად მოუახლოვდნენ ქართლის არემარეს. შემოვიდნენ, მთლიანად დაიკავეს თბილისი და ქართლის ყოველი მხარე. [ისე] უწყალოდ გაავ-ლეს მუსრი, როგორც უწინ, ეგვიპტელებზე ღმერთის რისხვით მოვ-ლენილმა სასიკვდილო სნეულებამ. ასე ამბობენ: ჟამიც აღარ მობრუნ-დებო მეროდ⁴⁵⁵. ნამდვილად, შავ ჭირზე გაცილებით უფრო ბორო-ტები გამოდგნენ ესენი, რადგან შავი ჭირი ყოვლადმოწყალე ღმერთის ზეციური ბრძანებით მოივლინება ხოლმე ხალხზე, ჩვენი ცოდვების გამრავლების გამო და როგორც მოწყალე მამა საყვარელ შვილს, ისე ასწავლის, რომ შეინანონ და სინანული დაიწყონ. ღვთის განგებით მისით⁵³⁰ დახოცილთა გვამები, ყველა მღვდლების მიერ გაპატიოსნ-დება ხოლმე, წესს აუგებენ და წმიდა ეკლესიებში არის დაწესებული

მათი დაკრძალვა, გარდაცვლილი სულების პატივისა და შვეებისათვის. ის სასიკვდილო სნეულება საერთოდ არ შეეხება მღვდლებს. ასე არიან მღვდლები დაცული გამანადგურებელი სენისგან. წმიდა ეკლესიებისა მეტად ეშინია გამანადგურებელ შავ ჭირს და ძრწის. მაგრამ მაშინ შავ ჭირზე უფრო ბოროტები აღმოჩნდა საქართველოსთვის თემურ-ლენგის ლაშქარი. არათუ მთელი ხალხის ამონყვეტა არ იკმარეს, არამედ წმიდა ეკლესიები და იქ არსებული სამღვდელოთა კრებულებაც ცეცხლში დაიწვეს.

მაშინ მიატოვეს ქართლის ქვემო მხარეები და ზემოთ გაემართნენ შიდა ქართლში, რომელსაც ახლა ზემო ქართლი ჰქვია, რადგან მათი პირველი შემოსევისას, შიდა ქართლი ისე დარჩა, ტყვეები არ წაუყვანიათ. მაშინ მივიდნენ ეს ურჯულოები მცხეთის წმიდა კათოლიკე ეკლესიაში, რომლის შურითაც უფრო მეტად იყვნენ აღვსილები. ვაი იმ დღისა და ჟამისთვის, რომელიც დაგვიდგა, ჩვენი ცოდვების სიმრავლის გამო. აჰა წარმოგვიდგა ჩვენ გოდების აღმწერელად რამადან მომავალი ღვთაებრივი იერემიას ტირილის ხმა, [რომელიც] ასე ამბობს: „განიშორმა უფალმა თავისი საკურთხეველი, განაზნია თავისი სინმიდენი, მტრის ხელით შემუსრა მისი ტაძრების ზღუდე, ბრძოლის ხმა გაისმა უფლის სახლში, როგორც დღესასწაულის დღეს, და მიწაზე დაეცნენ მისი ბჭეები, წარწყმიდა და წარმართთაგან შემუსრა მისი საკეტურები, მისი მეფე, და მისი მთავრები. და ა[ლა]რ არის რჯული, და მისმა წინასწარმეტყველებმაც ა[ლა]რ მიიღეს ხილვა უფლის მიერ“ (შდრ. გოდება იერემიასი 2, 7-9). ყველაფერი ისე გააკეთა უმოწყალო მტარვალმა თემურ-ლენგმა საქართველოში, რაც ბაბილონის მეფე ნაბუქოდონოსორმა დამართა იერუსალიმს. ამან გადააჭარბა კიდევ, რადგან მან სოლომონის ტაძრის დანგრევა ვერ გაბედა, მხოლოდ ბევრი ძვირფასი ჭურჭელი წაიღო ტაძრიდან. ხოლო თემურ-ლენგმა იმხელა ბოროტება ჩაიდინა, რომ მთლიანად წაიღო წმიდა საკათედრო ტაძრის ძვირფასეულობა და მორთულობა. ამასაც არ დასჯერდა, არამედ თვითონაც გაბედა ბილწი ხელით დაენგრია და დაერბია სვეტიცხოველი შიგნიდან და გარედან [მისი] გალავნები და პალატები. ყველა ნაგებობა მთლიანად გააჩანაგეს თემურ-ლენგის მებრძოლებმა. შემდეგ აიყარნენ და წავიდნენ.

სადაც გაიარეს, გადანვეს და ააოხრეს სოფლები და შენობა-ნაგებობები ზემო მხარის მიდამოებში. ასეთი ბოროტებით მიადგნენ ქვათახვეს, იქაურობაც დაიკავეს და აიყვანეს ტყვეები. მრავალი უბე-

დურება დაატრიალეს ეკლესიის გარეთ. მოინდომეს წმიდა ეკლესიის ცეცხლით გადანვა და დანგრევა, რადგან ეკლესიაში თავშეფარებული იყვნენ ყველანი, იქ მყოფი წმიდა მღვდლები, დიაკვნები, საბერო ჩოხით შემოსილები, მღვდელ-მონაზვნები, ღარიბ-ღატაკნი, უღვთოდ დავრდომილნი და მონაზონი დედები, რომლებიც იქ მოღვაწეობდნენ, თავადაზნაურთა ასულები და დედები. ყველა ეს მონაზონი გამოიყვანა, ტანზე აასხა მეჩანგეების საკრავები, ჩამოჰკიდა ეუვნები და ზარ-ზანზალაკები, ფეხები გაუკრა და ცეკვა-თამაში დაანყებინა. ერთმა მონაზონმა ამოიოხრა: „ვაი ჩვენს მოხუცებულობას, ეს რა გვეჟღარუნებაო“. შემდეგ, რომელნიც მოინდომეს, თან წაიყვანეს. [ხოლო] ვინც ქრისტეს სარწმუნოება არ მიატოვა და წინააღმდეგობა გაუნია, ასევე გლახაკები და დავრდომილები ვინც იყვნენ, ყველას შეუკრეს ხელ-ფეხი და დააწყვეს შუა ეკლესიაში. ცის ქუხილივით ისმოდა მათი ვაებისა და მოთქმის ხმა. იმათ კი ყველამ, უკეთურებით ავსილებმა, ტაძრის შიგნით და გარეთ დიდი ცეცხლი აანთეს. დაწვეს ქვათახევის ღვთისმშობლის ტაძარი და იქ მყოფი წმიდა და სამგზის სანატრელი სამღვდლოთა დასიც, რომლებიც შიგნით ცეცხლში აღესრულნენ, მონამეობრივი ღვანლითა და გვირგვინებით შემკულები ახლა ხარობენ ღმერთის წინაშე და ლოცულობენ ჩვენთვის. მათი დამწვარი წმიდა სხეულების ჩრდილები დღევანდელ დღემდე ადამიანების შესახედაობის მსგავსად ჩანან წმიდა ტაძრის შიგნით, იატაკზე. მარტვილობის სურვილითა და ზეცათა სასუფეველის ტრფიალებით გადანყვიტეს მათ, რომ ქრისტესათვის სიკვდილისა და ტანჯვის ღირსი გამხდარიყვნენ. აქ მცირედი დაითმინეს და იქ საუკუნოდ ნეტარებენ ზეცაში უჭკნობელ ყვავილებში. იმ ურჯულოებმა კი შემოიარეს შემოგარენი ადგილები და ყველა დაატყვევეს.

შემდეგ წავიდნენ, მიადგნენ რუისს და იქ დაბანაკდნენ. მთლიანად მოედვნენ შიდა ქართლს, გადანვეს და ააოხრეს. შემოიარეს შიდა ქართლის მთელი არემარე და კავკასიის მთებში არსებული ციხესიმაგრეებისა და კოშკების გარდა, ყველა აიღეს. მაშინ მთლიანად დააქციეს რუისის დიდი ეკლესია, ღვთაების საყდარი, საძირკველიანად დაანგრის. არსად დარჩენილა სოფელი და დასახლება, მათ რომ არ აეყვანათ ტყვეები. ასე აღასრულეს თემურ-ლენგის ბრძანება მისმა მეომრებმა, როგორც უწინ ნაბუზარდანი, მეფე ნაბუქოდონოსორის მთავარი ქონდაქარი, მოექცა იერუსალიმში იუდეველებს. ასეთი უკეთურება ჩაიდინა, იერუსალიმიდან ბაბილონში გადაასახლა იუდეველები, სიონ-

ის შვილები, როგორც ამბობს იერემია წინასწარმეტყველი: „შემოვიდა იერუსალიმში ნაბუზარდან ქონდაქართუხუცესი, ბაბილონის მეფის უახლოესი მსახური. გადანვა უფლის სახლი, მეფის სახლი და მთელი ქალაქის სახლები. და ყველა დიდებული სახლი ცეცხლში დანვა“ (მდრ. იერემია 52, 12-13). ეს ყველაფერი ჩვენზე აღასრულა უწყალო თემურ-ლენგმა და მისმა მხედრობამ, რადგან შეასრულეს ყველაფერი, რაც მან ბრძანა. შემდეგ ადგნენ, ნავიდნენ იქიდან და ჩაიარეს კახეთზე. იქიდანაც წამოიყვანეს ტყვეები და მიმოიტაცეს. ბევრი დაატყვევეს, ზოგი მახვილით ამოწყვიტეს, ცეცხლს მისცეს ყველა შენობა-ნაგებობა, დაბრუნდნენ თემურ-ლენგთან და მიულოცეს გამარჯვება.

იმხანად ჩავიდა თემურ-ლენგი შაქში. შეუერთდა იმ ადგილის ყველა მცხოვრები, ძალით დაიმორჩილა და არავის შეეძლო მისთვის წინააღმდეგობის გაწევა. ყველას მბრძანებელი გახდა. მაშინ შემოიკრიბა და შეუერთდა მთელი კავკასია და ლეკები, შირვანელები და გილან-მაზანდარანელები. თან ჰყავდა შეპყრობილი ბაგრატი მეფე და მასთან მყოფი ყველა ქართველი. დიდი იმედი ჰქონდა თემურ-ლენგს და ცდას არ აკლებდა, რომ თავის რჯულზე გადაეყვანა ბაგრატი მეფე. ბევრ წყალობასა და დიდ პატივს ჰპირდებოდა, [აღუთქვამდა], რომ ისევ მისცემდა საქართველოს [„]ხოლო თუკი არ დამიჯერებ და არ შეისმენ ჩემს ნათქვამს, ვბრძანებ, რომ წამებით მოგკლან შენ და ყველა ქართველი, ვინც დავატყვევე“. ბაგრატი მეფე არ ზრუნავდა თავის თავზე, ქრისტეს სარწმუნოებისთვის მწარე სატანჯველსა და სიკვდილს ეძიებდა. არ ისურვა და ჭკუაშიც არ დაუჯდა მათდამი მორჩილება და თავისი რჯულის მიტოვება. მაგრამ ქართველების გაათავისუფლებისათვის, მისი მიზეზით რომ არ დაეხოცა ისინი უწყალო მტარვალს, მონახა გამოსავალი. გაჭირვებით მიიღო გადანყვეტილება და ოსტატურად, თითქოს დაჰყვა მათ სურვილს, გულით კი მეტად შორს იყო [მათგან]. მოკლე დროში უმჯობესი საქმე რომ გაეკეთებინა. რომ გამოეშვათ და გაათავისუფლებულიყვნენ მათგან, ამიტომ დაჰყვა თემურ-ლენგის ნებას.

როცა თემურ-ლენგმა გაიგო ბაგრატი მეფის დამორჩილების შესახებ, დიდი სიხარულით გაიხარა. სასწრაფოდ გაგზავნა კაცი, საპყრობილედან გაათავისუფლა და თავის კარზე მიიყვანა. დაიახლოვა და დიდი პატივი სცა. ქართველებიც ასევე გაათავისუფლა ბორკილებისგან. მაშინ მიანიჭა ბაგრატი მეფეს წყალობა, მრავალი საბოძვარი მისცა, ხალიჩები და სანოლები და სხვა მრავალი ნივთი და სამკაული – ყველაფერი მისი

მეფური სიმდიდრის საკადრისი. ბევრი საჩუქრითა და ძღვენით მოიგო მისი გული. ძმასავით პატივს სცემდა და უსაზღვროდ შეიყვარა მაჰმადის რჯულზე მისი გადასვლის გამო. ბაგრატ მეფე კი, მიუხედავად იმისა, რომ სიტყვით აღიარებდა მათ რჯულს, მხურვალე გულით მტკიცედ იდგა ქრისტეს სარწმუნოებაზე. ფარულად თავისთვის მდულარე ცრემლით ევედრებოდა ღმერთს, რომ გამოეშვათ მათ. მაშინ ყველა [იქ მყოფ] ქართველს იძულებით დაათმობინეს სარწმუნოება და გადავიდნენ მათ რჯულზე. უფრო მეტად ამის გამო იყო დამწუხრებული ბაგრატ მეფე, რომ ქართველები განუდგნენ ქრისტეს სარწმუნოებას და მიატოვეს იგი. მაშინ მეტად მოსწონდა თემურ-ლენგს ბაგრატ მეფე, ყურს უგდებდა და უჯერებდა მის ნათქვამს და თავისი სინდისის საიდუმლოს აღარ უმაღავდა. თემურ-ლენგის მრჩეველი გახდა. იმხანად მთელი აღმოსავლეთი დაპყრობილი ჰქონდა თემურ-ლენგს, აღარავინ ჰქონდა ეჭვი, რომ წინააღმდეგობას გაუწევდა, რადგან თავისთან ჰყავდა ბაგრატ მეფე და მთელი საქართველო თავის საბრძანებლად ჰქონდა გადაქცეული. ასე იკვებნიდა ბაგრატ მეფისა და საქართველოს დამორჩილების გამო, რომ მთელი ქვეყნიერების დაპყრობა შეეძლო. ამიტომ მეტად პატივდებული იყო მის მიერ.

ერთ დღეს, მარტოები იყვნენ თვითმპყრობელი ურჯულო მბრძანებელი თემურ-ლენგი და მეფე ბაგრატი და საუბრობდნენ. მაშინ ლიქნით უთხრა ბაგრატ მეფემ თემურ-ლენგს: „რადგან ასე დავრწმუნდი თქვენი რჯულის სიმტკიცეში, ახლა მეც ვირწმუნე და ასე მსურს, რომ სრულად დავუმორჩილო თქვენს რჯულს საქართველოს მოსახლეობა. თუ გინდა თქვენს რჯულზე მათი მოქცევა, მომეცი ახლა შენი მრავალრიცხოვანი ლაშქარი, მე წავალ ჩემს სამეფოში, საქართველოში, მოვუხმობ საქართველოს ყველა მცხოვრებს: დიდებულებსა და მდაბიოებს, მთიულებს, ოსებს, დვალეებს, სვანებსა და აფხაზებს – ყველა მათგანს მე მივალბინებ თქვენს რჯულს, თქვენი ბრძანების მორჩილად და მოხარკეებად გავხდი მათ. ეს რომ გაიგო თემურ-ლენგმა დიდად გამხიარულდა, დაიჯერა მისი ნათქვამი და უფრო მეტი პატივი სცა, ბევრი საბოძვარი მისცა, საგანძური და სამეფო საჭურჭლე. შეამზადა ლაშქარი, თორმეტი ათასი ნარჩევი კაცი, დაუდგინა სარდალი და ათასისთავები. დაავალა თემურ-ლენგმა, რომ დამორჩილებოდნენ ბაგრატ მეფეს და წინააღმდეგობა არ გაენიათ მისი სიტყვისთვის.

წამოვიდა ბაგრატ მეფე, მასთან მყოფი ქართველებიც და თემურ-

ლენგის თორმეტი ათასი მოლაშქრე. ისე გადაწყვიტა ბაგრატ მეფემ, როგორც უნინ აქიტოფელმა აბესალომისთვის, ოღონდ პირიქით, იგი არათუ ბილნი საქმის თანამოაზრე გახდა, არამედ შური რომ ეძია იმ ბოროტებისა და უკეთურებისათვის, რაც უნინ თემურ-ლენგმა ჩაიდინა საქართველოში. წამოვიდა და მოუახლოვდა საქართველოს მიწებსა და საზღვრებს. მარჯვე დროს ეძებდა, რომ საფრთხე შეექმნა თემურ-ლენგის მხედრობისთვის.

იმ დროს სრულიად საქართველოს განაგებდა გიორგი, ბაგრატ მეფის პირმშო ძე. ბაგრატ მეფემ წინასწარი განზრახვით ფარულად გაგზავნა მალემსრბოლი, მისი სანდო ერთი მხედარი კაცი, გიორგისთან, თავის ძესთან და ასე მისწერა: „ყოვლად ძლიერი ღმერთის ძალით თავი დავალწიე თემურ-ლენგის საფრთხეს. ახლა მოვდივარ შურის საძიებლად იმ სიბოროტისთვის, რაც მან უნინ დაგვატყუა ჩვენ და საქართველოს. მომყავს თემურ-ლენგის ჯარი, დაახლოებით თორმეტი ათასი კაცი. მეტად რჩეულები, მისი წარჩინებულები, დიდძალი განძითა და საჭურჭლით აღვსილები. ასეთი იყო ჩემი სინდისის ნება-სურვილი“.

როგორც კი აცნობა გიორგის, თავის ძეს, მაშინვე გადმოვიდა გიორგი მეფე ლიხთ იმერეთიდან. შეიტყო, რომ დვალეები განდგომოდნენ ქსნის ერისთავს. განრისხდა და გაილაშქრა მათ წინააღმდეგ. შევიდა აჩაბეთის გზით, დაიწყო მათი დატყვევება და გაჩანაგება, ააოხრა მთელი დვალეთი. მაშინ იხმო საქართველოს მხედრობა და მთლიანად შეკრიბა. გამოემართა, მოვიდა და დადგა ერთ ვიწრო და გამაგრებულ გზაზე, სადაც წინასწარ შეუთანხმდა მეფე ბაგრატი. როცა მოუახლოვდა ბაგრატ მეფე იმ ადგილს, სადაც ჩასაფრებული იყვნენ, ალყაში მოაქციეს თემურ-ლენგის ჯარი. მაშინ კი შეუტიეს ქართველებმა, როგორც ქარისგან გამძაფრებული ხანძარი მოედება ხოლმე ველის მდელოებსა და ქალა-ტყეებს. როგორც ხე – ცულით დაჩეხეს მათი ბჭეები (შდრ. ფსლ. 73, 5-6) და მახვილით ამოწყვიტეს ისინი. თავს დაატყდათ საშინელი ღვთის რისხვა. როგორც მეფე ეზეკიამ ილოცა ღვთისადმი სენექერემისთვის,⁴⁵⁶ გამოვიდა უფლის ანგელოზი და გაანადგურა ასურელთა ბანაკში ას ოთხმოცდახუთი ათასი წარჩინებული კაცი (შდრ. 4 მეფეთა 19, 35), ამის მსგავსი ღვთის რისხვა დაატყდა თავს თემურ-ლენგის ჯარს. მათაც ისე გადაუხადეს სამაგიერო, როგორც მოექცნენ საქართველოს, როგორც იტყვის დავითი: „ბაბილონის ასულო, უბადრუკო, ნეტარია, ვინც მოგიზღავს შენ იმის სამაგიეროს, რაც

შენ მოგვიზღე ჩვენ“ (შდრ. ფსლ. 136, 8) და ამის შემდგომი [სიტყვები]. ამონწყვიტეს თემურ-ლენგის მთელი ჯარი, დაახლოებით თორმეტი ათასი და ერთი მათგანიც ვერ გადაურჩათ. წამოიღეს ქართველებმა ნადავლი და მათი ალაფი. გამარჯვებულები იყვნენ სიხარულსა და შვებაში. უფრო მეტად გახარებულები იყვნენ ბაგრატ მეფისა და მასთან მყოფი ქართველების ხილვის გამო. ისეთი გამარჯვება მისცა ღმერთმა ქართველებს, ისე გაანადგურეს თემურ-ლენგის თორმეტი ათასი რჩეული მხედარი, რომ მათგან თორმეტი კაციც არ დაჰკლებია საქართველოს ამ ბრძოლაში.

ასეთი ამბავი შეიტყო თემურ-ლენგმა, გაუძნელდა, რადგან მთლიანად დაიკარგა მისთვის მთელი [ეს] სახელმწიფო და საბრძანებელი. სული ეხუთებოდა და შურით განიხერხებოდა. მოეძალა ბოროტი გულის სიტყვები. არ გაახმაურა მაშინ ეს ამბავი. იქვე, შაქში გამოიზამთრა თავისი ლაშქრით. გარკვეული დროით იქ იმყოფებოდა. როგორც კი მარტის თვე დადგა, შეკრიბა მრავალრიცხოვანი ჯარი, ზღვის ქვიშაზე უფრო მრავალი, უწინდელზე უფრო ბევრი. მოიხმო შარვან-შაჰი მისი ლაშქრით და ისიც მოვიდა ურიცხვი მხედრობით. წამოვიდა თემურ-ლენგი დიდი ძალითა და თავზარდამცემი საშინელებით, საყვირებით, დაფდაფების ცემითა და ბუკების ტკრციალით. ასე ჩამოვიდა ბარდავში. იქ დატოვა თავისი საჭურჭლე და მძიმე ბარგი, რომელიც არ გამოადგებოდა [ბრძოლაში]. აარჩია მეომარი მხედრობა, ასე გამოემართა და მოადგა მდინარე მტკვარს. ნავებით გადო ხიდი და ზედ გადმოიარეს.

მაშინ ადრე გაზაფხული იყო, წვიმდა და მთებიდან მონაბერ ქარს თოვლიც მოჰქონდა. იქ აღარ შეყოვნდნენ, სწრაფად შემოვიდნენ დასახლებულ ადგილებში. მეფე ბაგრატმა და გიორგიმ, მისმა ძემ, შემოიკრიბა საქართველოს მხედრობა, რომელნიც ღვთის რწმენითა და იმედით სასიკვდილოდ თავის განირვას არ მოერიდნენ. მიუხედავად იმისა, რომ ისინი ასი ათასით უფრო მეტი იყვნენ, მაინც არ შეშინდნენ, არც შედრკნენ. მეფე ბაგრატი, გიორგი, მისი ძე და მისი ერთგული ქართველთა მხედრობა მყისვე სწრაფად გაემართა მათკენ.

ახლა [კი] იხილეთ საქართველოს ჩინებულო და რჩეულო მკვიდრნო, მაშინდელი მხნეობა, გახელება და რჯულის სიმტკიცე. თუ როგორი თავდადება და გულოვნება გამოიჩინეს ურჯულოების მიმართ, რომ არ დამცირებულყო საქართველო. ისე უნდოდათ მაშინ მათთან ბრძოლა, როგორც მხეცების ხოცვა და ასპარეზობაზე გართობა.⁴⁵⁷ იქ მივიდნენ

ქართველები, სადაც დაბანაკებული იყო [მტერი], ვიდრე იგი ქართლის დასახლებულ ადგილებში შემოვიდოდა. ისინი წინ შემოეგებნენ და [ისე] შეუტია ქართველთა მხედრებმა, როგორც ლომმა კანჯარის ჯოგს, როგორც მგელმა შეკრებილ თხებს. ეკვეთნენ ერთმანეთს, ძლიერი ბრძოლა გაჩაღდა იქიდანაც და აქედანაც. ეჰა, მომართეს რჩეულ და სანაქებო ქართველ ჭაბუკებს, დღე და ღამე სიხარულსა და განცხრომაში [რომ არიან], პირველივე შეტაკებისას უკან დაიხიეს მათ [თემურ ლენგის მებრძოლებმა] და [ქართველებმა ისინი] შეანარცხეს ერთმანეთს. როგორც შევარდნებისგან აშლილი ჭილყვაგების გუნდი, ისე გამოიყურებოდა თემურ-ლენგის ლაშქარი. მაგრამ მათი სიმრავლის გამო, მათი ბანაკის ბოლოში მყოფებმა ვერც კი გაიგეს მათი მენინავე რაზმების ასეთი ძლიერი ბრძოლა.

მეტად მოსაწონი უნდა ყოფილიყო მაშინ შორიდან მაყურებელი ხალხისთვის ახალგაზრდა ქართველი ყმანვილკაცების⁴⁵⁸ სიმამაცე და სიმარდე, რომელიც ძველი დროის ბუმბერაზებისა და ჭაბუკების ომის შესაფერისიც კი იყო. რომლებიც მათგან იღებდნენ სიმწვავესა და მკვეთებელ ისრებს, ხმლების ფეთებასა და ჰოროლების ხეთქებას, მოუღალავი მკლავების სიმაგრეს. ასე გაგრძელდა ომი. თემურ-ლენგს თავიდანვე მკველები ჰყავდა დაყენებული, რომ არ გაეშვათ გაქცეულები. მაშინლა შეიკრიბნენ ერთ გუნდად, რადგან ფიცხელი ბრძოლის გამო მეტად შეძრწუნებულეს გაქცევა და უკან გაბრუნება უნდოდათ. თემურ-ლენგმა კი უკან გაბრუნებას თავგანწირვა და სიკვდილი ამჯობინა. მაშინ იშიშვლა ხმალი და თვითონ გამოვიდა შესარკინებლად, დიდი ხმით შემოუძახა თავის მხედრობას. მისი მებრძოლებიც გამხნევდნენ და ომის გაჭიანურებასთან ერთად [კიდევ უფრო] შემოუტიეს, რადგან ქართველთა მხედრობა მეტად დაქანცული იყო. შემოელენათ საომარი აბჯრები, მაგრამ ისევ ფიცხლად იბრძოდნენ, ბევრ მათგანს ავლებდნენ მუსრს და ღვრიდნენ მათ სისხლს. მთელი ქართული მხედრობა ცხენიან-კაცინანად მენამულად ჩანდა. ორივე მხრიდან ურიცხვი მხედრობა განადგურდა. ხუთჯერ მეტი თემურ-ლენგის მოლაშქრე მოისრა. ბრძოლის გახანგრძლივებასთან ერთად ქართველებს აღარ შეეძლოთ მათთან შერკინება მეტისმეტი დაღლილობის გამო. აღარც იარაღი შერჩენოდათ, აღარც მათ ცხენებს შეეძლოთ სირბილი.

მე ისე არ შემიძლია აღვწერო და შევასხა ქება ქართველი ჭაბუკების მხნეობასა და გულადობას, როგორი ქებაც სპარსელების წიგნებშია

დანერილი ქართული მხედრობის შესახებ. მაშინ უკან გამობრუნდნენ ბაგრატ მეფე და ქართველები და მიაშურეს შეუვალ მთებს. უკან დაედევნა მათ თემურ-ლენგი და მთელი მისი ჯარი. მიუვალ ადგილებში ქართლიდან წინასწარ იყვნენ გასული ხიზნები, ზოგი კავკასიონის მთებში, ზოგიც სხვა [მხარეს] იმერეთის შეუვალ ადგილებში. აღარავინ დარჩა ქართლში, შენობებშიც არ იმყოფებოდნენ ხიზნები, ყველა მთებში იყო შეხიზნული. ბაგრატ მეფემ და გიორგიმ, მისმა ძემ, სწრაფად მიმართეს სახიზრებს, ქართველებიც ცალ-ცალკე წავიდნენ.

მაშინ შემოვიდა [თემურ-ლენგი] ქართლში უსაზღვრო მრისხანებით. მაგრამ, როგორც ეგონა, ვერ აისრულა თავისი გულის წადილი, ვერ იპოვა ხიზნები. შემოიარეს მთელი ქართლი, მოაოხრეს და ცეცხლს მისცეს ყველა დასახლება, უფრო მეტად [კი] წმიდა ეკლესიები და მონასტრები დააქციეს და ცეცხლით გადაბუგეს. ეს მეორედ დაატეხა თავს ბოროტება წმიდა ეკლესიებს.

მცირე დროის შემდეგ წავიდა თემურ-ლენგი და ისევ ყარაბაღში გაბრუნდა. რამდენიმე ხნით იქ გაჩერდა. მეფე ბაგრატი კი ისევ დაეუფლა თავის სამეფოს და კარგად განაგებდა. ცოტა ხნის შემდეგ სარწმუნოებითა და სინანულით გარდაიცვალა ბაგრატ მეფე და ქრისტეს აქეთ [... ნელს⁴⁵⁹] მის ნაცვლად სამეფო ტახტზე ავიდა გიორგი, მისი ძე. [ასევე] იმხანად გარდაიცვალა ყოვლად სანატრელი კათოლიკოსი ელიოზი და მის ნაცვლად აღსაყდრდა გიორგი კათოლიკოსი. დიდად გლოვობდა მეფე გიორგი და აღასრულეს დაკრძალვის წესი. ამის შემდგომ დაეუფლა გიორგი მეფე სრულიად საქართველოს, იმერსა და ამერს და ერთიანად მეფობდა სრულიად საქართველოში. როგორც კი გაიგო ეს ამბავი მტარვალმა თემურ-ლენგმა, რომ გარდაიცვალა ბაგრატ მეფე და გამეფდა მისი ძე გიორგი, ისევ აივსო შუღლითა და უზომო მრისხანებით. არ მოსწყინდა ამდენი სიავე და უკეთურება, არც თავისი გულისწყრომა დაიოკა.

მაშინ მენინავედ გამოგზავნა თავისი სარდალი, სახელად ყარაბაღი, შემდეგ კი თვითონაც წამოვიდა ურიცხვი ჯარით. მრავალი საბოძვარი დაურეგა თავის მხედრობას, დააცარიელა მთელი თავისი ხაზინა და საგანძური. ასე დაიერთგულა თავისი მხედრობა. ქრისტეს სამწყსოს ასაოხრებლად გაახელა ისინი, როგორც მხეცები. ქრისტემოსილ მეფეზე [სიბრაზით] აღრჭყენდნენ მათ ბილწ კბილებს. მაშინდა გამოემართა და ჩამოვიდა ყარაბაღში, საშინელებითა და მრავალრიც-

ხოვანი ლაშქრით. ვერც ქალაქები და ვერც დაბები ვერ იტევდა მის მხედრობას. თვლა არ ჰქონდა [მის] ჯარს. ასე წამოვიდა გულისწყრომით აღძრული, მოადგა საქართველოს საზღვრებს და იქ დაბანაკდა.

ერთი კაცი გამოუგზავნა გიორგი მეფეს და მოსწერა: „მამაშენი, ბაგრატ მეფე, ერთგულად არ დამემორჩილა, უკეთურად მოიქცა, მზაკვრულად ჩამოაცილა ნაწილი ჩემს სამეფოს და როგორც ქურციკი საფრთხეს, ისე გაექცა ჩემს მახეებს. მახვილით ამოწყვიტა ჩემი რჩეული მხედრობა, რიცხვით თორმეტი ათასი, ერთიც ვერ გადაურჩა. ამის შემდეგ მაინც რომ დამემორჩილებოდა ერთგულად, უწინდელ შურს არ ვიძიებდი. ახლა კი შენ დაუფლებიხარ საქართველოს ჩემი ნებართვის გარეშე. ეს ქვეყანა ჩემი ხმლით მაქვს დაპყრობილი და ჩემს საბრძანებელს წარმოადგენს. ახლავე მოდი ჩემთან და იყავი ბრძანების მორჩილად [აღმსრულებელი], ისე, როგორც მონების წესია მათი მეპატრონეების მიმართ [მორჩილება]. მეც კეთილისმოქმედი ვიქნები შენ მიმართ და იყოს მშვიდობა ჩვენ შორის. ხოლო, თუკი არ მოისურვებ ჩემს მორჩილებას, უწინდელზე უარეს მრავალ უბედურებას შეგამთხვევ შენცა და შენს ხალხსაც და მთლიანად გავაჩანაგებ შენს სამეფოს“.

ეს რომ გაიგო გიორგი მეფემ, აბუჩად აიგდო მისი ამპარტავნება და ქედმაღლობა. ასე შეუთვალა: „რადგან სარკინოზი⁴⁶⁰ ხარ და რჯულით ბარბაროსი, არ იცი წინასწარმეტყველის მიერ ნათქვამი, როგორც ამბობს: „უფალი ამპარტავანთ შემუსრავს, ხოლო მდაბალთ მოსცემს მადლს“ (შდრ. იაკობ 4, 6; იგავი 3, 34). ეს იცოდე, რომ მე შენზე ნაკლები და პატარა მეფე არა ვარ. არ იცი, რომ დავით წინასწარმეტყველის ძირიდან ვართ აღმოცენებული და მის გამო ღვთისაგან ცხებულობით არის განწესებული ჩვენი, ბაგრატიონების მეფობა და ვართ შთამომავლები დავით მეფისა და წინასწარმეტყველისა, რომლის შესახებაც ბრძანა ღმერთმა, რომ: „ერთგზის მივეცი ფიცი ჩემს წმიდა დავითს, და მე არ ვეცრუები მას“ (შდრ. ფსალ. 88, 36), „შენი მუცლის ნაყოფისგან დავსვა შენს საყდარზე“ (შდრ. ფსალ. 131, 11). ეს ის დავითია, რომელმაც ერთი შურდულით მოკლა გოლიათი⁴⁶¹ და შემუსრა მისი ქედმაღლობა. ამიტომაც, მრავალმონყალე ღვთის განგებულებით, მკვიდრად ვმეფობთ მთელ საქართველოში. ასე ვართ გათავისუფლებულები და ზეცათა მეუფის, ჩვენი უფლის იესო ქრისტეს გარდა, სხვა მეფე არ გვყავს მბრძანებლად. შენი მეფობა კი აქაც სწრაფად წარმავალია და გადაშენებადი, იქ კი საუკუნოდ მოგელის დაუშრეტელი ცეცხლი, რო-

მელიც გამზადებულია ეშმაკისათვის და შენი მსგავსი [მათი] ყველა მსახურისთვის. მზაკვრობითა და ბელზებელის ხრიკებით დაგიპყრია მთელი აღმოსავლეთი, გყავს მრავალრიცხოვანი ლაშქარი და ურიცხვი მხედრობა. სამჯერ მოხვედი და გააჩანაგე ჩემი სამკვიდრო სამეფო და ღვთისმშობლის, ჩვენი წმიდა დედოფლის წილხვდომილი სამწყსო. და ეს შენი ძლიერებით კი არ მოხდა, არამედ ჩვენი ცოდვების გამრავლების გამო სამართლიანად გვასწავლა ჩვენ ღმერთმა. ამდენი სიავე ჩაიღინე და ვერ გაძეხი ჩვენი სისხლით, ისევ გსურს ჩვენი ხორცის შეჭმა ძვლებთან ერთად. ახლა კი, რადგან ასეთი სიამაყით იქადნები და მოღიხარ ჩვენ წინააღმდეგ, მოდი, თუ არა ხარ სეფექალი და დიაცი. შენ თუ არ მოხვალ, მე მოვალ ღვთის ძალითა და ჩემი რჩეული მხედრობით. სამჯერ შენც გინახავს და შენმა მრავალრიცხოვანმა მხედრობამაც იცის ქართველი ჭაბუკების გამხეცება და საბრძოლო გამოცდილება. მიუხედავად იმისა, რომ შენი მრავალრიცხოვანი ძალებით ბევრი ბოროტება მოაწიე ჩვენს თავს, არც ჩვენგან წასულხარ უვნებელად“. ასე გაგზავნა თემურ-ლენგის ელჩი.

გიორგი მეფემ სწრაფად შეკრიბა მთელი თავისი სამეფო, რჩეული მხედრობა დასავლეთისა და აღმოსავლეთისა, მესხები და კახელები, მთელი ქართლი და გამოემართა. მივიდა თემურ-ლენგთან ის ელჩი, სრულად გადასცა გიორგი მეფის ნათქვამი და დიდად შეაქო გიორგი მეფისა და მისი მხედრობის სიმხნე და გულადობა. ამ სიტყვებზე უფრო მეტად გამძვინვარდა, როგორც ბოროტი მხეცი, აიყარა თავისი მრავალრიცხოვანი ძალებით და ისიც გამოემართა. ეკვეთნენ ერთმანეთს, გაშმაგებით, როგორც ცეცხლმა თივას, ისე შეუტიეს ქართველებმა. აჰა, ძლიერი ომი გაჩაღდა იქიდან და აქედან. დიდად სახელოვნად გამოჩნდა საქართველოს მხედრობა, მუსრს ავლებდა და ატყვევებდა [მტერს]. გაჭიანურდა ბრძოლა. შეაძრწუნეს თემურ-ლენგის მხედრობა, მაგრამ ლაშქართა სიმრავლის გამო ადგილიდან დაძვრა არ შეეძლოთ. ისეთი მხნეობა გამოიჩინა საქართველოს მხედრობამ, რომ მოხდენილად შეიჭრებოდნენ მათი რაზმების შუაგულში, ასე ამონვდილი მახვილებით ავლებდნენ მუსრს და თავიდან ბოლომდე გაუვლიდნენ. შემდეგ კი, მათგან უვნებლები, ისევ უკან გამოივლიდნენ ხოლმე ისმაიტელთა ბანაკში. ასე სახელოვნად გამარჯვებულები მოდიოდნენ ღვთივგვირგვინოსანი გიორგი მეფის წინაშე და ულოცავდნენ გამარჯვებას. მაშინ ძალიან შეწუხდა მტარვალი თემურ-ლენგი, რადგან ამისთანა მარცხი

და ზიანი მას არასოდეს მიუღია. ისეთი მხნეობითა და ლომგულობით შეებნენ, მახვილით ურიცხვ მხედრობას გაავლეს მუსრი ქართველებმა, მაგრამ მათი სიმრავლის გამო, არ ცოტავდებოდნენ.

თემურ-ლენგს გამოცდილი ჰქონდა, იცოდა, რომ ქართველები ომში ფიცხები იყვნენ და მალე იღლებოდნენ. ამიტომ იცდიდა, ვიდრე ძალიან არ დაიღალნენ ომისგან ქართველები. ხოლო, როცა ბრძოლა შენედა და მზეც ჩასასვლელად გადაიხარა, დაინახა თემურ-ლენგმა ქართველთა მხედრობის მეტისმეტი დაქანცულობა, მკლავის დაღლა და საომარ აბჯართა დაღენვა. მაშინ კი სასიკვდილოდ განირა თავი, დიდი ხმით შემოუძახა თავის მხედრობას, ისინიც გაამხნევა და ასე შემოუტიეს ქართველთა ლაშქარს. რამდენიც შეეძლოთ ისევ შეე-ბრძოდნენ [ქართველები], მაგრამ აღარ შეეძლოთ წინააღმდეგობის განევა მეტისმეტი დაღლილ-დაქანცულობის გამო. მაშინლა აჯობეს ისმაიტელთა ლაშქარმა, თემურ-ლენგმა და აგარიანებმა. უკუიქცნენ ქართველები, მთებსა და ციხესიმაგრეებში გადაიხვეწნენ.

მაშინ წამოვიდა თემურ-ლენგი და პირველად თბილისის ციხეს მოადგა. ძლიერ გამაგრებული იყო თბილისის ციხე, რადგან შიგ ქართ-ველთა მხედრობა იდგა. ძლიერი იერიში მიიტანა, მეციხოვნენიც ძა-ლუმად ებრძოდნენ. მთლიანად დაიკავა თემურ-ლენგმა თბილისის შემოგარენი. მაშინ მოინდომეს ძალით დაენგრიათ ციხე. სწორედ ასე დააქციეს გალავნები და რამოდენიმე ხანში აიღეს თბილისის ციხე და ასევე ქართლის ყველა ციხესიმაგრე. დაიპყრო [თემურ-ლენგმა] ქართ-ლი, ჩააყენა თბილისის ციხეში ხორასნელი მოლაშქრენი, თვითონ აი-ყარა, წამოვიდა და მუხრანში გაჩერდა.

კვლავ შემუსრეს წმიდა ეკლესიები და მონასტრები, ააოხრეს ყოველი დასახლება და ცეცხლით გადაბუგეს. მაშინლა ეახლა ზოგიერთი ქართ-ველთაგან, რომელთაც არ გააჩნდათ საიმედო სახიზრები. იყო ქართლ-ში ერთი მთავარი და მეტად წარჩინებული [კაცი], სახელად ჯანიბეგი. ამ ჯანიბეგის მამულში ჩადგა თემურ-ლენგი, ააოხრა, გადანვა და დააქ-ცია. მაშინ ისიც ეახლა, დაუზავდა და გარკვეული ხნით იქ დარჩა.

მოიარეს [ურჯულთებმა] მთელი ქართლი, მოაოხრეს და გადანვეს. ძალიან უნდოდა გიორგი მეფის შეპყრობა, ყველაფერი იღონა, მაგრამ ამოდ. ჯანიბეგი რომ ეახლა, აიყარა და წავიდა. მივიდა, სადაც თავი-სი ბარგი და მძიმე ტვირთი ჰქონდა. მაშინაც არ დაიოკა გიორგი მე-ფის მიმართ ბოროტი შუღლი და გულისწყრომა. ფიქრობდა, რომ ისევ

ჩამოვიდოდა საქართველოში და დაიპყრობდა. ამიტომ დააყენა ამირ-სპასალარად ხოჯა შიხალი და ამირჯანშა, გამოგზავნა საქართველოს წინააღმდეგ და თან გამოატანა ურიცხვი მხედრობა. ყოველ მათგანს უბრძანა, ცალ-ცალკე გამაგრებულიყვნენ და მთლიანად აეოხრებინათ, გადაებუგათ და დაექციათ ყოველივე, რომ აღარ დამკვიდრებულყო საქართველოს მოსახლეობა იქ.

წამოვიდნენ ისინი და შემოვიდნენ ქართლში. ისევ დაიწყეს უკეთურება და ბოროტება, გადანვა, ნგრევა, დატყვევება და ხოცვა-ჟლეტა. უფრო მეტად წმიდა ეკლესიებს მოექცნენ დიდი უკეთურებით. ძალიან უნდოდათ მეფე გიორგის შეპყრობა და ხელში ჩაგდება, მაგრამ ვერ შეძლეს და მეტად ააოხრეს ქართლი. მაშინ შეიპყრეს მეფე გიორგის ზოგიერთი კაცი. ეკითხებოდნენ, თუ სად იმყოფებოდა იგი, მაგრამ მათ არაფერი იცოდნენ და ვერ მოახერხეს მათგან საქმის ვითარების შეტყობა. მაშინლა წამოვიდნენ და მოვიდნენ თემურ-ლენგთან. აცნობეს, რომ ვერ შეიპყრეს მეფე გიორგი. დაღონდა და ძალიან მოიწყინა. ცოტა ხნის შემდეგ აიყარა, ჩავიდა ყარაბაღში და იქ დაბანაკდა.

იმ მხარეში, ჯალალის ქვეყანაში, ცხოვრობდა ერთი კაცი, სახელად თირ-სულთან⁴⁶² რჯულით მუსლიმი. როცა თემურ-ლენგი ყარაბაღში ჩავიდა, თირ-სულთანმა დიდი წინააღმდეგობა გაუწია, ბევრი მტრობა შეამთხვია პირადად თემურ-ლენგსა და მის მხედრობას. განდგომილი იყო მათგან და არ ემორჩილებოდა თემურ-ლენგს. რამდენიც შეეძლო, ებრძოდა მათ. ველარ შესძლო მასთან შერკინება, წამოვიდა დევნილი და მოვიდა მეფე გიორგისთან. მეფემ დიდი პატივი სცა, კარგად მიიღო. მისი მოკავშირე გახდა და უჯვრებდა მას. გარკვეული დროით მასთან დარჩა. ამასობაში უფრო მეტად გაძლიერდა თემურ-ლენგი. შეიტყო ეს გიორგი მეფემ და დიდად ზრუნავდა საქართველოს საქმეების მოგვარებაზე. მაშინლა გადანყვიტა, რომ აჯობებდა, თუკი თემურ-ლენგს დაემორჩილებოდა. ეთათბირა მის მრჩეველ წარჩინებულებს. გადანყვიტეს დასაზავებლად კაცის გაგზავნა. ეს რომ გაიგო თირ-სულთანმა, რაც შეეძლო უშლიდა ამის გაკეთებას, ძალიან არ უნდოდა, რომ ეს მომხდარიყო, რადგან არ უნდოდა დამორჩილებოდა თემურ-ლენგს. არ დაუჯერა მეფემ, გაგზავნა კაცი და მოიხმო უწინ მოსული ელჩი, რომელიც გამოგზავნა თემურ-ლენგმა მეფე გიორგისთან. მას იცნობდა მეფე, რჯულით მუსლიმი იყო, სახელად ისმაილი ერქვა. თემურ-ლენგის მომხრე იყო. მას მოუხმო და გაგზავნა თემურ-ლენგთან და-

ზავებისა და მშვიდობისყოფისათვის. მორჩილების პირობა შეუთვალა. ეს რომ გაიგო თემურ-ლენგმა, დიდი სიხარულით გაიხარა. ისევ ის ელჩი გამოგზავნა უკან და ასე შემოუთვალა გიორგი მეფეს: „მეტად კარგი საქმე გადაგინყვეტია შენი თავისთვისა და შენი სამეფოსთვისაც. დროა შეწყდეს ამდენი უბედურება. ამიერიდან დავდებ ზავს და თუკი მოხვალ ჩემთან, მეც აღარ გავიხსენებ უწინდელ მტრობას, რაც ჩაიდინე ჩვენ მიმართ. არამედ, შენი თავმდაბლობისა და მორჩილების სანაცვლოდ, მრავალ სიკეთეს გაგიკეთებ. ძმურ პატივისცემასა და მრავალ საბოძვარს მიიღებ ჩემგან“.

ის კაცი გამოგზავნა და თავისთვის იფიქრა: „ვიცი, რომ [გიორგი მეფეს] ხრიკები აქვს ჩაფიქრებული ამ საქმეში. ჩემი შეცდენა უნდა, როგორც უწინ მამამისმა ბაგრატ მეფემ გააკეთა და მახვილით ამონყვიტა თორმეტი ათასი რჩეული მხედარი. ეს ველარ მოხდება და სარწმუნოდაც არ მიმარჩნია ეს ამბავი. მზაკვრობით უნდა ჩემი გაცურებაო“.

მაშინ გაემზადა და ურიცხვი მხედრობით წამოვიდა საათაბაგოს წინააღმდეგ, იმიტომ, რომ პირველ ომში ივანე ათაბაგი რჩეული მხედრობით თან ახლდა გიორგი მეფეს და მას ემორჩილებოდა. უწინდელ მტრობას იხსენებდა ეს მტარვალი და გამოემართა ივანე ათაბაგის დასასჯელად. მოვიდა და დაბანაკდა ზემო ქართლში, რომელსაც საათაბაგო ჰქვია. ველარ გაუნია წინააღმდეგობა ივანე ათაბაგმა, ციხესიმაგრეებს მიაშურა. მაშინ ბევრი უბედურება დაატრიალა, მრავალი სული ამონყვიტა მახვილით, მრავალი დაატყვევა, დააქცია წმიდა ეკლესიები და ცეცხლით გადაწვა ყველა დასახლება, თემები და სოფლები. მთლიანად გააჩანაგეს ზემო ქართლი. მოიავაზაკა და წამოიღო წმიდა ეკლესიების მრავალი ნივთი, ხატები და [წმიდა] ნაწილები. ყველაფერი აიკლეს და შემუსრეს. შეპყრობილი ქრისტიანებიდან ნაწილი დახოცეს, ხოლო ვინც კი მიატოვა თავისი სარწმუნოება, თან წაიყვანეს.

მერე წამოვიდა იქიდან, გადმოლახა კლარჯეთის მთა და მოადგა მანგლისს. იქ დაბანაკდა ორი თვით. მოვიდა ქართლის საზღვრებთან მოსახლე რჯულით მაჰმადიანი, ისმაიტიელი ხალხი. გიორგი მეფეზე და ქართულ მხედრობაზე გაბოროტებულები მოვიდნენ თემურ-ლენგთან და ასე მოახსენეს: „ამიერიდან აღარ შეგვიძლია ქართლის საზღვრებთან ცხოვრება, გადაგვასახლეთ სხვა ქვეყნის მხარეს და იქიდან გადავიხდით ხარკს. რამდენი ბოროტებაც თქვენ მათთვის გაგიკეთებიათ, ისინი უფრო მეტს გვიკეთებენ ჩვენ. ახლაც, აქედან რომ წახვალთ,

ისინი უეჭველად თავს დაგვესხმებიან და ჩვენზე იყრიანო ჯავრს“. ეს რომ გაიგო, ძალზედ შეებრალა ისინი თემურ-ლენგს. მაშინ უბრძანა ამირშიხ ნურადინს, თავის ამირსპასალარს, მთლიანად აეოხრებინა ქართლის ის მხარეები, რომლებიც ესაზღვრებოდნენ ისმაიტელებს. თან გამოატანა დიდი მხედრობა და გამოგზავნა ესენი მათ გასანადგურებლად. იქ რომ ჩავიდა, ბრძოლა გაუმართეს ერთმანეთს. მეტად კარგად შეერკინნენ ქართველები, მრავალი მოკლეს და ამონყვიტეს. ისევ გაგზავნა თავისი სხვა ამირსპასალარი თემურ-ლენგმა და გაატანა მრავალი მოლაშქრე. ისინიც მივიდნენ, შეებრძოლნენ და სიმრავლით გაიმარჯვა თემურ-ლენგის მხედრობამ. ძლიერ შეერკინნენ ქართველები, ხუთი დღე ებრძოდნენ და მეტი ველარ შეძლეს, აართვეს ციხესიმაგრეები, რადგან იქ [არც] სხვა ქართველები არ იმყოფებოდნენ და არც მეფე გიორგი, არამედ [მხოლოდ] ისინი ებრძოდნენ, რომლებიც თათრებს ესაზღვრებოდნენ და თავს ესხმოდნენ [ხოლომე]. როცა მათ სახიზრებს მიაშურეს, [მტერმა] ხიზნებს ველარ მიაგნო. გადაწვეს ყველა დასახლება და დაბრუნდნენ თემურ-ლენგთან.

მაშინ მოვიდა თემურ-ლენგთან ფრანგების ელჩი და მოართვა ხელმწიფის ძღვენი. იმხანად მისმა მხედრობამ ასევე გამარჯვება მოიპოვა ბერძნებზე. შეიპყრეს კეისრის პირმშო ძე და მოჰგვარეს თემურ-ლენგს. დიდად გაიხარა და მრავალი საბოძვარი მისცა თავის მხედრობას. როცა კეისრის ვაჟს შეხვდა, ისიც ძალიან შეიყვარა და შეითვისა. შეინყალა მისი სიჭაბუკე და მშვენიერება. მასაც მისცა მრავალი საბოძვარი და სამეფო შესამოსელი. ასევე გაგზავნა იგი თავის სამეფოში და უვნებლად გაუშვა.

ორი თვის შემდეგ ისიც აიყარა მანგლისიდან. წავიდა და შევიდა არაგვის ხეობაში. დაიპყრო, დალენა და აილო ციხესიმაგრეები, ყველა ადგილი გააჩანაგა და მოაოხრა. ხიზნებს ვერ მიაგნო, რადგან ყველანი მთებში იყვნენ თავშეფარებული. შემდეგ წამოვიდა იქიდან, გარკვეული ხნით უკან გაბრუნდა სალაშქროდ, დაიპყრო სიასის ქვეყანა და სხვა მრავალი ქვეყანა დაიმორჩილა ძალით. ყველა მოხარკედ გაიხადა.

ამის შემდეგ ისევ დაეუფლა საქართველოს მეფე გიორგი. შეიტყო ეს თემურ-ლენგმა, [ისევ] არ დაცხრა შუღლისა და ბოროტი გულისწყრომისგან. კვლავ შეამზადა ურიცხვი მხედრობა და გამოგზავნა თავისი ძეები: სულთანი ჰუსეინი, ფირ-მაჰმად ამირში, აბუბექირი; სხვები თავის წარჩინებულთაგან: ჯანშა და თემურ-ხოჯა, აღბულა, სეიდ-

ხოჯა, შიხალის შვილი, სხვა მრავალი თავადი და ურიცხვი მხედრობა. წამოვიდნენ, ჩამოვიდნენ ერზინჯანში და მოადგნენ ერზინჯანის ციხესიმაგრეს, რადგან იმხანად იგი საქართველოს მეფეს ეჭირა. ძლიერი ბრძოლა გაუმართეს მეციხოვნეებმა. თავდაპირველად ვერ აართვეს ციხე. გარკვეული ხნით იქ გაჩერდნენ და შემდეგ აიღეს. დამხმარე რადგან არავინ ჰყავდათ, ძალზედ გაუჭირდათ და თვითონვე დაანებეს [ციხე]. გამოვიდნენ მეციხოვნენი და ციხისთავი და შეწყალება სთხოვეს. წამოიყვანეს ციხისთავი და უფროსი მეციხოვნენი და მიჰგვარეს თემურ-ლენგს, ხოლო მისი ძეები გამოემართნენ საქართველოს წინააღმდეგ. ჩამოვიდნენ მანგლისში და იქ დაბანაკდნენ.

ეს ამბავი გაიგო გიორგი მეფემ. ელჩი გაგზავნა, მუდარით შესთხოვა მშვიდობა, დაზავება ითხოვა მათგან. აღუთქვა მორჩილება და შერიგება. შეისმინეს თემურ-ლენგის ძეებმა და აცნობეს თემურ-ლენგს. გაიგო თემურ-ლენგმა გიორგი მეფის დამორჩილების შესახებ და მანაც ისურვა მათ შორის მშვიდობის ჩამოგდება. აუნყა თავის ძეებს, თავისთან მიიხმო და წავიდნენ. მაშინ გაგზავნა თემურ-ლენგმა თავისი ვაჟები დიდი ძალებით ბაღდადის წინააღმდეგ. მივიდნენ და აიღეს ბაღდადი. დაიპყრეს არაბეთი. მრავალი თემი მოაქცია თავის საბრძანებელში და წამოიღეს ბევრი ნადავლი. მაშინ თემურ-ლენგი თავრიზში იმყოფებოდა. წამოვიდა, რომ ენახა ის ციხე, რომელიც უწინ აიღეს მისმა ძეებმა. ციხესიმაგრე, რომელსაც ალინჯა დაერქვა. წამოვიდა უთვალავი მხედრობით, მრავალი ბარგითა და მრავალფერი კარვებით. მივიდა და ნახა ციხე ალინჯა. ხელახლა გაამაგრა იგი, წამოვიდა და დადგა გელაქუნის ტბასთან. ეს რომ შეიტყო გიორგი მეფემ, გამოუგზავნა თავისი ძმა და მრავალი ძღვენი. ასე შეუთვალა: „უწინაც მოგახსენეთ და ახლაც იგივე პირობას გაძღვეთ, როგორც თქვენ გსურთ, ისე ვემორჩილებით თქვენს ბრძანებას და სადაც გნებავთ, გამოგყვებით ლაშქრობაში, [ოლონდ] ამიერიდან შევრიგდეთ და ვიქონიოთ ერთმანეთში თანხმობა. კმარა, ამიერიდან დაცხრეს გულისწყრომა და აღარ გავიხსენოთ მომხდარი ამბები“. დაჰყვა თემურ-ლენგი, შეისმინა [მისი] და ეს შეატყობინა: „რადგან დაგვაჯერე შენს მორჩილებაში⁴⁶³, აღარ ვიძიებ შურს უწინდელი საქმეების გამო. ამიერიდან აღარ გაბედოთ შენ და შენმა მხედრობამ, რომ შეანუხოთ, თავს დაესხათ და დაარბიოთ ის მაჰმადიანები, რომლებიც საქართველოს საზღვრებთან ცხოვრობენ და ვიყოთ ერთმანეთში მშვიდობიანად“. შემდეგ აიყარა, წავიდა ბარ-

დავში, ერთი წელი იქ დარჩა, მოაგვარა თავისი ყველა საქმე თემურ-ლენგმა და კვლავ მოისურვა საქართველოზე თავდასხმა.

წამოვიდა და ისევ მანგლისში ჩამოვიდა. მაშინ სომხითის მხარეში⁴⁶⁴, იმ ადგილებში, რომელსაც მარტიანი ერქვა, იმყოფებოდა ერთი თავადი, სახელად ესაია. მას პირობა ჰქონდა მიცემული თემურ-ლენგისთვის, რომ ეახლებოდა, მაგრამ ველარ მივიდა და [თემური] უკეთურებას განუმზადებდა. თავადმა ესაიამ რომ გაიგო, ძალზედ შეწუხდა. წავიდა შიშით შეპყრობილი და მივიდა თემურ-ლენგის ძესთან. ევედრებოდა, რომ ეშუამდგომლა მამამისთან. საჩუქრად ძვირფასეულობას შეჰპირდა. მაშინ შეინწყალა შარუხმა, თემურ-ლენგის ძემ, მივიდა მამამისთან და დიდად დაეხმარა. მიმაღლა მას იგი. მაშინ მისცა თემურ-ლენგს დიდი ძღვენი და მეფის საკადრისი ძვირფასეულობა. მიიყვანა შარუხმა თემურ-ლენგის ძემ იგი მამამისთან შესარიგებლად. თემურ-ლენგმა რომ დანახა, რისხვით მიმართა: „როგორ გაბედე ჩემთვის წინააღმდეგობის განევა და ურჩობაო?“ მაშინ წარდგა იგი მის წინაშე, დიდი ხვეწნა-მუდართით და მისი ძის სიკეთის გამო აპატია, შეინწყალა და ხალათი უბოძა. თავად ესაიას მშვენიერი ასული ჰყავდა. თემურ-ლენგის ძემ აბუბექირმა გაიგო, ეტრფიალა და ცოლად ითხოვა. გაატანა და მას შემდეგ სწყალობდნენ.

მერე აღბუღას ძე ივანე ათაბაგი წავიდა. ისიც მრავალი ძღვენით მივიდა თემურ-ლენგთან. ისიც შეინწყალა, პატივი სცა და უხვად დაასაჩუქრა. სომხითის, სამცხისა და კარის ყველა თავადი ეახლა. გაიგო ეს მეფე გიორგიმ და დიდი ძღვენით გაგზავნა კონსტანტინე, თავისი ძე.⁴⁶⁵ მხურვალედ ევედრებოდა, შეისმინა მისი და ისიც შეინწყალა. აიყარა იქიდან, წავიდა ქურთისტანის ქვეყანაში და დაიპყრო ქურთისტანი.

კვლავ უკეთურებასა და ბოროტებას განუმზადებდა საქართველოს. მონადინებული იყო, რომ გაეთათრებინა მეფე და სრულიად საქართველო. შირვანის მბრძანებელი შიხ ბარაიმი გამოგზავნა, რომ გაერკვია საქართველოს მთელი ბეგარა და გადასახადები. მცირე დროის შემდეგ თვითონაც გამოემართა და ჩამოვიდა კარში. ეს შეიტყო მეფე გიორგიმ და გაგზავნა ესაია, სომხითის მთავარი. იგი აახლა თემურ-ლენგს, რომ არ შემოსულიყო ქართლში. მოსავლის აღებისა და მომკის დრო იყო. ხვეწნა-მუდართით შეუთვალა: „რაც მშვიდობა და თანხმობა დავამყარეთ, მას შემდეგ არანაირი ურჩობა არ გაგვიწევია. არც თვითმპყრობელ გვირგვინოსნებს ეკადრებათ პირობის დარღვევა. შეინწყალე ახლა ეს ქვეყანა და ნულარ გააჩანაგებ. რასაც გვიბრძანებთ, მზად ვართ

თქვენი სამსახურისა და მორჩილების აღსასრულებლად“. გაგზავნა და თან გაატანა მრავალი ძღვენი და ხელმწიფის საკადრისი საჩუქარი. ესაია, გიორგი მეფის თავადი, რომ მივიდა, მიაღწეა ძღვენი და ფეშქაში. მდაბლად მოახსენა ხვეწნა-მუდარა, მაგრამ თემურ-ლენგმა არ შეისმინა, არც ძღვენი და ფეშქაში მიიღო, რადგან მეტად განრისხებული იყო და ისევე სწყუროდა საქართველოს აოხრება.

შემოუთვალა მეფე გიორგის: „თუ დაზავება გინდა, თუ არ გინდა, რომ გაჩანაგდეს საქართველო, სიცოცხლე თუ გინდა, ახლავე მოდი ჩვენთან, მიიღე ჩვენი რჯული და დიდ პატივსა და სიყვარულს მიიღებ ჩვენგან. არც შენს სამეფოს გავანადგურებ, აღარც ხარკს ავიღებ, სხვა ბევრ წყალობასა და საბოძვარსაც მოგცემ და იყოს სამუდამო მშვიდობა ჩემსა და შენ შორის. ხოლო თუკი არ დამემორჩილები, ავაოხრებ და სულ მთლად გავაუდაბურებ მაგ შენს ქვეყანას. ხოლო თუ არ გინდა ირწმუნო ჩემი რჯული, მოდი ჩემთან, დაიდე ხარკი, რამდენიც შეგეძლოს, მშვიდობით და კარგად გავიცნოთ ერთმანეთი და როგორც გსურს ისე დაბრუნდი შენს სამეფოში ჩვენგან მოცემული მრავალი წყალობა-საბოძვრით. როგორც კეისრის ძე გავუშვი, შენც ასევე მშვიდობით დაბრუნდები“ – ამ პირობით გამოუგზავნა შუაკაცი.

ის რომ წავიდა, მაინც არ დაიოკა მზაკვრობა და ბოროტი შუღლი. ფიქრობდა: „თუკი საქართველოს მოსახლეობა მოსავალს აიღებს და თავის ჭირნახულს დააბინავებს, მერე ველარაფერს დავაკლებ მათ, რადგან გაიხიზნებიან გამაგრებულ ადგილებში“. აიყარა, წამოვიდა და მოადგა საზღვრებს. მაშინ ყველამ საჩქაროდ აიღო თავისი მოსავალი და გაიხიზნენ მიუვალი მთების სახიზრებში. მტარვალი თემურ-ლენგიც მოვიდა მრავალრიცხოვანი და ურიცხვი მხედრობით, დიდი სისასტიკით, ცეცხლითა და ნგრევით შემოვიდა ქვემო ქართლში. მეფე გიორგი გამაგრებულ ადგილებში შევიდა. ჩავიდა თემურ-ლენგი შიდა ქართლში, დაბანაკდა და მოაოხრა ყველა დასახლება, მუსრი გაავლო წმიდა ეკლესიებს. მაინც ვერ აისრულა თავისი ბოროტი გულის წადილი. მეფე გიორგის შეპყრობა და ტყვეების აყვანა უნდოდა, მაგრამ ვერაფერს გახდა.

გარკვეული ხნით იქდარჩა, [შემდეგ] აიყარნენ, წავიდნენ და მიადგნენ ბირთვისის ციხეს. ძალიან კარგად იყო იგი გამაგრებული. ბირთვისის ციხეში ქართლის წარჩინებული თავადები იდგნენ, რიცხვით ოცდაათნი. ციხისთავს ნაზალი ერქვა. ასევე მრავლად იყვნენ ქართლელი აზნ-

აურები და მსახურები. თემურ-ლენგის მოლაშქრენი შიშით ძრწოდნენ და მეტად წუხდნენ, უარობდნენ ციხის ალებას, რადგან მრავალჯერ მიელოთ მათგან ზიანი. იცოდნენ, რომ მაგარი ციხე იყო, ხორაგით სავსე. უფრო მეტად კი მეციხოვნეთა გააფთრება და ბრძოლის სიფიცხე [აფიქრებდათ], რადგან მრავალი მოლაშქრე დაუხოცეს და იმ ციხიდან ბევრი უბედურება ნახეს. თემურ-ლენგმა გაიგო [ციხის] ასეთი სიმტკიცის შესახებ, ძალზედ შეძრწუნდა, ეთათბირა მის მრჩევლებს და გადამწყვიტეს იერიშის მიტანა, ასე თქვეს: „არსად დარჩენილა ციხესიმაგრე, რომ არ აგველოს. შენთვის ესეც ადვილი [ასალებიაო]“.

მაშინ მიადგა ციხეს მრავალრიცხოვანი მხედრობა, მეციხოვნე რჩეული ჭაბუკებიც გამოვიდნენ, შეუტიეს და შუა გააპეს, როგორც ორლესულმა მახვილმა ბალახისმჭამელი ნადირი. მრავალი სული ამოწყვიტეს ხმლით, უხვად დაღვარეს სისხლი, როგორც ძლიერი წვიმის დროს წამოსული აქაფებული ნიაღვრები. თემურ-ლენგის მხედრობამ დაინახა მეციხოვნეთა ასეთი გააფთრება, მაშინვე გაქცევით უშველა თავს და უკან დაიხია იქიდან. ერთი მხრიდან ფარულად ლაშქარი ჰყავდა ერთ ადგილზე [ჩასაფრებული]. უკან დაედევნენ ქართველები და ისინიც ერთმანეთს შეანარცხეს. გაიქცნენ ორივე მხრიდან დარბეული ისმაიტელი მოლაშქრენი. ამოწყვიტეს და დიდად დააზარალებს. ასე მობრუნდნენ გამარჯვებულები და ბევრი ნადავლით აღვსილები შევიდნენ ციხეში. ეს რომ თემურ-ლენგმა გაიგო, თვითონაც წამოვიდა დიდი ძალებით, გამძვინვარებული, მრისხანე გულით, მოვიდა და დაიკავა ციხის მთელი გარემო. გარშემო ციხეები ააგო თავის შესაფარებლად და შეაყენა შიგ მრავალი მოლაშქრე. თვითონ წინა მხრიდან მიადგა ციხის კარიბჭეს და იქაც ააშენა ციხე. ბრძანება გასცა, რომ მედგრად შებრძოლებოდნენ. ორივე მხრიდან მიადგნენ ციხის კუთხეებს. მეციხოვნენი შიგნით მტკიცედ და აუღელვებლად იდგნენ და იბრძოდნენ, როგორც შეეძლოთ. გავიდა ერთი კვირა და ვერ შეძლეს ალება.

ერთი კლდე იყო და იქიდან იპოვეს ვიწრო ასასვლელი. თემურ-ლენგის ლაშქარში იყო ერთი ეგვიპტელი კაცი, სახელად ბეგიჯანლი. მან მოახერხა და ღამით შეიპარა ციხეში. თან აიყვანა ერთი თხა, დაკლა ციხეში, იქ დატოვა და თითონ წამოვიდა. ასე იმიტომ მოიქცა, რომ ციხეში მყოფებს დაენახათ, მათი შესაძლებლობა. ეს გაიგეს მეციხოვნეებმა, უფრო მეტად განმტკიცდნენ და უშიშრად იყვნენ. აცნობეს თემურ-ლენგს კლდეზე არსებული ასასვლელის შესახებ. მაშინ მეტად

გაიხარა, ყველას უბრძანა ბამბის კიბეები დაეწნათ. ისევ გაგზავნეს ეგვიპტელი კაცი კლდეზე ასაძრომად. დაწნული კიბის წვერი კლდის თავს გამოაბა მაგრად და იმავე ღამეს სათითაოდ შეიპარა თემურ-ლენგის მრავალი მოლაშქრე ისე, რომ მეციხოვნეებმა ვერ გაიგეს. შემდეგ, შიგნიდან მივიდნენ ციხის კართან, ფარულად გახსნეს ციხის კარი და ასე შეუტიეს თათრებმა შიგნიდან და გარედან.

მაშინლა გაიგეს ქართველებმა და ფიცხელი ბრძოლა გამართეს. გულმდღულარედ დაერივნენ ქართველები, შუაზე გააპეს მრავალრიგად დაწყობილი მათი რაზმი. ქუხილის მსგავსად ესმოდათ მნახველებს აბჯრების ხეთქებისა და კვეთების ხმები. ძლიერი ბრძოლა გაუმართეს ქართველებმა, უმრავლესობა დახოცეს და დაჭრეს. ბოლოს გამარჯვება ისევ თემურ-ლენგს დარჩა ჯარის სიმრავლის გამო. აიღო ბირთვისის ციხე. მრავალი დიდებული და აზნაური მიჰგვარეს შეპყრობილი და ხელში ჩაგდებული. თვითონ ციხისთავიც, სახელად ნაზალი, შეპყრობილი მიჰგვარეს. ყველას თავები მოჰკვეთეს. ციხისთავ ნაზალის ცოლი შარვანის სულთანს მისცა. თავის სხვა მოლაშქრეებსაც უხვად მიანიჭა წყალობა. უფრო მეტად კი მას, რომელმაც მოხერხებით აიღო ციხე. ციხეში მყოფთაგან მრავალი ამოწყვიტა და უფრო ბევრი ტყვედ წაიყვანა. ციხისთავად ერთი თავისი წარჩინებული დააყენა, რომელსაც მაჰმადი ერქვა. მისცა მას ბევრი მეზრძოლი და ჩააყენა ბირთვისის ციხეში. უბრძანა მათ, გადაეწვათ და აეოხრებინათ იქაური მცხოვრებნი, უფრო მეტად კი წმიდა ეკლესიები დაენგრიათ. თვითონ შამში წავიდა, ხოლო ტყვეები და ნადავლი მთლიანად გაგზავნა სამარყანდში. ქორონიკონი იყო 90⁴⁶⁶. მას შემდეგ ველარ შესძლო საქართველოში შემოსვლა და ღვთის შეწევნით ნულარც მოხდებოდა მისი დაბრუნება, რადგან [ღმერთი] კეთილისმოქმედი, მონყალე და შემწე იყო წმიდა ეკლესიებისა და საქართველოში მცხოვრები ქვრივ-ობლებისთვის. შვიდჯერ გააპარტახა საქართველო⁴⁶⁷ ბოროტმა და ღვთისაგან შერისხულმა. ამის შემდეგ კი გაჩერდა.

წავიდა თემურ-ლენგი. გიორგი მეფე ისევ დაეუფლა აოხრებულ საქართველოს და დაიწყო აღდგენა. მაშინ წავიდა მტარვალი თემურ-ლენგი და დაიპყრო თურქეთი, ინდოეთი, სპარსეთი, შირაზი, ადარბადაგანი. დაატყვევა ბურსსში მჯდომი ხონთქარი, რომელსაც სახელად ბაიაზეთი ერქვა. იგი იყო ოსმანის მოდგმისა. მუჰამედის გამოჩენიდან ექვსი წლის შემდეგ, ასპარეზზე გამოვიდა ერთი კაცი, სახელად ოსმა-

ნი. რჯულით სუნიტი იყო. მან დაიწყო ავაზაკობა და შემოიკრიბა სხვა მრავალი ყაჩაღი და თანაშემწე. მეტისმეტად გამდიდრდა მრავალი ნაყაჩაღარით და დაიპყრო მთელი არაბეთი და ანატოლია. სატახტოდ ჰქონდა ბურსა. მის წინააღმდეგ გაილაშქრა თემურ-ლენგმა. ზემოხსენებული ოსმანის ძეები ფლობდნენ ბურსას და ბაიაზეთიც ოსმანის შთამომავალი იყო. შეებრძოლა თემურ-ლენგი და დაამარცხა. შეიპყრო ხონთქარი ბაიაზეთი და რკინის გალიაში ჩასვა. თავიდან ასე ჰყავდა დატყვევებული. დაიპყრო ბურსა და მისი შემოგარენი. კეისარიც დაემორჩილა მას, მიართვა მრავალი ძღვენი და ხარაჯა მისცა თემურ-ლენგს. რუსეთიც დაიპყრო. შემდეგ გამოემართა და ჩამოვიდა თურქეთში. იქ დასნეულდა და ბოროტი იგი და ბოროტად დაიღუპა.

მაშინ გაუნანილა ქვეყნები თავის ძეებს: ზოგს ინდოეთი მისცა, ზოგს ხორასანი, ზოგს ადარბადაგანი. მას შემდეგ მეტად ველარ შემოვიდნენ მისი ძეები საქართველოში, რადგან ჩამოვარდა მათ შორის შუღლი და ბრძოლა. მაშინ მოისვენა საქართველომ და იწყეს აღმშენებლობა.

მეფობდა გიორგი მეფე და გარდაიცვალა. მოკლეს მეგრელებმა იმერეთის მეფე გიორგი. ამავე წელს გარდაიცვალა იმერეთის მეფე ბაგრატ დიდი და ტახტზე ავიდა კონსტანტინე ბაგრატის ძე. შვიდი წელი იმეფა და მოკლეს ჩალაღაში. თემურ-ლენგის შემოსევისას დიდოეთში გახიზნეს დავითი – ბაგრატის ძე და გიორგის ძმა. გიორგი მეფე რომ გარდაიცვალა, მაშინ ქართლელებმა და კახელებმა დიდოეთიდან ჩამოიყვანეს და გაამეფეს ქართლ-კახეთში. მაშინ კეთილად მწყემსავდა საქართველოს კათოლიკოსი ბასილი. დავითმა კარგად და მშვიდობიანად იმეფა. გარკვეული დროის შემდეგ გარდაიცვალა და მის ნაცვლად ტახტზე ავიდა გიორგი, მისი ძე. ცოლად ჰყავდა ნათია, ქუცნა ამირეჯიბის ასული⁴⁶⁸. შეეძინა სამი ვაჟი: ალექსანდრე, ბაგრატი და გიორგი. იმხანად კათოლიკოსი იყო გიორგი. გარდაიცვალა გიორგი კათოლიკოსი და აღასაყდრეს კათოლიკოსი ელიოზი. გარდაიცვალა ელიოზ კათოლიკოსი და აღასაყდრეს მიქაელი. გარდაიცვალა კათოლიკოსი მიქაელი და აღასაყდრეს დავითი.

ალექსანდრე დიდი⁴⁶⁹

კარგად და მშვიდობიანად მეფობდა გიორგი და გარკვეული დროს შემდეგ გარდაიცვალა. მის ნაცვლად ტახტზე ავიდა ალექსანდრე, მისი ძე⁴⁷⁰. ქორონიკონი იყო 100 (1412 წ.). იმხანად კათოლიკოსი იყო დავი-

თი. გარდაიცვალა დავითი და აღასაყდრეს ელიოზი.⁴⁷¹ გარდაიცვალა ელიოზი და აღასაყდრეს კათოლიკოსი თევდორე.⁴⁷² მიიცვალა თევდორე კათოლიკოსი და აღასაყდრეს კათოლიკოსი შიო.⁴⁷³

ეს მეფე საქართველოს სხვა მეფეებს აღემატებოდა. იყო კეთილი კაცი, სრულად აღსავსე საღმრთო და საერისკაცო ზნეობის ცოდნით. სურვილი ჰქონდა ისევ აეშენებინა და უწინდელივით აღედგინა წმიდა ეკლესიები და საქართველო. მაშინ მთელი საქართველო ურჯულო თემურისგან იყო უნუგემოდ განადგურებული. მთლიანად იყო აოხრებული დედაქალაქი მცხეთა და დიდი წმიდა კათოლიკე ეკლესია.⁴⁷⁴ ასევე ყველა ეკლესია, საყდარი და ყველა ციხესიმაგრე მთლიანად საძირკვლიანად იყო დანგრეული და აოხრებული. ყველა ქრისტიანი დედაბუდიანად ჰყავდა ტყვეობაში. ასეთ გაჩანაგებულ საქართველოში გამეფდა. მის გამეფებამდე გამუდმებული ტყვეობა, რბევა და ოხრება ჰქონდა ჩვენს ქვეყანას. საქართველოს [მოსახლეობა] მეტად შემცირებული იყო მრავალი ტყვეობისა და რბევის გამო. არსაიდან გამოჩნდა ნუგემისმცემელი, ვიდრე ალექსანდრე დიდი არ გამეფდა. მან დაიწყო ბრძოლა ურჯულოთა წინააღმდეგ. მრავალი ბრძოლითა და ზეგარდმო შეწევნით საქართველოდან განდევნა ყველა ურჯულო.

ქორონიკონი 102⁴⁷⁵: ალექსანდრე მეფე და ივანე ათაბაგი კოხტაში შეებრძოლნენ ერთმანეთს. თურქებმა ახალციხე ამონყვიტეს.

დიდი გაჭირვებით გაზარდა მეფე ალექსანდრე ბებიათა რუსამ, ქუცნა ამირეჯიბის ყოფილმა ცოლმა. მან დიდი ღვაწლითა და გულმოდგინებით დაიწყო წმიდა სვეტიცხოვლის აშენება. თავდაპირველად ტაძრის სვეტების აგება და შემკობა დაიწყო, მაგრამ ისე გარდაიცვალა ამ წუთისუფლიდან, რომ ვეღარ დაასრულა მისი მშენებლობა. როგორც ალექსანდრე მეფეს სურდა, სწორედ ისე გადანყვიტა და გაისარჯა: ოცდაოთხი წლისამ დაიწყო სვეტიცხოვლის აგება. თავიდან ააშენა, გააფართოვა, დაასრულა, ყოველგვარი სამკაულით შეამკო და გაამშვენა. პატრიარქად დაადგინა მიქაელი⁴⁷⁶. მრავალი წმიდა და პატრიოსანი მონაზონი, მღვდელი, მგალობელი და მონესე შეკრიბა. რაც კი ძველი დროიდან შემოსავალი ჰქონდა გაჩენილი, დაწესებული ალაპები იქნებოდა თუ სხვა საეკლესიო ქონება, ან ნაქონი მამულები, ამათ ბევრი მიუმატა და უფრო მეტად გაზარდა. ქართლ-კახეთში და სადაც მისი მკვიდრი მამულები იყო, რომლებიც უწინდელ ხელმწიფეთ, მამაპაპასა თუ დედა-შვილებს ჰქონდათ დაწესებული და შეწირული, ამა-

ნაც საჭიროდ ჩათვალა და ყველაფერი შესწირა. ასევე, სადაც ჰქონდა მოოხრებული სოფლები, ყველა აუშენა. მთელ საქართველოში შესწირა უდაბნოები, მონასტრები და ეკლესიები, სოფლები, აგარაკები, აზნაურები და გლეხები. ასევე ააშენა მცხეთაში მთავარანგელოზების სახელობის პატარა ეკვდერი⁴⁷⁷ [თავის] დასაკრძალად.

ქორონიკონი 119 (1431 წ.): ალექსანდრე მეფემ აიღო ლორე. ასევე გადაწყვიტა მთელ საქართველოში ციხეებისა და საყდრების აგება, ააშენა და გააფართოვა. იმხანად მის კარს შემოსავალი არსაიდან ჰქონდა. ამიტომ, საქართველოში კომლზე ორმოცი თეთრი მალი დაანესა. ას ოცდარვა ქორონიკონს (1440 წ.) დაასრულა საქართველოს ყველა ციხის, საყდრისა და მონასტრის სრულად აღდგენა და შემკობა. შემდეგ მის მიერ დაწესებული მალიც თვითონვე გააუქმა⁴⁷⁸. ყველა ქრისტიანი დიდ მშვიდობასა და მყუდროებაში ჰყავდა. თათრებიდან მოჰყავდა ხალხი და [აქ] ასახლებდა. ასე მართავდა საქართველოს.

ქორონიკონი 130 (1442 წ.): ქართლსა და იმერეთში მეფედ დასვა ვახტანგი,⁴⁷⁹ პირველი შვილი. ცოლად შერთო ფანასკერტელის ასული, თაყა ფანასკერტელის და, დედოფალი სითიხათუნი. თვითონ კი მეფე ალექსანდრემ მონაზვნობა მიიღო, სახელად უწოდეს ათანასე. ქვითკირის დიდი სენაკები და სახლები აიშენა მცხეთაში მის მიერ აგებულ მთავარანგელოზის ეკვდერთან. იქ იმყოფებოდა სასოებითა და მოღვაწეობით, სანამ ცოცხალი იყო. როცა ვახტანგი, პირველი შვილი, ქართლსა და იმერეთში გაამეფა, მასთან დააყენა დიმიტრი, მისი უმცროსი ძმა.

ქორონიკონი 133 (1445 წ.): კახეთში მეფედ დასვა გიორგი, დიმიტრის უმცროსი ძმა⁴⁸⁰. ცოლად შერთეს ნესტან-დარეჯანი, იმერეთის მეფის ასული. მაშინ, როცა ალექსანდრე დაეუფლა იმერეთს, გააძევეს იმერეთის მეფე ბაგრატ კონსტანტინეს ძე.

მტარვალი თემურ-ლენგის სიკვდილის შემდეგ, ხონთქარ ბაიაზეთის ძეები ისევ დაეუფლნენ არაბეთსა და ანატოლიას. ისევ გაიხადეს სატახტო ქალაქად ბურსა და დაიბრუნეს მთელი მათი სამკვიდრო მამულები. უფრო მეტადაც გაძლიერდნენ და დაიწყეს ბრძოლა ქრისტიანების წინააღმდეგ. ნელ-ნელა გაკადნიერდნენ მათზე და უკვე მთელ საბერძნეთზე მძლავრობდნენ. შემდეგ გადაწყვიტეს დიდი სატახტო და სამეფო დედაქალაქის კონსტანტინოპოლის აღება. განუწყვეტელი ძლიერი ბრძოლები ჰქონდათ ერთმანეთთან. აჯობეს ოს-

მალებმა და ხონთქარმა სულთან მაჰმადმა. უკან დაიხიეს ბერძნებმა. მძვინვარე თავდასხმებით მეტად შეავინროვეს კეისარი, ალყაში მოაქციეს სატახტო ქალაქი კონსტანტინოპოლი. აჯობეს ოსმალებმა და აიღეს კონსტანტინოპოლი. ქორონიკონი იყო 132, ქრისტეს აქეთ 1445 [ნელი]⁴⁸¹. იმხანად კეისარი იყო კონსტანტინე პალეოლოგი. პატრიარქი გარდაცვლილი იყო. დაიპყრეს ოსმალებმა მთელი საბერძნეთი და დაეუფლნენ მას. როცა კონსტანტინოპოლი აიღეს, მაშინ დაბნელდა მზე. ეს ამბები ვრცელადაა აღწერილი საბერძნეთის ისტორიაში. და იყო გამუდმებული ძლიერი ბრძოლები.

ასევე შუელი და ბრძოლა ჰქონდათ ერთმანეთში თემურ-ლენგის ძეებს. მეტად ემტერებოდნენ ისინი ერთმანეთს. მაშინ განთავისუფლებული იყო საქართველოს მოსახლეობა, იყვნენ მშვიდობით და მოსვენებით. ამავე ქორონიკონში⁴⁸² ჯანშა ყანეი⁴⁸³ თავს დაესხა ახალციხეს. ამავე ქორონიკონს გარდაიცვალა ივანე ათაბაგი.

ქორონიკონი 133 (1445 წ.): ალექსანდრე მეფემ კახეთში დასვა გიორგი,⁴⁸⁴ დიმიტრის უმცროსი ძმა და მისცა მთების მხარე ზემო ადგილები. იქიდან [მოკიდებული] არაგვს გამოლმა [მინები] ხევძმარამდე. შემდეგ, ხევძმარადან გაყოლებით ლილოს სერამდე და რაც ლილოს სერიდან ნაკადულები შეერთვის მარტყოფის წყალს. [აქედან] გაყოლებით ამართულამდე. ამართულადან აჯისუმდე. აჯისუდან მტკვრის შესართავამდე და მის ქვემოთ, მტკვრის გამოლმა მხარე და შაქისი შირვანის საზღვრამდე.

[ათანასე ალექსანდრეყოფილმა] მცირე ხანი კიდევ იცოცხლა და მერე აღესრულა მოხუცებული. მაშინ კათოლიკოსი იყო შიო. ალექსანდრე რომ გარდაიცვალა, მაშინ დაბრუნდა იმერეთში ბაგრატ მეფე, იმერეთის მეფე კონსტანტინეს ძე. გამოაძევა ვახტანგი, ალექსანდრე მეფის ძე და დაეუფლა იმერეთს.

ქორონიკონი 135 (1447 წ.): ბრძოლა გამართეს ყვარყვარემ⁴⁸⁵ და აღბულამ.⁴⁸⁶ ამავე ქორონიკონში გარდაიცვალა ვახტანგი. ძე არ დარჩენია. მის ნაცვლად ტახტზე ავიდა დიმიტრი, მისი უმცროსი ვაჟი. ცოლად ჰყავდა დედოფალი გულანშარი. მეფობდა კარგად და მშვიდობისმყოფელი მეფობით. გარდაიცვალა შიო კათოლიკოსი და კათოლიკოსად დასვეს დავითი,⁴⁸⁷ ალექსანდრე მეფის ძე.

ქორონიკონი 141 (1453 წ.): გარდაიცვალა დიმიტრი მეფე, დარჩა ვაჟი – კონსტანტინე. ამის შემდეგ ქართლის ტახტისთვის ბრძოლა გაიმართა კახეთის მბრძანებელ გიორგისა და ბაგრატს შორის. ბაგრატი

ალექსანდრე მეფის ძმა იყო, კახეთის მბრძანებელი გიორგი კი, ზემოთ რომ ვახსენეთ – მისი შვილი. აჯობა გიორგიმ ბაგრატს და გამეფდა ქართლში. ცოტა ხანი იყო და მერე გააძევეს გიორგი. ტახტზე აიყვანეს ბაგრატი, ალექსანდრე მეფის ძმა და მეფე გიორგის [ბიძა]. კახელებმა კი მეფედ გამოაცხადეს [გიორგი]. ამიერიდან კახელები მეფეს უწოდებენ კახეთის მბრძანებელს. როცა ქართლის სამეფო ტახტს ბაგრატი მეფე დაეუფლა, დაიმორჩილა ქართლელები და მესხები, შეკრიბა ლაშქარი, ჩავიდა კახეთში, დაიმორჩილა კახელები, გააძევა თავისი ძმის-შვილი და დაეუფლა კახეთს.

მესამე ტექსტი⁴⁸⁸

ღმერთის სახელით ახლა შევუდგეთ ბაგრატიონთა მეფობის ისტორიის [თხრობას].

ქორონიკონი 142 (1454 წ.): გამეფდა ბაგრატი, გიორგის ძე, ალექსანდრე მეფის ძმა. ცოლად ჰყავდა დედოფალი ელენე. ჰყავდათ ვაჟები – ალექსანდრე და დავითი. მეფეთ მეფე ბაგრატის ზეობისას ქრისტიანები მეტად მოსვენებით იყვნენ. იმხანად ცხოვრობდა დიდებული ყაენი ასანბეგი, ორივე საყაენოს მბრძანებელი. დიდი თემურის შემდეგ საქართველო აღარასოდეს იყო დარბეული. იყო აღმშენებლობა და სინყნარე. იმხანად საქართველოში არც ხარაჯა იყო, არც მალი. საქართველოს ყველა სამეფო და კუთხე გათავისუფლებული იყო თურქების მონობისაგან. მეფე ბაგრატი იყო მდიდარი და სახელგანთქმული. იგი ფლობდა ქართლს, სომხეთს, ემორჩილებოდნენ ლორეს პიტიახშები, კახეთის, შარვანისა და სამცხის [მბრძანებლები];⁴⁸⁹ [მორჩილებაში] ჰყავდა იმერლები, მეგრელები, გურულები, აფხაზები, სვანები, ჯიქები და კავკასიის მთის მცხოვრებნი. მის დროს განდგნენ დადიანი და გურიელი. აიყოლიეს მეგრელები და აფხაზები. გაერთიანდნენ და აღარ ემორჩილებოდნენ ბაგრატი მეფეს. განყრა მეფე, შეკრიბა ლაშქარი, მივიდა და ცხენისწყალთან დაბანაკდა. მეორე მხრიდან ისინი მოადგნენ, დაირაზმნენ და შეიბნენ. ინება ღმერთმა, გაიქცნენ დადიანი და მეგრელები. დახოცეს, დაატყვევეს და მუსრი გაავლეს ქართლელებმა. გამოედევნენ, შეიჭრნენ [ოდიშში] გადაწვეს და დააქციეს ციხესიმაგრეები. დაბრუნდნენ გამარჯვებულები და თან წამ-

ოიყვანეს ტყვეები და მძევლები. ამ დროს მოუცლელი იყო მეფე. ლიხს იქით იყო [გადასული] და ქართლებიც თან იახლა.

ქორონიკონი 144 (1456 წ.): ყაენმა უზუნ-ჰასანმა შეკრიბა [ჯარი], ჩამოვიდა სომხითში, მოადგა საბარათიანოსა და ორბეთის ძირს. მეტად კარგად დახვდნენ ბარათაშვილები, გამაგრდნენ და ვერაფერი დააკლეს. მოვიდნენ და თბილისი აიღეს. თვითონ ყაენი მუხრანში გაჩერდა. აივსო ქართლი ლაშქრით, მთელი ქართლი მოოხრდა. დაიბარა ყაენმა ბარათაშვილები, მათი ნდობა მოიპოვა, შეხვდა და შეიწყალა. მრავალი [ძღვენი] მისცა, ყელამდე აავსო. მაშინ აიყარა ყაენი, წავიდა და გამოუშვა შეწყალებული ბარათაშვილები, მრავალი საბოძვარი მისცა. ამის შემდეგ გავიდა წლები.

ქორონიკონი 150:⁴⁹⁰ შემდეგ ყაენი უზუნ-ჰასანი შემოვიდა სამცხეში, ყვარყვარეს დაეხმარა. ჩიხორში ბძოლა გამართეს ბაგრატ იმერთა მეფესთან და ყვარყვარე ათაბაგმა გაიმარჯვა.

ქორონიკონი 151 (1463 წ.): ქართველთა მეფემ თავრიზში გაილაშქრა და თემურა ააოხრა.

ქორონიკონი 153:⁴⁹¹ ყვარყვარემ შეიპყრო იმერეთის მეფე ბაგრატი და ციხეში ჩაადგო.

ქორონიკონი 1[5]3:⁴⁹² 21 წელს, 10 ოქტომბერს გარდაიცვალა ათაბაგი ბაადური.⁴⁹³ დასაბამიდან ექვსი ათას ცხრაას ოთხმოცდამეორე ქორონიკონში.

ქორონიკონი 164 (1476 წ.): უზუნ-ჰასანმა კვლავ შეკრიბა ურიცხვი ხალხი და დიდი ძალებით შემოესია სამცხეს. შეიტყო ამის შესახებ ყვარყვარემ და მისმა ორმა ძემ. პირდაპირ შებრძოლება არ შეეძლოთ მათი ჯარის სიმრავლის გამო. გადანყვიტეს, სამიდან ერთი წასულიყო და დაეცხრო იმ მტარვალის გულისწყრომა, რომ აღარ ჩამოსულიყვნენ სამცხის ქვეყანაში. ჩამოვიდა სამცხეში, მერე აწყურს მიადგნენ. მრავალი ქრისტიანი ამოწყვიტეს – მღვდლები, მონაზვნები და საერონი. მთელი სამცხიდან წაიყვანეს ტყვეები. აიბარგა ყაენი და დაბრუნდა თავის საყაენოში. დაატყვევეს აწყურის ღვთისმშობლის ხატი და თავის ქვეყანაში წააბრძანეს. ენით აუნერელი დიდი გლოვა და მწუხარება იყო მთელ მესხეთში. ადგა ყველა და ქართლში ჩავიდა. შვიდი წელი იქ მწირობდნენ.

გარდაიცვალა კახეთის მეფე გიორგი, ალექსანდრე მეფის ძე და მის ნაცვლად გამეფდა ძე მისი ვახტანგი.⁴⁹⁴

გავიდა ცოტა დრო და კონსტანტინე წავიდა თათრებში. ქართველ წარჩინებულთაგან სხვამ ვერავენ გაბედა თათრებში წასვლა და ბატონის ხლება. მეტად ერთგულად და მაგრად იდგნენ ბარათაშვილები. სწორედ ისინი გაჰყვნენ თან და ემსახურებოდნენ. მზეჭაბუკიც⁴⁹⁵ წაჰყვა, ყვარყვარეს პირმშო ძე.⁴⁹⁶

განყრა ღმერთი საქრისტიანოს ამონყვეტის გამო, ღვთის დაშვებით სასიკვდილე სენი დაემართა ყაენს.⁴⁹⁷ ღმერთმა [ასე] განაგო და მოკვდა ყაენი უზუნ-ჰასანი. ხელისუფლება მიიღო მისმა ძემ, სულთანმა. იალუბი, მისი ძმა, ტახტს ეცილებოდა. მიატოვეს თათრებმა თბილისი და სომხითი, ბაგრატი მეფემ კი დაიკავა. თავს დაესხნენ ბარათაშვილები, აანოკეს ელები და ბევრი თათარი დახოცეს.

სულთანი და თათრების რჯულის მოძღვრები [მზეჭაბუკს] თავის სარწმუნოებას უქადაგებდნენ. მზეჭაბუკმა არაბულიც იცოდა, სპარსულიცა და თათრულიც. ისე იცოდა მათი ენები და მწერლობა, რომ ყველაფერში საფუძვლიანად ერკვეოდა. საღმრთო სიტყვები ამოდიოდა მისი პირიდან. მათი რჯულისაც ყველაფერი ზედმინევნით იცოდა და მათივე რჯულის წიგნებით დაადუმა მათი უდიერი ბაგეები. ამის გამო მას შემდეგ ველარავენ გაბედა მასთან სიტყვის დაძვრა. ამგვარი ძლევაც მიეცა [ღვთისგან]: იმ ურჯულო მთავარს ერთი კაცი ჰყავდა, ფალავნების უფროსი, დიდი და ბუმბერაზი. სახელად მალანი ერქვა. ყველა კაცს დაახლოებით ერთი წყრით,⁴⁹⁸ ან უფრო მეტით აღემატებოდა სიმაღლეში. იმ მრავალრიცხოვან ხალხში არავინ გამოჩნდა, ვინც მას შეერკინებოდა. ერთხელ მან მოისურვა მზეჭაბუკის გამოცდა. ეს რომ გაიგო, აღარ დააყოვნა. არამედ, როგორც ლომი სწრაფად შეებრძოლა, ღმერთსა და ყოვლადწმიდა ანყურის ღვთისმშობელს მინდობილმა აიყვანა და სასირცხვილოდ დასცა მიწაზე. ეს დაინახა მთელმა ლაშქარმა და დიდებულმა ხალხმა, მეტად გაკვირდნენ და ვერაფრის თქმა ველარ შეძლეს. ეს და სხვა უფრო მეტი სიმხნე-გაბედულება შეიძინა. ბრძანა ღმერთმა და დიდი პატივით გამოგზავნა სულთანმა კონსტანტინე და მზეჭაბუკიც თან გამოატანა. ყაენისგან შეწყალებული დაბრუნდა კონსტანტინე თათრებიდან. ამის შემდეგ იალუბმა აჯობა სულთანს, დაეუფლა საბრძანებელს და ეშმაკის განზრახვით ყაენი გახდა იალუბ-ბეგი, ასან-ბეგის შვილიშვილი. ამასობაში გავიდა დრო, წუთისოფელმა თავისი ბეგარა არ დაიკლო, რაჭაში გარდაიცვალა ბაგრატი მეფე. დიდი გლოვა და მწუხარება იყო სამეფოში. აიღეს

[მისი ცხედარი] და დაკრძალეს გელათში, მათ განსასვენებელში. და კიდევ გავიდა დრო.

ქორონიკონი 166 (1478 წ.): გამეფდა კონსტანტინე,⁴⁹⁹ ალექსანდრე მეფის ძის, დიმიტრის ვაჟი. კარგად მეფობდა, აღარ იყო შეწუხება თათრებისგან. დაიმორჩილა იმერლები, მეგრელები და აფხაზები; ემსახურებოდა ათაბაგი და კახელებიც ემორჩილებოდნენ. არავინ აწუხებდა ქრისტიანებს, იყო მშვიდობა დასიწყნარე.

დავუბრუნდეთ ზემოთქმულს. მაშინ, როცა უზუნ-ჰასანი ძლიერი ლაშქრით შემოვიდა და უცხო ქვეყანაში წააბრძანეს აწყურის ღვთისმშობლის ხატი, ღვთის ასეთი რისხვა მოინია: არც დედაკაცი და არც პირუტყვი აღარ შობდა, არც ხე იძლეოდა ნაყოფს და აღარც მინა აღმოაცენებდა. დიდი კვლევა-ძიება იყო მათ შორის ამ უცნაური ამბის გამო. ამბობდნენ: „ეს რა არისო?“ ზოგი ამბობდა: „შემთხვევით მოხდაო“, სხვები კი რალაც სხვა მიზეზს ამბობდნენ. ხოლო იმ ქვეყნის უბრძნესმა კაცებმა ასე თქვეს: „როცა საქართველოში ვილაშქრეთ, მაშინ ერთ დიდ საყდარში დიდი პატივით შემკობილი რალაც ფიცარი ვნახეთ და წამოვიღეთ. მაშინდელი ჩვენი მგზავრობისას უცნაური სასწაული ვიხილეთ მისგან. საღამოთი ბარგში ყველაზე ღრმა ადგილზე ჩავასვენეთ. რომ გათენდა, ამოსულიყო სიღრმიდან, მაღლა მჯდომარე ჩანდა და მზესავით ბრწყინავდა. უეჭველად მან მოახდინა ეს ამბავი ჩვენს ქვეყანაში და თუ გვინდა ამ უბედურებისგან თავის დაღწევა, მოვძებნოთ ის და მათ ქვეყანაში გავუშვათ“. მაშინ მოძებნეს ეს წმიდა ხატი. როცა იპოვეს, ასე იფიქრეს: „მოდით, გაუხედნავ ჩოჩორს დავაკრათ [ზურგზე], თუკი სწორად წავა თავისი გზით, გავიგებთ, რომ ამისგან არის ეს ყველაფერი; ხოლო თუკი სხვა მხარეს გატრიალდება, ესე იგი რალაც შემთხვევითობაა და ამის მიზეზით არ არისო“.

როგორც კი ეს წმიდა ხატი ჩოჩორს აჰკიდეს, ისე გამართულად დაადგა სამცხეში მომავალ გზას, როგორც საუკეთესო მხედარი აღვირით ხელში მიმავალი. დაინახეს უცხოტომელებმა ეს სასწაული, დიდად გაიხარეს და პატივით გამოგზავნეს. თან გამოჰყვა ძალზედ ბევრი ცხენი, რომელთა ჩაზნექილი ზურგები დღესაც მეტყველებს მაშინდელი სასწაულის შესახებ. ხოლო უცხოტომელებმა თავი არ შეინუხეს მათი ცხენების გულისთვის, რადგან იმ უზომო ჭირისგან გათავისუფლებას მოელოდნენ. [აწყურის ხატი] საღმრთო განგებულებით მოკლე დროში ჩამოვიდა სამცხეში, იმ ადგილზე, რომელსაც ახლა ელავესი

ჰქვია. დიდებული სასწაული მოხდა, რადგან მაშინვე განათდა მთელი სამცხე და უწინდებურად გაბრწყინდა. როგორც კი დაინახა ყველამ, როგორ ანაზღად შეცვალა ბნელი ნათელმა, გაიხედეს იმ ადგილისკენ და ელვასავით ბრწყინავდა ყოვლადწმიდის ხატი. გაკვირვებულებმა თქვეს: „რა არის ეს, ელვასავით მბრწყინვალეო?“. მას შემდეგ ენოდა იმ ადგილს ელავსი. შეიკრიბნენ ყველანი, მივიდნენ და ნახეს ჩოჩორზე მჯდომი ყოვლადწმიდა ღვთისმშობლის მანათობელი ხატი და მრავალი ცხენი მის გარშემო. გაუკვირდათ უცნაური და საოცარი ელვის გამო, ადიდეს ღმერთი და ყოვლადწმიდა ღვთისმშობელი, მხურვალე ცრემლებით შეჰღალადეს: „კურთხეულია მოსვლა შენი, სახიერი ღმერთის დედაო. რატომ დაგვტოვე ამდენი ხანი ბნელში ისინი, ვინც შენ მიერ ვიხილეთ შენი ძის ღვთიური ნათელი?“

როგორც კი ქართლში მყოფმა მესხებმა გაიგეს, რომ სასწაულებრივად დაბრუნდა ხატი და სამცხეს ნათელი მოეფინა, დიდი სიხარულით გაიხარეს და თქვეს: „უსათუოდ ყოვლადწმიდის ხატი მობრძანდა, ავდგეთ და წავიდეთ ჩვენს ქვეყანაშიო“. კონსტანტინე მეფე კი აჩერებდა და არ აძლევდა წამოსვლის ნებას. როგორც კი დრო იხელთეს, ერთ ღამეს ადგნენ და მთელი მათი ოჯახებით წამოვიდნენ. გაიგო მეფემ მესხების წამოსვლის ამბავი, ამხედრდა და თავისი ლაშქრით გამოედევნა, როგორც ოდესღაც ფარაონი ისრაელს. წამოეწინენ იმ ადგილზე, რომელსაც არადეთი ჰქვია. შემოუბრუნდნენ მესხები ანკურის ყოვლადწმიდა ღვთისმშობლის სახელით და დაირაზმნენ ერთმანეთის წინააღმდეგ. შეიბნენ კონსტანტინე მეფე, ყვარყვარე ათაბაგი და მესხები. ქორონიკონი [იყო] 171, აგვისტოს თვის 13 [რიცხვი] (1483 წ.). გაიმარჯვეს ათაბაგმა და მესხებმა. ისეთი გამარჯვება მოიპოვეს მესხებმა ქართლელებზე, რომლის მსგავსი არსად გაგონილა. მეფის მრავალი წარჩინებული დახოცეს. გაქცეული მეფე კი მცირეოდენი მხედრობით გადარჩა და თავისთან გაბრუნდა. ძლევამოსილი მესხები გამობრუნდნენ მშვიდობით, ადიდებდნენ ყოვლადწმიდა ღვთისმშობელს და ჩამოვიდნენ სამცხეში. ამის შემდეგ გავიდა ორი წელი. მერე კი, როგორც არის ეშმაკის წესი და ჩვევა, სიკეთის მოძულე ეშმაკმა ქრისტიანების წინააღმდეგ ამხედრა თათრები. შეკრიბა თურქმანების ურიცხვი სიმრავლე და გამოემართნენ სამცხისკენ.

ქორონიკონი 173 (1485 წ.). მოვიდნენ [თურქმანები] და მოადგნენ ტაშირს. შემოუთვალეს ქართლის მეფეს, რომ ქვემო ქართლის

მკვიდრნი თავს დაესხნენ სამცხეს. ეს გაიგეს ყვარყვარემ⁵⁰⁰ და მისმა ძეებმა, მზეჭაბუკმა⁵⁰¹ და ბაადურმა,⁵⁰² შეკრიბეს თავისი მხედრობა და ჩადგნენ კლდოვანი მთის გამაგრებულ ადგილში რადგან, როგორც კი მოუახლოვდებოდნენ, მყის დარაზმულიყვნენ და შებრძოლებოდნენ. მთელ მათ დანარჩენ თემებსა და სამფლობელოებს უბრძანეს ციხეს-იმაგრებში შესვლა და გამაგრება. წმიდა დედაქალაქის⁵⁰³ ეპისკოპოს-საც უბრძანეს, რომ ანყურის ყოვლადწმიდა ღვთისმშობლის ხატი ციხეში, საგანძურის საცავში დაესვენებინათ.

ასე გააკეთეს [და შემდეგ], 174 (1486 წ.) ქორონიკონში, ურიცხვი ხალხით მოვიდა იაღუბ ყაენი. მის ერთ თავადსა და ლაშქარს უბრძანა, რომ სამცხე დაეკავებინა. ჩავიდნენ და მთლიანად დაიკავეს, გააჩანაგეს სამცხის ქვეყანა. მერე მოადგნენ ციხე-ქალაქ ახალციხეს. დიდი ხანი უტევდნენ, ველარ გაუძლო სიმაგრემ, გატეხეს ციხე და გადანვეს ქალაქი. ხელში ჩაიგდეს მეციხოვნე წარჩინებული მესხები. მერე აიყარნენ და მოადგნენ ციხე-ქალაქ ანყურს. გადანვეს ანყური და ააოხრეს ქალაქი. ვერ შეძლეს ციხის ბრძოლით აღება და წასვლა გადანყვიტეს. ეთათბირნენ მეციხოვნეებს, მშვიდობა აღუთქვეს, რომ არ დააქცევდნენ საყდარსა და ციხეს. ამ პირობაზე ენდნენ და გამოვიდნენ. შესცდნენ ციხის მცველები, მანყვერელი [ეპისკოპოსი] და მასთან ერთად სხვა წარჩინებულები. ითათბირეს, აიღეს ციხის კლიტეები და თხოვნისა და ბრძოლის გარეშე მიართვეს იმ უღმერთო მთავარს. მან მეტად გაიხარა და აღუთქვა, რომ არაფერს ავნებდა მათ. დანებდნენ. როგორც კი შევიდნენ ციხეში, შეუტიეს, როგორც მხეცებმა და მიმოიტაცეს საყდრის მთელი საგანძური. დედაბუდიანად ამონყვიტეს მახვილით ურიცხვი ხალხი, სხვები კი ტყვედ წაიყვანეს. ხოლო ჩვენი ყოვლადწმიდა სასოების (იმედის) ხატი, პატიოსანი თვლებით შემკობილი, ჩვენი ცოდვების გამო დაატყვევეს და ურჯულო მთავარს მიჰგვარეს. იგი მეტად გააკვირვა ხატის მორთულობამ და თვლების სიძვირფასემ. თავისი ბილწი ხელით გაძარცვა ხატის სამკაული. ამის შემდეგ აანთეს ძალიან დიდი ცეცხლი და შიგ ჩააგდეს. ცეცხლი მიწავლდა, მაგრამ ხატს საერთოდ არ შეეხო, ნაიარევიც არ დააჩნდა, რაც მრავალმა ნახა და ჩვენი თვალითაც [ვიხილეთ]. ეს სასწაული ნახა მათ ლაშქარში მყოფმა ერთმა რჯულით არამართლმადიდებელმა ქრისტიანმა. აიღო ყოვლადწმიდის ხატი და შეახვია წმიდა ფილონში.

მაშინ ბრძანა ყაენმა სომხითის დარბევა. ბარათაშვილმა იხმო მისი რჩეული ლაშქარი, ფარულად მივიდა, დმანისში და ქვეშისხევში მოუ-

ლოდნელად დაესხა თავს. უამრავი ნადავლი და ტყვე წამოასხეს. ცნობილი გახდა ბარათაშვილების ამბავი – მცირერიცხოვანი ლაშქრით გზა გადაუღობეს, ღმერთმა ინება და ისე გაიმარჯვეს, რომ ერთმა ქართველმა ასი და ორასი მოკლა. დახოცეს, ამონყვიტეს და დაატყვევეს. ცოტანი გამოექცნენ, კარგი ცხენები ვისაც ჰყავდათ. თვითონ კარგი [კაცი], კარგად იყო სულხან ბარათაშვილი. ერთი ისეთი წარჩინებული მოკლა, რომ ყაენის კარზე მისი სადარი არავინ იყო. სხვებს, [მისგან] დახოცილებს, თვლა არ ჰქონდათ. ვინც გადაიხვეწნენ, ყველანი ყაენტან მივიდნენ. დაღონდა და დადარდიანდა ლაშქრის ამონყვეტის გამო. ამის შემდეგ აიყარა ყაენი და წავიდა სამცხიდან. სექტემბრის თვეში, 25 [რიცხვში] დაატყვევეს ანყურის ღვთისმშობელი, ხალხი და [ყველაფერი], რაც კი ციხესიმაგრეში იყო. მრავალი სული წაასხეს თან და გაბრუნდა ყაენი თავის საყაენოში.

ზემოთ რომ ვახსენეთ, [იმ] ქრისტიანმა, რჯულით არამართლმადიდებელმა კაცმა, მათ ქვეყანაში წაასვენა [ხატი]. ეს გაიგეს ყვარყვარემ, მისმა მეუღლემ და ძეებმა, განრისხდნენ ციხის გამცემებზე. მანყვერლისა და სხვა ყველა შინაგამცემის სიკვდილით დასჯა ბრძანეს. ბუნებითი მონყალეებისგან იძლია [ყვარყვარე], აღარ დასაჯა სიკვდილით, არამედ ქვეყნიდან განდევნა. ამის შემდეგ მოიძიეს სხვა ეპისკოპოსი. მონახეს პონტოელი [კაცი], ქალაქ ტრაპიზონიდან, სახელით სიმონი. იმხანად ტბეთის საყდრის საჭეთმპყრობელი იყო. ბოლოს მას უბოძა მანყვერელობა.

როგორც ზემოთ ვთქვი, იმ კაცს დიდი პატივით ჰქონდა [შენახული] ჩვენი ყოვლადწმიდა მფარველის ანყურის ღვთისმშობლის ხატი. გამოეცხადა იმ კაცს და უთხრა: „თუკი არ წამიყვან ჩემს ქვეყანაში, დიდ უბედურებას შეგამთხვევო“. სწრაფად წამოვიდა ის კაცი და ყოველივე აუნყა პატრონ ყვარყვარესა და მანუჩარს. მათ დიდი სიხარულით გაიხარეს და სწრაფად გაგზავნეს სარწმუნო ხალხი. გამოიხსნა [ხატი] პატრონმა მანუჩარმა. როცა მივიდნენ, იცნეს, დაემხნენ [მის წინაშე] და თაყვანი სცეს. აიღეს და წამოასვენეს ის წმიდა ხატი. აიყვანეს და დაასვენეს ანყურში, თავის საყდარში.

ამასობაში გავიდა მცირე ხანი და ყაენმა გამოგზავნა ხალიბეგი. დაიწყო ქაოზიანებისა და არჯაყელის ციხის აშენება. განყრნენ ბარათაშვილები, არ მისცეს საშუალება და დაუნყეს სამაგიერო მტრობა და წყენა. გაგულისდა ყაენი და ლაშქარი მიაშველა ხალიბეგს. შეიკრიბნენ და მოადგნენ თბილისს. მრავალი დღის განმავლობაში ებრძოდნენ და ვერაფერი

დააკლეს, რადგან მტკიცედ იდგნენ. ყოველდღე იყო ბრძოლები, მაგრამ ციხის ალების ძალა არ ჰქონდათ. მერე შეიკრიბნენ ბარათაშვილები, შემოუთვალეს მეფე კონსტანტინეს და შველა ითხოვეს მისგან. გაგზავნა მეფემ ქაიხოსრო ციციშვილი და ჯავახი ჯავახიშვილი ცოტაოდენი აზნაურებითა და ლაშქრით. წინ გაუძღვნენ ბარათაშვილები, მივიდნენ და თავს დაესხნენ ჭანდრეში მდგომ თათრების მონაპირე ჯარს. განდევნეს და დახოცეს ისე, რომ მაცნეს გარდა ერთიც ვერ გაექცათ. ყელამდე აივსნენ აბჯრებით, ალაფითა და ბარგით. ეს გაიგეს ქალაქში მდგომმა თურქმანებმა, დაესხნენ თბილისის ციხეს და ქვევით დაუყვნენ. კუმისის ბოლოს გზა გადაულობეს, შეებნენ მენინავე ლაშქარს, გააქციეს და ისე ამოხოცეს, რომ თათრებს თავებს სჭრიდნენ და ვენახის ღობეებსა და მარგილებზე აცმევდნენ. მერე განრისხდა ღმერთი, ზემოდან მოულოდნელად დაესხნენ ჩასაფრებულები, შუაში შეიყარნენ და, რაც ქაიხოსრო ბარათაშვილმა და ჯავახმა ჩაიდინეს, უწინდელი დროის გმირებსაც არ გაუკეთებიათ. ისე მოხდა, რომ ულუსის ლაშქარზე ომითა და ხმლით წამოვიდნენ. [მათი] ლაშქარი მსუბუქად დაზარალდა, თვითონ კი გადარჩნენ ღვთის ნებითა და შეწევნით. ამის შემდეგ წავიდა თურქმანების შერცხვენილი ლაშქარი და ორბეთის ძირში დადგა. ეცადნენ თათრები, მაგრამ სულ ბარათაშვილები და ორბეთისძირელები იმარჯვებდნენ.

ამის შემდეგ ადგნენ ხალიბეგი და ყაენის სხვა თავადები, მივიდნენ და დახმარება სთხოვეს ყაენს. ერთი წელი გავიდა, ჯარი მიაშველა. ძალები მოიკრიბა [ხალიბეგმა] და დაიძრა სომხითისა და ორბეთის ძირის წინააღმდეგ. წამოვიდა კოჯრის ციხეზე, ალყაში მოაქცია, დაუწყო ბრძოლა და თოფის სროლა. მოიმწყვდიეს შიგნით სოლოლაშვილები.⁵⁰⁴ დიდი ხანი იყო ბრძოლა, შეანუხეს მტრებმა თოფის სროლით და ცოტათი ციხეც დაანგრის. ვეღარ გაუჩერდნენ, რადგან დამხმარეც აღარ ჰყავდათ. ერთ ღამეს შეწყდა თოვა, გამოვიდნენ ციხიდან, ციხე ცარიელი დააგდეს და თვითონ მთებსა და სიმაგრეებს მიაშურეს. რომ გათენდა, ნახეს თათრებმა დაცლილი ციხე, შევიდნენ შიგნით და ვერავინ იპოვეს. მიადგნენ და დააქციეს. ციხის ალება რომ შეიტყო, დადარდიანდა მეფე, რადგან შეყრილი [ლაშქრით] ნიჩბის წყალთან იდგა.

ამის შემდეგ ადგნენ თათრები და მოადგნენ თბილისის ციხეს. ყოველდღე იყო ბრძოლები, ესროდნენ თოფებს, მაგრამ ციხის ასაღებად საკმარისი ძალა არ გააჩნდათ, რადგან ბარათაშვილები ედგნენ მხარში [მეციხე-ოვნებს]. მეფე ხალხს მოუწოდებდა, მაგრამ არ უშველეს. იმერლები

განდგომილები იყვნენ, მესხებმაც არ უშველეს. ამის გამო ომი ვერ გაბედა მეფემ. დიდი ხანი იყვნენ ქალაქს მომდგარი. თათრებს ომი მოზეზრდათ. ციხეს ვერაფერი დააკლეს. მერე დარაზმეს ლაშქარი, გადანყვიტეს ორბეთის ძირის დარბევა. აარჩიეს ათას ხუთასი მხედარი, მსუბუქად შეიარაღებული მრავალი მოლაშქრე და გამთენიისას მიადგნენ ორბეთის ძირს. თავს დაესხნენ, აიკლეს და ამონყვიტეს მთის სოფლები. იშოვეს ურიცხვი განძი, ტყვეები და ალავი. ამასობაში შეიტყვეს ბარათაშვილებმა. ენაგეთში იყვნენ ისინი და მათთან ერთად იყვნენ ქაიხოსრო თურმანიძე და მეფის ცოტაოდენი სხვა ყმები. გაისმა [ბრძოლის] ხმა და ისე შემოუტიეს, როგორც ვეფხვებმა. აქედან სულხან ბარათაშვილი და მისი ძმები წამოვიდნენ, იქიდან სხვა ბარათაშვილები მიენივნენ უკან. შეებრძოლნენ, გააქციეს, მიიმწყვდიეს ხეებსა და ღრანტეებში, ისე დაუნყეს ხოცვა, როგორც ქათმის ვარიებს. ღმერთმა გამარჯვება ქრისტიანებს მისცა. ურიცხვი ამონყვიტეს, რადგან არ იყო სიკვდილის განცდა. სისხლის ნაკადული მოდიოდა. ვინც სიკვდილს გადაურჩა, ხელში ჩაიგდეს. ერთი ისეთი თავადი დაატყვევა მერაბ ბარათაშვილმა, რომ ყაენის კარზე მას არავინ სჯობდა და ყაენის ახლობელიც იყო. ისეთი გამარჯვება მისცა ღმერთმა ბარათაშვილებს, რომ თითო ტყვე ქალს სამი და ოთხი მუსულმანი მოჰყავდა ყელზე დოღბანდგამოდებული.

თავდაპირველ ბრძოლას ველარ მიახსნრეს ქაიხოსრო ჯავახმა, ქავთარ სოლოლაშვილმა და სხვა წარჩინებულებმა. უკნიდან თავს დაესხა მღევარი და რჩეული, შედარებით დიდი ლაშქარი. აქედან არც ამათ დაუთმეს გზა. შეიბნენ, ოცი კაცი სამასამდე თათარ მხედარს ხმლით წინ გადაუდგა. ღმერთმა ინება და მშვიდობით გადარჩნენ. ორ-სამჯერ დაუჭრეს ცხენები. ჩამოყრილები ისევ ამხედრდნენ. ჩვენი ქართველებიდან ერთი თურმანიძის მეტი არავინ დაგვაკლდა, ისიც ჯარმა გათელა. დიდი ულუსის ლაშქრიდან შედარებით ცოტანი წავიდნენ მაცნედ. სხვა ყველა დახოცეს და ტყვედ ჩაიგდეს. ეს რომ გაიგეს ქალაქში მდგომმა თათრებმა, შეშინდნენ, მიატოვეს ციხე და უკან გაბრუნდნენ. ბარათაშვილებს რომ არ გაემარჯვათ, ქალაქსაც ძალით წაართმევდნენ და ქართლშიც შემოიჭრებოდნენ. ამ დროს ინება ღმერთმა, წყალობით მოხედა ბარათაშვილების შეჭირვებას და მას შემდეგ თათრები ველარ ბედავენ ძალმომრეობასა და რბევას. გატყდნენ და შეშინდნენ ღვთის შენევნით.

რამოდენიმე დღე გავიდა წმიდა ხატის ტყვეობიდან დაბრუნების შემდეგ. „არ დატოვა უფამა ცოდვილთა კვერთხი ნაწილსა ზედა მარ-

თალსა” (შდრ. ფსალ. 124, 3), არამედ „ვინ იტყვის შენს ძლიერებას უფალო, ან ვინ გახდის მოსასმენად შენს ქებულებას“ (შდრ. ფსალ. 105, 2) – ყოვლადწმიდა დედოფალმა საშინელი რისხვა მოუვლინა იაღუბის სახლს, მის თვისტომებს და მთელ მის გვარს. მცირე ხანში მთლიანად განადგურდნენ, მოისპნენ და გადაშენდნენ. ასეთი სიკვდილი ხვდა ულმერთო იაღუბს – რომელი ხელითაც გაბედა წმიდა ხატისთვის მახვილის შეხება, იმავე ხელით შეაზავა მომაკვდინებელი სასმელი. კარგი [დასალევი] ეგონა ღვთის სასჯელით შემცდარს. თვითონ შესვა იქიდან და თავის დედასა და ძმასაც გაუწოდა. იმათაც მიიღეს, მოსვეს, რადგან მათგან ურჩობა არ გამოდიოდა. როგორც კი შესვეს, ერთიანად და ერთდროულად დაიხოცნენ მტანჯველი სიკვდილით. მათთან ერთად გადაშენდნენ მათი სახლის სხვა მთავრები და წარჩინებულები. ზოგი მახვილით, ზოგი კი უცნაური სიკვდილით. მას შემდეგ მთლიანად დაემხო მათი ხელისუფლება. თუმცაღა ჩვენი ცოდვების სამხილებლად, ღვთის დაშვებით მოვიდნენ, ღვთის სახლი და წმიდა ჭურჭელი დათრგუნეს, მაგრამ ყოვლადწმიდა ღვთისმშობელმა თავისი ხატის შეურაცხყოფა არ მოითმინა და ისეთი რისხვა მიუვლინა, რომ მათი მოდგმა ჩვენს დრომდე საერთოდ გადაშენდა.

ქორონიკონი 177 (1489 წ.): ახალციხეს თათრები შემოესივნენ. ამავე წელს ალექსანდრე ბაგრატიის ძემ აიღო ქუთაისი.

ქორონიკონი 179 (1491 წ.): 10 სექტემბერს 54 წლისა გარდაიცვალა ქალბატონი დედისიმედი, ყვარყვარე ათაბაგის მეუღლე.

ქორონიკონი 183 (1495 წ.): 23 თებერვალს დაიბადა ბაგრატი, ალექსანდრეს ძე. კახეთის მეფე ვახტანგი და მისი ძმა ბატონი ალექსანდრე კახელებმა წაჰკიდეს და დაამღურეს ერთმანეთს.⁵⁰⁵ შფოთში იყვნენ, დიდი ხანი შუღლი ჰქონდათ ერთმანეთში და ვერ რიგდებოდნენ. მერე კონსტანტინე მეფემ და დოროთეოს კათოლიკოსმა უშუამდგომლეს და 188 ქორონიკონში (1500 წ.) შერიგდნენ კახეთის მეფე ვახტანგი და მისი ძმა ბატონი ალექსანდრე. ამავე ქორონიკონში⁵⁰⁶ 1 ივნისს 82 წლისა, გარდაიცვალა დიდი ბატონი ყვარყვარე.

ქორონიკონი 190 91502 წ.): 6 მაისს, 53 წლის ასაკში გარდაიცვალა ათაბაგი, ბატონი ქაიხოსრო.⁵⁰⁷

ქორონიკონი 191 (1503 წ.): გარდაიცვალა მეფე კონსტანტინე⁵⁰⁸. მის წილ ტახტზე ავიდნენ დავითი⁵⁰⁹, მისი ძე და დედოფალი ნესტან-დარეჯანი, დავით ბარათაშვილის ასული.

ქორონიკონი 193 (1505 წ.): გარდაიცვალა გელათის დიდი მონასტრის წინამძღვარი მანასე.

ქორონიკონი 197 (1509 წ.): აგვისტოს თვის 6 [რიცხვში], ალექსანდრე ბაგრატიის ძემ აიღო გორი. ამავე წელს, ნოემბერის თვე იყო, 23 [რიცხვში], ქუთაისს შემოესივნენ თათრები. შიგნიდან და გარედან გადანვეს გელათის დიდი მონასტერი, ქუთაისი, საყდარი⁵¹⁰ და სხვა ეკლესიები. ციხე ვერ აიღეს. ტყვედ წაასხეს აურაცხელი ქრისტიანი.

ქორონიკონი 198 (1510 წ.): 12 მარტს გარდაიცვალა დედოფალი თამარი. ამავე წლის 1 აპრილს გარდაიცვალა მეფეთ მეფე ალექსანდრე⁵¹¹. ამავე წელს გამეფდა იმერეთში მისი ძე ბაგრატი⁵¹². ამავე წელს ძლიერი ბრძოლა გაიმართა ქართლის მეფე დავითსა და ბაგრატს შორის. ბევრი რბევისა და ტყვობის გამო ქართლი ძალაგამოცლილი იყო. გორი ალექსანდრეს, ბაგრატის მამას, ჰქონდა აღებული და დაკავებული. ამ დროს დავით ქართლის მეფეს დაეხმარნენ კახეთის მეფე ვახტანგ⁵¹³ და ათაბაგი მზეჭაბუკი.⁵¹⁴ დავით მეფემ ვერ მიასწრო [ბრძოლას]. ივნისის თვეში, 3 [რიცხვში], მოხისში შეებრძოლა ბაგრატი ვახტანგსა და მზეჭაბუკს და გაიმარჯვა. ამავე წელს, 3 ნოემბერს გარდაიცვალა ქალბატონი ელენე დედოფალი, ალექსანდრეს დედა. ამავე წელს აღესრულა კახეთის მეფე ვახტანგი. მის ნაცვლად კახეთში გამეფდა ალექსანდრე, მისი ძმა.

ალექსანდრე კეთილი და ღვთისმოყვარე კაცი იყო, წმიდა ეკლესიების დიდი შემწე და ხატ-ჯვრების შემამკობელი. ალექსანდრემ და დედამისმა, დედოფალმა ნესტან-დარეჯან ბაგრატიონმა ალავერდის დაქვეულები და დაძველებული სამხრენი⁵¹⁵ და გუმბათები⁵¹⁶ აღადგინა, მოახატვინა და შეამკო ხატ-ჯვრებით, წიგნებითა და საეკლესიო მორთულობით. ამის შემდეგ მთელი კახეთის საეპისკოპოსო საყდრები⁵¹⁷ შეამკო და შესწირა ყოველგვარი საეკლესიო სამკაული. ორი ძე ჰყავდა. უფროსს გიორგი ერქვა, უმცროსს – დიმიტრი. ამ გიორგიმ ბრძოლა დაუწყო ქართლს, რადგან ქართლის დაპყრობა უნდოდა. მამამისი ალექსანდრე და ძმა დიმიტრი ევედრებოდნენ: „ძმები არიან, არ უნდა შეეცილო და დაიპყრო ქართლი, შენთვის კახეთიც საკმარისიაო“. ნება არ დართეს, საფურცლებში წინ გადაუდგნენ. ამის გამო შუღლით აივსო გიორგი და საფურცლის ქალაში ღალატით მოკლა მამამისი ალექსანდრე. აიღეს და დამარხეს კახეთის მეფეების საძვალეში, ალავერდის საყდრის შიგნით, უკანა ეკვდერში. მერე შეიპყრო დიმიტრი, თავისი ძმა და

თვალეები დასთხარა. ქორონიკონი იყო 199 (1511 წ.). შემდეგ ცოლთან და შვილთან ერთად გამოაძევა დიმიტრი. ჩამოვიდა [დიმიტრი] მცხეთაში, სვეტიცხოველს შემოეკედლა და იმყოფებოდა რამდენიმე ხნით. ამ საქციელისთვის უწოდეს ავ-გიორგი. მამამისი ალექსანდრე რომ მოკლა გიორგიმ, შემდეგ თვითონ დაეუფლა კახეთს.

ქართლში მეფობდა დავითი, მშვიდობისმოქმედი და ღვთისსათნო კაცი. დავით მეფეს ჰყავდა ძმები – გიორგი, ბაგრატი, ალექსანდრე და მელქისედეკი მონაზონი. იმჟამად კათოლიკოსი იყო დოროთეოსი.⁵¹⁸ ავ-გიორგიმ შუღლით აღმართა მახვილი დავით მეფეზე⁵¹⁹ და მრავალი უკეთურება გაუკეთა ქართლს. დავით მეფე და მთელი მისი მხედრობა ერიდებოდა ავ-გიორგის სახლობას. ამის გამო უფრო მეტად გათავხედდა ავ-გიორგი. თავს ესხმოდა ქართლს, მრავალგზის ითარეშა ქართლში. ძირითადად ტყვეები მოჰყავდა ზემო ქართლიდან იმერეთის საზღვრამდე. თვითონ დავით მეფე ატენის ციხეში იყო შემწყვდეული. მრავალი დღის განმავლობაში ებრძოდა და ვერ წაართვა ატენის ციხე. გაბრუნდა შინ და თან წაიღო ბევრი ნადავლი.

მაშინ უთხრეს დავით მეფეს მისმა უმცროსმა ძმებმა: „ამის შემდეგ აღარ შეგვიძლია ამ კაცის ბოროტების მოთმენა. აქამდე კახეთიც ჩვენს მამებს ეჭირათ, მთელი კახეთი ჩვენი სახლის საბრძანებელს იყო დამორჩილებული. ახლა კი ისე გაგვიკადნიერდა, რომ ქართლსაც დაეუფლა და უნდა მთლიანად დაიპყროს. ახლა ჩვენც აღვსდგეთ მათ წინააღმდეგ და ვებრძოლოთ მათო“. მაგრამ დავით მეფე არ დათანხმდა, რადგან მისი მოსახელე დავითის მსგავსად,⁵²⁰ როგორც [ის იყო] საულისთვის მშვიდი, [ისე ესეც] მშვიდი იყო და შურისძიება არ იცოდა. რაკილა არ დაუჯერა, მაშინ ბაგრატმა, მისმა უმცროსმა ძმამ, დავით მეფეს საუფლისწულოდ სთხოვა მუხრანი და დროშა. დარაჯად გამოითხოვა ქსნის ერისთავი და არაგვის ხეობა. ხოლო დავით მეფემ მისცა.

ამგვარად წამოვიდა [ბაგრატი], ჩამოვიდა მუხრანში, მტვერის ციხეში, რომელიც ციხისძირის თავში არის და იქ დადგა. ეს რომ ავ-გიორგიმ გაიგო, რამდენის გამოყვანაც შეეძლო, შეკრიბა თავისი მხედრობა, წამოვიდა და მოადგა მტვერის ციხეს. სამი თვე ებრძოდა და ვერ შეძლო აღება. მაშინ ავ-გიორგიმ ერთი ხელადა ღვინო გაუგზავნა ბაგრატს და ასე შეუთვალა: „ამდენი ხანია მაგ ციხეში ხარ გამოკეტილი. წესი არ არის, რომ მეფის ძეს ღვინო შემოაკლდეს. აიღე ეს ღვინო, დალიე და გამხნევდი, რადგან პური და ღვინო ახარებს კაცის

გულს“ (მდრ. ფსალ. 103, 15). ბაგრატს გადასცეს ეს სიტყვა და ღვინოც [მასთან ერთად]. მაშინ ციხეში ახალი ორაგული ჰქონდა. ღვინის წილ ორაგული გამოუგზავნა და შემოუთვალა: „ამდენი ხანია [მდინარე] ქსნის პირას დგახარ და ორაგული არ მოურთმევიათ შენთვის. ჩვენ კი ასეთი „გაჭირვებული“ ცხოვრება გვაქვს. ახლა ეს მიირთვი და დარწმუნდი, რომ არ შეგიძლია ამ ციხის აღება“. მოართვეს ავ-გიორგის ორაგული. მაშინ მიხვდა, რომ მტკიცე ციხე იყო, სანოვაგით სავსე. მისი მხედრობაც შეწუხდა. მაშინლა აიყარა და შინ გაბრუნდა.

მცირე ხნით იქ გაჩერდა. შემდეგ გამოემართა ზემო ქართლში. ძლიერ გააჩანაგა, ბევრი ნადავლი წამოიღო და უშიშრად წამოვიდა. გაიგო ეს ბაგრატმა, მუხრანის ბატონმა. შეკრიბა თავისი მცირეოდენი მხედრობა და იმ ხევში ჩაუსაფრდა, ძალისსა და ჭაპურს შორის რომ მდებარეობს. ავ-გიორგის მხედრობის ერთი ნაწილი წინ იყო წამოსული [თავისი] ნადავლით. ხოლო ავ-გიორგი უკან მოჰყვებოდა ნადირობითა და გართობით. როცა მოუახლოვდა იმ ადგილს, სადაც ბაგრატ იყო ჩასაფრებული, მაშინ შეუტიეს გულსრულად, სწრაფად დაემხო მისი სილადე და ამპარტავნება. ძალისში გამართეს ბრძოლა. თვითონ ბაგრატმა შეიპყრო [ავ-გიორგი], შეიხსნა სარტყელი და მხრები გაუკრა. ავ-გიორგი ენაბრვენილი იყო. უთხრა ავ-გიორგიმ ბაგრატს: „ვის ეკადრება შეპყრობა და მხრების გათოკვა?“ მიუგო ბაგრატმა ავ-გიორგის: „ჯერ ეს გაგიკეთე და ახლა გეტყვი, რაც დაგემართება, ვინ ხარ, რა კაცი ხარ, რეგვენი და ჭკუანაკლული“. ავ-გიორგისთან მყოფი ზოგიერთი კახელიც შეიპყრეს, სხვები გაიქცნენ. წაართვეს ნადავლი, რომელიც მათ მრავლად ჰქონდათ წამოღებული.

201 ქორონიკონში, ქრისტეს აქეთ 1514 [წელს],⁵²¹ წაიყვანეს შეპყრობილი ავ-გიორგი და მტვერის ციხეში ჩააგდეს. ბაგრატმა ეს ამბავი შეატყობინა თავის ძმას, მეფე დავითს და გაიხარა დიდი სიხარულით. მცირე ხნის შემდეგ იმ ციხეში მოაშთვეს ავ-გიორგი და მოკვდა. მისი სიკვდილი შეიტყო მეფე დავითმა და შეწუხდა. მაშინ აიღეს მისი გვამი, წაიღეს მცხეთაში და მთავარანგელოზის ეკლესიაში ჩრდილოეთის მხარეს დამარხეს. წესი აუგეს და ჯეროვნად მიხედეს, როგორც მიცვალებულის წესია.

ავ-გიორგის ერთი ძე დარჩა. ბავშვს სახელად ლევანი ერქვა. ამის შემდეგ გაილაშქრა დავით მეფემ კახეთში. დაიპყრო მთელი კახეთი და მტკიცედ ეპყრა გარკვეული დროით. ჯეროვნად განაგებდა მეფე დავით-

თი ქართლ-კახეთს. ეს ბავშვი, ლევანი, დედამისთან ერთად გარსევან ჩოლოყაშვილის სახლში იმყოფებოდა. ლევანის დედა გარსევან ჩოლოყაშვილის ნათესავი იყო, რომელიც კახ-ბატონის სახლთუხუცესი იყო. შემდეგ აცნობეს დავით მეფეს ამ ყმანვილის შესახებ, რომ ლევანი გაიზარდა კახეთში. გაგზავნა თავისი ძმა ბაგრატი, ქსნის ერისთავი და ამილახორი, რომ სადაც იყო მოეძებნათ ეს ყმანვილი. მაშინ დაინწყეს ძებნა კახეთში, დიდებული თუ მდაბიო ხალხის სახლებში. გაუგზავნეს ბრძანება, ყველა შემოიფიცეს, რომ გაეთქვათ, სად იმყოფებოდა ეს ყმანვილი. ასე შემოიარეს კახეთის ზოგიერთი მხარე. მაშინ წაიყვანეს ლევანი მოსკოვის კნიაზთან. დედამისი, ელენე დედოფალი კი, მალრანის ციხეში აიყვანეს და გაამაგრეს ციხე. შემდეგ გარსევან ჩოლოყაშვილის სახლშიც მივიდნენ ბაგრატი, ქსნის ერისთავი და ამილახორი. იმ ღამით ჯეროვნად გაუმასპინძლდა, მეორე დღეს კი შეჭვიცა გარსევანმა, რომ „ვინც თქვენი თვალით ნახეთ, იმათ გარდა სხვა არავინაა ჩემს სახლში“.

გარკვეული დროით [მოსკოვის კნიაზთან] იმყოფებოდა. მერე დაბრუნდა ლევანი რუსთა მხედრობით, შემოვიდა კახეთში და ჩადგა ოჩონის ციხეში, რომელიც ივრის სათავეში დგას. მაშინ მთელი კახეთი შეიკრიბა მასთან, [ერთგულება] შეჭვიცეს, შეუერთდნენ ლევანს, წამოიყვანეს, მეფედ დასვეს და დაეუფლა ლევანი კახეთს. ეს ამბავი შეიტყო დავით მეფემ, შეკრიბა თავისი მხედრობა და გაემართა კახეთის წინააღმდეგ. გადაიარა გომბორი და ჩავიდა კახეთში. მაშინ ისევ დაეუფლა კახეთს, მთელი კახეთი შემოეგება. გაიქცა ლევანი, წავიდა და იმ ციხეში შევიდა, მალრანის თავში რომ დგას. მიადგა დავით მეფე და დაიკავა ციხის შემოგარენი. ძლიერი ბრძოლა გაუმართა.

ამ დროს მოვიდა ოსმალების ურიცხვი მხედრობა და ააოხრა მთელი სამცხე. მესხები ვერ აღუდგნენ წინ. წამოვიდნენ იქიდან და შემოვიდნენ ქართლში. ვერავინ გაუნია წინააღმდეგობა, რადგან მთელი ქართლი სალაშქროდ იყო კახეთში წამოსული. დავით მეფემ გაიგო ოსმალების შემოსევის ამბავი. ჯერ არ გაახმაურა, რადგან მეტად შეჭირვებული ჰყავდა მეციხოვნეები და მცირე დროში ეგულებოდა ციხის აღება. დავით მეფემ გაგზავნა შუაკაცები, ამილახორი და მთავარეპისკოპოსი და ციხის ჩაბარება მოითხოვა. მაშინ დიდ გასაჭირში იყვნენ ციხეში მყოფები, არ შეეძლოთ ციხის გამაგრება. როცა ლევანის დედამ გაიგო ამილახორისა და მთავარეპისკოპოსის მისვლის ამბავი, ციხის დანებე-

ბის გარდა სხვა გზა აღარ ჰქონდათ. როცა მთავარეპისკოპოსი და ამილახორი შევიდნენ ლევანის დედის სანახავად, ადგა ლევანის დედა და მთავარეპისკოპოსს საამბოროდ მიეგება. რომ მიუახლოვდა, მთავარეპისკოპოსმა უჩუმრად ჩაილაპარაკა: „გამაგრდით, რადგან ამალამ ალყას მოვხსნით ციხეს და ქართლში გავბრუნდებით“. სიხარულით წავიდა ლევანის დედა, ვითარება აცნობა მეციხოვნეებს და გაამხნევა ისინი. მეორე დღეს ციხის ჩაბარება მოითხოვეს. მათ გადაჭრით იუარეს ციხის დანებება და მტკიცე პასუხი შემოუთვალეს. მაშინ წამოვიდნენ შუაკაცები და აუნყეს დავით მეფეს.

საჩქაროდ აიყარა მეფე დავითი და წამოვიდა ურუმებთან საომრად. ჩამოვიდა ზემო ქართლში. ძლიერი ბრძოლა გაუმართეს ოსმალებს და მრავალმონყალე ღვთის ძალით ქართლებს დარჩათ გამარჯვება. ოსმალთაგან მრავალი ამოწყვიტეს, სხვები შეიპყრეს და დაატყვევეს, წაართვეს მათი ალაფი და ნადავლი; ზოგიერთები კი განდევნილები დაბრუნდნენ თავის ქვეყანაში.

მაშინ, როცა დავით მეფე წამოვიდა, ისევ ლევანი დაეუფლა კახეთს. მთელი კახეთიც მასთან შეიყარა. ლევანი მაშინ შვიდი წლისა იყო. შეიტყო დავით მეფემ, რომ [ლევანი] დაეუფლა კახეთს, შეკრიბა მხედრობა და ისევ კახეთის წინააღმდეგ წამოვიდა. ჩამოვიდა საგარეჯოში, მთლიანად შემოურთდნენ გარეჯელები და იმის აქეთ მცხოვრები კახელები. მაშინ ლევანი ქიზიყში იდგა, ზოგიერთი კახელი [წარჩინებული] ახლდა თან. დავით მეფეც ჩავიდა ქიზიყში და ბრძოლა გაუმართეს ერთმანეთს. ლევანის სიმართლემ გაიმარჯვა, რადგან ასეთი მონყალეა ღმერთი ქვრივ-ობოლთა მიმართ. მცირე ლაშქრით გაიმარჯვა ლევანმა დავით მეფეზე. გამოიქცა და წამოვიდა ქართლში. მაშინ ლევანი მტკიცედ დაეუფლა კახეთს.

მცირე დროის შემდეგ, კახეთის მბრძანებელი ლევანი გურიელს⁵²² დაუმოყვრდა. ცოლად მოიყვანა გურიელის ასული, რომელსაც თინათინი ერქვა. თინათინმა, გურიელის ასულმა, სიყმანვილეში ჩვენებაში ნახა, რომ ერთ წარჩინებულ კაცს მიჰყავდა იგი ცოლად. გზაზე ერთი დღით დაისვენეს. იმ ადგილზე, სადაც გაჩერდნენ, დაინახა, ერთი შინდი იდგა, თეთრი შინდი. აუნყა ერთმა მღვდელმა, რომ იმ ადგილზე, სადაც თეთრი შინდი იდგა, ღმერთის დედისთვის აშენებინა მონასტერი. ასეთი ჩვენება იხილა. როცა კახეთის მფლობელმა ლევანმა გურიელს მისი ასული თინათინი ცოლად სთხოვა, გამოატანა გურიელმა და წამოიყვა-

ნეს კახეთში. შუამთაში ჩავიდნენ, იმ დღისით იქ დაისვენეს. დაათვა-ლიერა გარემო გურიელის ასულმა თინათინმა და დაინახა შუამთაში ის თეთრი შინდი, რომელიც უწინ ჩვენებაში ნახა. გაახსენდა ის ხილვა და შინდი, რომელიც ეკლესიის ადგილის მიმანიშნებლად იდგა. მაშინ გულისხმაჰყო და ირწმუნა ეს განგებულება. ქორწინების შემდეგ მალევე დაიწყო შუამთაში ღვთის დედის მონასტრის აგება. დიდი მონდომება გამოიჩინა და რამდენიმე ხანში ააშენა. დაასრულა და შეამკო სრული სამონასტრო წესითა და სამკაულით. შესწირა აგარაკები და დაბები, დაუდგინა მოძღვართმოძღვარი და თავის დასამარხად გაამზადა.

გურიელის ასულმა თინათინმა ორი ძე შვა: ერთს ალექსანდრე ერქვა, მეორეს – ვახტანგი.⁵²³ შემდეგ გარდაიცვალა თინათინი, გურიელის ასული. ანდერძი დატოვა, რომ არ დაემარხათ მისი გვამი ლევანის, მისი ქმრის გვერდით, არამედ შუამთაში, მის მიერ აშენებულ მონასტერში დაეკრძალათ. ასეც მოიქცნენ. თავისი ქმრის გვერდით არ დაიმარხა იმიტომ, რომ ლევანი სიძვა-მრუშობის მოყვარული იყო. შემდეგ ლევანმა სხვა ცოლი მოიყვანა, შამხლის ასული. ყარამუსალი ერქვა იმ შამხალს. შამხლის ასულისგან სამი ძე შეეძინა: გიორგი, ელიმირზონი და ქაიხოსრო.⁵²⁴ ქართლის მეფე დავითი კი კარგად და მშვიდობიანად მეფობდა.

ქორონიკონი 206 (1518 წ.): დაიძრა ყაენი და ულუსებით წამოვიდა ქრისტიანულ საქართველოზე. ატყვევებდა ყველა ხატსა და ჯვარს. პატრონმა მეფე დავითმა რამაზი, თავისი შვილი გაგზავნა, ყაენს წინ მიაგება და იხსნა საქრისტიანო. რამდენიმე ხანი დაჰყო, შემდეგ კი, მოხუცებულმა, უკეთესი აირჩია და მონაზვნობა მიიღო. სახელად უწოდეს დამიანე. სამი ძე ჰყავდა: ლუარსაბი, დიმიტრი და რამაზი.⁵²⁵

ქორონიკონი 207 (1519 წ.): მაისის თვეში, 6 [რიცხვში] გარდაიცვალა გელათის დიდი მონასტრის მოძღვართმოძღვარი, პატრონი ილარიონი. გორიჯვრიდან აქ გელათში გადმოსვენეს⁵²⁶. ამავე ქორონიკონში მუცლის ტკივილით გარდაიცვალა ბაგრატ მეფის შვილი. დამიანე, მეფე დავით-ყოფილი, სინანულსა და ღვთისადმი ვედრებაში იყო. მცხეთაში აიშენა სენაკი და სიმართლით იმყოფებოდა. მაშინ იყო ქორონიკონი 214. კათოლიკოსი იყო მელქისედეკი⁵²⁷, დავით მეფის ძმა.

ქორონიკონი 214 (1526 წ.): ბაგრატ იმერეთის მეფეს⁵²⁸ მისცეს არადეთის წყალს გაღმა მდებარე ქართლის [მინები]: ალი, სურამი და ახალდაბა. ამავე წელს ქალაქ თბილისში გარდაიცვალა მეფე დავითი. დაკრძალეს მცხეთაში. ამავე წლის 25 მარტს ლუარსაბმა, მისმა ძემ,

იქორწინა და ცოლად შეირთო თამარი, ბაგრატ მეფის ასული. ლუარსაბი მეფობდა ბაგრატის ძალითა და შეწევნით. ყაენი იყო შაჰ-ისმაილი, იმ შიხის მეოთხე შვილიშვილი, რომელიც უწინ გამოჩნდა არდაველში. შაჰ-ისმაილი დაეუფლა თავის სამკვიდრო არდაველს. იქიდან დაუწყო ბრძოლა სპარსეთს და დაიპყრო სპარსეთი.

ქორონიკონი 216 (1528 წ.): გარდაიცვალა იმერეთის ბატონიშვილ ვახტანგის ცოლი და კახეთის მეფის ასული ხვარამზე.

ქორონიკონი 217 (1529 წ.): 10 იანვარს გარდაიცვალა გერასიმე ქუთათელი. ამავე წელს აღსაყდრდა სვიმონი, მისი ძმისშვილი. წავიდა და ეკურთხა ბიჭვინთის საყდარში. ამავე ქორონიკონში ბაგრატ მეფეთ მეფემ, აფხაზეთის კათოლიკოს აბაშიძის⁵²⁹ ბრძანებით, ლიხთ-იმერეთი სამ საეპისკოპოსოდ გაყო. ინება ღვთივგვირგვინოსანმა მეფეთ მეფე ბაგრატმა და დედოფალთა-დედოფალმა ელენემ და დიდი და ცათა მსგავსი საყდრის, ახალი იერუსალიმის, გაენათის ეპისკოპოსად [დასვა] მელქისედეკ საყვარელიძე. საუკუნო არის მათი სახსენებელი. იმავე დროს, იგივე პატრონმა ხონის ეპისკოპოსად განანესა მანუელ ჩხეტიძე. იმავე აფხაზეთის კათოლიკოსის ხელით [აკურთხეს] ბიჭვინთის საყდარში. იყო 217 ქორონიკონი. 20 ივნისს აფხაზეთში წავედით საკურთხებლად და 20 ივლისს დავბრუნდით. ამავე დროს მონაზვნობა მიიღო გიორგიმ, დავით მეფის ძმამ. სახელად უწოდეს გერასიმე. ბაგრატიც, მეფე დავითისა და გიორგის ძმა, რომელიც იყო მუხრანის მფლობელი, მონაზონი გახდა. სახელად უწოდეს ბარნაბა. როცა ბაგრატ მუხრანბატონი, მონაზონი გახდა, ოთხი ძე დარჩა: ერეკლე, არჩილი, აშოთ[ანი] და ვახტანგი⁵³⁰. მაშინ მტკიცედ განაგებდა ქართლს ლუარსაბ მეფე. კათოლიკოსი მელქისედეკი ადრევე გაძევებული იყო და არმაზის მონასტერში იდგა. კათოლიკოსი იყო გერმანე⁵³¹, თბილელი – დომენტი, მროველი – გედეონი.

ქორონიკონი 219 (1531 წ.): 11 ივლისს გარდაიცვალა სარგის მხეციძე.

როცა სპარსეთის ქვეყანა დაიპყრო შაჰ-ისმაილმა, მაშინ გამოემართა და განიზრახა საქართველოს დაპყრობა. მოვიდა დიდი ძალითა და ურიცხვი მხედრობით. აღჯაყალაში დაბანაკდა. გაიგო ეს მეფე ლუარსაბმა, შეკრიბა თავისი მხედრობა, თბილისში დადგა და გაამაგრა ციხე-ქალაქი. შაჰ-ისმაილმა ურიცხვი მხედრობით გამოგზავნა ამირსპასალარი ყარაფირილი. ცოტა ხნის შემდეგ გამოგზავნა ასევე მიშკარბაში ელიასბეგი ურიცხვი მხედრობით. მათ შემდეგ კი თვითონაც

წამოვიდა. მაშინ გამოვიდა თბილისიდან მეფე ლუარსაბი და თელეთის ღელეს მიაშურა, იქ განალაგა თავისი მხედრობა. მოვიდა ამირსპასალარი ყარაფირი, შეეხებნენ ერთმანეთს, ძლიერი ბრძოლა გაიმართა. როგორც ლომები მხნედ იბრძოდნენ ქართლის მხედრები, ურიცხვი თათარი ამონყვიცეს. პირი იბრუნეს და გარბოდნენ, როგორც ლომებისგან დაფანტული კანჯრის ჯოგი. მიშკარბაში ელიასბეგი წინ შემოხვდა გაქცეულ ყიზილბაშებს. ისევ უკან შემოაბრუნა გაქცეულები და თავისი მხედრობით დაირაზმნენ ქართველების წინააღმდეგ. ისევ გაიმართა ძლიერი ბრძოლა, პირვანდელზე უფრო ფიცხელი. ღვთის შეწევნით ისევ ქართლებმა აჯობეს. უფრო ბევრს გაავლეს მუსრი, ვიდრე უწინდელ ომში. განდევნეს, უკან მიჰყვანენ ქართლები, მუსრს ავლებდნენ და მრავალი ამონყვიცეს. შაჰ-ისმაილიც მოვიდა მთელი თავისი ძალებითა და უფრო მრავალრიცხოვანი მხედრობით. ტაბახმელის მხრიდან მოადგა თელეთის მთას. [ზვეიდან] გადმოხედა შაჰ-ისმაილმა და დაინახა ძალზედ არეული და დაფანტული თავისი მხედრობა. [მისი] უმეტესობა დახოცილი და მათ უკან [დაინახა] ქართლები, როგორ ფიცხლად სდევნიდნენ და სჩაგრავენენ მათ. შეწუხდა ამის გამო შაჰ-ისმაილი. შეტევაზე გადმოვიდა შაჰ-ისმაილი და მისი მხედრობა – ყარაყონღუ. მაშინ ქართლები წინა მხარეს აღმოჩნდნენ, შაჰ-ისმაილი და მისი მხედრობა კი მათ უკან. დიდი ომისგან დაღლილმა ქართლებმა, რაც ძალა და ღონე ჰქონდათ, [ისევ] გაუმართეს ძლიერი ბრძოლა, მაგრამ გაჭიანურებულ ომში დამარცხდა ქართლების მხედრობა. მაშინ გამოიქცა მეფე ლუარსაბი. მოვიდა ზემო ქართლში, ისევ უნდოდა მხედრობის შეკრება და ბრძოლა, მაგრამ დროულად ველარ შესძლო [ხალხის] შეგროვება, რადგან დაიფანტნენ ქართლები.

წამოვიდა შაჰ-ისმაილი, მოადგა თბილისის ციხეს და ძლიერი იერიში მიიტანა. დიდი წყალობა აღუთქვა თბილისის ციხისთავს. ამით დაიყოლია ციხისთავი და ჩააბარა ციხე. ციხესაც დაეუფლა და ქალაქსაც. მრავალი უკეთურება ჩაიდინა, მუსრი გაავლო წმიდა ეკლესიებს, შებიღნა სინმიდენი, დალენა მრავალი ხატი და ჯვარი. თავისი ხელით შემუსრა სიონის ღვთისმშობლის [ხატი] და გაძარცვა ქართველ მეფეთაგან სასოებით შეწირული ძვირფასი სამკაული. ამ უღმერთომ კადნიერად შეახო თავისი ბილწი ხელი, შემუსრა და ფასდაუდებელი თვალ-მარგალიტი თვითონ წაიღო. გააშიშვლა [ხატის] წმიდა ფიცარი

ურჯულო მტარვალმა შაჰ-ისმაილმა და თბილისის ციხეში არსებული ხიდის თავში, გასასვლელში დადო.⁵³² შეიპყრეს მრავალი ქრისტიანი, მოიმწყვდიეს იმ ხიდზე და ძალით აიძულებდნენ ფეხით გაეთელათ ხატი. ზოგიერთმა ქრისტიანმა გადაჭრით განაცხადა უარი ხიდზე გასვლასა და ჩვენი წმიდა დედოფლის ხატის გათელვაზე. მრავალმა არჩია სიკვდილი და არ დააბიჯა ხატს. წარეკვეთათ წმიდა და ყოვლადქებული თავები და ახლა ილხენენ უჭკნობელ ყვავილნარში ორმოც წმიდა მონამესთან ერთად.⁵³³ ზოგიერთი ქრისტიანი კი ხორციელი უძღურებით შედრკა და მოაკლდა სასუფეველს, რადგან ვერაფერი შეიძინეს და კრებულიდან ხელცარიელი გამოვიდნენ.

როცა აღასრულა მთელი თავისი უკეთურება ურჯულო მტარვალმა შაჰ-ისმაილმა, მაშინ გადააგდეს მდინარე მტკვარში ჩვენი წმიდა დედოფლისა და ღვთისმშობლის ხატი. ხატი წყალმა წაიღო და ქვემოთ გამორიყა მდინარიდან. ეჰა, საკვირველება და ხატის სასწაული, ვინაიდან არ განშორდა თავის ტაძარს. მდინარეში ერთი ტირიფის ხე იდგა. მის ძირზე მიყრდნობილი პირალმა დასვენებული იხილა კახეთში მიმავალმა ერთმა მწყემსმა. წყლიდან გამოიტანა და მეტად გაუხარდა. თავყანი სცა მწყემსმა [ხატს], აიღო და კახეთის მბრძანებელ ლევან ბატონს მიართვა. დიდად გაიხარა [ლევანმა] და მრავალი წყალობა მიანიჭა მწყემსს. დაიწყო ხატის ხელმეორედ შემკობა. რაც შეეძლო, დიდი მონდომება გამოიჩინა და შეამკო ისე, როგორიც დღეს გამოიყურება სიონის ღვთისმშობელი. ამ ხატზე წარწერილია ლევან კახბატონის ამბავი. როცა დაასრულა ხატი, დიდი პატივით გამოგზავნა სიონში. მას შემდეგ, ვიდრე ამ დრომდე, არის ლევანისაგან სამკაულასხმული.

შაჰ-ისმაილმა თავისი რჯულის მეჩეთი ააშენა ხიდის ყურეში. თავისი მცველები ჩააყენა, გაამაგრა ციხე და წავიდა. ამასობაში შეკრიბა თავისი მხედრობა მეფე ლუარსაბმა და წამოვიდა შაჰ-ისმაილის წინააღმდეგ. უნდოდა ისევ გაემართა ბრძოლა მასთან, მაგრამ ციხის აღებისა და შაჰ-ისმაილის წასვლის ამბავი გაიგო და მეტად დადარდიანდა. მაშინ მეფე ისევ დაეუფლა ქართლს. იმავე დროს საშინელი ღვთის რისხვა ეწია შაჰ-ისმაილს და ბოროტი ბოროტად გატიალდა. ტახტზე მის ნაცვლად ავიდა მისი ძე, შაჰ-თამაზი. მზაკვარი კაცი იყო შაჰ-ისმაილი. მან აირჩია შიას რჯული და დაიწყო ოსმალების რჯულის ძაგება და გინება. გაავრცელა ალიას სახელი და თავის თავს ალიას ძე უწოდა.⁵³⁴ იმ დროიდან მოკიდებული აღიარეს ყიზილბაშებმა იმამის

ძედ. [რაც] დღემდე სჯერათ და მტკიცედ არიან დარწმუნებული.

მამამისზე მეტად გამდიდრდა შაჰ-თამაზი. დაიპყრო მრავალი უცხო ქვეყანა, რომელიც მამამისს არ ეკუთვნოდა. მეფე ლუარსაბი კი დაეუფლა თბილისს, აიღო თბილისის ციხე და გაამაგრა. ყარაბაღში იმყოფებოდა შაჰ-თამაზი, [როცა] შეიტყო თბილისის ციხის აღების ამბავი. შეკრიბა მრავალი რჩეული მხედარი და ფარულად გამოემართა თბილისზე თავდასასხმელად.

იმხანად თბილისში გარდაიცვალა ლუარსაბ მეფის მცირეწლოვანი ვაჟი. წაიღეს პატარა ბავშვი მცხეთაში, თავის ძვალთმესალაგში. მეფე და დედოფალიც თან გაჰყვნენ. რომელ დღესაც გავიდნენ თბილისიდან, იმავე ღამეს შემოვიდა შაჰ-თამაზი თბილისში და მთლიანად დაიპყრო ქალაქი. ღვთის ზეციური განგებულებით გადაურჩნენ დიდ განსაცდელს მეფე, დედოფალი და მათთან ერთად მყოფი ქართლელეზი. ეს ამბავი რომ შეიტყო მეფემ, ციხესიმაგრეებს მიმართა. ასევე სახიზრებს მიმართა მთელმა ქართლმა. ამის გამო ველარ შეკრიბა მეფემ თავისი მხედრობა, რადგან ქართლელეზი გახიზნულები არ იყვნენ და ყველანი გასახიზნად წავიდნენ.

მაშინ მრავალი უკეთურება დაატეხა თავს შაჰ-თამაზმა თბილისს: ხელში ჩაიგდეს და გაძარცვეს მეტეხის ხატი – წმიდა ღვთისმშობლის სახე და მრავალი სული ამოწყვიტეს. ციხისთავ გულბაათს მეტად შეეშინდა თავისი მეფის: „ამ საქმის გამო მეფემ პასუხი მე რომ მომთხოვოს“, [იფიქრა]. გამოვიდა ციხიდან და ეახლა შაჰ-თამაზს. მრავალი წყალობა მიანიჭა. სხვა მეციხოვნეთაგან, ზოგი სახლებში წავიდა, ზოგიც ყიზილბაშებს შეუერთდა. მაშინ ციხისთავმა გულბაათმა და სხვა მეციხოვნეებმა მიატოვეს თავისი სარწმუნოება და გადავიდნენ მაჰმადის რჯულზე. დაეუფლა შაჰ-თამაზი ციხეს და გაამაგრა. თვითონ გაბრუნდა და ყარაბაღში წავიდა. მაშინ დაუზავდა [მას] კახეთის მფლობელი ლევან ბატონი. წავიდა შაჰ-თამაზი ნახჭევანში, სომხეთის ქვეყანაში, დაიმორჩილა ყველა ურჩი და ქვეშევრდომებად გაიხადა.

ქორონიკონი 221(1533 წ.): მამია დადიანი და მამია გურიელი საზღვაო [გზით] ნავებით წავიდნენ ჯიქეთში საომრად. იანვარის თვეში ოცდაათ [რიცხვში] შეიბნენ. პირველ დღეს ამათ გაიმარჯვეს. მეორე დღეს, პარასკევს, ღმერთი გაუწყრა მეგრელებს, უღალატეს, გამოიქცნენ და მიატოვეს დადიანი, გურიელი და გურიელის ლაშქარი. შემოუტიეს ჯიქებმა და შეიბნენ: ბევრი მოკლეს დადიანმა, გურიელმა

და გურიელის მოლაშქრეებმა. [ჯიქებმა] დახოცეს გიორგი, გურიელის ძე და მისი აზნაურები. ომისგან დაღლილები შეჩვენებულმა ცანდიამ გაიტყუა. გააშიშვლეს დადიანი, სრულიად შიშველი დაჭრეს გურიელი, მისი სამი ძმა და ეპისკოპოსები. მისი ლაშქარი კი დაატყვევეს. ნავიდა მალაქია კათოლიკოსი, გამოიხსნა ცოცხლები და დახოცილები, ფულით გამოისყიდა.

ქორონიკონი 223 (1535 წ.): დაიბადა ალექსანდრე ლევანის ძე. ამავე ქორონიკონში მურჯახეთში გამართეს ბრძოლა. იგ აგვისტოს, ხუთშაბათ დღეს, ახალქალაქში შეიბნენ მეფეთ მეფე ბაგრათი და ათაბაგი ყვარყვარე. ბევრი ხალხი დაიხოცა. მეფემ გაიმარჯვა, ხელში ჩაიგდო ყვარყვარე და მისი ლაშქარი. მთლიანად დაიპყრო საათაბაგო ალექსანდრეს ძემ. იმხანად იმერეთის მბრძანებელი ბაგრათი სამცხეში იმყოფებოდა. სომხითის დაპყრობის შესახებ რომ გაიგო, ისიც გამოემართა და მოვიდა შაჰ-თამაზთან შემდეგი მიზეზის გამო: როცა ბაგრატმა დაამარცხა ყვარყვარე ათაბაგი და დაიპყრო ბაგრატმა საათაბაგო, მაშინ გაიქცა ოთარ შალიკაშვილი და თან წაიყვანა ყვარყვარე ათაბაგის ძე ქაიხოსრო. ჩავიდნენ სტამბოლში და დახმარება სთხოვეს ხონთქარს. შეინყალა ხონთქარმა და მისცა მრავალრიცხოვანი ჯარი, თოფები და დიდი ზარბაზნები. ამირსპასალარად მუსტაფა ფაშა დაუყენა და გამოგზავნა ისინი ბაგრატთან საომრად. ეს ამბავი შეიტყო იმერეთის მბრძანებელმა ბაგრატმა, ამიტომ წავიდა შაჰ-თამაზთან. ახალგაზრდა თან არავინ წაიყვანა. თმაჭალარა კაცები, – დიდებულები და გლეხები, მოხუცებულები, მისი მსგავსი ხალხი, გონიერები და თმაჭალარები, – აარჩია და წაიყვანა.

შაჰ-თამაზი აიდარბეგში იმყოფებოდა, [იქ] მივიდა ბაგრათი. დიდი პატივი სცა ყაენმა და წინ დაისვა მის თანმხლებ მოხუცებულლებთან ერთად. მშვილდის მოზიდვა უბრძანა ყაენმა ბაგრატს. მოუტანეს ბაგრატს ძნელად მოსაზიდი მშვილდი. ბაგრატმა არ იკისრა, პატარა წვრილი ჯოხის ნატეხი ეჭირა და იმით მოზიდა [მშვილდი]. ყაენმა გაიცინა, დიდძალი საბოძვარი მისცა და გამოისტუმრა. ბაგრატმა მისგან ოსმალების წინააღმდეგ დახმარება და ძალის მიშველება ითხოვა. მაშინ შაჰ-თამაზი მეტად მოუცლელი იყო, ვერ ათხოვა ჯარი, მრავალი საბოძვარი მისცა და ასე დაეხმარა. იმერეთის მბრძანებელი ბაგრათი წავიდა სამცხეში. მაშინ კაცი გაგზავნა ბაგრატმა და გურიელს დახმარება სთხოვა. წამოვიდა გურიელი თავისი მხედრობით და მოვიდა ბაგრატთან.

ქორონიკონი 225 (1537 წ.): დაიბადა სვიმონ მეფე, ლუარსაბის ძე.

ქორონიკონი 231 (1543 წ.): მოვიდნენ ხონთქრის ფაშები, 22 ათასი [მეომრით] და მთლიანად ამონყვიტეს ტაო. თავს დაესხა ბაგრატ მეფე, დაირაზმნენ ერთმანეთის წინააღმდეგ, ძლიერი ბრძოლა გაიმართა. ღმერთმა ბაგრატს მისცა გამარჯვება. განდევნეს ოსმალები, მახვილით ამონყვიტეს მრავალი. მოკლეს თვითონ მუსტაფა ფაშა, სხვა ოსმალები კი გაიქცნენ. მრავალი საგანძური იშოვეს და მტკიცედ დაეუფლა [ბაგრატი] საათაბაგოს. ამის შემდეგ ისევ წავიდნენ ხონთქართან ოთარ შალიკაშვილი და ქაიხოსრო, ათაბაგის ძე. ხონთქარმა გაიგო [მისი ჯარის დამარცხება] და მეტად დადარდიანდა. ისევ გამოგზავნა არზრუმისა და დიარბექირის ფაშები და სხვა მრავალი [ფაშა]. შეკრიბა ურიცხვი მხედრობა და ასე დაიძრა სამცხისკენ.

ეს გაიგო ბაგრატმა, კაცი გაუგზავნა ლუარსაბ მეფეს და დახმარება ითხოვა. კეთილი კაცი იყო ლუარსაბ მეფე, მეტად ზრუნავდა საქართველოზე, აშფოთებდა ურჯულოთა თავდასხმები და საქრისტიანოს დასუსტება. მაშინ მოიხმო ქართლის მხედრობა და გაემართა ბაგრატის დასახმარებლად. ლუარსაბ მეფემ მრავალჯერ სთხოვა დახმარება ურჯულოთა წინააღმდეგ იმერლებს, მესხებსა და კახელებს, მაგრამ ისინი არ დაეხმარნენ. [ლუარსაბი კი] იმდენად გადამეტებით ზრუნავდა მათზე, როგორც მამა არის შვილებისთვის ტკბილი და ღმობიერი. ესეც ტკბილი და ღმობიერი იყო მათთვის და წყენას არ იხსენებდა.

იგი რომ წამოვიდა [ბაგრატთან], მაშინლა გამოემართა გურიელი თავისი მხედრობით. ყველანი სამცხეში შეიკრიბნენ. 233 ქორონიკონში (1545 წ.) ურიცხვი ოსმალო მოადგა ბასიანს. ესენიც იქ მივიდნენ, სადაც ოსმალები იყვნენ დაბანაკებული. თათბირი გაიმართა ქართლელებსა და მესხებს შორის. ქართლელებმა თქვეს და გადაწყვიტეს [ბრძოლაში] მენინავეობა, მაგრამ მესხებმა ითაკილეს, ამბობდნენ: „ძველი დროიდან ბრძოლაში მენინავეობა მესხებისთვის არის განწესებული. ახლაც ჩვენ უნდა მივიდეთ [პირველები], რადგან ძველი დროიდან გვაქვსო ასეთი წესი და რიგი“. ქართლელები უფრო მეტად გაჯიუტდნენ. დაიწყეს ცილობა ერთმანეთში და დიდი შური აენთო.

აჰა იხილეთ, მსმენელებო, ქართლის რჩეული მხედრების გაბედულება და გააღმასება, თუ როგორც მოექცნენ მაშინ ლომ-ვეფხვებივით გამხეცვებულები ურჯულოებს. ცის ელვა-ქუხილივით შეუტიეს ქართლელებმა. ძლიერი ბრძოლა გაჩაღდა. სოხოსტას [ველზე] გამა-

რთეს ბრძოლა იმერეთის მეფე ბაგრატმა, ქართლის მეფე ლუარსაბმა, ათაბაგმა პატრონმა ქაიხოსრომ და მთელმა საქართველომ. ორი ფაზა იყო.⁵³⁵ მეფეები გამოიქცნენ. მაშინ ბოროტი შურით აღვსილმა მესხებმა განდგომა გადაწყვიტეს და აღარ გაჰყვნენ ომში. მესხების განდგომა რომ გაიგეს, უფრო მეტი თავგანწირვა აჩვენეს ქართლელებმა და იმერლებმა. გაგრძელდა ომი. მრავალი დაეცა იქიდან და აქედან. უფრო მეტი ოსმალთა განცდა, ოთხჯერ მეტი. მაშინ მოკლეს გურიელის ვაჟი ქაიხოსრო და სხვა მრავალი ქართლელი და იმერელი. დიდი სახელი მოიხვეჭეს, მთელი საომარი საჭურველი შემუსრეს და ისე დარჩნენ, რომ საბრძოლო იარაღი აღარ ჰქონდათ. დილიდან შებინდებამდე გაგრძელდა ფიცხელი ომი. მაშინ, [მტრის] მხედრობის სიმრავლის გამო, უკან დაიხია ქართველთა მხედრობამ. დაქანცულმა ქართველებმა აჯობეს ოსმალებს და გაიქცნენ.

დევნილი ლუარსაბ მეფე ქართლში წამოვიდა, ბაგრატი კი იმერეთში. სამცხე-საათაბაგო ოსმალებმა დაიპყრეს, აიღეს სამცხის ყველა ციხესიმაგრე, ტახტზე აიყვანეს ქაიხოსრო ყვარყვარეს ძე და გახდა ათაბაგი. მაშინ შემოიკრიბა მთელი მესხეთი, დიდებულები და მდაბიოები. მთავარი იყო ოთარ შალიკაშვილი. ქაიხოსრო ათაბაგი ბაგრატი მუხრანბატონს დაუმოყვრდა. ცოლად მოიყვანა ბაგრატის ასული დედისიმედი და იქორწინა. თავნება და ამპარტავანი ქალი იყო, უსირცხვილო და ღვთის შიშის არმქონე.

ქორონიკონი 234: ანყურის ღვთისმშობელი ციხისჯვარში ტყვედ წაასვენა იმერეთის მეფე ბაგრატმა.

ქორონიკონი 23[...]⁵³⁶: ტაოს ქვეყანა დაიკავეს თათარმა ურუმებმა.

ქორონიკონი 241 (1546 წ.): არტანუჯი წაგვართვეს ურუმებმა, არსიანამდე დაეუფლნენ ფარნაკანს, დაიკავეს მთელი არტანის და ააშენეს ფარნაკანი. ანყურის ღვთისმშობლის შეწევნით სამცხეში ვერ გადმოვიდნენ. მეტად ძალმომრეობდნენ მთელ მესხეთზე და ველარ შეძლეს ოსმალთა ბოროტების ატანა. მაშინ ოთარ შალიკაშვილმა, ათაბაგმა და მთელმა მესხეთმა შუაკაცი გაგზავნა ირანის თვითმპყრობელ შაჰ-თამაზთან. დიდად ემუდარებოდნენ, მას მიემხრნენ და დახმარება სთხოვეს. აღუთქვეს მორჩილება და ყმობა უწინდელის მსგავსად. შაჰ-თამაზმა რომ გაიგო, მეტად გაიხარა და საათაბაგოსკენ გამოემართა ურიცხვი მხედრობით. სწრაფად ჩამოვიდა ყენი შაჰ-თამაზი. ბატონი ქაიხოსროც მოვიდა. ვარძია, თმოგვი, ვანის ქვაბები, ანყური, ასპინძა,

ვანათი და მთელი სამცხის ციხეები აიღო [შაჰმა]. ვარძიის ღვთისმშობელი და ყველა ციხე ბატონ ქაიხოსროს გადმოსცა. წავიდა ყაენი და ჩავიდა სომხითში, დახოცა [...]»⁵³⁷ და ვახუშტი დიასამიძე ტყვედ წაიყვანა ამან მარიამობის თვეში. ამავე ქორონიკონში აწყურის ღვთისმშობელი ციხისჯვარიდან ტყვედ წაასვენეს იმერეთში.

ეს ამბავი გაიგო ხონთქარმა სულთან სულეიმანმა. ისიც წამოვიდა მესხების წინააღმდეგ დიდი ძალითა და გულისწყრომით. მაშინ შაჰ-თამაზმა ველარ შესძლო მისთვის წინააღმდეგობის განწევა. ასეთი მზაკვრობა მოიფიქრა: გულისწყრომით შეუთვალა ოთარ შალიკაშვილს, მრისხანე წერილი გაუგზავნა, თავის მოკვეთითა და მათი ქვეყნის მთლიანად ამოგდებით დაემუქრა. იმიტომ მოსწერა ასეთი წერილი, რომ ოთარს ხონთქრისათვის გაეგზავნა, შაჰ-თამაზი ჩემი მტერია, ასე მემუქრებაო და ამგვარად გადარჩენოდა ხონთქარს. როგორც კი ოთარმა წერილი მიიღო, მაშინვე გაუგზავნა სულთან სულეიმანს. აცნობა, რომ მართალი იყო და ყაენის შემოსევაში ბრალი არ ჰქონდა. მაშინ [წყალობით] მოხედა ღმერთმა მესხებს, შეიბრალა სულთანმა, გაბრუნდა თავის მხარეს და ყაენიც წავიდა.

იმერეთის მბრძანებელ ბაგრატს დადიანთან დიდი შუღლი ჰქონდა, რადგან მაშინ, როცა ბაგრატს ურუმებთან ბრძოლა ჰქონდა, დადიანი არ დაეხმარა მას. ამიტომ გადაწყვიტა, მოიწვია ლევან დადიანი ხონის ქალაქში, ღალატით შეიპყრო იმერეთის მფლობელმა ბაგრატმა და დააპატიმრა. მაშინ აცნობა გურიელს ეს ამბავი, მიიწვია ოდიშის დასალაშქრად და შეჰპირდა ნახევარ სამეგრელოს. გურიელმა არ დაუჯერა, თავის გულში თქვა: „ოდიშიც რომ დაიპყროს, აღზვავდება და მერე უეჭველად მეც დამიწყებსო მტრობას“. როცა ბაგრატმა გაიგო, რომ გურიელი არ მოვიდოდა, უნდოდა თვალეები ამოეშანთა დადიანისთვის, მაგრამ გადაიფიქრა და გელათის სამრეკლოში დააპატიმრა. შეიტყო ქაიხოსრო ათაბაგმა დადიანის შეპყრობის ამბავი, წააქეზა ხოფილანდრე ჩხეიძე, გამოაპარა დადიანი და ათაბაგთან ჩაიყვანა. ათაბაგმა და გურიელმა კი წაიყვანეს და ოდიშის მთავრად დასვეს. ისევ დაეუფლა დადიანი ოდიშს.

ამის შემდეგ გაუწყრა ხონთქარი გურიელს, გაუხსენა უწინდელი მტრობა, როცა მიემხრო იგი ბაგრატს და ამონყვიტეს ხონთქრის მრავალი მხედარი. ამის გამო დიდძალი მხედრობა გამოგზავნა გურიის წინააღმდეგ. შემოვიდნენ ბათუმში და დაიწყეს ციხის შენება. მაშინ

შეკრიბა გურიელმა თავისი მხედრობა და წამოვიდა მათ წინააღმდეგ. ღმერთმა ძლევა მისცა და გაიმარჯვა გურიელმა. [ოსმალებმა] დატოვეს ბათუმი და ზღვაში შევიდნენ ნავებით. დიდი ღელვა ატყდა და ქოროხს გაღმა გარიყა ისინი. ადიდებული იყო მდინარე ქოროხი, გურიელმა და მისმა მხედრებმა ველარ გადალახეს ცხენებით. მივიდნენ [ოსმალები] გონიოში და დაიწყეს ციხის შენება. გამაგრდნენ ოსმალები, დაიწყეს ძალმომრეობა, ამოწყვიტეს და დაიპყრეს ჭანეთი.

გურიელმა ბაგრატიისა და ლევან დადიანისგან ითხოვა დახმარება. მაშინ დადიანმა მთლიანად შეკრიბა აფხაზები და მეგრელები და წამოვიდა. ბაგრატმაც გაგზავნა თავისი ძმა ვახტანგი და იმერელი მხედრებიც გაატანა, ხუთასი კაცი. დააბარა ბაგრატმა თავის ძმას ვახტანგს: „იმას ეცადე, რომ დადიანი და გურიელი არ გაერთიანდნენ. თუკი ისინი გაერთიანდებიან, ბევრ ბოროტს შეგვამთხვევენ ჩვენ. ეცადე, რომ დადიანი არ შეხვდესო გურიელს“. მაშინ დადიანი რიონის სათავეში იდგა. როცა ვახტანგი საჯავახოში ჩავიდა, შეატყობინა დადიანს: „შენც იცი, რომ მე შენთან შეფიცული ვარ და არაფერს დაგიფარავ. ეს იცოდე, რომ ჩემმა ძმამ ბაგრატმა და გურიელმა პირი შეკრეს შენ წინააღმდეგ. გურიაში თუ ჩამოხვალ, შენი ღალატი უნდათო“. ეს რომ გაიგეს მეგრელებმა, შეშინებულებმა აღარ ისურვეს გურიაში ჩამოსვლა. ვახტანგი კი ჩავიდა როსტომ გურიელთან ბათუმში. რაკილა დადიანი არ ჩავიდა, გურიელმა ველარ შესძლო ოსმალებთან ბრძოლის გამართვა. ველარც გაღმა გავიდნენ, რადგან ნავები არ ჰქონდათ. მაშინ უფრო მეტად გაძლიერდნენ ოსმალები და ააშენეს ციხეები. ვახტანგი კი იმერეთში წამოვიდა.

ამის შემდეგ გარდაიცვალა იმერეთის მბრძანებელი ბაგრატი და დამარხეს გელათში. იმერეთს მისი ძე გიორგი დაეუფლა. როსტომი გურიას განაგებდა 12 წელიწადი. ისიც გარდაიცვალა და დაიმარხა შემოქმედში. სამი ძე ჰყავდა: უფროსს გიორგი ერქვა, ის დასვეს გურიელად. როსტომ გურიელის ასული ცოლად ჰყავდა დადიანის ვაჟს. მისი სიკვდილის შემდეგ გაუშვა ის ქალი დადიანის ვაჟმა. დიდი უკეთურება ჩაიდინა, თავის ბიძას ცოლი წაართვა და თვითონ შეირთო. გამოხდა ხანი, ისევ გაერთიანდნენ გიორგი გურიელი და ლევან დადიანი. გურიელმა დადიანის ასული შეირთო ცოლად. მცირე ხნის შემდეგ ისიც გაეყარა დადიანის ასულს. შური იძია. ეს გაიგო იმერეთის მბრძანებელმა გიორგიმ, შეუთანხმდა გურიელს და გაერთიანდნენ. ქვრივი რძალი

ჰყავდა, დადიანის ჯიბრით გიორგი გურიელს მისცა ცოლად და დაინყეს დადიანის მტრობა.

ველარ შესძლო დადიანმა მათთვის წინააღმდეგობის განევა. გაიქცა და სტამბოლში გადაიხვეწა. ხვეწნა დაუწყო ხონთქარს და დახმარება ითხოვა მისგან. მისცა ხონთქარმა არზრუმისა და ტრაპიზონის მრავალრიცხოვანი მხედრობა. წამოვიდნენ და მოადგნენ სატყეველას. გურიელმა, მხედრობის სიმრავლის გამო, ველარ შესძლო მათთან შებრძოლება. ხვეწნით გაუგზავნა შუაკაცი დადიანს. მისი ასულის გაშვებისთვის, სისხლის ფასი, ათასი ფლური გადაუხადა. შერიგდნენ დადიანი და გურიელი.

იმერეთის მბრძანებელმა გიორგიმ თავის სახლში მიიწვია ჯავახჭილაძე და ლალატი მოკლა. ეწყინათ ეს ამბავი გურიელსა და დადიანს, მივიდნენ, დაიპყრეს საჯავახო და გაიყვეს: ნახევარი დადიანმა დაიპყრო, ნახევარი გურიელმა. შემდეგ დადიანი სანადიროდ წავიდა. ჯაიანმა ცხენი აძგერა და მოკლა დადიანი. მისი უფროსი ძე გიორგი დასვეს დადიანის [ტახტზე]. მაშინ გადაიბირა გიორგი გურიელმა მისი უმცროსი ძმა მამია. ჩაიყვანა დადიანის ვაჟი მამია გურიაში და თავისი და შერთო ცოლად. მის დასახმარებლად ლაშქრობა მოაწყო გურიელმა. წავიდა ლაშქრით და ჩავიდა ზუგდიდში. ბრძოლა გაუმართა დადიანმა. გაიმარჯვა გურიელმა, განდევნა დადიანი, მთავრად დასვა მამია და წამოვიდა გურიელი შინ. მაშინ შემოიკრიბა გიორგი დადიანმა აფხაზთა მხედრობა და წამოვიდა. ჯიქები და ჩერქეზებიც მივიდნენ მასთან დასახმარებლად. გურიელმა ჯარი ათხოვა მამია დადიანს. შეებნენ ერთმანეთს, ისევ მამიამ გაიმარჯვა და გაიქცა გიორგი დადიანი.

ხვეწნა დაუწყო გიორგი დადიანმა იმერეთის მბრძანებელ გიორგის. დახმარება აღუთქვა იმერეთის მბრძანებელმა. მაშინ გიორგის, იმერეთის მფლობელს, ცოლად ჰყავდა ჩერქეზის ბატონის ასული. გურიელს კი მისი მეორე და ჰყავდა ცოლად. მათი შესამე და გასათხოვარი იყო და იმერეთის მბრძანებელ გიორგის სახლში ცხოვრობდა. მათი გაზრდილი იყო. ჩერქეზთა ბატონის ეს უმცროსი ასული სთხოვა გიორგი დადიანმა იმერეთის მფლობელს. [გიორგიმ] ეს ამბავი გურიელს აუწყა, მან კი ასე უპასუხა: „რადგან დადიანს ჩვენი გაერთიანება უნდა, მომცეს საპატივო და სასისხლო⁵³⁸ ჩემი დის გაშვების გამო, როგორც მე გადავუხადე სასისხლო მაგისი დის გაშვებისთვის. იყოს მშვიდობა ყველა ჩვენთაგანს შორის და გახდეს დადიანი თქვენი და ჩემი ქვისლი და მოყვარეო“.

მაშინ დათანხმდა დადიანი და ალუთქვა გურიელს სასისხლოს მიცემა. თეთრი არ გააჩნდა და გიროდ ხოფი მისცა. რაც გურიელს ჰქონდა გადახდილი სასისხლო, იმდენისავე მიცემა ალუთქვა. ამის გიროდ მისცა ხოფი. მაშინ მისცეს ჩერქეზის ბატონის ასული და გაერთიანდა სამივე. ეს რომ შეიტყო მამია დადიანმა, უფროსობის გამო ისიც ლმობიერი გაუხდა თავის ძმას, დაუთმო და დაანება დადიანობა. მაშინ მამია დადიანს სარჩოდ მისცეს ლომკაც ჭილაძისეული და რევანოზისეული [მამული]. ასე შეეთვისნენ ერთმანეთს და მშვიდობა დამყარდა სამივე საბატონოში.

გაიგო ეს დათულიამ, გიორგი დადიანის ბიძამ, შემოიკრიბა საჯავახოელები და წავიდა გიორგი დადიანის სალაღატოდ. მიუხვდა ამას დადიანი, ვედარ უმუხთლა და გაბრუნდა დათულია საჯავახოში. დადიანმა და იმერეთის მბრძანებელმა აცნობეს გურიელს [დათულია] დადიანის ლაღატი და ასე შეუთვალეს: „საჯავახო შენთვის დაგვითმია. დათულიას სამაგიერო მიუზღეო“. გურიელმაც უღალატა, შეიპყრო დათულია, დაატყვევა ოზურგეთში და საჯავახო თვითონ დაიკავა. მაშინ შეუთვალეს გურიელს, რომ მოეკლა დათულია. გურიელმა არ მოკლა და ასე უპასუხა: „შენს სახლიკაცს მე არ მოვკლავ, შენ მოკალიო“. შემდეგ ამათ გაგზავნეს კაცი და მოაშთვეს იგი. ამის შემდეგ გარდაიცვალა გიორგი დადიანი და ისევ მამიამ მიითვისა დადიანობა. [გიორგი] დადიანს ერთი ძე დარჩა, ლევანი ერქვა. განარისხა ღმერთი მამია დადიანმა, წაართვა დედამისს ბავშვი, წამოიყვანა და შხეფის ციხეში დაატყვევა. გამოუცდელი იყო ეს ბავშვი, ვერ გაუძლო ტყვეობას, შეწუხდა დედამისთან განშორების გამო და გადმოიგდო თავი ციხიდან. ასე აღესრულა იგი.

იმხანად შეთანხმდნენ ქართლის მეფე ლუარსაბი, კახეთის მბრძანებელი ლევანი და ქაიხოსრო ათაბაგი. პირი შეკრეს და დაუწყეს რბევა და ოხრება ადარბადაგანს, ყიზილბაშების ქვეყანას. მაშინ შაჰ-თამაზს განუდგა შირვანის მბრძანებელი, ასანბეგის შვილი დავრიმ მაჰმადი. შემოიკრიბა შაჰ-თამაზმა მრავალრიცხოვანი მხედრობა, მაშინვე წამოვიდა და მოადგა ყარაბაღს. კაცი გამოუგზავნა კახეთის მბრძანებელ ლევანს, [დახმარება] სთხოვა და მიიმხრო იგი. მივიდა ლევანი შაჰ-თამაზთან. განდგომილი იყო დავრიმ მაჰმადი, ასანბეგის ძე. მაშინ, როდესაც შაქი შაჰ-ისმაილს ეჭირა, თავს დაესხა ბატონი ლევანი ასანბეგს, მოარბია შაქი და მოკლა ასანბეგი. შემდეგ მოიყვანეს მისი ძე,

დავრიშ მაჰმადი და პატრონად გაიხადეს შაქის მცხოვრებლებმა. ემტერებოდნენ ერთმანეთს დავრიშ მაჰმადი და ბატონი ლევანი.

შაჰ-თამაზმა თავისი ლაშქარი შეუსია შირვანს. შეკრიბა დავრიშ მაჰმადმა თავისი მხედრობა. თავს დაესხა, მუსრი გაავლო შაჰ-თამაზის მრავალ ჯარისკაცს და გამოაქცია ისინი ქრისტეს აქეთ 1546 [წელს]. აიყარა შაჰ-თამაზი ურიცხვი მხედრობით და წავიდა შირვანში. წერილი გაუგზავნა შაჰ-თამაზმა დავრიშ მაჰმადს, რომ მასთან მისუღიყო. აღუთქვა, წყენას აღარ გაიხსენებდა და ბევრ პატივს სცემდა. მან არ დაუჯერა, უფრო მეტად გაამაგრა ციხეები და მტკიცედ დადგა. მაშინ გაგზავნა [შაჰ-თამაზმა] ბატონი ლევანი მრავალრიცხოვანი მხედრობით მის წინააღმდეგ. მივიდნენ, შაქი მოაოხრეს, მთელი შაქი გააჩანაგეს და მოადგნენ ციხეს, რომელშიც დავრიშ მაჰმადი იმყოფებოდა. გარკვეული ხნით [იქ] იყო, ველარ შეძლო გამაგრება და ღამით გამოიპარა ციხიდან. ეს რომ გაიგო ბატონმა ლევანმა, დაედეგა, დაენია და ბრძოლა გამართეს. გაიმარჯვა ბატონმა ლევანმა, მოკლეს დავრიშ მაჰმადი და დაბრუნდა გამარჯვებული. დავრიშ მაჰმადის თავი შაჰ-თამაზს მიართვა. მრავალი წყალობა მისცა [შაჰმა] ბატონ ლევანს და წამოვიდა თავისთან, კახეთში. მაშინ შაჰ-თამაზი წავიდა ყარაბაღში. მცირე ხნის შემდგომ ისევ თბილისის წინააღმდეგ გამოემართა. ბევრი ბოროტება ჩაიდინა, მთელი თბილისი ააოხრა. აიღო თბილისის ციხე და თავისი მცველები ჩააყენა შიგ. მეფე ლუარსაბს ვერაფერი ავნო. ისე იმეფა [ლუარსაბმა], არც ყიზილბაშებს დაემორჩილა და არც ოსმალებს. მრავალი გასაჭირი აჩვენა ორივეს და საქართველო ურჯულოებს მოხარკე მონად არ გაუხადა.

იმხანად მოინდომა შაჰ-თამაზმა ქაიხოსრო ათაბაგთან დამოყვრება. ათაბაგს ასული არა ჰყავდა. ოთარ შალიკაშვილს, რომელიც ათაბაგის ნათესავი იყო, გამოართვა ასული და თავისი [ქალის] ნაცვლად გაუგზავნა შაჰ-თამაზს. მან შეირთო ცოლად, მეტად შეიყვარა ეს ქალი და მას შემდეგ გახდა ათაბაგისთვის ძალზედ კეთილისმყოფელი. გაიგო ეს მეფე ლუარსაბმა, შეკრიბა თავისი მხედრობა, მიეჭრა ათაბაგს, წაართვა მრავალი დაბა და თემი, ააოხრა [მისი სამფლობელო] და დაბრუნდა გამარჯვებული. ქაიხოსრო ათაბაგმა აცნობა ეს ყოველივე შაჰ-თამაზს. იმხანად ათაბაგის სამტროდ წამოვიდა არზრუმის ფაშა ისკანდერი. ესეც აცნობა შაჰ-თამაზს. ქორონიკონი იყო 244 (1556 წ.).

ამის შემდეგ გამოვიდა ხონთქარი სულთან სულეიმანი. გზა გადაუღობა ყაენს, ააშენა კარი, გაბრუნდა უკან და ასიანში ჩამოვიდა.

შეკრიბა ყაენმა შაჰ-თამაზმა მრავალრიცხოვანი მხედრობა, წამოვიდა და შემოვიდა არტაანში. შაჰ-თამაზმა თავისი ძე მირზა ისმაილი გაგზავნა კარში. დაიპყრო კარი, აიღო ციხესიმაგრეები, ვინც კი ხონთქრის ყმა იყო, მახვილით გაავლო მუსრი და განდევნა. თვითონ დაეუფლა კარს. წამოვიდა ხონთქარი, ვინც კი იყო ათაბაგისგან განდგომილი, ყველა მახვილით ამოწყვიტა. აიღო მათი ციხესიმაგრეები, შემუსრა წმიდა ეკლესიები, მრავალი ხატი და ჯვარი. დაუმონა ათაბაგს ურჩი და განდგომილი [ხალხი]. მივიდნენ ომანი, შერმაზანი და ივჯუში, რომლებიც განდგომილები იყვნენ ათაბაგისგან. შეიპყრო შაჰ-თამაზმა, დახოცა ივჯუში და შერმაზანი და მათი მამული ათაბაგს მისცა.

იქაური საქმეები რომ მოაგვარა, მაშინ ურიცხვი მხედრობით უკან გამობრუნდა ყაენი ქართლის სამტროდ. ჩამოიარა თრიალეთზე და მოიალაფა. წამოვიდა საბარათიანოზე და ისიც ააოხრა. მაშინ მიადგა ბირთვისის ციხეს და ვერ აიღო. დიდი საბოძვარი აღუთქვა მეციხოვნეებს და გადაიბირა. ჩააბარეს ციხე. ვინც კი იყო ბარათაშვილი იმ ციხეში, [მაინც] არ დაინდო: ზოგი ამოწყვიტა, ზოგიც შეინყალა და დააყენა თავის მამულში, სხვა მრავალი კი დაატყვევა. მაშინ, ძალზედ უნდოდა ლუარსაბ მეფეს ყიზილბაშებთან ომი, მაგრამ ველარ შეკრიბა თავისი მხედრობა. რაკილა ჯარი აღარ ჰყავდა, ასეთი ჩვევა ჰქონდა – მცირე რაზმით თავს დაესხმებოდა მოთარეშეებს, ან ციხესიმაგრეში მყოფებს და ამგვარი მოქმედებით მრავალი ყიზილბაში ამოწყვიტა.

შაჰ-თამაზი ჩამოვიდა გორში. აიღო წედისის ციხე, ძალით აიღო, ვერის ციხე კი თავისით დაანება ფარსადანმა და მეციხოვნენი უვნებლად გადარჩნენ. იქიდან მოადგა ატენის ციხეს, რომელიც საცივის თავში მდებარეობს, რადგან მასში იმყოფებოდნენ ლუარსაბ მეფის დედა, და და სხვები, ბევრი თავადის ოჯახი. დაუნყეს ერთმანეთს სროლა და ბრძოლა: გარედან – ყაენის მომდგარმა ლაშქარმა, შიგნიდან კი ქართლებმა. მრავალი ყიზილბაში დახოცეს. გაძნელდა ციხის აღება, რადგან ვერც სიბას მიტანა ხერხდებოდა, ვერც ძირის გამოთხრა, რიგიანად თოფსაც ვერ უმიზნებდნენ ვერც ერთი მხრიდან. თათრებმა ერთი მსახური დაიჭირეს, კავთისხეველი ბეთიაშვილი, ლუარსაბ მეფის დედის შინამოსამსახურე. სიკვდილის შიშით მან უთხრა: „თუ არ მომკლავთ, ციხეს აგაღებინებთ“. ამათაც ფიცი მისცეს, რომ არაფერს დაუშავებდნენ. მან ეს ამბავი უთხრა: „[ატენის ციხის] ჭაში წყალი დაშრა. [ციხეს] ჩრდილოეთის მხრიდან პატარა ნაკადული

ჩამოუდის. იმ წყაროს ჩუმად მისასვლელი გზა აქვს. გასწავლით, ის გადაუჭვრით, ღონე გამოელევით და ციხეს დაგანებებენო“. ასწავლა წყლის გზა. ყიზილბაშებმა წყალი ჩაუჭრეს. მეციხოვნეებს დამხმარე არსაიდან აღარ გამოუჩნდათ. უწყლობამაც ძალა გამოაცალათ. მრავალი ყიზილბაში და ქართველი ამოწყდა ციხისთვის ბრძოლაში. დაბოლოს აიღეს ციხე. დედოფალი ნესტან-დარეჯანი, ლუარსაბ მეფის დედა, ასევე [მისი] და, და სხვებიც, მრავალი თავადის ოჯახობა, [დაატყვევა და წავიდა].

ქორონიკონი 244 (1556 წ.): ლუარსაბ მეფის დედა და და ფეხით გარეკეს ციხიდან, ვიდრე ზედა ველამდე. მერე მეაქლემეებს გადასცეს და წაიყვანეს. ლუარსაბ მეფე ხან აჩაბეთის ციხეში იყო, ხანაც იმერეთში. გააჩანაგა ყაენმა ატენის ციხე, [შემდეგ] აიყარა და ყარაბაღში წავიდა. ტყვეების უმრავლესობა თან წაიყვანა. გაიგო ეს ამბავი მეფე ლუარსაბმა, უკან დაედევნა ყიზილბაშებს. მრავალი თათარი ამოწყვიტა, ურიცხვი ნადავლი წაართვა, მაგრამ დედამისი ველარ გამოსტაცა. როცა შაჰ-თამაზი ერევანში ჩავიდა, მაშინ მიხვდა ლუარსაბ მეფის დედა, რა დამცირება და შეურაცხყოფა ელოდა, ამიტომ, ზოგიერთები ამბობენ, რომ: „შესვა სანამლავი, თავი მოიკლა და არ დაუშვა, რომ უჯეროდ მოქცეოდნენ“. ზოგიერთები კი ამბობენ, რომ: „სასჯელით და შეურაცხყოფით გარდაიცვალაო“.

უკან მობრუნდა ლუარსაბ მეფე, მეტისმეტად დამნუხრებული. შაჰ-თამაზიც წავიდა თავის მხარეში. დასვა ხანები ყაზახში და შამშადილში, განჯაში დასვა სულთანი. ასევე მათ ეჭირათ თბილისის ციხე. მთელი ეს [მხარე] განჯაში მჯდომ სულთანს ექვემდებარებოდა. გარშემო მყოფი ყიზილბაშები ყველა თბილისის ციხეს მიუჩინა, რომ აღარ დაეჭირა ლუარსაბ მეფეს.

ურჯულოთა ასეთი გაძლიერების გამო მეტად დამნუხრებული იყო მეფე ლუარსაბი. მთელი საქართველოს ძველ და ახალ მეფეებზე და მბრძანებლებზე უფრო მეტად ქებული იყო, [ჯერ] როგორც სარდალი, მერე, როგორც მამაცი, პურის უხვად გამცემი, სიმართლისმოქმედი; [სახელგანთქმული იყო] ყმების მორჩილებით, ცხენოსნობითა და ასპარეზობით. [იყო] ომში უშიშარი, ამაყი, ქრისტეს რჯულის მტკიცედ მპყრობელი. ურუმებსა და ყიზილბაშებს განსაკუთრებით მისი შიში ჰქონდათ. მეზობლები, როგორც ყმები, ისე ემსახურებოდნენ, [თვითონ] კი სხვებისადმი ყმობის პირობა არ იკისრა. ამიტომ გამოილაშ-

ქრა ყაენმა შაჰ-თამაზმა მის წინააღმდეგ ხუთჯერ. ვერასგზით ვერც დააცხრო, ვერც მოკლა, ვერც შეიპყრო, ვერც დაიმორჩილა. ცოტა [მტერს] ბრძოლას გაუმართავდა, ამოსწყვეტდა, ბევრს კი მოერიდებოდა, ღამით დაესხმოდა თავს, გზაზე წამოეწეოდა და ბევრ ზიანს მიაყენებდა. ვერ გაუძლო მეფე ლუარსაბის გონებამ საქართველოს მოხრებას, რაც ზემოთ არის აღწერილი. ამიტომ შემოიკრიბა თავისი მხედრობა და დაუნყო [მტერს] ხდომა და რბევა, მრავალი ამოწყვიტა. რაც კი ადგილები ეჭირათ საბარათიანოში, ყველა წაართვა და დაიბრუნა, განდევნა და თბილისის ციხის გარდა, მთელი ქართლის მხარეებსა და თემებს დაეუფლა.

შავერდი სულთანი და განჯის ხანი ყაენს ამ ადგილების მცველებად ჰყავდა დაყენებული. ლუარსაბ მეფის ლაშქრის შეყრა რომ შეიტყო, იმანაც შეკრიბა ლაშქარი არაზს გამოღმა და წამოვიდა მეფის წინააღმდეგ. ეს გაიგო მეფე ლუარსაბმა, გორიდან გარის ვარხუნაში ჩავიდა, იქიდან შავერდი, სულთანი წამოვიდა და შემოვიდა ქართლში. იმ ღამეს მეფე ლუარსაბმა სიზმარი ნახა. მეორე დილას კათოლიკოსი, ქართლის თავადები და თავისი შვილები მოიხმო, ასე უთხრა: „სიზმარი ვნახე, მართალი და ნამდვილად დასაჯერებელი. უსათუოდ ჩვენ გავიმარჯვებთ და ყიზილბაშები გაიქცევიან, მაგრამ ამ ომში მე მომკლავენ და ჩემს მკვლელსაც ქართლელები მოჰკლავენ“. სამი ძე ჰყავდა მეფეს: სვიმონი, დავითი და ვახტანგი⁵³⁹. მაშინ ხელი მოჰკიდა სვიმონს, უფროს შვილს და ქართლელებს უბრძანა: „ამისთვის მიმიცია მეფობა და ღირსიც არისო“. შვილებსაც ასე უანდერძა: „უფროს ძმას დაემორჩილეთ“. ყველას უბრძანა, ფეხებზე ეამბორნენ [სვიმონს] და მეფედ აკურთხეს. ასეთი ანდერძი დაუტოვა: „ჩემი სიკვდილის გამო ნუ აიშლებით. ნურც ჩემი სიკვდილის ამბავს გაახმაურებთ. ყიზილბაშებს რომ გალახავთ, შემდეგ მცხეთაში მიმბარეთო მინას. ჩემს გლოვატირილს შეეშვით, ქვეყანას გაუფრთხილდით, შეინახეთ“.

მეფის სიზმარი რომ გაიგეს, ყველანი ერთიანად ატირდნენ, ასე მოახსენეს: „რადგან მაგისტანა სიზმარი გინახავს, ამჯერად ნუ შევებრძოლებით, მოვერიდოთ“. ეს სიტყვა მეფემ შორს დაიჭირა, ასე უპასუხა: „დღემდე ხონთქარსა და ყაენს ზურგი არ შევაქციე, როგორ უნდა მოხდეს, რომ ახლა ერთ ყაჯარს ავარიდო თავიო“. ბევრს ევედრნენ ქართლელები, მაგრამ ლომგულმა მეფემ, თათბირს სიკვდილი არჩია.

შავერდი სულთანი დანყობილი რაზმებით მოვიდა ახლოს. მეფემ მინდორში ბრძოლის გამართვა არ ისურვა და გარისში ჩავიდა. ქართლებს თავისი უფროს ძე, სვიმონი ჩაუყენა სათავეში. სვიმონი თავისი მხედრობით მენინავედ წავიდა, თვითონ მეფე კი უკანა მხარეს დადგა. თან ახლდნენ კათოლიკოსი, ეპისკოპოსები და მოხუცებული საერონი. ყიზილბაშები რომ მოვიდნენ, მაშინ, როგორც გამძვინვარებულმა ლომმა, ისე შეუტია მათ სვიმონმა და ქართლის მხედრობამ. ძლიერი ბრძოლა გაიმართა. ღმერთმა ქართლებს მისცა გამარჯვება. თათრების ურიცხვი მხედარი ამონყვიტეს, უკუაქციეს ისინი და გარბოდნენ. უკან მისდიეს და დაფანტეს. ერთიანად [ბრძოლის ველიდან] გასვლა ვეღარ შესძლეს და თელავდნენ ერთმანეთს. გზააბნეულები უღრანი ღელებისა და ტყეებისკენ მიდიოდნენ. ერთ მხარეს სულთანი შავერდი-ბეგი გარბოდა, ხოლო შეშინებულმა სულთან მაჰმადმა თავისი მხედრობით ტყეს შეაფარა თავი. დღისით წასვლა აღარ შეეძლო.

მაშინ დაინახა მეფე ლუარსაბი ციტაოდენი ხალხით და შემოუტია მეფეს. ღვთის ძალით გამხნევდნენ მეფე, მასთან მყოფი ეპისკოპოსები და მოხუცებული საერონი. ჭაბუკებივით გახდნენ. ისევ გაჩაღდა ძლიერი ბრძოლა. აჯობა მეფემ და უკუაქცია ისინი. მრავალი ყიზილბაში ამონყვიტეს. დაინახა მეფემ მაჰმად სულთანი. ჰოროლი აღარ ჰქონდა, რადგან ერთ კაცს ზედ გადაამტვრია. ააღელვა თავისი ტაიჭი მეფემ, აძგერა სულთან მაჰმადის ცხენს და მიწაზე დასცა. სხვასაც შეუტია. საბრძოლო იარაღი სულ მთლად დაღწილი ჰქონდა მეფეს. ცხენით იბრძოდა საჭურველის გარეშე. სხვა ყიზილბაშს რომ მისდევდა, რალაც თხრილი იყო, მინის ნაპრალი, მეფის ცხენს ფეხი ჩაუვარდა და წაექცა მეფეს ცხენი. მაშინ მიეჭრა ერთი ყიზილბაში, სახელით ზაქირი, მოუქნია მახვილი, თავში ჩასცა მეფეს და სასიკვდილოდ დაჭრა. შეჯდა მეფის ცხენზე და გაიქცა. ქართლებმა რომ გაიგეს, გახელებით გამოედევნენ, დაენივნენ. ისიც მოკლეს, მაჰმად სულთანიც და მთელი მისი მხედრობა ამონყვიტეს.

ამ დროს სვიმონს დიდი გამარჯვება ჰქონდა მოპოვებული, განჯის სულთან შავერდის მისდევდა, [მტრის] მხედრობას მდელიოზე ამოსული მხალივით ავლებდა მუსრს. აცნობეს სვიმონს ეს ამბავი. მაშინვე გამოტრიალდა, მოვიდა მეფესთან და მეტად შეწუხდა. ყიზილბაშები განჯაში გადავიდნენ, ხოლო სვიმონი მთლიანად დაეუფლა ქართლის მიწებს. მცირე ხანს კიდევ იცოცხლა ამ წყლულით მეფე ლუარსაბმა და ამავე

ჭრილობით გარდაიცვალა, როგორც წმიდა მოწამე ვახტანგი და მეფე დავითი.⁵⁴⁰ აიღეს მისი წმიდა გვამი და დაკრძალეს მცხეთაში, მის განსასვენებელში, ღვთის მიერ აღმართულ სვეტიცხოველში და დაინყეს ქართლელებმა გლოვა და მწუხარება. [ეს მოხდა] 246 ქორონიკონში, ქრისტეს აქეთ 1517 [წელს]⁵⁴¹.

მამის ნაცვლად სამეფო ტახტზე ავიდა სვიმონი. იმხანად კათოლიკოსი იყო ნიკოლაოზი. წაიყვანეს სვიმონი მცხეთაში და აკურთხეს მეფედ. მცხეთიდან გორში ჩავიდა. ქალაქი [თბილისი] ყიზილბაშების ხელში იყო, დანარჩენი მოსახლეობა კი სვიმონ მეფეს ემსახურებოდა. მაშინ დაუმძახლდა სვიმონ მეფე კახეთის მბრძანებელ ლევანს. ლევანმა თავისი ასული მისცა, შამხლის ქალისგან შეძენილი. წამოიყვანა იგი სვიმონ მეფემ და გადაიხადეს დიდებული ქორწილი. და მტკიცედ ეპყრა ქართლი.

ქორონიკონი 248 (1560 წ.): თათრებმა შეიპყრეს არჩილი, ბაგრატი მუხრანბატონის შვილი. სვიმონ მეფემ ყიზილბაშებს შუღლი და მტრობა დაუწყო. თავისი მხედრობა შეკრიბა, რომ აეღო თბილისის ციხე. შეიტყო ამის შესახებ საზღვრის მცველმა ყარაბაღის ბატონმა. იმანაც შეკრიბა ლაშქარი არეზს გამოლმა და ქალაქის დასახმარებლად⁵⁴² წამოვიდა. გაიგო სვიმონ მეფემ, შეკრიბა ქართლის მხედრობა და ჩამოვიდა ციხედიდში. წერილი გაუგზავნა ცოლისძმას, კახეთის ბატონიშვილ გიორგის და დახმარება ითხოვა მისგან. წამოვიდა გიორგი თავისი მხედრობით და შემოუერთდა ციხედიდში. ეს ამბავი გაიგეს სპარსელებმა, შემოიკრიბეს მრავალრიცხოვანი მხედრობა და გამოემართნენ თბილისისკენ.

იმხანად ხუნანი გაუდაბურებული და უკაცრიელი, ქვიანი ვაშლნარი იყო. ერთ ღამეს მოვიდნენ, დადგნენ იალღუჯზე და შემოვიდნენ თბილისის ციხეში, რადგან მათ ეჭირათ ციხე. იმხანად ქართლელებს [გზები] ჩახერგილი ჰქონდათ, რომ ყიზილბაშები მიპარვითაც არ დასხმოდნენ თავს. [მტერი] თბილისიდან ფარულად გამოვიდა და ციხედიდისკენ გაემართა. მეფემ წინასწარ დააყენა ყარაულად გერმანოზიშვილი. სოფელ მუხათგვერდში [ავიდა გერმანოზიშვილი] აღდგომის დღესასწაულის აღსანიშნავად. ფიქრობდა, ისე იქ ჩავიდოდა და შეკრავდა გზებს. ამასობაში ყიზილბაშები ფარულად შევიდნენ მუხათგვერდში. მივიდნენ, სადაც სანგარი იყო, თხრილთან დაქვეითდნენ, გაასწორეს ის სანგარი და მოულოდნელად თავს დაესხნენ აღდგომა დღეს. აქედან ქართველები

დაირაზმნენ და იქიდან ყიზილბაშები. გახშირდა ბრძოლა და კვეთება ყიზილბაშების მენინავე [რაზმებსა] და ქართველთა ლაშქარს შორის. მეტად თავგამოდებით იბრძოდნენ ქართველები, მრავალი ყიზილბაში მოკლეს. განჯის ხანმა ქართველების ასეთი თავგამოდებული ბრძოლა რომ დაინახა, ყიზილბაშებს უთხრა: „შორი გზა გვაქვს, რომ გავიქცეთ ვერსად ნაუვალთ, დაგვეწვიან და დაგვხოცავენო. მუხანათურ სიკვდილს ისევ ის ვარჩიოთ, რომ ფიცხელ ომში ისევ ამათ შევაკვდეთ“. ყველამ დაიძახა: „ჰალა, ჰალა“ და შეუტიეს ხმალამონწვილებმა. აქედან ქართველებმა წამოუშინეს. ორივე მხრიდან მტკიცედ იდგნენ, მაგრამ ყიზილბაში უფრო ბევრი მოკვდა და გაქცევასაც აპირებდნენ. კახეთის ჯარმა ტირილი და თავშიცემა დაიწყო, გიორგი ბატონიშვილი მოკლესო. ომი აღარ ანაღვლებდათ, მკვდარი გამოასვენეს ბრძოლის ველიდან და შეეშვნენ ომსა და ბრძოლას. ამის გამო ყიზილბაშებმა დრო იხელთეს, აშლილ და მოტირალ ლაშქარს კიდევ შემოუტიეს და ყიზილბაშებმა გაიმარჯვეს. სხვებიც მრავლად დახოცეს ქართლის თავადები, აზნაურები და უფრო მეტი მსახური ამონყვიტეს. გამარჯვება ყიზილბაშებს დარჩათ და გაბრუნდნენ ქართველები ქრისტეს აქეთ 1570 [წელს], 249 ქორონიკონში.⁵⁴³

იმავე ღამეს შავერდი სულთანი ქალაქში შევიდა. სვიმონ მეფე თავისი ლაშქრით გორში გადავიდა. მოკლული კახეთის ბატონიშვილი გიორგი ლევანს მიუტანეს. მთელმა კახეთმა დაიწყო გლოვა და ტირილი ლევან ბატონის შვილისთვის. ასევე გორში დედოფალ ნესტან-დარეჯანს გაუმხილეს საყვარელი ძმის, გიორგი ბატონიშვილის დაღუპვის ამბავი. მოვიდა ქართლის ჯარი. იტირეს და იგლოვეს, ორმოცისთვის კი ბატონი დედოფალი და ქართლის თავადები ოჯახებით კახეთში ჩავიდნენ, ალავერდში, საყვარელი ძმის დასატირებლად და მამისთვის მისასამძიმრებლად. ორმოცამდე მამასთან იყო [ნესტან-დარეჯანი], იტირა, იგლოვა და ისევ ქართლში დაბრუნდა. ამავე წელსა და ქორონიკონში ბაგრატ მუხრანბატონის შვილი ამოთანი მოკლეს ფხოველებმა.

სვიმონ მეფეს უმცროსი ძმა ჰყავდა, სახელად დავითი. დაემდურა თავის ძმას, მეფე სვიმონს და წავიდა ყაენ შაჰ-თამაზის კარზე. ყაენი ყაზვინში იყო. დავითის ჩასვლა რომ მოახსენეს, ძალზედ ესიამოვნა, ყველა ბეგლარბეგი, ვინც კი კარზე ჰყავდა, წინ მიაგება. ერთი უფროსი ბარათაშვილი ახლდა თან, მის ძმაზე, მეფე სვიმონზე გამწყრალი იყო.

ამის გამო უფრო დიდი პატივი სცეს და შვილობის რაყამი უბოძეს. საფიხვნოში ყაენმა თავის სიახლოვეს დაისვა. როგორც ხელმწიფეს, ქვეშ გაუფინეს [ხალიჩა], ბალიში დაუდეს და ზედ დასვეს. მისი თავადები საფიხვნოში დასხეს, ალაგ-ალაგ შუაში ჩაუსხდნენ. ცოტა ხნის შემდეგ დაგმო ღმერთი [დავითმა], გაათათრდა და სახელად უწოდეს დაუდ-ხანი. მისი თანმხლებნიც გაათათრეს. სამეფო იარაღი, ყველაფერი, უბოძეს. მის თავადებსა და აზნაურიშვილებს ხალათები, სახარჯო,⁵⁴⁴ ცხენები და იარაღი გაუკეთეს და უბოძეს. რაც ბატონსა და მის ყმებს მისცეს, სულ ცხრა ათასი თუმნისა იყო. ქალაქისა და სომხით-საბარათიანოს მეფობა მისცეს, რაყამში [ყაენის] შვილად მოიხსენიეს, მესტუმრე გამოაყოლეს თან და დიდი პატივით მდიდრულად გამოუშვეს. ყოველწლიურად თითო მოსაზღვრე ხანი თავისი ლაშქრით იყო ჩაყენებული ქალაქის ციხეში დავით მეფის დასაცავად.

მაგრამ სვიმონ მეფე თავს არ ანებებდა, არბევდა სომხით-საბარათიანოს, ქალაქის აღებასაც ცდილობდა, მაგრამ ვერ აიღო. ისევ შეკრიბა სვიმონ მეფემ ქართლის ქვეითი და ცხენოსანი ლაშქარი. ქრისტეს აქეთ 1568 [წელს], წამოვიდა დაუდ-ხანთან საბრძოლველად. მოვიდა და დადგა დილომში. შეიტყო დაუდ-ხანმა, რომ სვიმონი ქალაქზე იერიშის მოსატანად წამოვიდა, იმანაც შეკრიბა სომხით-საბარათიანო, თათრები, ქალაქის მცხოვრებნი და ძმასთან საომრად გავიდა. დაინახა, რომ სვიმონ მეფეს უფრო დიდი ლაშქარი ჰყავდა. დილომში შეებრძოლა. ძლიერი ბრძოლა გაიმართა. სვიმონ მეფეს ცოტაოდენი მოლაშქრენი დაუხოცეს, დაუდ-ხანისა კი ორი ათასი განყდა. აჯობა სვიმონის მხედრობამ და უკუაქცია დაუდ-ხანი. გამოქცეული ისევ ქალაქში შემოვიდა.

ყარამანაღუს ხალიფა, ყიზილბაშების სარდალი, ქკუანაკლები და ამაყი კაცი იყო. არ დაუჯერა დავით მეფეს, თითონ უნდოდა თავის გამოჩენა და სვიმონ მეფეს ბრძოლა გაუმართა. ძლიერ და მეტად თავგამეტებით იბრძოდა, ბევრი ზიანიც მიაყენა, მაგრამ თვითონაც მოკლეს და ჯარიც ამოუნყვიტეს. ეს ამბავი დავით მეფემ ყაენს მისწერა და ლაშქარი სთხოვა. ყაენმა ბრძანება გასცა, სარდლად დანიშნეს ასან-ბეგი ყარამანაღუ და დიდი ლაშქრით დავითს მოაშველა. დავით მეფემაც შეკრიბა თავისი ლაშქარი და სვიმონ მეფის წინააღმდეგ გაილაშქრა.

დილომში იდგა სვიმონ მეფე. 255 (1567 წ.) ქორონიკონში გამართეს ბრძოლა. ძლიერი ბრძოლა გაიმართა. სვიმონ მეფის მხედრობიდან

ცოტაოდენი დაიხოცა, დაუდ-ხანისა კი ორჯერ მეტი ამონყვიტეს. ღმერთმა სვიმონ მეფეს მისცა გამარჯვება. უკუაქციეს დაუდ-ხანი. დევნილი მარტო შევიდა თბილისის ციხეში. მისი მხედრობიდან, ზოგი დახოცეს, ზოგი შეიპყრეს.

მაშინ მოადგა სვიმონ მეფე თბილისის ციხეს. ეგონა, ქალაქის მოსახლეობა ჩემს მხარეს გადმოვაო, მაგრამ ქალაქელები არ მიემხრნენ ყაენის შიშით. ცოლ-შვილი იმათაც ციხეში შეაფარეს. ციხიდან დაიწყეს ბრძოლა, თოფებისა და ზარბაზნების სროლა. არც ბართაშვილები გადმოვიდნენ მის მხარეს. ციხიდან დაუხოცეს ხალხი. გარკვეული დროით ადგნენ [ციხეს] და ძალზედ შეანუხეს. კაცი გაგზავნეს [თბილისიდან]. შაჰ-თამაზის ამირსპასალარ ჰუსეინ-ბეგს აცნობა დაუდ-ხანმა თავისი გასაჭირი და დახმარება ითხოვა მისგან. მაშინ წამოვიდა ჰუსეინ-ბეგი ურიცხვი მხედრობით. ღამით შემოვიდა თბილისის ციხეში. სვიმონ მეფემ მისი მოსვლა ვერ გაიგო და სამადლოში წავიდა. ამასობაში ძალები მოიკრიბა დაუდ-ხანმა, გაკადნიერდა, გამოვიდა ციხიდან და სამადლოში ჩავიდა.

ქორონიკონი 256 (1568 წ.): დაირაზმნენ ერთმანეთის წინააღმდეგ სვიმონ მეფე და დაუდ-ხანი. ძლიერი ბრძოლა გამართეს. მაშინ გალომდნენ სვიმონ მეფე და ქართლის მხედრები. ღმერთმა გამარჯვება მეფესა და ქართლებს მისცა. ისევ გააქციეს დაუდ-ხანი, მრავალი ყიზილბაში ამონყვიტეს, უფრო ბევრი შეიპყრეს და განდევნეს. ლტოლვილებმა თბილისის ციხეს შეაფარეს თავი. მივიდა სვიმონ მეფე, გარკვეული დროით მიადგა თბილისის ციხეს, მაგრამ ვერ აიღო. წამოვიდა გამარჯვებული და ბევრი ნადავლით აღვსილი. დაუდ-ხანმა ეს ამბავი შაჰ-თამაზს აცნობა და ისევ დახმარებას შეევედრა.

მაშინ აუწყა შაჰ-თამაზმა შამხალს, რომელსაც ჩერქეზი ეწოდა და შაქის სულთანს, ყარაბაღელებსა და გარშემო მყოფ ყველა ყიზილბაშს, რომ დახმარებოდნენ დაუდ-ხანს. შეიკრიბა ურიცხვი მხედრობა და მოადგა ქართლის საზღვრებს. წავიდა კახაბერ ყორღანაშვილი და განჯაში წინ შეეგება მათ, რადგან ძალიან ეშინოდა ქართლში ყიზილბაშების შემოსვლის. ყორღანაშვილმა მათი სისხლი თავის თავზე აიღო,⁵⁴⁵ წინ გამოუძღვა, რადგან მის გარეშე არ შეეძლოთ ქართლში შემოსვლა. მაშინ შეკრიბა სვიმონ მეფემ ქართლის მხედრობა და ჩავიდა ფარცხისში, რადგან იქ იდგნენ ყიზილბაშები. ქართლებზე ათჯერ მეტი იყვნენ. შეუტიეს ქართლებმა გულსრულად და გაიმართა ძლიერი

ბრძოლა. პირველივე შეტაკებისას უკუაქციეს ყიზილბაშები. გამხნე-
და ქართლის მხედრობა, მუსრი გაავლო და დაატყვევა ისინი.

ამასობაში სვიმონ მეფე მიეჭრა ერთ შეჭურვილ ყიზილბაშს. ძლიერ
უგმირა ჰოროლი და მიწაზე დაანარცხა, მოკლა იგი. სხვებსაც შეუტია
ლალად და ჩამოშორდა თავის მხედრობას. მაშინ იცნო იგი ყორღანაშ-
ვილმა, უთხრა ყიზილბაშებს: „ეს არის სვიმონ მეფე“. მისკენ გაემართ-
ნენ [ყიზილბაშები], მრავლად შემოერთყნენ გარშემო და შეიპყრეს
სვიმონ მეფე 257 ქორონიკონში (1569 წ.). ქართლელებმა ვერ გაიგეს
მისი შეპყრობა. ამის შემდეგაც დიდი სახელი გამოიჩინეს, იბრძოლეს
და მრავალ ყიზილბაშს გაავლეს მუსრი. მეფის შეპყრობა როცა გაი-
გეს, ძალზედ დაღლილები იყვნენ ფიცხელი ბრძოლებით, იარაღი აღარ
ჰქონდათ შერჩენილი, ყველაფერი დამტვრეული ჰქონდათ. მაშინ უკან
გამობრუნდნენ ქართლელები.

ნაიყვანეს [ყიზილბაშებმა] სვიმონ მეფე. შეპყრობილი შეიყვანეს ქა-
ლაქ თბილისში და დიდი პატივით გაგზავნეს ყაზვინში ყაენ შაჰ-თამაზ-
თან. ყაენმა დიდი პატივი სცა და ბევრი საბოძვარი მისცა. აიძულა რჯუ-
ლის დაგდება, მაგრამ სვიმონი არ დაჰყვა, მტკიცედ იდგა რწმენაზე.
ამის გამო განრისხდა ყაენი, გაგზავნა და ალამუთის ციხეში ჩააგდო.

ქორონიკონი 2[6]1⁵⁴⁶: ავადმყოფობდა პატრონი ქაიხოსრო ათაბაგი
და 51 წლის [ასაკში], თებერვლის 13 [რიცხვში] გარდაიცვალა ყაზვინ-
ში. [...] ⁵⁴⁷ 29 ენკენისთვეში, სამშაბათ დღეს, მეცხრე ჟამს, მე-2 მთვა-
რეს. ამავე ქორონიკონში ბაგრატ მუხრანბატონის შვილი არჩილი ყა-
ზვინიდან გაგზავნეს შირაზში ღვინობისთვის 22 [რიცხვში], ხუთშაბათ
დღეს.

იმხანად გარდაიცვალა კახეთის მბრძანებელი ლევანი ქრისტეს
აქეთ 1575 [წელს], 2[6]3 ქორონიკონში.⁵⁴⁸ მის ნაცვლად ტახტზე ავიდა
ალექსანდრე, მისი პირმშო ძე. იგი დაეუფლა კახეთს. ალექსანდრე გუ-
რიელის ასულის ნაშობი იყო, ხოლო ელიმირზონი და ხოსრო-მირზა –
შამხლის ასულმა გააჩინა უწინ, ლევანის მეფობის დროს. ელიმირზო-
ნი და ხოსრო-მირზა დედით სვიმონ მეფის ცოლს [ენათესავებოდნენ].
მათი სამშობლო იყო საშამხლო. ამ ორი მიზეზის გამო უფროს ძმას არ
ერთგულობდნენ, სძულდათ [იგი]. ლევანის გარდაცვალების შემდეგ
კახელები გაიყვნენ: ზოგი ალექსანდრეს მიემხრო, ზოგი ელიმირზონ-
სა და ხოსრო-მირზას. ძველი დროიდან კახელებს ასეთი ჩვევა აქვთ.
ჩამოვარდა დიდი შუღლი ძმებს შორის. მაშინ წავიდნენ ელიმირზონი

და ხოსრო-მირზა, შევიდნენ თორღას [ციხეში]. ალექსანდრემ შეკრიბა მისი წილი კახეთი და წავიდა მათ წინააღმდეგ. როცა მივიდა, დაირაზმნენ ერთმანეთის წინააღმდეგ, გაიმართა ბრძოლა. იმ ომში დახოცეს ელიმირზონი და ხოსრო-მირზა – ორივე ძმა და ძმისშვილები. ალექსანდრე დაეუფლა მთელ კახეთს.

დაუდ-ხანს ჰქონდა თბილისი და საბარათიანო. დმანისის ხევის ციხეში იჯდა. სვიმონ მეფის ცოლი, დედოფალი ნესტან-დარეჯანი, კავთისხევში იმყოფებოდა. ერთი მცირეწლოვანი ვაჟი ჰყავდა, რომელსაც სახელად გიორგი ერქვა. როცა ქსნის ერისთავმა და ამილახორმა დანამდვილებით შეიტყვეს სვიმონ მეფის დატყვევებისა და მისი ცოლის ძმების, კახეთის ბატონიშვილების, სიკვდილის ამბავი, მაშინ განარისხეს ღმერთი, იძლივნენ ანგარებითა და ვერცხლისმოყვარებით. შეესივნენ დედოფალ ნესტან-დარეჯანს და მიმოიტაცეს მისი საგანძური. ყველაფერი წაიღეს, რაც გააჩნდათ სვიმონ მეფესა და დედოფალ ნესტან-დარეჯანს. ყველას მიჰქონდა, დიდსა თუ მცირეს. ამ სიტყვას ამბობდნენ მეფის ერთგული ყმები, რაც დღესაც ანდაზად არის, მაშინდელი ნათქვამია ეს სიტყვა: „ვაჰმე, სვიმონ ბატონის ქონებაო“. წაიღეს სიმონ მეფისა და დედოფალ ნესტან-დარეჯანის მთელი სიმდიდრე.

იმხანად საბარათიანოს ამირსპასალარი იყო საჩინო ბარათაშვილი, მეტად კარგი კაცი. იგი არ ემორჩილებოდა დაუდ-ხანს, რადგან სვიმონ მეფის ერთგული იყო. ერთ დღეს კოჯრის მხარეს მოდიოდა. გელიყარის თავს რომ მიადგა, იქ წინ შემოხვდა კახაბერ ყორღანაშვილი, რომელიც ყიზილბაშებს შემოუძღვა, როცა სვიმონ მეფე შეიპყრეს. იცნო საჩინო ბარათაშვილმა კახაბერ ყორღანაშვილი, დაიჭირა და გელიყარის კლდიდან გადააგდო. მიგორავდა ყორღანაშვილი და თვითონვე ამბობდა ამ ლექსს: „ყორღანასქე ქარაფიდან, ხელი ჰკრეს და გადაფრინდაო“.

კახეთის ბატონ ალექსანდრეს ცოლად ჰყავდა თინათინი, ამილახორის ასული. ხუთი ძე ჰყავდა ალექსანდრეს: დავითი, ერეკლე, გიორგი, კონსტანტინე და როსტომი. და ჰყავდა ერთი ასული [ჰყავდა] ნესტანი, რომელსაც დარეჯანი დაერქვა. ეს ნესტან-დარეჯანი [ალექსანდრემ] მიათხოვა მანუჩარ დადიანს, მამია დადიანის ძეს და ბევრი მზითვით გაგზავნა. ერეკლე, მისი ძე, არ დაემორჩილა მამამის ალექსანდრეს და წავიდა სტამბოლში. როცა შაჰ-თამაზმა გაიგო, განრისხდა და წამოვიდა, რადგან ეგონა, ალექსანდრე განმიდგაო. ურიცხვი მხედრობით

ჩამოვიდა ყარაბაღში. ძალიან შენუხდა ალექსანდრე. მაშინ სახლთხუცესმა ჩოლოყაშვილმა რაღაც მოიფიქრა და უთხრა ალექსანდრესა და კახელებს: „თუკი ეს საქმე მრავალი ცოდვის მიზეზი გახდება, საერთოდ ყველას მოეკითხოს და მე ავარიდებ კახეთს შაჰ-თამაზის რისხვასო“. [ამაზე] მთელი კახეთის დიდებულებმა ხელწერილი მისცეს.

იმხანად გარდაცვლილი იყო ქაიხოსრო ათაბაგი. [ქვეყანას] ფლობდა მანუჩარი, მისი მცირეწლოვანი ძე. მაშინ, სახლთხუცეს ჩოლოყაშვილის წინასწარი განზრახვით, კაცი გაგზავნეს და მისწერეს დედისიმედს, ქაიხოსრო ათაბაგის ცოლს, რომ: „ვარაზ შალიკაშვილს შენი და მანუჩარის, შენი ძის, ღალატი უნდა, რადგან მაგას უნდა დაეუფლოს საათაბაგოს. ყენი მოჰყავს ურიცხვი მხედრობით საათაბაგოს წინააღმდეგ. ახლა, თუკი შეგიძლია, შეიპყარი ეგ და მოკალი, როგორც შენი ძის ორგული და მკვლელი. ველარ შემოვა შაჰ-თამაზი, წავა თავისთვის და უფრო მტკიცედ დაეუფლები მაგ ქვეყანასო“. დედისიმედი ჭკუით სულელი და უღვთო [ქალი] იყო. ეს ამბავი რომ გაიგო, ვერ მიხვდა კახელების მზაკვრობას. ამ სიტყვის დამჯერებელმა ღალატით შეიპყრო ვარაზა შალიკაშვილი, მოკლა და დაღვარა უდანაშაულო [კაცის] სისხლი.

ვარაზა იყო ოთარ შალიკაშვილის ძე. ქაიხოსრო ათაბაგს მრავალი ხნის მანძილზე ერთგულად ემსახურებოდა. [იგი იყო] შაჰ-თამაზის ცოლისძმა. შაჰ-თამაზმა რომ გაიგო ვარაზას მოკვლის [ამბავი], მეტად განრისხდა. მაშინ აღარ წავიდა კახეთზე, არამედ საშინელი რისხვით შემოვიდა სამცხეში. მთელი სამცხე-საათაბაგო ამონყვიტა და ბევრი ბოროტება ჩაიდინა.

კაცი გაგზავნა [შაჰმა] ხონთქართან. გადანყვიტეს, რომ ერთმანეთში მშვიდობა ჰქონოდათ. მაშინ გაინანილეს ქვეყანა და დაზავდნენ⁵⁴⁹. იმხანად ხონთქარს დარჩა იმერეთი, ოდიში, გურია და საათაბაგო ქართლის საზღვრამდე; დარჩა კარი აბოცისა და ერევნის საზღვრამდე და სომხეთი საზღვრამდე, რომელსაც ახლა თურქისტანს უწოდებენ, ვიდრე ბაღდადამდე. ხოლო შაჰ-თამაზმა დაიპყრო ქართლი, კახეთი, ერევანი და ქურთისტანის აქეთ [არსებული მიწები]. მას შემდეგ ჰქონდათ ერთმანეთში თანხმობა და მშვიდობა, როგორც მაჰმადის ერთგულ მიმდევრებს.

ბატონმა ალექსანდრემ კონსტანტინე, თავისი ძე, გაგზავნა შაჰ-თამაზთან. თან გაატანა მრავალი ძღვენი, ბევრს ემუდარა და აცნობა ერეკლეს, მისი ძის, ურჩობის შესახებ: „ჩემს უნებართვოდ წავიდაო

ხონთქართან“. დაუჯერა შაჰ-თამაზმა ბატონ ალექსანდრეს, ნავიდა თავის საბრძანებელში და თან წაიყვანა მძევლის მსგავსად კონსტანტინე, პატარა ბიჭი.

ამის შემდეგ გავიდა ცოტა ხანი და 264 ქორონიკონში (1576 წ.), 15 მაისს, სამშაბათ დღეს მოკვდა ყაენი შაჰ-თამაზი. უსტა-ჯალუანებმა და იოთამის შვილმა, ალიხან-სულთანმა აიდარ-მირზას ტახტზე აყვანა მოინადინეს. ჯარგაზ შამხალ ავშრები და ვინც მათი იყო, თავს დაესხნენ, მოკლეს აიდარ-მირზა, ამონყვიტეს უსტა-ჯალუანი და კაცი გაგზავნეს ისმაილ-მირზას გამოსაყვანად. ამავე ქორონიკონში, სწორედ მაისის ოცდამეორეში შაჰ-თამაზის შვილი შაჰ-ისმაილი ყალყაას ციხეში იყო დატყვევებული. გამოიყვანეს სამშაბათ დღეს. ამავე მაისის 26 [რიცხვში] ქალაქ არდაველში ჩავიდა. 20 [რიცხვში] ყაზვინისკენ გაემართა. ყაენად დასვეს შაჰ-ისმაილი.

გამოიყვანა [შაჰმა] სვიმონ მეფე ალამუთის ციხიდან, ყაზვინში ჩააყვანინა და ქართლის მეფობა მისცა. სხვა მრავალი წყალობა[ც] მისცა, [მისი] სამეფო მორთულობა [საყაენოს] ყველა ქარხანაში შეუკვეთა. როცა ეს ამბავი ქალაქ თბილისში მდოგმ დავით მეფეს მოუვიდა, განყრა, ხონთქართან შიკრიკი გაგზავნა და ლაშქარი სთხოვა.

ამავე წელს, ივნისში, ყვარყვარე ათაბაგი, მისი ძმა, პატრონი მანუჩარი და მათი ბიძაშვილი, არჩილ მუხტანბატონის ძე, პატრონი ერეკლე მგელციხეში გადავიდნენ ყაენთან ელჩის გასაგზავნად. ავ-კარგად სამოცამდე კაცი გაიყოლა თან. სამწუბთ-ღელეში დავდექით. ოლადის ქვაბიდან აცნობა იასონ ბედიანიშვილმა კოკოლა ვარაზაშვილს, მის ძმას, ლაშქარასა და ბიძამის გურგაქს. თან გაიყოლეს ელია დიასამიძის შვილი ავთანდილი და მისი ძმა შერმაზანი, როსტომ ამატაკიშვილის ძე ამატაკი, ანდუყაფარი, მათი ძმიშვილი როსტომი და ამატაკის ვაჟი სეხნია. ესენი, ხუთასამდე კაცი, გაემზადნენ და წამოვიდნენ. ორთვალთ ხიდი გადმოიარეს, ბორგში ჩამოვიდნენ. იქ გვერდში დაიყენა იოზ ფანასკერტელის შვილი ჯირასონი. [ერთი] კაცის საუბარს მოჰკრა ყური: „მართლა ბატონებზე თავდასასხმელად და დასახოცად ხომ არ მიდიანო“. ნავიდა და უგუბოში მყოფ ყანდურალ დოლენჯიშვილს აცნობა: „თუ ბატონიშვილებს მართლა დახოცავენ, სწრაფად აცნობეო“. წამოვიდა ყანდურალი და ბატონებს აცნობა.

მამალმა, როცა იყივლა, ადგნენ ბატონები და ვინც იყვნენ, შეიკაზმნენ, ოცამდე კაცი იყო გამზადებული. ბარგი აჰკიდეს, დიდხანს

იქვე იტრიალეს და არ მოვიდნენ. უკან მობრუნდნენ ოხერათთავის სი-
მაგრეში. 30 ივლისს, შაბათ დღეს, განთიადისას ნასადგომევს დაესხ-
ნენ თავს. მეტი არაფერი დახვდათ, თუხარლიანთა კარავი და ბარგი
დახვდათ, ის მიმოიტაცეს. ჯორები კიდეც მისცეს. ჩვენი და მათი კაცი
გადაეკიდნენ [ერთმანეთს]. ერთი მოკლეს და ერთი ხელში ჩაიგდეს
ჩვენებმა. ნავიდნენ განზილებულები. დაიტრაბახეს: „რომ არ გაეს-
წროთ, თავებს დავაყრენებდით და მკვდრებს ასო-ასო დავჭრიდით;
ისე ვიზავდით, ნანამებსაც არ გავუშვებდით ცოცხლებსო“.

ხმა გავარდა. დაიწყო მოსვლა ჩვენმა ლაშქარმა. გაემართნენ პა-
ტრონი ყვარყვარე, პატრონი მანუჩარი და ერეკლე ღვთის სახელით და
მოვედით თმოგვში. დავარბიეთ თმოგვის ქალაქი და იქვე ზედა თმოგვ-
ში ამოვედით. პატრონი, მათი დედა, დებორა [მონაზონი], დედისიმედ-
ყოფილი, იქ მოვიდა. ორშაბათს ვანის ქვაბს მოვადექით, ოთხშაბათს
იერიშით ავიღეთ. პარასკევ დღეს ავიყარეთ, ჩავდექით, დავირაზმეთ
რჩეულიანებთან და კვირა დღეს ოლაღის ქვაბი ავიღეთ. ამოვედით,
კარწახში დავდექით 19 ივლისს, ხუთშაბათ დღეს.

ქორონიკონი 210⁵⁵⁰: ერეკლე გავამზადეთ, არჩილ მუხრანბატონის
შვილი, 16 წლის სამი თვისა და სამი კვირის. მივეჭერთ ფოსოს, სახლი
გადავწვით და ამოვნყვიტეთ. ლაშქარი შევუსიეთ, დაქცეულთა ხიზნე-
ბი და ალამი ჩავიგდეთ [ხელში].⁵⁵¹ მოვედით და პალაკაციოში დავდე-
ქით. იქიდან თეთრი ციხის შემოგარენი გადავწვით, ალაბუტი და კამ-
როანი. ყაენთან ელჩი გავგზავნეთ.

ამავე თვეს, 20 ივლისს, შაბათ დღეს, ზემბად შალიკაშვილის ძემ,
უნინ მათივე კუთვნილი, ოლთისის ციხე ნავართვა ჩვენ. თათრები
შუაში შემოვიდნენ, გამოვუდექით. მგელციხეს მოვაშურეთ, შერანში-
ანთ წყაროსთან გავჩერდით. მერე აწყურში ჩავედით.

ამავე ქორონიკონში, ოცდათერთმეტ აგვისტოს ვარნეთის ციხეს
ულალატეს მგელციხიდან. ენკენისთვის ოთხ [რიცხვში] დიასამიძემ
დემოთის [ციხის] საღალატოდ აზნაურიშვილები და მსახურები გაგ-
ზავნა. ველარ უღალატეს, ჩვიდმეტი ხელში ჩაიგდო ციხისთავმა აჯარ
შალვაშვილმა. პატრონი მანუჩარი, პატრონი ერეკლე და მათი ბიძაშ-
ვილი მგელციხეში იდგნენ. თავს დაესხნენ შალიკაშვილების აზნაუ-
რიშვილებს. გაექცნენ აზნაურიშვილები. წამოენია ერეკლე, [ერთი]
მხედარი ჩამოაგდო და კარგი ცხენი დაისაკუთრა. ჩვენც წამოვედით
სამცხიდან და შერანშიანთ წყაროსთან დავდექით.

ამავე 204 ქორონიკონში (1516 წ.) ივანობისთვის 24 [რიცხვში] ბატონი არჩილი შირაზიდან ყაზვინში ჩამოვიდა ცოლ-შვილით. მერე ჩავედით, ფოსო ამოვწყვიტეთ და შაჰთან ელჩი გავგზავნეთ. უკან დავბრუნდით, სამცხეში ჩამოვედით.

205 ქორონიკონში (1517 წ.), მარტის [თვეში] თავს დაგვესხა კოკოლა და აჩხის ქვაბული წაგვართვა. ნავიდა ბატონი მანუჩარი და იმ წამსვე წაართვა. ერეკლე ახლდა თან. მერე გურგაქი განდგა, კოკოლამ თავის ძმისწულსა და ბატონ მანუჩარს ფიცი მისცა. ქაჯეთის ციხე მოუჭრა, მერე ფიცი გატეხა და ისევ განუდგა ბატონ მანუჩარს. უკან დაბრუნდა ბატონი მანუჩარი. გაზაფხულზე ისევ ჩავედით, ვეთათბირეთ და არ შემოგვიერთდნენ. დავურბიეთ ფოსო. ელჩი გავისტუმრეთ და უკან მოვბრუნდით.

ქორონიკონი იგივე: გავილაშქრეთ ღვთის სახელით. ენკენისთვის შუა რიცხვებში ქაჯეთის ციხეს მოვადექით. ღვინობისთვის ორ რიცხვში გურგაქი შემოგვიერთდა და ველი[ს ციხე] მოგვცა. გავბრუნდით, ურთის ციხე-საყდარი წავართვით. კოკოლას კუთვნილი იყო. ციხე დავაქციეთ. სიმაგრე, რაც იყო, გადავწვით, საყდარი დავტოვეთ. ფოსო დავარბიეთ და ელჩი გავგზავნეთ ყაენთან. მოვბრუნდით, მგელციხეში ამოვედით, მატა ბოსტოლანაშვილმა მისი უფროსი ძმა მოკლა, ათამირქა ერქვა. წამოვიდა ბატონი მანუჩარი, შეიპყრო მატაი, თვალები ამოუშანთა მას და მასთან მყოფ ყმებს. მობრუნდა ბატონი მანუჩარი, მგელციხეში ამოვიდა. ბატონი ყვარყვარე და ბატონი მანუჩარი იქ გაჩერდნენ. ბატონი დედისიმედი წამოვიდა. ახალციხეში ჩამოვიდნენ.

ქორონიკონი 206⁵⁵²: გამოჩნდა კუდიანი ვარსკვლავი. მისი მსგავსი არასოდეს არავის უნახავს. შაჰ-ისმაილი უმონყალო და სისხლისმსმელი კაცი იყო. ამის გამო ყიზილბაშები არ შეეგუვნენ მის მბრძანებლობას. დაეთანხმნენ რჯულმეცნიერს და მეექვსე თვეს საწამლავით მოკლეს ყიზილბაშებმა ყაენი შაჰ-ისმაილი. გიორგობისთვის 23 [რიცხვში] მისი ძმა შაჰ-ხუდაბენდე აიყვანეს ტახტზე. შაჰი ხუდაბენდე უძლური კაცი იყო, უსინათლო. რიგიანად და კარგად ვერ წარმართა თავისი საქმე.

ქრისტეშობისთვის ოცდათერთმეტ [რიცხვში] სამშაბათ დღეს ბატონი ყვარყვარე და ბატონი მანუჩარი თმოგვს მოადგნენ. 5 იანვარს, კვირა დღეს, 206 ქორონიკონში პატრონი დედისიმედი და ბატონი ბექა ყველის [ციხეს] მოადგნენ. ამავ იანვრის ოთხშაბათს თმოგვი წაართვეს. აქეთ, იმავე დღისით, ყველის [ციხე] წავართვით. ოთხშაბათს, გიო-

რგობისთვის 7 [რიცხვში] ბატონ ერეკლეს ცხენი წაეჭვა. სათუო გახდა მისი გადარჩენა. ისე საშინლად დაეცა, უცნაურ ფათერაკს გადაურჩა. მეცამეტე დღეს სანადიროდ წავიდა, ქარაფის ძირში იჯდა. [კლდეს] ქვა მოწყდა, დაეცა, თითის წვერი ძვლიანად წააცალა. უშნოდ მოსტეხა, ორ თვეში ძლივს მოუშუშდა. ამის გამო არც თმოგვეში იყო და არც ყველის [ციხეში].

შეკრიბა კოკოლამ [მხედრობა]. ყარახანი წამოვიდა თმოგვის დასახმარებლად. ველარ მოასწრო, ორივე ციხე წართმეული ჰქონდა. ყველის [ციხიდან] თმოგვეში გადავიდა დედისიმედი. იქიდან ჯავახეთში გაემართა ბატონი მანუჩარი. ფოსო და ჯავახეთი დაარბია, გურგაქს ქაჯის ციხე გაუპარტახა. ახალციხეში წამოვიდნენ ბატონი ყვარყვარე და ბატონი მანუჩარი. ბატონი დედისიმედი თმოგვეში დარჩა. თმოგვის ციხეს, რაც სჭირდებოდა, მიატანინა, გამართა. თვალშეწვენიერთან ელჩი გაგზავნა, შეატყობინა, რომ ციხეებს დაეპატრონა და ურუმების არევის შესახებ აცნობა.

ურუმების ამბავი საჩქაროდ გახმაურდა. პატრონი დედისიმედი შვილებთან ჩამოვიდა ახალციხეში. პატრონმა მანუჩარმა და პატრონმა ერეკლემ ლაშქარი შეკრიბეს, წავიდნენ და ურუმების მხარეს გადავიდნენ. პატრონი ყვარყვარე ცოტა უხასიათოდ იყო, ის ველარ წავიდა. ზღუდერში ჩავედით. ამასობაში, 26 თებერვალს, ოთხშაბათ დღეს, ოთმანინანიები, რვაასი კაცი, თავს დაესხა ყარასანს. მოხერხებულად გააბრუნა უკან. წამოადგნენ ურუმები და ათიოდე კაცი მოუკლეს. მობრუნდნენ, გორი გადაწვეს და იქვე დადგნენ. მობრუნდა ყარახანი, ექვსასი კაცი ახლდა, თავს დაესხა, ამონყვიტა ურუმები და გააქცია ღვთის სახელით. გაიმარჯვა ყარახანმა, აივსნენ საქონლითა და იარაღით. მობრუნდა ბატონი მანუჩარი, აწყურში ჩამოვიდა.

ამავე ქორონიკონს მოვიდა ხონთქრის ჯარი. დაიპყრეს თავრიზი, ერევანი, განჯა, ყარაბალი ვიდრე სულთანამდე და მთელი ადარბადაგანი. ამავე ქორონიკონში, მაისის 21 [რიცხვში], ოთხშაბათ დღეს ერეკლე, არჩილ მუხრანბატონის შვილი, წავიდა სურამში ქართლის დედოფალ ნესტან-დარეჯანთან. ხელმოკლედ იყო დედოფალი და მასთან სამყოფად ჩავიდა. ამავე ქორონიკონში გარდაიცვალა აფხაზეთის კათოლიკოსი ევდემონ ჩხეტიძე. ამავე ქორონიკონში, მაისის თვის 22 [რიცხვში], გარდაიცვალა მეფეთ მეფე გიორგის შვილი ბაგრატი. მისი დედა, შარვაშიძის ქალი, დედოფალი რუსუდანი გარდაიცვალა და აგვისტოს.

ამავე ქორონიკონში, მარიამობის თვის 7 [რიცხვში], ხუთშაბათ დღეს, ხონთქრის ლაშქარი და ლალა ფაშა მოადგნენ მგელციხეს. გამართეს ბრძოლა. სამშაბათამდე ყოველდღე ბრძოლაში იყვნენ. მეციხოვნეები იყვნენ როინ გოგორიშვილი, მისი ძმა ბერი მრუშნელი და მისი ძმისწული ზურაბიძმებთან ერთად. ღვთის შეწევნით უკან გაბრუნდნენ და ციხისევე ჩვენ დავგრჩა. ჩვენებმა გაიმარჯვეს. პარასკევე დღეს, მარიამობის თვის 8 [რიცხვში], ქაჯეთის ციხე, ველი[ს ციხე] და თეთრციხე ნაგვართვეს ურუმებმა. ქაჯეთის ციხის მცველები მთლიანად ამოხოცეს. 9 [რიცხვში], შაბათ დილას, ძურძანასა და წინნალს შორის შემოვიდნენ არზრუმისა და ვანის ფაშა, სულთანი, ყარახან ბაზუქლუ და ასევე მულანლუს ბატონი. იქ შეგროვდნენ. მაჰმად სულთანი გორაკზე გადმოდგა, თავისიანები, ვინც ჰყავდა, გვერდში მოიყენა. სხვა ბატონები შეებრძოლნენ ურუმებს. პირველად ყიზილბაშებმა გაიმარჯვეს, შემდეგ ურუმები მოერივნენ და სძლიეს. გამოიქცა მაჰმად სულთანი, გადაიხვეწა.

იმავე კვირაში, მარიამობის თვის 19 [რიცხვში], პატრონმა მანუჩარმა ქაჯეთის ციხეს შეუტია. ვერც ლაშქრის ბრძოლასა და ვერც ციხეების აღებას ვერ მიუსწრო. ამილახორის შვილი, ქოიარი, მიეგება არტაანში და ორი ციხე მან გადასცა ლალა ფაშას მარიამობის თვის ორ [რიცხვში]. აგრეთვე არფაქსადი შეჰპირდა ამას წინათ ექვს ციხეს. ხერთვისი და ხუთი ციხე მან გადასცა და პატრონ მანუჩარს თან გაჰყვა. მაშინვე აართვეს, ციხეები გამოართვეს და ხახული სანჯაყად მისცეს. პატრონმა მანუჩარმა, ამავე თვის 17 [რიცხვში], თმოგვის ციხე ლალა ფაშას მისცა. ახალქალაქი უწინ წაართვეს, კოკოლას ციხიონი იდგა და იქიდან მისცა თმოგვი. გაიარეს, ნავიდნენ ქალაქ თბილისზე.

17 [რიცხვში] დაუდ-ხანმა გადაწვა [ქალაქი], გაეცალა [იქაურობას] და ლორეში ჩავიდა. თბილისში ურუმები შევიდნენ, ფაშა დასვეს, გორში კი სანჯაყი. დაუდ-ხანი ნავიდა ხონთქართან. იქ დიდი პატივი სცეს. ორი საფაშო მისცეს სარჩოდ და თვითონ [ხონთქრის] კარზე დატოვეს. მისი ორი შვილი, ბაგრატი და ხოსრო, მამას არ გაჰყვა. კახეთის ბატონის სიძე იყო ბატონი ბაგრატი, სიმამრთან გაჩერდა. უმცროსი ძმაც, ხოსრო-მირზა, ძმასთან დარჩა. დაბოლოს ყაენის კარზე ჩავიდნენ. როცა თბილისში ფაშა დასვეს და გორში სანჯაყი⁵⁵³, ერთად შეიკრიბნენ მუხრანბატონის შვილი პატრონი ვახტანგი, ელიზბარ ერისთავი და ბარძიმ ამილახორი. ლალა ფაშამ ლაშქარი შეუსია დედოფალსა და მთელ ქართლს. ესენი ეახლნენ და მათი ღვაწლით ლაშქარი უკან დააბრუნეს. თემობა აღარ

ამონყდა. მათ მათი მამულები მისცეს. ოთხი დღე არ გააჩერეს და უკან დააბრუნეს. თავიანთ მამულებში მოვიდნენ. სომხითის მცხოვრებლებს ბევრი ზიანი მიაყენეს, ლაშქარი შეუსია ლალა ფაშამ. ამოიარეს ქართლი, წინ გადაუდგნენ იმერლები და მწარედ ამონყვიტეს.

სხვა დროს ერეკლე, პატრონი არჩილის შვილი, მოიმწყვდიეს ბრძოლაში. მან გაიმარჯვა, საუცხოოდ იბრძოლა. ცხენი ქვევიდან მოუკლეს. თექვსმეტი ისარი მუზარადზე ჰქონდა ნასროლი, ორმოცამდე კი ჯაჭვის [პერანგზე]. ვერც ჯაჭვი და ვერც მუზარადი ვერ გაუჭრეს. ერთი ხმალი ხანჯლისთვის დაეკრა და ხანჯლის ტარი ზედ შერჩენოდა. ექვსი აზნაურიშვილი მძიმედ დაუჭრეს, დაანყლულეს. გამარჯვება ერეკლეს დარჩა. გამოაქციეს თათრები. უფრო მეტი ხალხი დახოცეს და ამონყვიტეს⁵⁵⁴. ენკენისთვის პირველ [რიცხვში] იმერლებმა გამართეს ბრძოლა და გაიმარჯვეს. ქართლელებმა და ერეკლემ ენკენისთვის 10 [რიცხვში] გაუმართეს ბრძოლა და მთლიანად ამონყვიტეს.

ორავჯანდაშვილი მოვიდა და პატრონ მანუჩარს ის მიუძღვა ლალა ფაშასთან. ახალქალაქიდან პატრონი მანუჩარი და ფაშა ქართლში გადავიდნენ. ორავჯანდაშვილი ქაიხოსრო აქეთ გამოგზავნა. 206 ქორონიკონი, ენკენისთვის 4 [რიცხვში], ხუთმაბათს, მასზე დავაქორწინეთ თამარ ბატონიშვილი. საშინელმა აწყურის ღვთისმშობელმა და წმიდან კოლოზმა ქორწილი ბედნიერად მოუხდინოს. [პურის] ჭამა აგჰურიაში გაიმართა. თათრების შიშით მეტად უხალისო⁵⁵⁵ ქორწილი იყო.

კახეთის მეფის, ლევანის ბატონის შვილი, პატრონი ალექსანდრეც მიეგება ლალა ფაშას, სართიჭალაში შეხვდა. შაქსა და შირვანზე წავიდნენ. ამასობაში შერა შანშაშვილი დაბრუნდა ყაენისგან, თვალმშვენიერთან იყო. ეს ამბავი ჩამოიტანა: „ყაენმა შეიტყო ლალა ფაშასთან მანუჩარის მისვლის შესახებ. თვალმშვენიერს კაცები ჰყოლია გაგზავნილი. საცხოვრებელი დაატოვებინეს და ყორჩიბაშს ჩააბარეს. მარიამობისთვის 26 [რიცხვში], ორმაბათ დღეს შეიპყრესო თვალმშვენიერი“.

შირვანი დაიკავეს, ციხე ააშენეს, ოსმან ფაშა ჩააყენეს თავისი ლაშქრით და გამობრუნდნენ. ალექსანდრეს შვილი არაგვამდე გაჰყვა და დაბრუნდა. ლალა ფაშა მუხრანში ჩადგა და გორი გაამაგრა. ეს ამბავი შეიტყო შაჰ-ხუდაბანდამ. მაშინ შაჰ-ხუდაბანდას დედამ, ოთარ შალიკაშვილის ასულმა, გამოიყვანა სვიმონ მეფე, როგორც ქართველი ქალების წესია, ისე მოიქცა – ლეჩაქი გამოუგზავნა: „ქალების ეს თავსაბურავი შემომიხვევია შენი ხმლის ხის ტარზე. შენ იცი და შენმა ხმალ-

მა. ახლა გაძლევთ შენ შენს სამეფო ქართლს და სხვა მრავალ საბოძ-
ვარსაც. წადი და გაამაგრე ქართლი, რომ არ წაგვართვან ოსმალებმა.
იყავი ჩვენი ხელმწიფის დამხმარე და ერთგულიო“. მისცეს ურიცხვი
საბოძვარი და ასე გამოემართა მეფე სვიმონი.

ბაგრატ მუხრანბატონის ავადმყოფი შვილი არჩილი საკაცით მოი-
ყვანეს ერთ შვილთან ერთად. ბევრი ტყვეები მოიყვანა თან. ღვინო-
ბისთვის შუა რიცხვებში მოვიდა. ლალა ფაშა ისევ ქართლში იდგა. მო-
ვიდნენ სომხითში და დაილაპარაკეს. ავადმყოფი იყო და ამ მიზეზით
ველარ შეხვდა. აიყარა ლაშქარი. ღვინობის თვის პირველ [რიცხვში],
პარასკევ დღეს დაიწყო მოსვლა. აწყურში ვიდექით. ორშაბათს პატრო-
ნი მანუჩარი გამოუშვა, ადრე მოვიდა. სამშაბათს პატრონი ყვარყვარე
წინ შეეგება. თვითონ ლალა ფაშაც მოვიდა და გაღმა [მხარეს] ლეკზე
დადგა. ხუთშაბათს პატრონი დედისიმედი გამოვიდა ციხიდან, ლალა
ფაშას ეახლა. არ დაითვლებოდა იმდენი ლაშქარი და აქლემები იყო
მოჯარული. შაბათს ცისკრის ჟამს აიყარა და წავიდა. მოტყუებით თან
გაჰყვა პატრონი ყვარყვარე და აღარ დაბრუნებულა. პატრონი მანუჩა-
რიც თან გაჰყვა. ათი დღის განმავლობაში ძლივს განმინდა ლაშქარი.
სამშაბათ დღეს ამბავი მოვიდა – აღარ დაბრუნდაო პატრონი ყვარყ-
ვარე. უკან გაჰყვა პატრონი დედისიმედი, ჯაყამდე სდია, ვერ დაენია.
აზნაურიშვილები გაუყენა, ველარ დააბრუნა. ასე წავიდა დედასთან და
ცოლ-შვილთან დაუმშვიდობებლად. ოლთისი სანჯაყად მისცეს, იქ მი-
ვიდა. პატრონი მანუჩარი აწყურში ჩამოვიდა.

დაბრუნდა სვიმონ მეფე, აიღო გორი და ქართლში ფეხი მოიკიდა.
ვინც დედოფალსა და გიორგი ბატონიშვილს უღალატა, ზოგი მეფე და-
ვითს გაჰყვა ურუმებთან, ზოგიც იმერეთსა და კახეთში გადაიხვეწა.
ქსნის ერისთავის მამული, ნაწილი დედოფალ ნესტან-დარეჯანს მის-
ცეს დამცირების საზღაურად, ნაწილიც ბატონიშვილს. ამილახორის
[კუთვნილი] კასპი სვეტიცხოველს შესწირეს, აზნაურიშვილები მსა-
ხურებად დაიყენა და გორის მოურავობა სულხან თურმანიძეს მის-
ცა. ტაძრად მიყვანების დღეს სვიმონ მეფემ ვახტანგ მუხრანბატონი
ხელში ჩაიგდო და კეხვის ციხეში დაატყვევა. ლალა ფაშამ ლაშქარი
და მირზა-ალი პატრონი მანუჩართან გამოგზავნა და ქართლს შეუსია.
ქართლში ვერ ჩამოვიდნენ, სადგერში დადგნენ. ამონყვიტეს სადგერი,
წახდა წმიდა გიორგის განძი. მეორედ კიდევ მზვერავები გამოგზავნა.
შეაგროვა [ლაშქარი] პატრონმა მანუჩარმა, მიეჭრა და დაარბია ზემო

ქართლი. კაცი მოვიდა პატრონ ყვარყვარესთან. ოლთისში აღარ გააჩერეს, არზრუმში ჩაიყვანეს, შობის წინა დღეს წაიყვანეს.

შაჰ-ხუდაბანდას შირვანში თავს დაესხა ცოლი ბეგუმი. შეიბნენ, ამონყვიტეს მოლაშქრეები, ციხე გადაწვეს და დაანგრიეს. მთელი ხაზინა ხელში ჩაიგდეს. თათარხანი შეიპყრეს, ყაზვინში წაიყვანეს დატყვევებული. აჯობეს ყიზილბაშებმა. ოსმან ფაშა უკან დარჩა დამურყაფში. ბეგუმი ყაზვინში წავიდა. შეიპყრეს გამარჯვებული ბეგუმი, ისიც მოკლეს და თათარხანიც. ყაენმა დაახოცინა. ცოლის სიკვდილის შემდეგ ყიზილბაშებმა დაჩაგრეს შაჰ-ხუდაბანდა. ადრიბეჟანი და შირვანი ურუმებმა დაიკავეს. განჯის ხანი, შავერდი სულთანი, კახეთში ჩამოვიდა, ბატონ ალექსანდრეს შეაფარა თავი. იმან მინდობილი კაცი შეაპყრობინა და ხონთქარს გაუგზავნა.

ქორონიკონი 207 (1519 წ.): 23 მარტს პატრონი ყვარყვარე და პატრონი მანუჩარი არზრუმიდან კონსტანტინოპოლში გაემარნენ. 20 აპრილს, ორშაბათს, გადგნენ⁵⁵⁶. ამის შემდეგ ამბავი მოვიდა, ბატონი თვალმშვენიერი მარიამობის თვის ოცდასამ [რიცხვში] შეიპყრეს. ღვინობისთვის 1 [რიცხვში], ორშაბათ დღეს, ალამუთის ციხეში გადაიყვანეს დატყვევებული. ჟამიანობა დაინყო.⁵⁵⁷ 31 მაისს, შაბათ საღამოს, ხოსიტას, პატრონ ყვარყვარეს შვილს, საკანაფეში ცხელება დააწყებინა. ღვთის შეწევნით მოიხადა. ივნისის 19 [რიცხვში] ბატონ ბექას დაემართა ხურვება, ღვთის შეწევნით მანაც მოიხადა. ჩვენში ბევრს დაემართა ცხელება და არავის არაფერი დაუშავდა. მეორედ მოვიდა ლალა ფაშა, კარი ააშენა და ქალაქ თბილისში ლაშქარი გამოგზავნა, საგზალი შემოატანინა. მარიამობისთვის 26 [რიცხვში] პატრონ დედისიმედს დაემართა ცხელება, ხუთშაბათ დღეს. ორშაბათ დღეს ბერის პატრონს, ბასილის, ჟამიანობის გამო ხურვებამ მოუარა. საფარაში საბურთეზე დაემართა ცხელება. მაშინვე ნაბრძანდა პატრონი დედისიმედი. ორივე, დედა-შვილი, ერთ კვირაში ჩანვა [ლოგინად]. ენკენისთვის 3 [რიცხვში], პარასკევი რომ თენდებოდა, განრისხდა ღმერთი, გარდაიცვალა ბატონი ბასილი, ღამით მე-2 ჟამს, 15 წლისა და 22 დღისა. საკაცით წამოვიდა პატრონი დედისიმედი, ზღუდერში ჩამოვიდა. ღვინობის თვეში მახარებელი მოუვიდა, უსკუდარიდან პატრონის შვილების გამოშვება [შეატყობინა]. ამავე ქორონიკონში,⁵⁵⁸ გიორგობის თვეში, პატრონი მანუჩარი ჩავიდა კონსტანტინოპოლში. ხონთქარმა ფაშობა და მთელი მისი მამული უბოძა. პატრონი ყვარყვარე ორი თვით თორთომში გააჩერებინა, არ გამოუშვა.

ქორონიკონი 268 (1580 წ.): იანვრის 8 [რიცხვში] პატრონი ბექა ვალედან გავგზავნეთ. ნავიდა ლალა ფაშა. ბექა ოლთისში იდგა. ღვთისა და ხალხის წინაშე შეურცხვენილი პატრონი ყვარყვარე შეუვრდა ხონთქარს. ქართველობით⁵⁵⁹ გამოუშვა, შეიწყალა მისი საბატონო. მარტში დაბრუნდა. ივანობის თვის შუა რიცხვებში ბექა მოიყვანეს. ორივე ბატონი თვითონ ნავიდა ლორეში. დაარბიეს და გამარჯვებულები დაბრუნდნენ. ამის შემდეგ, მეორე წელს, სინან ფაშა ჩამოვიდა. თბილისში ნავიდა, ორივენი თან გაჰყვნენ. პატრონი ყვარყვარე თრიალეთიდან მოაბრუნა უკან. იმერეთში გავგზავნა შუაკაცად, პატრონი მანუჩარი კი თან წაიყვანა.

ქორონიკონი 268 (1580 წ.): ივანობისთვის დამდეგს გარდაიცვალა ბაგრატ მუხრანბატონის შვილი, ვახტანგ მუხრანბატონი.

ქორონიკონი 269 (1581 წ.): პატრონმა მანუჩარმა თებერვალში გვირგვინი იკურთხა⁵⁶⁰. ბექა კონსტანტინოპოლში წაიყვანეს. ამავე ქორონიკონში, მარიამობის თვის 4 [რიცხვში] პატრონი არჩილი ჩამობრძანდა აწყურში, დიდი ხნის უნახავი და-ძმები შევიყარეთ⁵⁶¹. ღვინობისთვეში ნაბრძანდა. ამავე ქორონიკონში, გიორგობის თვის 25 [რიცხვში], გარდაიცვალნენ პატრონი ყვარყვარე და ბაგრატ მუხრანბატონის შვილი არჩილი. ხოლო სვიმონ მეფემ კახაბერ ყორღანაშვილის ცოლ-შვილი და მთელი სახლელი გელიყარის კლდიდან გადააყრევინა და ზემოთქმულ ლექსს ამბობდნენ. მისი სხვა ნათესავები გაიქცნენ, ზოგი ყიზილბაშებში და ზოგიც საათაბაგოში.

დაუდ-ხანს ერთი ძე ჰყავდა თავისი მეუღლისგან, რომელსაც ბაგრატი დაარქვეს. დაუდ-ხანის წასვლის შემდეგ ისიც აღარ გააჩერეს ბიძამისთან, ყაენთან წაიყვანეს და იქ გაათათრდა. ბაგრატის დედა ჩამომავლობით კახეთის ბატონ ალექსანდრეს ახლო ნათესავი იყო. შულლი ჩამოვარდა კახეთის მბრძანებელსა და სვიმონ მეფეს შორის ელიმირზონისა და ხოსრო-მირზას დახოცვის გამო. ალექსანდრე მეტად მეგობრობდა დაუდ-ხანთან. ამ მიზეზით ალექსანდრე კახბატონი დიდად გადაემტერა სვიმონ მეფეს. იმხანად თბილისი და თბილისის ციხე ურუმებს ეჭირათ. სვიმონ მეფე დედოფალთან ერთად დილომში იმყოფებოდა. კახეთის ბატონს მეტად ეშინოდა სვიმონ მეფისა – „ცოლის ძმების ამოწყვეტის გამო იქნებ შური იძიოსო“. ალექსანდრემ თავისი ძმები რომ დახოცა, ისინი სვიმონ მეფის ცოლის ძმები იყვნენ. ამგვარად, როცა ალექსანდრემ გაიგო, რომ იგი მცირე ამალით იმყოფებოდა

დილომში, შეკრიბა კახელები, ღამით გამოემართა და მოულოდნელად თავს დაესხა სვიმონ მეფეს. სვიმონ მეფე თვითონ ძლივს გადაურჩა სიკვდილს. მაშინ შეესია და მიიტაცა მისი საგანძური და ქონება. დედოფლის, თავისი დის, საცვალი თვითონ ალექსანდრემ წამოაცვა უსირცხვილოდ თავისი შუბის წვერზე. ბევრი უკადრისი საქმე გააკეთა და წამოვიდა. მივიდა მარტყოფში და გაჩერდა იმ ადგილზე, რომელსაც ჭოტორი ჰქვია.

სვიმონ მეფემ შეკრიბა ქართლის მხედრობა და გულსრულად წავიდა ალექსანდრეზე თავდასასხმელად. წინასწარ გაუგზავნა კაცი და ეს შეუთვალა: „რაკილა ისეთი უკეთურება იკადრე, რაც მეფეების წესი არ არის, მუხთლად თავ დამესხი მძინარეს მოულოდნელად, ახლა იცოდე, რომ წამოვედი შენ წინააღმდეგ საბრძოლველად. თუ კაცი ხარ, მამაცობაში გამოცდილი, დამხვდი, რადგან შეტყობინებული ომი სჯობია, ჩადენილ ღალატს“. მივიდა სვიმონ მეფე, შეიბნენ და გაიმართა ძლიერი ბრძოლა. გამარჯვება სვიმონ მეფესა და ქართლებს დარჩათ. გაიქცა ალექსანდრე და შეიპყრეს კახელი თავადები, რომელთაგან ცოტანი ძლივს დაუძვრნენ ხელიდან. წამოვიდა გამარჯვებული სვიმონ მეფე და გამოირეკა შეპყრობილი კახელი წარჩინებულები. მცხეთაში სვეტიცხოველზე დაადებინა ფიცი. ასე დააფიცეს კახელები: „ღმერთმა, სიმართლის მოქმედმა, კახელ კაცს არასოდეს მისცეს გამარჯვება ქართლელ კაცზე, არც დიდებულს და არც მცირესო“. როცა ასე დააფიცეს, მერე უბოძა ყველა კახელს წყალობა და ხალათები. ასე გაუშვა ისინი უვნებლად და მას შემდეგ აღარ ემტერებოდა. სვიმონ მეფეს რომ მოენდომებინა, მაშინ მთელ კახეთსაც ხელში ჩაიგდებდა და ალექსანდრესაც. ეს ბრძოლა გაიმართა 2[6]9 ქორონიკონში, ქრისტეს აქეთ 1582 [წელს].⁵⁶²

ამის შემდეგ შემოიჭრა ხონთქრის დიდი ამირსპასალარი, მაჰმად ფაშა. ჩამოიარა ზემო ქართლი, აიღო გორის ციხე, თავისი მცველები ჩააყენა, თვითონ კი წამოვიდა და მუხრანში დაბანაკდა. იქ დაუხვდა სვიმონ მეფე შეკრებილი [ლაშქრით]. მაშინ გაიმართა ძლიერი ბრძოლა. ძლიერ ეკვეთნენ ქართლის მხედრები. შეიწყალა ღმერთმა და ქართლებს მიეცა გამარჯვება. გაიმარჯვა სვიმონ მეფემ. მრავალი ოსმალო მხედარი ამოწყვიტეს, ურიცხვი შეიპყრეს, თვითონ ფაშა ძლივს გაექცა და ცოტაოდენი ხალხით თბილისის ციხეს შეაფარა თავი. [ეს მოხდა] ქრისტეს აქეთ 1582 [წელს].

სვიმონ მეფე დილომში ჩამოვიდა. იქ მიიწვია ოჯახებით ქართლის ყველა თავადი. დედოფალთან შეიკრიბა ყველა წარჩინებულის ცოლი. აიყარნენ დილმიდან და გავიდნენ ლილოს ტბასთან. იქ მალალ გორაკზე გადმოდგნენ. ყველა დიდებული ახლდა თან, ქართლის მცირეოდენი მხედრობა, [ასევე] თვით დედოფალი და თავადების ოჯახები. თბილისის ციხიდან ძროხების ნახირი გამოვიდა. სვიმონ მეფემ მისი [თანმხლები] პატარა რაზმი შეუსია. გამოირეკეს ნახირი, ხალხი კი გაიქცა. გამოვიდა თბილისის ციხიდან ბევრი ოსმალთა მხედარი. სვიმონ მეფე და ქართლის მხედრებიც დარაზმულეები იყვნენ. სწრაფად შეუტიეს მათ, როგორც ლომებმა და პირველივე შეტაკებისას უკუაქციეს ოსმალთა მხედრობა. მრავალი მათგანი ამონყვიტეს და უფრო მეტი შეიპყრეს. თვით დედოფალი და წარჩინებულთა სახლელნი უყურებდნენ [თავისი] თვალთ. გაქცეულ ოსმალებს დაედევნენ ქართლის მხედრები და ციხის კარამდე [მიჰყვნენ]. ხოცავდნენ და ატყვევებდნენ. ასე გამარჯვებულები გამობრუნდნენ. ნადავლით მოვიდა გახარებული სვიმონ მეფე დედოფალთან. ყველანი მხიარულობდნენ და ილხენდნენ.

ქორონიკონი 270 (1582 წ.): პატრონ მანუჩარს უღალატეს ურუმებმა. პატრონი გადარჩა. ორივე ფაშა მძიმედ დაიჭრა და გაიქცა. ქვეყანა ჩვენვე დაგვრჩა. მაშინ ყაენი განჯაში ჩამოვიდა, პატრონ მანუჩარს ჩალაბუთი გადმოსცა, პატრონ დედისიმედს კი ხუთი დიდი სოფელი.

ქორონიკონი 271 (1583 წ.): თვალმშვენიერი ორმოდან ამოიყვანეს და ყაენთან მიიყვანეს. ამავე ქორონიკონში, 24 მარტს, ბზობის კვირას, პატრონმა მანუჩარმა მეფეთ მეფის ბატონი სვიმონის ქალი, პატრონი ელენე მოიყვანა [ცოლად].

ქორონიკონი 272(1582 წ.): გარდაიცვალა კათოლიკოსი ნიკოლოზ ბარათაშვილი. ღმერთის ნებითა და ბრძანებით, 20 თებერვალს, შაბათ დღეს, კათოლიკოსი გახდა ლევან კახთა მეფის ძე.⁵⁶³ ამავე ქორონიკონში⁵⁶⁴ სარდალი ვარად ფაშა ჩამოვიდა ახალციხეში [ციხის] ასაშენებლად. ველარ გაჩერდა, ნავიდა და მიწა-წყალი ჩვენვე დაგვრჩა.

მცირე ხნის შემდეგ [სვიმონ მეფემ] ისევ შეიკრიბა თავისი მხედრობა და ლორეში წავიდა, რადგან ოსმალებს ეჭირათ იგი. როცა ჩავიდა, მაშინ [საომრად] გამოვიდა ფაშა დიდი ჯარით. დაირაზმნენ ერთმანეთის წინააღმდეგ და გაიმართა ძლიერი ბრძოლა. ღმერთმა ისევ სვიმონ მეფეს მისცა გამარჯვება. მრავალი ოსმალთა ამონყვიტა, რიცხვით ოთხას სამოცდაათი. [ეს მოხდა] ქრისტეს აქეთ 1586 [წელს], 272⁵⁶⁵

ქორონიკონში. ლორეში დაახლოებით ცხრა სიმაგრე და გამოქვაბული აიღო, რომლებიც ოსმალებს ეჭირათ და თვითონ დაეუფლა [ყველას, ლორეს მთავარი] ციხის გარდა. მხოლოდ იგი ეჭირათ ოსმალებს. მაშინ, 1 აპრილს მიადგა ლორეს ციხეს და ივნისის 10 [რიცხვში] აიღო.

ამავე ქორონიკონში ყაენმა სამცხე ამონყვიტა, ხოლო სვიმონ მეფემ დაიპყრო მთელი ლორე და გამარჯვებული წამოვიდა თავისთან. მცირე დროის შემდეგ [სვიმონმა] ისევ შეკრიბა [ლაშქარი] და ჩავიდა ტაბახმელაში. ეს რომ გაიგო ასან-ფაშამ, ფარულად გამოვიდა ციხიდან დიდი მხედრობით. შეიტყო ეს მეფემ, დაირაზმნენ ერთმანეთის წინააღმდეგ და გაჩაღდა ფიცხელი ბრძოლა. ღმერთმა ქართველებს მისცა გამარჯვება. მაშინ გალომებული სვიმონ მეფე ეკვეთა ერთ წარჩინებულ ოსმალო ბეგს, უკუაქცია. წავიდა ის კაცი და ცხენიანად გადავარდა ტაბახმელის ღრმა ხევში. ასე ამბობენ, რომ არ მომკვდარა ის კაცი. გაიქცნენ ოსმალები. ხუთასამდე ოსმალო განყდა მაშინ.

მიადგა [სვიმონი] თბილისის ციხეს. აიღო თბილისის გალავანი და უკანა ციხე. ამის შემდეგ აიღო თბილისის იქით [არსებული] დიდი ციხე, ქალაქი თბილისიც და მუსრი გაავლო ყველას, ვინც კი ციხეში იდგა. თვითონ დაეუფლა ყველაფერს. ეს რომ გაიგო ხონთქარმა, ძალზედ განიცადა. გამოგზავნა თავისი უფრო მრავალრიცხოვანი მხედრობა. ერთი წარჩინებულთაგანი დაუდგინა ამირსპასალარად. მოვიდა ლორეში, აიღო ლორეს ციხე და დაიპყრო ლორე. მოვიდა და ხატისოფლის ბოლოში დაბანაკდა. მაშინ შეკრიბა თავისი მხედრობა სვიმონ მეფემ, მივიდა და დაბანაკდა [მდინარე] ხრამს გაღმა. ხერხი იხმარა სვიმონ მეფემ, თვითონ გამოენყო ელჩივით და სვიმონ მეფის სახელით მივიდა ფაშასთან. ლიქნით უთხრა: „თქვენც გაგივიათ, რამდენი გასაჭირი, პატიმრობა და ტყვეობა მოანიეს ჩემს თავს ყიზილბაშებმა. აღარ შემიძლია ახლა ამდენი სისხლი და ბრძოლა ხონთქართან და მის მხედრობასთან. ჩემი ნებით კი არ გავაკეთე ეს საქმე, ყიზილბაშებმა მაიძულეს. ამიერიდან აღარ მინდა ყიზილბაშების მონობაშიც ყოფნა. ყიზილბაშების მორჩილებას ხონთქრის მორჩილება ვარჩიე. თუკი თქვენც გსურთ, შევრიგდეთ ახლა და გვეკონდეს მშვიდობა. აცნობეთ ხონთქარს ჩვენი დამონების შესახებ და ამის შემდეგ ვიქნებით მისი ბრძანების მორჩილები“. ფაშამ ეს რომ გაიგო, ძალზედ გაუხარდა და აცნობა სვიმონ მეფეს: „კარგად გადაგინყვიტია. ჩვენც დასაჯერებლად მიგვაჩნია შენი სიტყვა. ახლავე შევთანხმდეთ და იყოს მშვიდობა და ერთობა ჩვენ შორის“.

წამოვიდა სვიმონ მეფე თავის ჯართან. მაშინ დაზვერა ოსმალთა ბანაკი. ყველაფერი ნახა, მათი ძალები, მათი მეზღოლების სიმრავლე და იმავე ღამეს წავიდა მათ წინააღმდეგ. შემოუარა ხატისოფლის გორას და თავს დაესხა ოსმალებს. მრავალი ამონყვიტა მახვილით, სხვები, უფრო ბევრი, შეიპყრო და დიდი გამარჯვება მოიპოვა. მიმოიტაცეს მათი ბარგი, წამოიღეს ურიცხვი ნადავლი და გამარჯვებულები შემოვიდნენ თბილისში.

ცოტა დაისვენა. ისევ შეკრიბა ქართლის მხედრობა. მაშინ მისი სიძე, მანუჩარ ათაბაგიც მასთან იყო. წავიდა და მიადგა დმანისის ციხეს, რადგან იმხანად დმანისში და მის ციხეში მაგრად იდგნენ ოსმალები. აიღო ციხე, დაეუფლა დმანისის ხევსა და შემოგარენ ადგილებს, რომლებიც ოსმალებს ეჭირათ. მაშინ წავიდა მანუჩარ ათაბაგი და ისევ დაეუფლა საათაბაგოს. მეტად გაძლიერდა სვიმონ მეფე. იმხანად მოსვენებული იყო მეფე და მთელი ქართლი, რადგან ველარ შეძლეს ოსმალებმა ქართლზე თავდასხმა.

ქორონიკონი 275 (1587 წ.): დალაქმა მოკლა შაჰ-ხუდაბანდას შვილი ამზაი-მირზა. მანყვერელი [ეპისკოპოსი] გაგზავნეს კონსტანტინოპოლში. მძევლებად მისცეს საპატიო ხალხი – ედიშერ შალიკაშვილი, ელია შალიკაშვილი და ამილახორის ძე ქოიარი. მძევლები აიყვანეს და პატრონი მანუჩარი ველარ ენდო. ამავე ქორონიკონში ახალციხე და გორი ააშენეს ურუმებმა⁵⁶⁶. აგვისტოში, დასაბამითგან შვიდი ათას ოთხმოცდაათოთხმეტ წელს სვიმონ მეფე დასახმარებლად მოვიდა. აღარ შეებრძოლნენ, მესხების მიწა-წყალი დაარბიეს და წავიდნენ. ბევრი მოლალატეები ჰყავდა შეჩენილი პატრონი მანუჩარს. ველარ გაუჩერდა მათ. ცოლი ახალდაბაში წაიყვანა და წავიდა. პატრონი დედისიმედი, პატრონი ყვარყვარეს შვილი და პატრონი ქაიხოსრო საკანაფეს ციხეში ჩადგნენ. ელია დიასამიძემ დემოთიას ციხეში სალალატოდ ჩააყენა სავალინაშვილი. უღალატეს, ციხე წაართვეს, ხელთ იგდეს ბევრი ქონება და საგანძური. ბეჟან გოგორიშვილმა ციხისჯვარი დაიბრუნა და ფაშას გადასცა. მოლალატეები შემოგვიჩინეს, ველარც ჩვენ გავუძელით და ახალდაბაში ჩავედით.⁵⁶⁷

გაზაფხულზე, მარტის შუა რიცხვებში, ყაენ ხუდაბანდას შვილი აბასმირზა გამოვიდა და შემოვიდა არდაველში. ოზბეგები ხორასანში შეიჭრნენ. დაბრუნდა, ისევ იქით წავიდა და თვალმშვენიერი თან წაიყვანა. თავრიზში რომ ჩავიდნენ, ომი გაიმართა. სამჯერ იბრძო-

ლა თვალმშვენიერმა, სამჯერვე გაიმარჯვა – კიდეც დახოცა, კიდეც დაატყვევა [მტრები]. ყაენს მიჰგვარა. ყაენმა მამულიც დიდი მისცა და ჯილდოც. მერე პატრონი მანუჩარი აღარ ენდო, ველარაფერი იღონა. დაგვიწყეს მოლაპარაკება. პატრონი დედისიმედი და მისი შვილი, პატრონი ქაიხოსრო გამოგზავნეს ახალციხის ფაშასთან შობის წინა დღეს. ყიზილბაშებმა განდევნეს ყაენი შაჰ ხუდაბანდა და მის ნაცვლად [ტახტზე] დასვეს მისი ძე შაჰ-აბასი. გამოვიდა შაჰ-აბასი, აიღო თავრიზი და მთელი ადარბადაგანი ერევნისა და ბაღდადის გარდა.

შაჰ-აბასი მეტად სწყალობდა სვიმონ მეფეს. კიდეც უფრო გამდიდრდა და გაძლიერდა სვიმონ მეფე. აღარ იყო მტრობა, რადგან დაზავდნენ კახეთის მბრძანებელი ალექსანდრე და სვიმონ მეფე. იმხანად გარდაიცვალა იმერეთის მბრძანებელი გიორგი და ტახტზე ავიდა კონსტანტინე. მოკლე ხანში კონსტანტინეც გარდაიცვალა და ტახტზე ავიდა მისი ძმა ლევანი. ერთმანეთს ემტერებოდნენ მანუჩარ დადიანი და იმერეთის მბრძანებელი ლევანი. მანუჩარ დადიანს ცოლად ჰყავდა ნესტან-დარეჯანი, კახეთის ბატონის ასული. მანუჩარ დადიანს მისგან ერთი ძე ჰყავდა, რომელსაც ლევანი დაარქვეს. იმ დროს გარდაიცვალა ნესტან-დარეჯანი, დადიანის ცოლი და შეირთო ათაბაგის ასული თამარი.

როცა გაძლიერდა სვიმონ მეფე, გადაწყვიტა იმერეთის დაპყრობა. შეკრიბა ქართლის მხედრობა და წავიდა იმერეთის დასაპყრობად. ეს რომ გაიგო იმერეთის მბრძანებელმა ლევანმა, მანაც შეკრიბა იმერეთის მხედრობა, დადიანისა და გურიელის გარდა. წავიდა და გოფანთოში დაბანაკდა. სვიმონ მეფემ გადმოლახა ლიხის მთა და ჩამოვიდა გოფანთოში. დაირაზმნენ ერთმანეთის წინააღმდეგ. გაიმართა ძლიერი ბრძოლა და გაიმარჯვა სვიმონ მეფემ. გაიქცა იმერეთის მბრძანებელი ლევანი. მაშინ დაიპყრო იმერეთი სვიმონ მეფემ, დიდებულ თავადებს მძევლები გამოართვა და წავიდა ქართლში, რადგან იმხანად გორის ციხე ოსმალების ხელში იყო. ამიტომ ვერ დარჩა იმერეთში.

სვიმონ მეფე რომ წამოვიდა, მაშინ ისევ დაეუფლა ლევანი იმერეთს. შური იძია დადიანზე, რადგან არ დაეხმარა სვიმონ მეფის წინააღმდეგ [ბრძოლაში]. დაუნყეს ერთმანეთს მტრობა. შეკრიბა [ჯარი] აქეთ იმერეთის მბრძანებელმა ლევანმა, იქით – მამია დადიანმა. შეებრძოდნენ ერთმანეთს, გაიმარჯვა დადიანმა და შეიპყრო იმერეთის მბრძანებელი ლევანი. ოდიშში, ოფშკვითის ციხეში ჩააგდო. იქ გარდაიცვალა ლევანი ქრისტეს აქეთ 1592 [წელს], 278⁵⁶⁸ ქორონიკონში.

ეს რომ გაიგო სვიმონ მეფემ, შეკრიბა თავისი მხედრობა, გადა-
იარა ლიხის მთა და ჩავიდა ქუთაისში ქრისტეს აქეთ 1593 [ნელს], 279⁵⁶⁹
ქორონიკონში. მაშინ ლევანის ძმისწული ბაგრატი ქუთაისის ციხეში
იყო გამაგრებული. მიადგა სვიმონ მეფე ციხეს, აიღო, გამოიყვანა
ბაგრატი, ლევანის ძმისშვილი და იმერეთის სხვა მრავალი თავადიც.
გამოართვა მძევლები, მტკიცედ დაეუფლა იმერეთს და თან წამოიყ-
ვანა ბაგრატი. უძეოდ გარდაიცვალა იმერეთის მფლობელი ლევანი,
შთამომავლობა არ დარჩენია. აღარავინ იყო მათ ოჯახში როსტომ
კონსტანტინეს ძის გარდა.

როცა სვიმონ მეფე ქართლში წამოვიდა, როსტომმა დაიხმარა მა-
მია დადიანი. ქალი მიათხოვა დადიანმა. წამოიყვანა იგი, გაამეფა და
დაეუფლა როსტომი იმერეთს. მიადგნენ ქუთაისის ციხეს და ისიც აი-
ღეს. როგორც კი სვიმონ მეფემ გაიგო ეს ამბავი, შეკრიბა [ლაშქარი]
და წამოვიდა. ქრისტეს აქეთ ამავე ქორონიკონში⁵⁷⁰ გადმოიარა მთა
და ჩავიდა რაჭაში. აიღო კვარას ციხე, სკანდას ციხე და კაცხის ციხე.
მივიდა ქუთაისში, აიღო ციხე და ისევ დაეუფლა იმერეთს. ველარ შეე-
წინააღმდეგა როსტომი და ოდიშში წავიდა დადიანთან.

მაშინ გაილაშქრა სვიმონ მეფემ დადიანის წინააღმდეგ. ჩავიდა ოფ-
შკვითში და სანაქებოდ დაბანაკდა მრავალრიცხოვანი ძალებით. თან
წაიღო სახელგანთქმული დიდ-დიდი ზარბაზნები, რომლებიც ახლაც
არის ზუგდიდში. ერთი ყველაზე დიდი ზარბაზანი დღესაც არის რუხ-
ში. შუაკაცი გამოუგზავნა დადიანმა სვიმონ მეფეს, რომ პატივი ეცა
მისთვის, შერიგებოდა როსტომს, მის სიძეს და მიეცა სარჩო მამული:
„გახდეს შენი ყმა და შენი ბრძანების მორჩილი. მეც [ისე] დაგემორ-
ჩილები, როგორც შენი ერთი ერთგული თავადი, შენი ბრძანების მონა-
მორჩილი. და ასე ერთიანად დაიმკვიდრე საქართველო, როგორც უნინ
დავით აღმაშენებელმაო“.

გაკადნიერებულმა სვიმონ მეფემ არ გაიხსენა სოლომონის ნათქ-
ვამი: „რაჟამს ამაღლდე ღვთისაგან, მაშინ უფრო უნდა დაიმდაბლო
შენი თავი“. ⁵⁷¹ არ შეისმინა დადიანის განზრახვა, მათთვისაც მეტად
სასარგებლო და საერთოდ ყველასთვის უმჯობესი. სიამაყითა და კად-
ნიერებით აცნობა სვიმონ მეფემ: „არ გამოვა ეგ საქმე, თქვენთან საომ-
რად ვარ მოსული. თუ შეგიძლია ჩვენთან შებრძოლება, აჰა ჟამი თქვე-
ნი მხნეობისაო“. ეს რომ გაიგო მამია დადიანმა, შემოიკრიბა მთელი
ოდიში და იმერეთის ზოგიერთი თავადი, რომლებიც თან გაჰყვნენ

როსტომს [ოდიშში]. სწრაფად გამოემართნენ და გამთენიისას მოულოდნელად თავს დაესხა სვიმონ მეფეს. მაშინ ამხედრდა სვიმონ მეფე და მისი ლაშქარი. გაიმართა ძლიერი ბრძოლა. გაიმარჯვა დადიანის სიმართლემ და მიეცა გამარჯვება ქართლელებზე.

მეფეს ორი რჩეული ცხენი ჰყავდა: ერთს ფალავანი ერქვა, მეორეს – შურდანი. სვიმონ მეფე ბრძოლებში მრავალმხრივ გამოცდილი იყო. პირველსავე იერიშზე ატყობდა ჯარს: თუ გაიმარჯვებდა, ფალავანზე ამხედრდებოდა, ხოლო თუკი დამარცხდებოდა, მაშინ შურდანზე შეჯდებოდა და უკან გამობრუნდებოდა. საამ თურქისტანიშვილის მეტმა, ეს არავინ იცოდა. უყურებდა თურქისტანიშვილი მეფის საქციელს, რომელ ცხენს მოითხოვდა. ასეთი ჩვევა ჰქონდა. მაშინ მოითხოვა [მეფემ] შურდანი. ახალგაზრდა კაცი იყო თურქისტანიშვილი, ჭაბუკი. ეს რომ გაიგო, შეხედა მეფეს და მოახსენა: „მეფეო, რა არის მიზეზი შურდანზე რომ ჯდები? ნუ დაინახავენ ჩემი თვალები, რომ თქვენ, მრავალჯერ გამარჯვებული და სახელოვანი, გაიქცეთ. მე კი აქედან ცოცხალი თავით ისე არ წავალ, შუბი არ მოვიქნიო“. მაშინ მხნედ შეუტია, სწრაფად შეიჭრა რაზმებში, ჰოროლი ჰკრა, [ცხენიდან] ჩამოაგდო კაცი და დიდი სახელი მოიხვეჭა დამარცხებულ ომში. სვიმონ მეფემ რომ დაინახა ომის გაძნელება და მამია დადიანის გამარჯვება, უკან გამობრუნდა და მარტო წამოვიდა წინ. ამოიარა იმერეთი და კოლიბაურში⁵⁷² ჩავიდა.

როცა სვიმონ მეფე მამია დადიანთან საომრად წამოვიდა, მაშინ კოლიბაურში დაბანაკდა. ერთმა კოლიბაურელმა დედაკაცმა სვიმონ მეფეს თავისი შვილი მიჰგვარა. ძალიან შეეხვენა დედაკაცი, რომ თან ეახლებინა და წაეყვანა მისი შვილი. სვიმონ მეფემ არ მიიღო იგი და უბრძანა: „დედაო, ეს არ იცი, რომ ხალხით მთვრალი ვარო?“ ხოლო, როცა გამოქცეული მარტო წამოვიდა, ისევ იქ, კოლიბაურში ჩავიდა. მაშინ ის დედაკაცი გაკაფულ ჭალას თოხნიდა. დაინახა დედაკაცმა მარტო, ხალხის გარეშე მომავალი სვიმონ მეფე. მიეგება დედაკაცი და იცნო სვიმონ მეფემ. მიხვდა დედაკაცი სვიმონ მეფის დამარცხების ამბავს და მოახსენა: „ხელმწიფეო, ხალხით რომ მთვრალი იყავი, ვეჭვობ, ახლა კი გამოგფხიზლებიაო“. ეს რომ სვიმონ მეფემ მოისმინა, გაუკვირდა, ღმერთს მადლობა შესწირა და წამოვიდა.

წამოვიდა თურქისტანიშვილიც და ყველა ქართლელი. მრავალი დაეცა იქ, სხვები კი გამოქცეულები წამოვიდნენ. მრავალი საგანძური,

დიდი თოფები და ზარბაზნები დარჩა იქ, რომლებიც დღესაც არის ზუგდიდში. სვიმონ მეფემ კი გადაიარა ლიხის მთა, მარტომ, ხალხის გარეშე, ჩავლო ზემო ქართლი და კავთისხევში ჩავიდა. ძალიან დაიღალა და სიარული აღარ შეეძლო. ერთ იქაურ მდაბიო გლეხს მიადგა და ცოტა ხნით იქ ისურვა დასვენება. გამოვიდა სახლიდან ერთი ქალი. ვერ იცნო სვიმონ მეფე. მიიწვია და კარგად დააბინავა. ნადიმი გაუმზადა და მიართვა. ცოტა წაიხემსა. მერე მოახსენა ქალმა, ლაშქრისა და მეფის ამბავი ჰკითხა: „მეფე რა იქნა, ცოცხალი თუ არის, ომიდან მშვიდობით თუ გამოვიდაო“. მეფემ მიუგო: „მეფისა არაფერი ვიციო“. შემდეგ თავის ქმარზე ჰკითხა, მიანიშნა გარეგნობით მისი ქმარი. უპასუხა [სვიმონმა]: „არაფერი ვიცი მათი. არ ვიცი, რა შეემთხვა მეფის ლაშქარსო“. ქალმა ძალიან მოიწყინა, მეფეზე უფრო ტიროდა, ვიდრე თავისი ქმრისთვის, ამბობდა: „ოღონდაც ღმერთმა წყალობის თვალთ გადმოხედოს. სვიმონ მეფის ცოცხლად გადარჩენა გვაღირსოს და მთელი დანარჩენი მხედრობა მისი ჭირის სანაცვლო იყოსო“. მაშინ გულში ძალზედ გამხიარულდა მეფე ამ ქალის ერთგულების გამო და შინ წამოვიდა. შემდეგ მოვიდა ქალის ქმარი. მეფემ დიდი წყალობა მისცა ამ ქალის სიტყვების გამო. მიიღო ქონება[?],⁵⁷³ სახელო⁵⁷⁴ და სხვა მრავალი საბოძვარი. მას შემდეგ აზნაურობა მიიღო იმ კაცმა და დღესაც არიან [აზნაური] ქვლივიძეები.

ლორეს ციხეში მდგომმა [ოსმალებმა] გაიგეს სვიმონ მეფის დამარცხების ამბავი. გამოვიდნენ, აიკლეს ქართლის ზოგიერთი მხარე და ტაშირში დაბანაკდნენ. დიდად გახარებულები იყვნენ ოსმალები. სვიმონ მეფემ კი ისევ შეკრიბა ქართლის მცირეოდენი მხედრობა, რამდენიც იყო დარჩენილი და ფარულად წავიდა ლორეში ოსმალების წინააღმდეგ. დაირაზმნენ ერთმანეთის წინააღმდეგ და გაიმართა ძლიერი ბრძოლა. გაიმარჯვა მეფემ, აიღო ლორეს ციხე და მახვილით გაავლო მათ მუსრი. დაეუფლა ლორეს და გამარჯვებული წამოვიდა შინ.

ამის შემდეგ წამოვიდა ზემო ქართლში და მოადგა გორიჯვარს, რადგან იმხანად გორის ციხე ოსმალებს ეჭირათ. სვიმონ მეფე გორიჯვარის გორაზე წამოჯდა, ღვინოს სვამდა და თრიაქსაც ეწეოდა. ყიზილბაშებში შეიძინა ეს ჩვევა. ღვინითა და თრიაქით გამხიარულდა. გადახედა გორის ბოსტნებს და დაინახა ახალი მწვანელი. მაშინ უბრძანა მეფემ იქ მყოფებს: „აჰა, ჩემო რჩეულო ქართლის მხედრებო, ახალი მწვანელი მინდა მომართვათ, ეს თქვენი მხნეობის რა საკადრისიაო“.⁵⁷⁵

ეს რომ გაიგეს ქართლელებმა, მაშინვე აჩქარებით გავიდნენ გაღმა, გორის ბოსტნებში და დაგლიჯეს მწვანელი. მაშინ დაუშინეს ოსმალებმა თოფები და დიდი ზარბაზნები. ბევრი ხალხი დახოცეს, დიდებული და მდაბიო. მოკლეს გოჩა ბატონიშვილი, რომელიც სვიმონ მეფის პაპის ძმისშვილი იყო და სხვა მრავალი თავადი და აზნაურიშვილი ამონყვიტეს მწარე ხახვის გულისთვის.

მაშინ დაგმეს სვიმონ მეფე. სვიმონის დაუფიქრებლობას უწინაც აძაგებდნენ, ვიდრე ტყვეობაში ჩავარდებოდა. ყიზილბაშები და ოსმალები დელუ-სვიმონს ეძახდნენ, რაც შლეგს ნიშნავს. ძალზედ განიცადა მეფემ ეს ამბავი. მცირე დროის შემდეგ შეკრიბა ქართლის მხედრობა და ალყაში მოაქცია გორის ციხე. იერიში მიიტანა გორის ციხეზე და აიღო იგი. ამონყვიტა ციხეში მყოფი ყველა ოსმალო. ეს ამბავი ხონთქარმა რომ გაიგო, ძალიან განრისხდა, [რადგან] ამხელა მხედრობა ერთხელ კი არა, მრავალგზის ამოუნყვიტეს. გამოგზავნა თავისი ამირსპასალარი, ვეზირი ჯაფარ ფაშა და თან გამოატანა ურიცხვი მხედრობა.

წამოვიდნენ [ოსმალები] და ნახიდურში დაბანაკდნენ. სვიმონ მეფემ შეკრიბა თავისი მხედრობა, მივიდა და სალირაშენის თავს დადგა. [სვიმონმა] უკეთური საქმე გადაწყვიტა თავისთვის და თავის ჯარს არ აცნობა. თავისი თავის იმედად გააკეთა ეს საქმე და ღმერთისგან არ ითხოვა შეწევნა. ასე მოიქცა სვიმონ მეფე, მარტო, ათი ცხენოსნის თანხლებით, წავიდა და ერთი მესაყვირე მეებნე წაიყვანა თან. ოსმალთა ბანაკის დაზვერვა უნდოდა. ავიდა და გადმოდგა ნახიდურის წვერიდან, სადაც პატარა ეკლესიაა. იქიდან შეათვალიერა ოსმალთა ბანაკი. მაშინ უბრძანა მეფემ ქანარის დაცემა, რომ აერია მათი მხედრობა. ოსმალებმა საყვირის ხმა რომ გაიგეს, თქვეს, უსათუოდ სვიმონ მეფე მოვიდაო. მაშინვე აისხეს იარაღი, შესხდნენ ცხენებზე და გამოექანნენ აქეთკენ, სადაც მეფე იდგა. როგორც კი [ეს] დაინახა მეფემ, თავისი ლაშქრისკენ გამოიქცა. ისინი გამალებით დაედევნენ, დაეწივნენ და დაინახეს სვიმონ მეფე. მისი ცხენი ფარცხისის ბოლოს ტალახში ჩაეფლო და თვითონ [იქვე] იდგა. ამ დროს მივიდნენ ოსმალები და შუაში მოიქციეს. დაიწყო მარტომ ბრძოლა, რამდენიც შეეძლო, გამოაჩინა მხნეობა, მაგრამ მრავალი ოსმალო დაესხა თავს და შეიპყრეს იგი ქრისტეს აქეთ 1600 [წელს]. გაიგეს მეფე რომ იყო, ძალიან გაუხარდათ და სწრაფად გაიქცნენ. აიყარნენ და წავიდნენ ლორეში. შეიტყვეს ქართლელებმა ეს ამბავი. გიორგი, სვიმონ მეფის ძე, იქ იყო, ქართლის

[მხედრობაში]. უკან გამოუდგნენ ოსმალებს. გამალებით მისდიეს, მაგრამ ველარ დაენივნენ. აიღეს ოსმალებმა ლორეს ციხე, ჩააყენეს თავისი მცველები, წავიდნენ და თან წაიყვანეს სვიმონ მეფე, ჩაიყვანეს სტამბოლში.

ქართლს განაგებდა გიორგი, მისი ძე. კაცი გაგზავნა სტამბოლში, გამოსასყიდი შესთავაზა მამამისისთვის. მათ [უფრო] ბევრი გამოსასყიდი მოითხოვეს და შეჰპირდნენ სვიმონ მეფის გათავისუფლებას. ხონთქარმა სვიმონ მეფეს მოსთხოვა ქართლზე ხარკის დადება და მისი ბრძანებისადმი მორჩილება. სვიმონ მეფე არ დასთანხმდა, რადგან მას ქართლში ყაენის ბეგარა ჰქონდა დაწესებული: ასი მარჩილი⁵⁷⁶ გლეხის ერთ კომლზე. ამ თეთრით⁵⁷⁷ ყიდულობდნენ შვიდ ტყვეს⁵⁷⁸ და ყაენს უგზავნიდნენ. მაშინ გიორგიმ, სვიმონ მეფის ძემ, აიღო მამამისის მთელი საგანძური, ასევე თავისი, რაც გააჩნდა და კიდევ რაც მონასტრებისა იყო,⁵⁷⁹ ან ქართლელ წარჩინებულებს ჰქონდათ, ერთად შეაგროვეს და გაგზავნეს სვიმონ მეფის გამოსასყიდად. ვიდრე [გაგზავნილი] ძვირფასეულობა ჩავიდოდა, სვიმონ მეფე საპყრობილეში გარდაიცვალა და ამდენი საგანძური იქ დარჩა.

იქვე სტამბოლში ერთი გორელი ვაჭარი იყო, გვარად დიაკვნიშვილი. მან მოიპოვა სვიმონ მეფის ძვლები, წამოიღო და მოართვა გიორგისა და დედოფალ ნესტან-დარეჯანს. დიდად იგლოვეს და დაკრძალეს მცხეთაში, მის განსასვენებელში. ვინც მისი ძვლები ჩამოიტანა, ის დიაკვნიშვილი, მთელი მისი სახლეულით გაათავისუფლეს და შესწირეს პატიოსანი და ცხოველსმყოფელი ჯვრის მონასტერს⁵⁸⁰ სვიმონ მეფის [სულის] სალხინებლად და შესანევენელად. ახლაც არიან გორში დიაკვნიშვილები, ჯვრის მონასტრის ყმები.

გიორგი დაეუფლა ქართლს და რიგიანად მეფობდა. ამის შემდეგ შეკრიბა ქართლები, გაილაშქრა ლორეზე. აიღო ციხე და დაეპატრონა ლორეს გიორგი მეფე. ამავე დროს, ქრისტეს აქეთ 1614 [წელს], გარდაიცვალა იმერეთის მბრძანებელი როსტომი. როსტომს ვაჟი არ დარჩენია. მხევლისგან ჰყავდა ერთი, რომელსაც გიორგი ერქვა. ის დასვეს მეფედ იმერლებმა. ამავე ხანებში გარდაიცვალა მამია დადიანიც. დარჩა ერთი ძე, სახელად ლევანი. იგი კახეთის ბატონის ასულს, ნესტან-დარეჯანს შეეძინა. ლევანი პაპამისმა, კახეთის მბრძანებელმა ალექსანდრემ, წამოიყვანა და კახეთში გაზარდა. მამია დადიანის შემდეგ ლევანი, მისი ძე, წამოიყვანეს მეგრელებმა და დადიანის [ტახტზე] აიყვანეს.

იმხანად ყენი შაჰ-აბასი წამოვიდა ერევნის ასაღებად. ყენმა მათი მხედრობით მიიხმო მეფე გიორგი და კახეთის მბრძანებელი ალექსანდრე და წავიდნენ. როცა ჩავიდნენ, შაჰ-აბასს ძალიან მოეწონა ქართლისა და კახეთის ლაშქარი. მთელ მის მხედრობას უბრძანა, იერიში მიეტანათ ერევნის ციხეზე. ყიზილბაშებზე უფრო მეტი მხნეობა გამოიჩინეს ქართველებმა. მენინავებდად მივიდნენ და აიღეს ერევნის ციხე. დაიპყრო შაჰ-აბასმა ერევანი და ციხეში თავისი ლაშქარი ჩააყენა. მეფე გიორგის ლორე და მისი ციხე მოსთხოვა შაჰ-აბასმა. მეტად გაუძნელდა [გიორგის], რადგან არ შეეძლო შაჰ-აბასისთვის უარის თქმა და დაუთმო ლორე. დაეუფლა შაჰ-აბასი ლორეს ციხეს, ჩააყენა შიგ თავისი ლაშქარი და შინ გაბრუნდა. ყენი შაჰ-აბასი მზაკვარი და ყოველგვარი სიბოროტით აღსავსე კაცი იყო. თავიდანვე ასეთი „წყალობა“ მიუზღო მეფე გიორგის, მამამისის ერთგულების სანაცვლოდ. მაშინ წამოვიდნენ გიორგი მეფე და კახეთის ბატონი ალექსანდრე თავის საბრძანებელში.

ცოტა ხნის შემდეგ წამოვიდნენ კახეთის ბატონ ალექსანდრეს ვაჟები, დავითი და გიორგი და ესტუმრნენ მეფე გიორგის, მათ მამიდაშვილს. წინ მიეგება ავლაბარში გიორგი მეფე და გაიხარეს ერთმანეთის ნახვით. წამოუძღვა, დააბინავა და კარგად გაუმასპინძლდა. დიდი სერი გაუშალა, იყო დიდი ლხინი და სანახაობა. ასე გაატარეს რამოდენიმე დღე. მერე ისევ შინ მიიწვია ისინი. წავიდა დავითი და რამოდენიმე კახელი იახლა თან. გიორგიმ კი ბევრი ღვინის სმისაგან ავადმყოფობა მოიმიზეზა და არ წავიდა. ისინი ლხინს დაუბრუნდნენ, ხოლო გიორგიმ, დავითის უმცროსმა ძმამ, ბოროტება განიზრახა თავისი ძმისთვის, ღალატით აპირებდა მის მოკვლას. ეს უკეთური გადაწყვეტილება გაუმხილა თავის ერთგულ ყმებს.

გიორგი იყო უხვი და ყმების მოყვარული კაცი. კახელების უმრავლესობა მის მხარეს იდგა და დიდი ერთგულება ჰქონდათ. მისი უფროსი ძმა, დავითი, ამაყი და მრისხანე კაცი იყო. ამიტომ კახელები გიორგისთვის მეტად ერთგულები იყვნენ. მაშინ შემოიფიცა გიორგიმ თავისი ერთგული ყმები და გადაწყვიტეს იმ ღამით ღალატით მოეკლათ დავითი, რადგან იმედი ჰქონდათ, ღვინით მთვრალ დავითს უღალატებდნენ. [გიორგიმ] დრო იხელთა სულის წარმწყმედელი, ძმის მკვლელობრივი გულის სიტყვების აღსასრულებლად.

მათ შორის იყო ერთი ღვთისმოყვარე კაცი, ჩოლოყაშვილი. მან არ დაფარა ეს საქმე, წავიდა და აცნობა დავითს მის წინააღმდეგ მომზადებული შეთქმულების შესახებ. დავითი მაშინვე წამოდგა სუფრიდან, წა-

მოვიდა, რადგან ვერ გაიგო ეს ამბავი გიორგი მეფემ. შევიდა დავითი თავისი ძმის, გიორგის, კარავში. დაინახა იარაღასხმული იდგა მისი ძმა კარავში. უთხრა დავითმა: „ძმაო, ვის წინააღმდეგ აგისხია საჭურველი, ვისთან მიდიხარ საბრძოლოდ?“ მან ვერაფერი უპასუხა. შეიპყრო იგი და მასთან ერთად შეთქმული კახელებიც. წაიყვანა ისინი და თორღას ციხეში ჩაყარა. მისი თორმეტი ყმა ჭოეთის ციხიდან გადმოყარა და დახოცა. თვითონ დაეუფლა კახეთს. ურჩობა გაუწია და წინ აღუდგა ალექსანდრეს, მამამისს. ძალით წაართვა კახეთი, თვითონ დაეპატრონა და ექვსი თვე მბრძანებლობდა. შემდგომ, მისი ურჩობის გამო, სწრაფად დაატყდა თავს ღვთის გულისწყრომა და გარდაიცვალა. შემდეგ ისევ ალექსანდრე დაეუფლა კახეთს. გამოიყვანა ციხიდან მისი შვილი, პატიმარი გიორგი, რადგან სხვა ძე, მის გარდა აღარ ჰყავდა.⁵⁸¹

დავითს ცოლად ჰყავდა აშოთან მუხრანბატონის⁵⁸² ასული. ეს იყო ღვანლმრავალი და სამეზის სანატრელი დედათა შორის, დიდებული დედოფალი და ყოვლადქებული მონამე ქეთევანი. მას დავითისგან დარჩა ერთი მცირეწლოვანი ვაჟი, თეიმურაზი. ძალზედ შეშინებული იყო ქეთევანი, ზრუნავდა თავის დედისერთა ვაჟზე, რომ გიორგის მტრობა არ გაეხსენებინა, იმის გამო, რაც დავითმა მრისხანებით გაუკეთა. ამიტომ ქეთევანმა გონივრული გადანყვეტილება მიიღო და გაგზავნა თავისი ძე თეიმურაზი ყაენ შაჰ-აბასთან. [თეიმურაზს] თან გაჰყვა შერმაზან ჩოლოყაშვილი.⁵⁸³ რომ ჩავიდნენ, შაჰ-აბასმა დიდი პატივი სცა, როგორც თავისი ძე, ისე შეითვისა, რადგან მაშინ ძალიან მოწადინებული იყო შაჰ-აბასი და ცდილობდა საქართველოს დაპყრობას.

უფრო ადრე ალექსანდრემ, კახეთის მბრძანებელმა, მისცა ყაენ შაჰ-აბასს კონსტანტინე, თავისი ძე. [ყაენმა კონსტანტინე] თავის რჯულზე გაზარდა. კონსტანტინე გამოგზავნა შაჰ-აბასმა და გამოატანა შირვანისა და ყარაბაღის ლაშქარი. კონსტანტინეს ხელით გამოუგზავნა ხალატი მამამისს, ალექსანდრეს. შაჰ-აბასმა თავისი მზაკვრობით აღჭურვა კონსტანტინე, უთხრა: „მამაშენის სახლში შენს მეტი აღარავინ არის დარჩენილი. ნადი, უღალატე მამაშენსა და შენს ძმას, შენ დაეუფლე კახეთს, მეც შენი დამხმარე ვიქნები და ჩემგან ურიცხვ პატივსა და ნყალობას მიიღებო“. ასე შეაცდინა ბოროტმა და გამოგზავნა მამისა და მისი ძმის მოსაკლავად. იმ უბადრუკმა კი მიიღო ეს ბოროტი განზრახვა. ჰოი, რა დიდი უგუნურებაა! სად გაგონილა, რომ სულელისა და შლეგის გარდა, [ვინმეს] შეეწყნარებინა მტრის შეგონება.

მაშინ გამოემართა კონსტანტინე. კახეთის საზღვრებს რომ მოუახლოვდა, კაცი გამოუგზავნა და აცნობა მამამისს ალექსანდრეს: „შაჰ-აბასის თანხმობით წამოვედი, რადგან ძალიან მინდა შენი ნახვაო“. ძალზედ გაუხარდა ალექსანდრეს, წავიდა, თან წაიყვანა გიორგი, თავისი ძე და წინ მიეგებნენ. ერთმანეთი რომ დაინახეს, დიდი სიხარულით გაიხარეს და ცოტა შეისვენეს.⁵⁸⁴ მაშინ გადასცა კონსტანტინემ ის ხალათი, რომელიც შაჰ-აბასმა გამოგზავნა ალექსანდრესთვის. იყვნენ იქ შვებოთა და სიხარულით. კონსტანტინეს კი ბოროტი გულისთქმა აშფოთებდა, თავისი მამისა და ძმის მკვლელი გახდა. ერთ დღეს უთხრა შირვანელ მხედრებს, გადანყვიტა თავისი სულის წარწყმედა, მამისა და თავისი ძმის მკვლელობა. მაშინ იხმო ალექსანდრე და გიორგი [...].

გადამწერთა ანდერძი ბ:⁵⁸⁵ ღვთის წყალობით დასრულდა ქალაქ თბილისში სვეტიცხოვლის დედნიდან ქართლის ცხოვრების ამ [წიგნის გადანერა] ჩემი, უღირსი მღვდლის, ჯვრის საყდრის დეკანოზ იოანეს ხელით. აქამდე დაენერათ და ამაზე უფრო სრული [ნუსხა] ქართლის ცხოვრებისა არსად იყო. მნახველებისგან შენდობით მოხსენიებას ვითხოვ, რადგან ძალიან დავიქანცე და ვეცადე უშეცდომოდ [გადამწერთა], რასაც თქვენც ნახავთ. [დასრულდა გადანერა] აპრილის თვის 24 [რიცხვში], ქრისტეს აქეთ 1761 [წელს], ქართული ქორონიკონით 449 (1761 წ.).

ბჰ:⁵⁸⁶ ქ. სამი დედანი ვნახე. ამაზე მეტი არ ეწერა. სიტყვებიცა და წინადადეგებიც ასე იყო დაწერილი. სხვა თუ არის სადმე [უფრო] ვრცელი [ნუსხა], ან თვითონ ამის მჭევრმეტყველებასა და სიტყვას დაინუნებთ, თქვენ იცით და იმ [ნუსხამ]. მე, გადამწერი, წამკითხველისგან შენდობილი ვიყო, ცოდვილი ზაქარია, უღირსი მღვდელი, დეკანოზის ძე. აგვისტო, ქრისტეს აქეთ 1761⁵⁸⁷ [წელი].

1. ძეგლი უსათაუროა. „ახალი ქართლის ცხოვრება“ მას მ. ჯანაშვილმა უწოდა. კ. გრიგოლიამ დაასაბუთა, რომ ახალი ქართლის ცხოვრება ამ თხზულებას კი არ ერქვა, არამედ ქართლის ცხოვრების კრებულს, რომელსაც გამოვლილი ჰქონდა ვახტანგ VI-ის სწავლულ კაცთა რედაქცია. სახელწოდება ძველი და ახალი გულისხმობს კრებულის რედაქციულად განსხვავებულ ნუსხებს და არა სხვადასხვა ნაწილს. იგივე მოსაზრება გამოთქვა შ. მესხიამაც. შ. ხანთაძე: „ამდენად, ეს თხზულება ქართლის ცხოვრების გაგრძელებად უნდა იწოდებოდეს, როგორც ეს მართებულად აქვს ნახმარი ივ. ჯავახიშვილს თავის „ძველ ქართულ საისტორიო მწერლობაში“ (შ. ხანთაძე, ქართული ისტორიოგრაფია XVIII ს-ში, ძირითადი წარმომადგენლები, თბ. 1985 წ., გვ. 34).
2. პირველი ტექსტი არის ბერი ეგნატაშვილის ხელმძღვანელობით შედგენილი გაგრძელება ქართლის ცხოვრებისა. ქრონოლოგიურად იგი მოიცავს პერიოდს ბაგრატ V-დან (გამეფდა 1360 წელს) ვიდრე ვახტანგ V შაჰნავაზამდე (1658-1675) (იხ. ქართლის ცხოვრება, 2, თბ., 1959 წ., გვ. 024), მოცემულ თხზულებას ივ. ჯავახიშვილი უწოდებს ქართლის ცხოვრების IV გაგრძელებას. აღნიშნავს, რომ იგი ვახტანგ VI-ის კომისიას ეკუთვნის (ივ. ჯავახიშვილი, ისტორიის მიზანი, წყაროები და მეთოდები წინათ და ახლად, წიგნი I, ძველი ქართული საისტორიო მწერლობა, V-XVIII სს., თხზულებანი, ტ. 8, თბ. 1977 წ., გვ. 316).
3. გიორგი V ბრწყინვალემ იმეფა 1446 წლამდე.
4. ძვ. ტექსტშია: „ცხოვრებანი ქართველთანი“.
5. აქ სწავლულ კაცთა კომისია შეცდომას უშვებს. სინამდვილეში ბაგრატ V დიდი (1359-1393) არ ყოფილა გიორგი V ბრწყინვალის შვილი. ძეგლში არსებული მსგავსი შეცდომების შეს. იხ. კ. გრიგოლია, ნარკვევები საქართველოს ისტორიის წყაროთმცოდნეობიდან, I, ახალი ქართლის ცხოვრება, თბ. 1954 წ., გვ. 277.
6. გიორგი VII (1393-1407). აქ და ქვემოთ ყველგან თარიღებს ვუთითებთ პირთა ანოტირებული ლექსიკონის” და „საქართველოს ისტორიის ნარკვევების” მიხედვით.
7. ივ. ჯავახიშვილი აღნიშნავს, რომ სწავლულ კაცებს ხელთა ჰქონიათ „ცხოვრება ბაგრატ მეფისა და კონსტანტინესი“, არა ჩანს ერთ ნაწარმოებად, თუ ორად. ქართლის ცხოვრების ხელნაწერი, სადაც ეს თხზულება ცალკე იქნება შეტანილი, ჯერჯერობით აღმოჩენილი არ არის (ივ. ჯავახიშვილი, თხზულებანი, 8, გვ. 320).
8. ძვ. ტექსტშია: „ესე ჰამბავნი მის ზემოთნი“.
9. გუჯარი = „დიდი სიგელი ეკლესიათ შეწირულობისა“ (ნ. ჩუბინაშვილი, ქართული ლექსიკონი რუსულის თარგმანითურთ. ელ. ვერსია. შემდგომში: ჩუბინ.); „წიგნი, დაწერილი“ (ი. აბულაძე, ძვ. ქართ. ენის ლექსიკონი, მასალები, თბ., 1973 წ. გვ. 103. შემდგომში: აბულაძე).
10. როგორც ივ. ჯავახიშვილმა დაადგინა, საქართველოში თემურ-ლენგის შემოსევების შესახებ ცნობები ამოღებული უნდა ყოფილიყო შერეფ ადღინ ალი იეზიდის ცნობილი ნაშრომიდან „თემურის ვრცელი ისტორია“. აქ იგი მოიხ-

- სენიება, როგორც „სპარსთა ცხოვრება“. (კ. გრიგოლია, დასახ. ნაშრ., გვ. 269). ივ. ჯავახიშვილი აღნიშნავდა ასევე, რომ „«სომეხთა ცხოვრება», რომელიც «სწავლულ კაცებს» ხელთა ჰქონიათ, გამორკვეული არ არის“ (ივ. ჯავახიშვილი, თხზულებანი, 8, გვ. 320).
11. როგორც ჩანს, საუბარია ალექსანდრე I დიდზე (1411-1442), მაგრამ მეფე კონსტანტინე II (1478-1505), რომელიც აქ მის ძედ მოიხსენიება, სინამდვილეში მისი შვილიშვილი იყო.
 12. როსტომი, იგივე ხოსრო-მირზა (1633-1658).
 13. როგორც გამოკვლევებმა ცხადყო, სწავლულ კაცთა კომისიას ხელთ ჰქონია გელათური ქორონიკონი, მაჩაბლიანთ საგვარეულო მათიანე (ქართლის ცხოვრება, 2, გვ. 037). მომდევნო ტექსტებში გამოყენებულია ასევე ძველი ერისთავთა და მესხური დავითნის ქრონიკა (იქვე, გვ. 037-038).
 14. ბაგრატ V (1360-1393).
 15. რატომღაც ძველ ქართულ წყაროებში საქართველოს ეკლესიის მწყემსმთავრები ძირითადად მხოლოდ კათოლიკოსებად მოიხსენიებიან. და ეს ასეა მას შემდეგაც, რაც საქართველოს ეკლესიას უკვე კათოლიკოს-პატრიარქები ედგნენ სათავეში. ქართულ წყაროებში არსებულ ამ ტერმინოლოგიურ ლაფსუსს, ალბათ, სათანადო შესწავლა სჭირდება. აქაც ძირითადად კათოლიკოსად იხსენიება საქართველოს ეკლესიის მწყემსმთავარი.
 16. კათოლიკოს-პატრიარქი ელიოზ გობირახისძე (XIV ს-ის 90-იანი წლების ბოლოდან-1419 წლამდე). იხ. საქართველოს კათოლიკოს-პატრიარქები, რ. მეტრეველის გამოცემა, თბ., 2000 წ. გვ. 67-68.
 17. თურქეთი აქ გულისხმობს მდ. სირ-დარიასა და ამუ-დარიას შორის მდებარე ტერიტორიას, ანუ თანამედროვე უზბეკეთსა და ტაჯიკეთს. აქედან იყო თემურ-ლენგი (იხ. საქართველოს ისტორიის ნარკვევები, 3, თბ., 1979).
 18. „ლენგი“ ტაჯიკური სიტყვაა (იქვე).
 19. ძველ ტექსტში ყველგან არის „ლანგი“, „ლანგ-თემური“.
 20. „გვარი“ აქ ფართო გაგებით იხმარება, გვარტომობას აღნიშნავს. თემური (1336-1405) ბარლასთა გათურქებული მონღოლური ტომის წარმომადგენელი იყო (ნარკვევები, 3, გვ. 670).
 21. „ულუსი“ თურქული სიტყვაა და „ბანაკს ჰრქვიან“ (სულხან-საბა, ლექსიკონი ქართული, II, თბ. 1993 წ., გვ. 160. შემდგომში: საბა).
 22. შეიძლება ასეც ვთარგმნოთ: „დასაციანი რატომ გაიხადე თავი“.
 23. ძვ. ტექსტშია: „ელიარი“ შეცდომით წერია. „ბელიარი“ უნდა იყოს. მეორე ტექსტშიც „ბელიარია“. ბელიარი ებრაული სიტყვაა, ნიშნავს ეშმაკს, ავს, მავნეს (ჩუბინ.). გიორგი ათონელი წერს: „მბრძოლი იგი წმიდათა და მოშურნე კაცთა ცხოვრებისა ბელიარ“ (აბულაძე).
 24. ძვ. ტექსტშია: „ელოვანება“ ანუ ხრიკები.
 25. თემურს ჰქონდა ქაშქადარის დუმენის უფროსობა. მონღოლური დუმენების სისტემა გულისხმობდა დუმენებად (ათი ათასეულებად) და ყოშუნებად (ათასეულებად) დაყოფას (ნარკვევები, 3, გვ. 371).

26. როგორც ჩანს, აქ საუბარია ხორეზმისა და ხორასანზე. შუა აზიის გაერთიანებისთვის წარმოებულ ომებში თემურმა რამდენიმე ლაშქრობა მოახდინა ხორეზმის წინააღმდეგ XIV ს. 80-იან წლებში კი უკვე მთელი ხორასანიც დაიპყრო (ნარკვევები, 3, გვ. 672).
27. სუნიზმი არის ისლამის მიმდინარეობა.
28. ქალაქი კარი, იგივე ყარსი, თანამედროვე თურქეთის ჩრდილო-აღმოსავლეთში მდებარეობს.
29. საუბარია ათაბაგ ალბულა I-ზე (1374-1391).
30. ძველ ტექსტებშია: „ჩიტუგ“ = 1393 წ. სინამდვილეში თემურის პირველი შემოსევა საქართველოში მოხდა 1386 წლის გვიან შემოდგომაზე და არა 1393 წლის გაზაფხულზე, როგორც აქ წერია.
31. აბოცი სასაზღვრო მხარე იყო ქართლის სამხრეთში.
32. მაშინ, როცა ეს თხზულება დაინერა, საბარათიანოს საზღვრებში შედიოდა სოფლები: არმაზი, მუხათგვერდი, კარსანი, თელოვანი, მაჩხაანი, დილომი, ველკეთილი, ყორანთა, დისველი, კრწანისი (იხ. სვეტიცხოვლისა და კათალიკოზის ყმების ნუსხა შედგენილი 1720 წლის ახლო ხანებში, ნ. ბერძენიშვილი, საქ. ისტ. საკითხები, თბ., 1990 წ., გვ. 327-328).
33. ძვ. ტექსტშია: „უბრძანა სპასპეტთა, სპასალართა და მებრძოლთა“. ისეთი შთაბეჭდილება რჩება, თითქოს სპასპეტი უფრო მაღალ სამხედრო წოდებას გულისხმობდეს, ვიდრე სპასალარი. თუმცა საბასთან, ჩუბინაშვილთან და აბულაძესთან სპასალარი და სპასპეტი განმარტებულია, როგორც ერთმანეთის სინონიმები. სარჯველაძესთან განმარტებული არ არის. „სპასალარი სპარსული სიტყვაა, ქართულად სპასპეტი ჰქვია“ (საბა).
34. მართალია, აქ „სრულიად ქართველნი“ წერია, მაგრამ სინამდვილეში ბაგრატი მეფესთან მთელი საქართველოს მხედრობა არ იყო შეკრებილი. როგორც მეორე ტექსტიდან ვგებულობთ, „რომელნიმე დიდებულნი თავადნი ქართლისანი არა იყვნენ ციხესა მას შინა მეფისა ბაგრატის თანა, არამედ წარსულ იყვნეს თვს-თვ(ს)ად სახიზარსა და სიმაგრესა შინა, და რომელნიმე თანა ჰყვეს რჩეულნი ჭაბუკნი, რომელნი სამარადისოდ თანა ჰზებოდეს მეფესა“.
35. „ჩელტი“ არის „ლასტი“ (საბა), ჩელტი არის „ლასტივით“ (ჩუბინ.). „ფარები და ჩელთები“ (ეზეკია 23,14) (აბულაძე), სარჯველაძესთან განმარტებული არაა. როგორც ჩანს „ჩელტი“ არის იგივე „ჩელთი“, ანუ ნახევრადწრიული ფორმების ფარი (იხ. ეზეკიელის წიგნის ძვ. ქართ. ვერსიები, თ. ცქიტიშვილის გამოცემა, თბ., 1976 წ., გვ. 271).
36. ეს მოხდა 1386 წლის გვიან შემოდგომაზე.
37. აქ არაფერია ნათქვამი იმის შესახებ, რომ თემურ-ლენგმა საქართველოს დედოფალი ანაც დაატყვევა. აურაცხელ სიმდიდრესთან ერთად მტერმა ხელში ჩაიგდო ასევე საყოველთაოდ ცნობილი ქართველი მეფეების ბიბლიოთეკა (მიქელ პანარეტოსი, ტრაპიზონის ქრონიკა, აღ. გამყრელიძის გამოცემა, მასალები საქ. და კავკასიის ისტორიისათვის, 33, თბ., 1960 წ., გვ. 45).
38. ყარაიის ველები მტკვრის მარცხენა მხარეს, თბილისის სამხრეთით მდებარეობს.

39. ქ. ბარდა, იგივე ბარდავი.
40. შიდა ქართლი იგივე ზენა სოფელია. ლეონტი წერს, რომ მცხეთოსსა და მის შთამომავლობას ეპყრა „ქუეყანა არაგვთაგან და ტფილისითგან ვიდრე ტასისკარამდე და ფანავრადმდე... უფლის-ციხე, ურბნისი, კასპი, არაგვთაგან და არმაზითგან, ვიდრე ტასისკარამდე უწოდა ამას ქუეყანასა ზენას-სოფლისა, რომელსა აწ ჰრქვან შიდა-ქართლი“ (იხ. ლეონტი მროველი, ცხოვრება ქართველთა მეფეთა, ქართლის ცხოვრება, 1, თბ., 1955 წ., გვ. 10).
41. ქრისტეს აქეთ ჩტჳგ (1393) წელი იყო XIV მოქცევის პა (81-ე) ქორონიკონი (1393-1312=81). დათარიღება სათუთა. ქვათახევის დარბევის შესახებ სხვადასხვა თარიღი ივარაუდება. ესენია 1386, 1389 ან 1400 წელი.
42. ჯერ წერია შიდა ქართლი, ახლა კი „ყოველივე საქართველო“.
43. საუბარია სვეტიცხოველზე.
44. სოფ. რუისი მდებარეობს გორის დასავლეთით.
45. როგორც ჩანს, საუბარია ქ. ბარდავზე, სადაც გაჩერდა თემურ-ლენგი და საიდანაც გამოგზავნა სარდალი, საქართველოს ხელახლა დასარბევად.
46. შაქი და შირვანი ჩრდილოეთ აზერბაიჯანის სახელმწიფოები იყო.
47. იგულისხმება მთებში მცხოვრები ხალხები.
48. გილანი და მაზანდარანი ირანის ისტორიული მხარეებია.
49. მთიულეთი საქართველოს ისტორიული მხარეა. მდებარეობს თეთრი არაგვის ხეობაში.
50. დვალეთი – საქართველოს ისტორიული მხარე. დარიალის ხეობისა და მამისონის უღელტეხილს შორის მდებარეობს.
51. ეგნატაშვილების შესახებ ჩართული ცნობა კიდევ ერთი მოწმობაა იმისა, რომ თხზულების შედგენაში მნიშვნელოვანი წვლილი მიუძღვის ბერ ეგნატაშვილს. ამ ცნობის თანახმად, თემურ-ლენგის გამუსლიმებულ ქართველ ტყვეთა შორის იყვნენ აზნაური ეგნატაშვილებიც.
52. იქვე, ანუ შაქში.
53. ქალაქი ბარდა, იგივე ბარდავი, მდებარეობს აზერბაიჯანში, ყარაბაღის ვაკეზე. ლეონტი მროველის თანახმად იგი დააარსა ბადროსმა, თარგამოსის ძემ („ბარდოს ალაშენა ქალაქი ბარდავი“).
54. საუბარია შარვანის მბრძანებელ შეის იბრაჰიმ დერბენდზე (1382-1417) (იხ. ნარკვევები, 3, გვ. 680).
55. ქვეყნები აქ აღნიშნავს გარკვეულ ადმინისტრაციულ-ტერიტორიულ ერთეულებს.
56. ბერი ეგნატაშვილის მიხედვით, ელიოზ კათოლიკოსი და ბაგრატ მეფე თითქმის ერთდროულად გარდაიცვალნენ (1393 წ.). ეს შეცდომაა. ელიოზი მოქმედ კათოლიკოსად მოიხსენიება 1415 და 1419 წლების საბუთებშიც (კრ. საქართველოს კათოლიკოს-პატრიარქები, გვ. 67). ელიოზის შემდეგ გიორგი კი არა მიქაელ VI (1419-1426) აღსაყდრდა. როგორც ჩანს, აქ საუბარია კათოლიკოს-პატრიარქ გიორგი V-ზე, რომელიც სინამდვილეში უწმიდესი ელიოზის წინამორბედი იყო და მწყემსმთავრობდა საქართველოს XIV ს-ის 80-90-იან წლებში.

57. გიორგი VII მეფობდა 1393-1407 წლებში. ქვემოთ მეფეების რიგი არეულია. გიორგი VII მეორედაც მოიხსენიება ვინმე ალექსანდრეს შემდეგ (იხ. „გიორგი 72“).
58. ანუ ლიხის ქედს იქით და აქეთ, დასავლეთსა და აღმოსავლეთ საქართველოს.
59. ანუ ნარიყალა. წყაროებში თავიდან იგი იხსენიება კალას ციხის სახელით. მოგვიანებით შურის ციხეც ერქვა.
60. საუბარია დედაქალაქის გარშემო არსებულ ციხე-სიმაგრეებზე, რომლებიც ერთიან თავდაცვით სისტემას ქმნიდნენ.
61. საუბარია ჯანიბეგ ზედგინიძეზე. ჯანიბეგის სამფლობელო საამილახვროს შემადგენლობაში შედიოდა. მან თავიდან სასტიკი წინააღმდეგობა გაუწია მტერს, მაგრამ ბოლოს, როცა აღარ შეეძლო, დანებდა (ნარკვევები, 3, გვ. 696).
62. ხოჯას ორი მნიშვნელობა აქვს: „საჭურისი“ და „დიდვაჭარი“ (საბა).
63. უფლისწული თაჰერი იყო აჰმედ ჯალაირიანის ძე. მამამისი თემურ ლენგთან რომ დამარცხდა ბრძოლაში, შეუთვალა: „მართალია, ომში მკვლავმა მიმტყუნა, სამაგიეროდ გაქცევაში კოჭლობა არ მიშლის ხელსო“ და გაქცევით უშველა თავს (ნარკვევები, 3, გვ. 696). უფლისწული თაჰერი მეორე ტექსტში მოხსენიებულია, როგორც თირ სულთანი.
64. ალყაში მოქვეული ალინჯას ციხიდან ბატონიშვილ თაჰერის გამოსაყვანად გიორგი VII-მ ლაშქარი გაგზავნა ნახჭევანში აზნაურ სარგისის მეთაურობით. სწორედ მან ჩამოიყვანა თაჰერი გიორგი მეფესთან (ნარკვევები, 3, გვ. 690).
65. ხარაჯა არის მიწის სათათრო გამოსაღებთა ზოგადი სახელი. ხარაჯა მიწის შემოსავლიდან აიღებოდა ნატურით (ზოგჯერ ფულით). ზოგიერთ შემთხვევაში წლიური შემოსავლის დაახლოებით 60 პროცენტს უდრიდა. სომხური წყაროები მას ხარაჯჯანს უწოდებენ.
66. მართლაც, გიორგი VII საერთოდ არ ხლებია თემურ-ლენგს.
67. ივანე ჯავახილი სამცხის ათაბაგი იყო 1391-1444 წლებში.
68. XVI საუკუნემდე ასე ეწოდებოდა საქართველოს სამხრეთ დასავლეთ ნაწილს. ზემო ქართლში შედიოდა შემდეგი ერთეულები: სამცხე, ჯავახეთი, ერუშეთი, არტანი და კოლა – მტკვრის ზემო წელზე, ხოლო კლარჯეთი, შავშეთი, ტაო, სპერი – ქოროხის ზემო წელზე. XVI საუკუნიდან კი ზემო ქართლი ეწოდებოდა ძე. შიდა ქართლის ტერიტორიას, უფრო მის ჩრდილოეთ-დასავლეთ ნაწილს. ამ შემთხვევაში, როგორც ჩანს, ზემო ქართლი პირვანდელი გაგებით უნდა იყოს ნახმარი.
69. მანგლისი მდებარეობს თრიალეთის ქედის სამხრეთ კალთაზე.
70. ძველქართულში შეცდომითაა „უჯობდეს“, ამკარაა „უჯდებოდეს“ უნდა იყოს.
71. „ფრანგი“ კათოლიკური სარწმუნოების მიმდევარს ნიშნავს.
72. არაგვის ხეობა მდებარეობს ქართლის ჩრდილო-აღმოსავლეთ ნაწილში.
73. სიასის ქვეყანა, ალბათ, სივასს აღნიშნავს. სივასი თანამედროვე თურქეთის ერთ-ერთი ოლქია.
74. ძველ ტექსტს აქა-იქ ამკარად ეტყობა, რომ სპარსული წყაროა გამოყენებული. სპარსულიდან თარგმნისას ზმნისწინები ზოგან უცვლელად გადმოუტანიათ. ამიტომ არის, რომ წერია „წამოვიდნენ თემურ-ლენგთან“, მაშინ, როცა ქართულ წყაროში უნდა ეწეროს „წავიდნენ თემურ-ლენგთან“.

75. ალინჯის ციხე მდებარეობდა ნახიჩევანის მიდამოებში. იგი თითქმის ერთადერთი სიმაგრე იყო, რომლის წინააღმდეგ თემურ-ლენგმა ვერაფერი გააწყო მრავალი წლის განმავლობაში. მასში გიორგი VI-ის მოკავშირე ჯალაირიანები იყვნენ გამაგრებული. ამ ციხის შესახებ მეორე ტექსტშიც არის ცნობა (ნარკვევები, 3, გვ. 701-702).
76. გელაქუნის, ანუ სევანის ტბა მდებარეობს თანამედროვე სომხეთში.
77. გიორგი VII-ს ორი ძმა ჰყავდა დავითი და კონსტანტინე. სწავლული კაცები არ აკონკრეტებენ, კერძოდ, რომელი ეახლა თემურ-ლენგს. სხვა ცნობით, გიორგი მეფის ძმა მის დაუკითხავად მივიდა თემურ-ლენგთან.
78. ივანე ჯაყელი ათაბაგი იყო 1391-1444 წლებში, ალბულა I-ის (1374-1391) შემდეგ. ხოლო ალბულა II იყო ივანეს შემდეგ 1444-1451 წლებში.
79. ძველ ტექსტში შეცდომითაა „თემქაში“, უნდა იყოს „ფემქაში“. სარჯველაძესთან განმარტებული არაა, არც აბულაძესთან, ჩუბინაშვილთან და საბასთან.
80. მსახურები საზოგადოებრივი ფენაა.
81. კანჯარი = „ველური ვირი“ (საბა).
82. ძველ ტექსტში წინადადება გაუმართავია.
83. მეორე ტექსტშია „ბეგიჯანლი“.
84. ბაიაზეთ I – ოსმალეთის მეოთხე სულთანი, ტახტზე იყო 1389-1402 წლებში.
85. ოსმან I იყო თურქების პირველი სულთანი. მან დააარსა ოსმალების სახელმწიფო. სულთნის ტიტული მიიღო 1299 წელს. გარდაიცვალა 1326-ში. ბაიაზეთ I-ის მამა, მურად I, იყო ოსმან I-ის შვილიშვილი. ოსმან I-ის გამო ეწოდა მის სასულთნოს თურქ-ოსმალთა სახელმწიფო.
86. ქ. ბურსა მდებარეობს თურქეთის ჩრდილო-დასავლეთში.
87. ძველ ტექსტშია „ყაფაზა“. აბულაძესთან, სარჯველაძესთან, ჩუბინაშვილთან და საბასთან განმარტებული არაა. „ყაფაზას“ გზედებით ლავრენტი არდაზიანისა და იოსებ გრიშაშვილის შემოქმედებაში, ზოგ შემთხვევაში აღნიშნავს გალიას: „ბულბულს – ყაფაზა, გრძნობას – აღვირი. აღარც დუდუკი... აღარც ყიჟინა...“ (ი. გრიშაშვილი, 100 ლექსი, ნ. გრიგალაშვილის გამოცემა, თბ., 2009წ., გვ. 81).
88. ძველ ტექსტში „ადრბაგანი“ ე. ი. ადარბაგანი, ანუ ირანის აზერბაიჯანი.
89. იგულისხმება დავით IX. აქედან მეფეების რიგი არეულია. სწავლულმა კაცებმა შეცდომა დაუშვეს, როცა 1393-1412 წლებში ოთხი მეფე მოიხსენიეს. თითქოს ცხრამეტი წლის განმავლობაში ერთმანეთის მიყოლებით მეფობდნენ გიორგი, დავითი, ალექსანდრე და გიორგი. თანაც ესენი თურმე ერთმანეთის შვილები იყვნენ. ისე გამოდის, თითოეულს ხუთ წელზე ნაკლები უნდა ემეფა. ვახუშტი ამის გამო წერს: „და ეს დაუჯერებელ არს ძეთა სხმად“ (კ. გრიგოლია, ნარკვევები საქართველოს ისტორიის წყაროთმცოდნეობიდან, I, ახალი ქართლის ცხოვრება, თბ. 1954 წ., გვ. 277-278). სინამდვილეში გიორგი VII-ის შემდეგ ტახტზე ავიდა კონსტანტინე I (1407-1411), ხოლო მის შემდეგ ალექსანდრე I დიდი (1411-1442), ვახტანგ IV (1442-1446) და გიორგი VIII (1446-1466).

90. ძველ ტექსტში „ჩტნი“ = 1355 წ. ამ დროს დავით IX მეფობდა (1346-1359). გიორგი VII-ის შემდგომ ამ მეფის მოხსენიება შეცდომაა. სინამდვილეში დავითი გიორგი V-ს შემდეგ მეფობდა.
91. მეფეების თანმიმდევრობის არევის გამო აქ არეულია პატრიარქების რიგშიც. როგორც ჩანს, ეს უნდა იყოს პატრიარქი ბასილი V. ვახუშტი ბატონიშვილის თანახმად, ბასილი V ექვთიმე III-ის შემდეგ აღსაყდრდა (საქ. კათ-პატრიარქები, გვ. 13).
92. შეცდომაა.
93. ძველ ტექსტში „ჩტნიბ“ შეცდომაა. „ნ“ (50) და „ი“ (10) ერთად არ უნდა იყოს. თუ 60-ის დაწერა უნდოდათ, წესით „ე“ უნდა ჩაესვათ. ჩტნიბ = 1362 წ(?).
94. უწმიდესი დოროთეოზ I (XIV ს. 60-იანი წლები). ვახუშტისთანაც ასეა. დოროთეოზ I ბასილი V-ის შემდეგ იყო (საქართველოს კათოლიკოს-პატრიარქები, გვ. 65).
95. გიორგი VII აქ შეცდომით იხსენიება (იხ. ზევით „გიორგი ით“). იგი ბაგრატ V-ის შემდეგ ავიდა ტახტზე. გაურკვეველია ვინ არის აქ მის წინ მოხსენიებული ალექსანდრე.
96. ძველ ტექსტში „ჩტუგ“ = 1393 წ. ამ დროს ტახტზე ავიდა გიორგი VII.
97. უწმიდესი გიორგი მეხუთე XIV ს. 80-90-იანი წლებში იყო (საქართველოს კათოლიკოს-პატრიარქები, გვ. 66).
98. უწმიდესი ელიოზი, გობირაზისძე პატრიარქი იყო XIV ს-ის 90-იანი წლების ბოლოდან 1419 წლამდე (საქართველოს კათოლიკოს-პატრიარქები, გვ. 67-68).
99. უწმიდესი მიქაელ VI (1419-1426 წწ.). შეცდომაა, ეს ბოლო ორი პატრიარქი გიორგი VII-ის მეფობის დროს არ ყოფილა.
100. უწმიდესი დავით II, ბაგრატიონი პატრიარქი იყო 1425/6-1429 წლებში (საქართველოს კათოლიკოს-პატრიარქები, გვ. 69-70).
101. ალექსანდრე I დიდი მეფობდა 1411/2-1442 წლებში.
102. ძველ ტექსტში „ჩუიბ“ = 1412 წ.
103. შეცდომაა, ალექსანდრე I გიორგი VII-ის ძე არ ყოფილა. მამამისი კონსტანტინე I იყო.
104. უწმიდესი ელიოზი, გობირაზისძე. ნამდვილად მისი პატრიარქობის დროს გამეფდა ალექსანდრე I დიდი, მაგრამ ელიოზი უწმიდესი გიორგი V-ის შემდეგ აღსაყდრდა, ბასილი შეცდომით წერია მის წინ.
105. უწმიდესი თეოდორე III (დაახლ. 1429-1435 წწ.). აქ გამორჩენილია ორი პატრიარქი. ელიოზის შემდეგ ჯერ იყვნენ მიქაელ VI და დავით II. შემდეგ აღსაყდრდა თეოდორე (საქართველოს კათოლიკოს-პატრიარქები, გვ. 67-70).
106. უწმიდესი შიო II (დაახლ. 1439-1443/7 წწ.). ვიდრე შიო აღსაყდრდებოდა პატრიარქი იყო დავით III (იქვე, გვ. 73).
107. საუბარია სვეტიცხოველზე.
108. ანუ ოჯახზე.
109. „შაური ათი(ს) ფოლის ვერცხლი“ (საბა). შაური არის „ათი ფული“ (ჩუბინ.); აბულაძესთან განმარტებული არ არის, არც სარჯველაძესთან.

110. ძველშია „მალი“. აბულაძესთან და სარჯველაძესთან განმარტებული არ არის. „მალი ხარკი მწვალებელთა“ (საბა). მალი = ხარაჯა (ჩუბინ.). „ხარაჯა“ = „მალი, თურქნი ესრეთ უხმობენ ხარკსა ალებულსა ქრისტიანეთაგან სარწმუნოების საზღაურად“ (ჩუბინ.). მალი და ხარაჯა, როგორც ცნობილია, მონღოლების დროინდელი გადასახადები იყო, მიწაზე დაწესებული. როგორც ჩანს, მონღოლების შემდგომ, ამ სიტყვების მნიშვნელობამ გარკვეულწილად ცვლილება განიცადა. როგორც საბასთან, ისე ჩუბინაშვილთან და აქაც (ანუ საკმაოდ გვიან) მალი და ხარაჯა უკვე სარწმუნოების გამო განწესებულ გადასახადს ნიშნავს. აღსანიშნავია, რომ მალსა და ხარაჯას სულ სხვაგვარი მნიშვნელობებითაც ვხვდებით ძველ ქართულ მწერლობაში.
111. ვახტანგ IV მეფობდა 1442-1446 წლებში. სხვა ცნობით 1413-1422 წლებში.
112. ძვ. ტექსტშია: „ჩუით“ = 1419 წ. შეცდომაა.
113. გიორგი VIII მეფობდა 1446-1466 წლებში. სხვა ცნობით გიორგი VIII მეფეთ-მეფე იყო 1446-1464 წლებში.
114. ძვ. ტექსტშია: „ჩუმე“ = 1445 წ. შეცდომაა.
115. უწმიდესი დავით IV ჭავჭავაძე (1443/7-1459 წწ.).
116. ძვ. ტექსტშია: „ჩუმე“ = 1445 წ. შეცდომაა, კონსტანტინოპოლი დაეცა 1453 წელს.
117. საინტერესოა, რომელი წყარო იგულისხმება.
118. აქედან იწყება ბაგრატ VI-ის ისტორიის თხრობა. რატომღაც მეორე სათაურიც არის ქვემოთ. აშკარაა, ვახტანგ VI-ის დროს მომხდარი დიდი სახელმწიფოებრივი უბედურების გამო ვეღარ მოხერხდა შავად დაწერილი თხზულების გამართვა. ამის თაობაზე წერდა ვახუშტი: თხზულება ისე დარჩა, რომ ვახტანგ VI-ს არ გაუსწორებიაო. როგორც ჩანს, სწორედ ამით აიხსნება ამ და სხვა შეცდომებისა და გაუმართავი ადგილების არსებობა ტექსტში.
119. უზუნ-ჰასანი (1453-1478 წწ.) იყო აყ-ყონლუს თურქმანთა სახელმწიფოს მე-თაური.
120. „ძველი ქართლის ცხოვრება“ ეწოდება ქართლის ცხოვრების კრებულის ვახტანგამდელ რედაქციას. ივ. ჯავახიშვილს მიაჩნდა, რომ „ძველ ქართლის ცხოვრებაში“ ბაგრატ მეფის ისტორია შეტანილი ვერ იქნებოდა.
121. ბაგრატ VI ქართლსა და იმერეთში მეფობდა 1466-1478 წლებში. ბაგრატი გიორგი VIII-ის ბიძაშვილი იყო. იგი ჯერ იმერეთში გამეფდა 1463 წელს, ხოლო 1466-ში ქართლიც დაიკავა და გიორგის ტახტი წაართვა.
122. ძვ. ტექსტშია: „ჩუნე“ = 1455 წ.
123. დავით V (1466-1479 წწ.) – ერთიანი საქართველოს ბოლო პატრიარქი (საქართველოს კათოლიკოს-პატრიარქები, გვ. 77-78).
124. ძვ. ტექსტშია: „მორჭმული“. „მორჭმა გასაქონლიანება“ (საბა). მორჭმული = „დოგლათიანი, სახელოვანი ჩინებული“ (ჩუბინ.); სარჯველაძესთან განმარტებული არ არის, არც აბულაძესთან.
125. უზუნ ჰასანი არის იგივე ჰასან-ბეგი, აყ-ყონლუს თურქმანთა სახელმწიფოს მმართველი. (ნარკვევები, 3, 736; საქ. ისტ. და კულტურის ძეგლთა აღწერილობა, 5, თბ. 1990 წ., გვ. 484).

126. „პიტიახში“ არის სპარსული სამოხელეო სახელი. რატომღაც აშკარად მოძველებული ტერმინია გამოყენებული. ამ დროს საპიტიახშოები, რა თქმა უნდა, არ არსებობდა.
127. ეს უნდა იყოს ლიპარიტ I (1414-1469), ან შამადავლე დადიანი (1469-1474).
128. საუბარია კახაბერ გურიელზე (1462-1483).
129. შეიძლება ასეც ვთარგმნოთ: საბარათიანოს მკვიდრნი.
130. ელები თურქმანული ტომის სახელია.
131. კონსტანტინე II ქართლის სამეფო ტახტზე იყო 1478-1505 წლებში. 1478-დან 1484 წლამდე იგი იმერეთშიც მეფობდა.
132. ძვ. ტექსტშია: „ჩუა“ = 1461 წ. შეცდომაა, სინამდვილეში 1478 წელს გამეფდა.
133. შეცდომაა, კონსტანტინე II ბაგრატიის ძე არ ყოფილა. აქ კონსტანტინე I და კონსტანტინე II არის ერთმანეთში არეული.
134. ტაშირი იყო ქვემო ქართლის განაპირა ოლქი. მას ასევე ეწოდებოდა ლორე, რადგან მის ცენტრს ლორეს ციხე წარმოადგენდა.
135. ქვეშის ხევი ქვემო ქართლშია. „სომხურ გეოგრაფიაში“ (VII ს.) მოიხსენიება „ქვეშაფორი“, ანუ ქვეშის ხევი. მოგვიანებით მას დმანისხევი ეწოდა.
136. ჭანდრები/ჭანდარი არის ქარელის რაიონში, მდ. ხვედრულასთან (სძა, 5, გვ. 348, 411). ასევე არის მამკოდასთანაც, თბილისთან ახლოს. იქ დღეს ძველი ნა-მოსახლარები და ნაეკლესიარებია.
137. „მარგილი ხე წვერ-წათლილი დასარჭობი“ (საბა).
138. ძვ. ტექსტშია: „მოუდა ზემოთ ბუხუნი“. ბუხუნი = „ლორისა და ლომის რისხვის ჳმა(ა)“ (საბა). როგორც ჩანს, შეცდომაა. სხვა ტექსტშია „ბუსუნი“, რაც ჩასაფრებულ მტერს აღნიშნავს.
139. „დოლბანდი ეწოდება თათართ თავსახევესა“ (საბა).
140. ძვ. ტექსტშია: „ჩაღდაულად“. ამ სიტყვის განმარტება ვერსად ვნახე.
141. ძველ ტექსტში ასეა. ვერ გავიგე რას ნიშნავს ეს ჩაღდაულები თუ ჩაღთაულები.
142. ანუ თბილისში
143. ძვ. ტექსტშია: „ჩუდ“ = 1404 წ. შეცდომაა, სინამდვილეში მეფე კონსტანტინე გარდაიცვალა 1505 წელს.
144. აქ შეცდომაა. წერია, რომ ეს ალექსანდრე იყო კონსტანტინე II-ის ძმა. სინამდვილეში მეფე კონსტანტინეს ძმას დავითი ერქვა. იგი 1475 წელს გარდაიცვალა ისე, რომ სამეფო ტახტზე არ ასულა. ალექსანდრე ერქვა ასევე კონსტანტინე II-ის ერთ-ერთ ძეს (გარდაიცვალა 1556 წელს). მაგრამ არც ის არ გამეფებულა. როგორც ჩანს, აქ შეცდომით საუბარი არის ალექსანდრე I დიდზე (1411-1442). თხზულების ამ მონაკვეთში სხვადასხვა მეფეების ისტორიები ერთმანეთშია არეული. ზოგისა ორად არის გაყოფილი, ზოგისა ერთმანეთშია შერწყმული.
145. ძვ. ტექსტშია: „ჩუჴ“ = 1465 წ. შეცდომაა, სინამდვილეში 1446-1466 წლებში ტახტზე იყო გიორგი VIII.
146. როგორც ჩანს, საუბარია კათოლიკოს-პატრიარქ ნიკოლოზ V-ზე (1479-1488), იგი ტახტზე ავიდა პატრიარქ დავით V-ის შემდეგ (საქართველოს კათოლიკოს-პატრიარქები, გვ. 79).

147. აქ კონსტანტინე II-ის ისტორიის მოყოლა თავიდან ხდება. შეცდომით წერია, თითქოს იგი იყო ალექსანდრეს ძე. სინამდვილეში ალექსანდრე I დიდი იყო მისი პაპა. მამამისი იყო დემეტრე (1414-1463), მაგრამ იგი მეფე არ ყოფილა.
148. თარიღი შეცდომითაა დასმული.
149. საუბარია კათოლიკოს-პატრიარქ აბრაამ II აბალაკზე (1451-1498 წწ.).
150. ყვარყვარე II ჯაყელი სამცხის ათაბაგი იყო 1451-1498 წლებში.
151. არეში თანამედროვე აზერბაიჯანის ტერიტორიაზე მდებარეობს. მ. ჯანაშვილის დაკვირვებით „ეს ამბავი ვახუშტის თითქმის სიტყვა-სიტყვით გადაუწერია თავის შრომაში“ (მ. ჯანაშვილი, შრომები, I, გვ. 42).
152. ხუნანი – აღმოსავლეთ საქართველოს ერთ-ერთი ისტორიული მხარე. ამჟამად აზერბაიჯანის ტერიტორიაზე მდებარეობს. ხუნანის საერისთავო V ს-ში მოიცავდა ძოროფორს, კოლბოფორსა და გარდაბანს. მოგვიანებით ხუნანის ტერიტორია გაგის საერისთავოს შეუერთდა.
153. ძვ. ტექსტშია: „ჩუპდ“ = 1484 წ. შეცდომაა, სინამდვილეში არადეთის ბრძოლა 1483 წელს გაიმართა. ამ ბრძოლის შესახებ განსხვავებული ცნობებია ძველ ქართულ წყაროებში. მათი მიმოხილვა იხ. ივ. ჯავახიშვილი, ქართ. ერის ისტ., IV, 1948 წ., გვ. 136-143.
154. არადეთის ბრძოლა გაიმართა 1483 წელს. სამცხის ათაბაგი ყვარყვარე II ჯაყელი შეებრძოლა ქართლის სამეფოს ლაშქარს. არადეთიდან მომავალ ყვარყვარეს ქართლის ფეოდალთა ერთმა ნაწილმა გადაუღობა გზა და მას მეფე კონსტანტინე II-ის მორჩილება მოსთხოვა. ბრძოლაში ქართლის მხედრობა დამარცხდა, რამაც კიდევ უფრო დაასუსტა საქართველოს ცენტრალური ხელისუფლება. ამ დამარცხებით ისარგებლეს დასავლეთ საქართველოს ფეოდალურმა წრეებმა და იქ ალექსანდრე II გაამეფეს – იმერეთი დამოუკიდებელ სამეფოდ გამოცხადდა.
155. ეს უცნაური სიტყვები ცხადი მონმობაა იმისა, როგორი დაკნინებული იყო დაშლილ-დაქუცმაცებულ საქართველოში სახელმწიფოებრივი აზროვნება. თუკი სწავლულ კაცთა კომისია ასეთ ძნელადმისატყვებელ შეცდომას უშვებს, მაშინ უსწავლელ და გაუნათლებელ ხალხზე რაღა უნდა ვიფიქროთ.
156. ძვ. ტექსტშია: „ურასა კვცა ზედა“. „ურა“ = „ახტა კიცვი უმწყსო ცხენი“ (საბა).
157. თხზულების ეს მონაკვეთი შეცდომით არის დასათაურებული. დავით X-ის ისტორიის თხრობა იწყება ცოტა ქვემოთ. აქ საქართველოს დაშლის შესახებ არის საუბარი. ისიც შეცდომაა, თითქოს დავით X-ის დროს დაიშალა საქართველო. როგორც ცნობილია, ერთიანი საქართველოს უკანასკნელი მეფე გიორგი VIII იყო.
158. ძველ ტექსტში ამ ადგილას, როგორც ჩანს, კორექტიული შეცდომაა: „მაშიგან დაგწერი“.
159. ბაგრატი იმერეთის ერისთავი იყო 1455-1463 წლებში. 1463-1466 წლებში იგი მეფობდა იმერეთში. ხოლო 1466-1478 წლებში – ქართლსა და იმერეთში. ალექსანდრე, მისი ძე, მეფობდა იმერეთში 1484-1510 წლებში.
160. ივ. ჯავახიშვილი აღნიშნავს, რომ „ქართლის ცხოვრების გაგრძელების“ დაწერისას სწავლულ კაცთა კომისია მიზნად ისახავდა ჯერ არდაწერილი ისტორი-

- ის აღწერას, ქართული სამეფო დინასტიების წარმომავლობის გარკვევასა და ქართული სამეფოების საზღვრების დადგენას.
161. ეს არის ბაგრატ იმერთა მეფე. ან ბაგრატ II (VI) (1434-1478), ან ბაგრატ III (1495-1565). აღსანიშნავია, რომ იმერეთისა და კახეთის მეფეებს სწავლული კაცები, ზოგიერთი გამოჩენილი გარდა, მეფეებს არ უწოდებენ. მათ იხსენიებენ, როგორც „მპყრობელი“, „პატონი“, „პატრონი“. მეფეებად მხოლოდ ქართლის გვირგვინოსნებს იხსენიებენ. როგორც ჩანს, ამით სწავლული კაცები მიანიშნებენ, რომ ქართლის ბაგრატიონები მათ უფრო ლეგიტილურ გვირგვინოსნებად მიაჩნდათ, ვიდრე იმერეთისა და კახეთის მბრძანებლები.
 162. ვინ არის ეს დავითი, არ ვიცით. შეცდომა ჩანს. სინამდვილეში, როგორც ცნობილია, კახეთის სამეფო დინასტიის სათავეს დამდები იყო ერთიანი საქართველოს უკანასკნელი მეფე გიორგი VIII (1466-1476 წწ.).
 163. კახეთის ტახტზე ლევანის სახით ერთადერთი მეფე იჯდა 1518-1574 წლებში. მაგრამ იგი დავითის ძე არ ყოფილა, როგორც აქ წერია, არამედ მამამისი იყო ავგიორგი (1511-1513 წწ.).
 164. ლევან კახთა მეფის ძე იყო ალექსანდრე II (1574-1605 წწ.).
 165. ლომის ციხეს ასევე ზოტის ციხესაც უწოდებენ. ჩოხატაურის რაიონში მდებარეობს.
 166. გურჯი-ბოლაზის ხეობა მდ. ეფრატის სათავესთან მდებარეობს. თურქული სახელია. თარგმანში საქართველოს ყელს ნიშნავს.
 167. ზემოთ უკვე აღვნიშნეთ, რომ ალექსანდრე I კონსტანტინე II-ის მამა არ ყოფილა.
 168. სინამდვილეში კონსტანტინე II-ს შვიდი ძე ჰყავდა. აქ გამოჩენილია დემეტრე და ვახტანგი.
 169. საუბარია სვეტიცხოველზე.
 170. მელქისედეკ II ბაგრატიონს სამჯერ ეკავა კათოლიკოს-პატრიარქის საყდარი. დაახლოებით 1528-1529, 1540-1545 და 1548-1552 წლებში (საქართველოს კათოლიკოს-პატრიარქები, გვ. 89-90).
 171. ძვ. ტექსტშია: „ჩიფდ“ = 1504 წელს. შეცდომაა. სინამდვილეში კონსტანტინე II გარდაიცვალა 1505 წელს.
 172. დავით X ქართლში მეფობდა 1505-1525 წლებში. 1513-1518 წლებში მას ეკუთვნოდა კახეთიც.
 173. ძვ. ტექსტშია: „ჩიფდ“ = 1514 წ. შეცდომაა. სინამდვილეში 1509 წელი უნდა ეწეროს.
 174. იგულისხმება ოსმალეთის სულთანი ბაიაზეთ II (1481-1512 წწ.).
 175. ეს მოხდა 1509 წელს (ნარკვევები, 4, თბ., 1973 წ., გვ. 94).
 176. შეცდომაა. ამ დროს იმერეთის მეფე იყო ალექსანდრე II (1484-1510 წწ.) (იქვე). მისი ძე, ბაგრატ III მეფობდა 1510-1565 წლებში.
 177. ალექსანდრე I კახეთის მეფე იყო 1476-1511 წლებში.
 178. უსინათლო კაცი ვერ გამეფდებოდა, ამიტომ დააბრმავა, რომ ტახტში არ შესცილებოდა.

179. ავ-გიორგი მეფობდა კახეთში 1511-1513 წლებში.
180. როგორც ჩანს, საუბარია კათოლიკოს-პატრიარქ ბასილი VI-ზე. იგი ორჯერ იყო პატრიარქის ტახტზე 1517-1528 და 1529-1532 წლებში (საქართველოს კათოლიკოს-პატრიარქები, გვ. 87-89).
181. პატრიარქების რიგი აქ აშკარად არეულია. ბასილი VI-ის შემდეგ 1528 წელს მელქისედეკ II აღსაყდრდა, 1532 წელს კი ბასილი VI პატრიარქის ტახტზე უწმიდესმა მალაქიამ შეცვალა. დოროთეოზ III პატრიარქი იყო უფრო გვიან, 1589-1595 წლებში.
182. ძვ. ტექსტშია: „მომეც დრომა“. XVI საუკუნეში, როცა ჩამოყალიბდა მუხრანბატონების სათავადო, შიდა ქართლში შეიქმნა სამი სადროშო (ქართლის სამეფოში სულ ოთხი სამხედრო-ადმინისტრაციული ერთეული, ანუ სასარდლო, იყო). შიდა ქართლში არსებული მესამე სადროშო მოიცავდა სამუხრანბატონოს, არაგვსა და ქსანს (ქსძ, 5, გვ. 21).
183. ძვ. ტექსტშია: „საღვინე“. „საღვინენი არიან: სურა, სანდე, ქიშა, ფაჩხი და მისთანანი; ჭურნი და წედანიცა საღვინედ ითქვიან“ (საბა). უფრო საფიქრებელია, რომ ერთ სურა ღვინოს გაუგზავნიდა.
184. ძვ. ტექსტშია: „ჩვიდ“ = 1504 წ. შეცდომაა. სინამდვილეში ავ-გიორგი 1513 წელს გარდაიცვალა.
185. ლევანი კახეთში მეფობდა 1518-1574 წლებში.
186. სახლთუხუცესი მეფის დიდმოხელე იყო. ასრულებდა სამეურნეო, საფინანსო და ადმინისტრაციულ ფუნქციებს.
187. აქაც და ქვემოთაც „მონა“ წერია.
188. მესამე ტექსტში სხვაგვარი ვერსიაა წარმოდგენილი, გარსევანმა ლევანი რუსეთში გაგზავნაო, წერია.
189. ანუ კახეთის ბარში.
190. ძველქართულში მხოლოდით რიცხვშია – „მოციქული“.
191. ეს მოხდა 1518 წელს. ლევანი კახეთში მეფობდა 1518-1574 წლებში.
192. ეს მოხდა 1518 წელს.
193. საუბარია გურიის მთავარ მამია I-ზე (1512-1534 წწ.).
194. როგორც ჩანს, კახეთის სამეფოში შუამთის მონასტერს იგივე ადგილი ეკავა, რა მნიშვნელობაც დავით აღმაშენებლის სამეფოში გააჩნდა გელათს. მოძღვართმოდვარაც სწორედ ამიტომ დაადგინეს შუამთაში.
195. სინამდვილეში პირველი ცოლისგან შეეძინა ხუთი ვაჟი (გიორგი, იესე, ალექსანდრე, ნიკოლოზი და ერეკლე), ვახტანგი მეორე ცოლისგან ჰყავდა.
196. სინამდვილეში მეორე ცოლისგან შვიდი ვაჟი შეეძინა: ელმირზა, დავითი, ქაიხოსრო, თეიმურაზი, ბაგრატე, კონსტანტინე და ვახტანგი.
197. ეს არის ლუარსაბ I. ქართლში მეფობდა 1527-1556 წლებში.
198. დავით X-ს მეოთხე ვაჟიც ჰყავდა, ადარნასე ერქვა.
199. ძვ. ტექსტშია: „ჩვიზ“ = 1527 წ. შეცდომაა, სინამდვილეში დავითი 1525 წელს გარდაიცვალა.
200. გიორგი IX მეფობდა 1525-1527 წლებში.

201. ძველ ტექსტში ასეა, ერთადაა „მრავალი“ და „ყოველი“. ეტყობა იგულისხმება, რომ ამონწყვიტეს ყველა მონინალმდეგე, თორემ დაუჯერებელია ისეთი ველურობა გამოეჩინათ, რომ მთელი იერუსალიმის მოსახლეობა ამონწყვიტათ განურჩევლად რწმენისა და ეროვნებისა. ეს ძალიან დაუჯერებელია.
202. საუბარია ყვარყვარე III ჯაყელზე (1518-1535 წწ.) ამ დროს ოსმალეთის სულთანი იყო სულეიმან II (1520-1566).
203. ამ დროს გურიის მთავარი იყო როსტომი (1534-1564 წწ.). კახაბერი უფრო ადრე, 1462-1483 წლებში იყო.
204. ძვ. ტექსტშია: „ჩივლდ“ = 1534 წ. სინამდვილეში მურჯახეთის ბრძოლა გაიმართა 1535 წელს.
205. ოთარ შალიკაშვილი იყო ათაბაგ ყვარყვარე III-ის პირველი ვეზირი.
206. ეს არის ქაიხოსრო II. იგი მოგვიანებით, 1545-1573 წლებში იყო სამცხის მთავარი.
207. ირანის შაჰი ისმაილ I (1501-1524 წწ.) არის სეფიანთა დინასტიის დამაარსებელი.
208. ძვ. ტექსტშია: „მოქმედი გრძნებისა“. ესე იგი მჩხიბავი, მაცდური და ბოროტი სასწაულების მოქმედი.
209. შაჰ-მლუ სავარაუდოდ შაჰის გვარდიას თუ პირად მცველებს უნდა ნიშნავდეს.
210. ლუარსაბ I მეფობდა 1527-1556 წლებში.
211. ძვ. ტექსტშია: „ჩივმზ“ = 1542 წ. შეცდომაა.
212. ბაგრატ მუხრანბატონს ათი შვილი ჰყავდა: ვახტანგი, არჩილი, აშოთანი, ერეკლე, ალექსანდრე, დედისიმედი, იონათანი, გულდაფარი, იოთამი და თეოდორა.
213. უწმიდესი გერმანე (1535-1546 წწ.) (იხ. საქართველოს კათოლიკოს-პატრიარქები, გვ. 92-93).
214. შაჰ ისმაილმა 1503-1510 წლებში დაიმორჩილა თითქმის მთელი ირანი და მისი მეზობელი ქვეყნები.
215. აღჯაყალას სახელით ქართულ საისტორიო წყაროებში სხვადასხვა ადგილი იხსენიება. ერთი აღჯაყალა მდებარეობდა პალაკაციოში, ჩილდირის ტბის ნაპირზე (ეს იგივე თეთრი ციხეა). სხვა აღჯაყალა ქვემო ქართლის ისტორიულ პროვინცია გაჩიანში (იგივე სომხითში) იყო, მდ. დებედას ნაპირზე (მას გაგის ციხე ერქვა). ამ შემთხვევაში, როგორც ჩანს, სწორედ გაგის ციხეზეა საუბარი.
216. ყარა ყოინლუ, ანუ შავბატნიანები, მომთაბარე თურქული ტომები.
217. მესამე ტექსტში მოთხრობილია ჯალალედინის ისტორიის მსგავსი ამბავი.
218. შიიტური მეჩეთი ააგო.
219. შაჰი თამაზ I (1524-1576 წწ.).
220. ძვ. ტექსტშია: „კაცი ჭკუიანი და სავსე ხონჯითა“. „ხონჯა“ ძვ. ქართულის ლექსიკონებში (აბულაძე, სარჯველაძე) განმარტებული არ არის. როგორც ჩანს, „სავსე ხონჯითა“ აღნიშნავს შაჰ-ისმაილის სიმდიდრეს. „ხონჩა (სხვათა ენა, ქართულად სიფლი და ტაბაკი ჰრქვიან“ (საბა).

221. ესე იგი სახელმწიფო სარწმუნოებად გამოაცხადა შიიტური ისლამი. შიიზმი, სუნიტური ისლამისგან განსხვავებით, აღიარებს მხოლოდ ყურანს.
222. ძვ. ტექსტშია: „სახელი ალიასი“. ცოტა ქვემოთ წერია „ალი“.
223. იმამი – მაჰმადიანთა სულიერი წინამძღოლი, ისლამური სახელმწიფოს მეთაური, რომლის ხელშიც მოქცეულია საერო და სასულიერო ხელისუფლება.
224. ზემო ციხე ნარიყალას ერქვა.
225. შაჰს ეახლა.
226. როგორც ჩანს სამხრეთისკენ წავიდა.
227. ძვ. ტექსტშია: „ჩემე“ = 1545 წ. აქ აღწერილია სოხოისტას ბრძოლის ამბავი.
228. ურუმი ოსმალს ნიშნავს.
229. სულეიმან II (1520-1566 წწ.).
230. ბაგრატ III (1510-1565 წწ.).
231. ლევან I (1533-1572 წწ.).
232. ქაიხოსრო II (1545-1573 წწ.).
233. ძველ ტექსტში ასეა: „მიუვლინა კაცი გურიელმან დადიანს ლეონსა და როსტომს“. სინამდვილეში როსტომი თვითონ გურიელს ერქვა.
234. ძვ. ტექსტშია: „რიონის ლიმონში დაისადგურეს“. „ლიმენი“ = „ნავსადგური“ (სარჯველაძე).
235. ვახტანგის გარდა იმერთა მეფე ბაგრატ III-ს ჰყავდა სამი ძმა – დავითი, გიორგი და დიმიტრი.
236. როსტომ გურიელი (1534-1564 წწ.).
237. ბაგრატ III იმერთა მეფე (1510-1565 წწ.).
238. გიორგი II იმერთა მეფე (1565-1586 წწ.).
239. გიორგი II გურიელი (1564-1582 და 1587-1600 წწ.).
240. ძველ ქართულში ამ ადგილზე ტექსტი ნაკლულია.
241. როგორც ჩანს, აქ საუბარი უნდა იყოს სელიმ II-ზე (1566-1574 წწ.). თუმცა, ქვემოთ მოხსენიებულია სულეიმან II (1520-1566 წწ.).
242. სატყეპელას ასევე ერქვა სატრაპელა და სოტროპოლი, როგორც ამის შესახებ წერს პავლე ინგოროყვა. იგი მდებარეობდა გურიის სამთავროს სამხრეთ საზღვართან (პ. ინგოროყვა, ჭანეთ-ლაზეთის ისტორიის გამო, თბ., 2003).
243. ფლური ოქროს ფულს ერქვა. ქართულ წყაროებში მოიხსენიება ვენეტიკური ფლური (ანუ ვენეციური დუკატი) და ოსმალური ფლური (ანუ ოსმალეთში მოჭრილი ოქროს მონეტა). როგორც დ. ჩუბინაშვილი განმარტავს, ფლური არის იგივე დრაჰკანი, ოქროს ფული.
244. საუბარია ლევან I დადიანზე (1533-1572 წწ.).
245. ეს არის გიორგი III დადიანი (1572-1582 წწ.).
246. მამია IV დადიანი (1582-1590 წწ.).
247. მესამე ტექსტშია „რევანოზისეული“.
248. სულეიმან II (1520-1566 წწ.).
249. ძვ. ტექსტშია: „ჩემე“ = 1546 წ.
250. ქაიხოსრო II (1545-1573 წწ.).

251. აქ ძვ. ტექსტში „იჯუ“ წერია, ქვემოთ კი „იჯუზი“. მესამე ტექსტშიც მოიხსენიებიან შერმაზანი და იჯუზი.
252. ვერის ციხე ატენის ხეობაშია.
253. ძვ. ტექსტშია: „ჩფნვ“ = 1556 წ. შეცდომაა. სინამდვილეში შაჰ-თამაზი 1554 წლის ზაფხულში შემოადგა ატენის ციხეს. ეს იყო მისი მეოთხე ლაშქრობა ქართლში.
254. აქედან იწყება თხრობა გარისის ბრძოლის შესახებ (1556 წ.).
255. ლუარსაბ მეფეს მეოთხე ვაჟიც ჰყავდა, ალექსანდრე.
256. ძვ. ქართულშია „სცა მახვლი და სწელა სასიკუდინოდ“. ალბათ „სწელა“ უნდა იყოს. „სწელა“ გამოწვევას, ნაწლავების გადმოყრევიანებას ნიშნავს.
257. ძველ ტექსტში შეცდომითაა: „და მიართუეს ჰამბავი ბატონიშვილი.“
258. ძველი ქართული წყაროებიდან ჩვენთვის უცნობია ქართლის მეფე ლუარსაბ I-ის კანონიზაცია მოხდა თუ არა. აქ იგი წმიდა მონაპე მეფე ვახტანგ გორგასალს არის შედარებული. ეტყობა, იმის გამო, რომ ორივე ბრძოლაში მიღებული ჭრილობით გარდაიცვალა.
259. ძვ. ტექსტშია: „ჩფიზ“ = 1517 წ. შეცდომაა, სინამდვილეში ლუარსაბ I გარდაიცვალა 1556 წელს.
260. სვიმონ I მეფობდა 1556-1600 წლებში.
261. შეცდომაა. 1556-ში, როცა სვიმონ I ავიდა ტახტზე, კათოლიკოსი იყო ზებედე I (1552-1556 წწ.), შემდეგ იყო დომენტი I (1556-1560 წწ.), შემდეგ ნიკოლოზ VII ბარათაშვილი (1561-1584 წწ.), ნიკოლოზ VIII ბაგრატიონი (1584-1589 წწ.), დოროთეოზ III (დაახლ. 1589-1595 წწ.) და დომენტი II (1596-1610 წწ.).
262. ეს მოხდა 1559 წელს. ლევან მეფის ასულს ნესტან-დარეჯანი ერქვა (ნარკვევები, 4, გვ. 116).
263. ძვ. ტექსტშია: „იყუნენ განსუენებით“. სიტყვასიტყვით: ხუთი წელი მოსვენებული იყვნენ.
264. ძვ. ტექსტშია: „ჩფო“ = 1570 წ. შეცდომაა, სინამდვილეში ეს მოხდა 1561 წლის 6 აპრილს.
265. ძვ. ტექსტშია: „ჩფჳ“ = 1568 წ. შეცდომაა, სინამდვილეში დიღომთან ბრძოლა გაიმართა 1567 წელს (ნარკვევები, 4, გვ. 118).
266. ძვ. ტექსტშია: „სისხლი თქუენი ჩემსა ქედსა“. ეს სიტყვები ძალიან ჰგავს სახარების სიტყვებს: „სისხლი მაგისი ჩუენ ზედა“ (მათე 27,25). ეს მიანიშნებს, რომ სწავლულმა კაცებმა ყორღანაშვილი ქრისტეს ჯვარმცემელთა გვერდით დააყენეს, როგორც ქვეყნის გამცემი.
267. ჰოროლი = ლახვარი, შუბი (აბულაძე).
268. ეს მოხდა 1569 წელს.
269. ეს მოხდა 1569 წელს. ალამუთი („ალუჰ-ამუთ“) ნიშნავს არწივის ბუდეს. ალამუთი სპარსელების მთავარი ციხე იყო.
270. ძვ. ტექსტშია: „ჩფოვ“ = 1576 წ. შეცდომაა, სინამდვილეში ეს მოხდა 1574 წელს.
271. ალექსანდრე II კახეთში მეფობდა 1574-1605 წლებში.
272. ქართლის ცხოვრების გაგრძელებებში კახელები დახასიათებული არიან, როგორც შინააშლილობისა და ქიშპის მოყვარენი. აქაც სწორედ ამის შესახებ არის საუბარი.

273. თორღვას ბრძოლა გაიმართა 1578 წელს.
274. ალექსანდრე კახთა მეფეს მეორე ასულიც ჰყავდა, დედოფალი ანა. ქართლის მეფე ბაგრატ VII-ს (1616-1619 წწ.) მიუღწეა.
275. მანუჩარ I (1590-1611 წწ.).
276. ძველ ტექსტშია „გაუარშივდა“. აბულაძესთან და სარჯველაძესთან განმარტებული არაა. „არშივი“ = „საჭმლის კერძი, კერძი“ (საბა); „ნილი, კერძო“ (ჩუბინ.). როგორც ჩანს, გაარშივება ნიშნავს თანამზრახველად გახდომასა და საქმეში თანამონაწილეობას.
277. მოყივნება = დარღვევა (აბულაძე).
278. ამასიის 1555 წლის ზავის პირობები.
279. კახეთის ხანი კონსტანტინე I (1571-1605 წწ.).
280. ისმაილ II (1576-1578 წწ.).
281. შაჰი მუჰამედ ხუდაბანდა (1578-1588 წწ.).
282. ძვ. ტექსტშია: „ჩფოთ“ = 1579 წ.
283. საუბარია შაჰ მუჰამედ ხუდაბანდაზე.
284. ძვ. ტექსტშია: „ჩფოთ“ = 1579 წ. სინამდვილეში სვიმონი ქართლში დაბრუნდა 1578 წელს.
285. დაუდ-ხანს მეორე ვაჟიც ჰყავდა – როსტომი, იგივე ხოსრო-მირზა.
286. ძვ. ტექსტშია: „ხუბათა შინა“. ეს სიტყვა აბულაძესთან განმარტებული არ არის, არც სარჯველაძესთან, საბასთან და ჩუბინაშვილთან. „წუება“, ანუ „ინროება“/„შეჭირება“ ხომ არ უნდა იყოს? დანამდვილებით ვერაფერს ვიტყვით.
287. ძვ. ტექსტშია: „თვთ მეფე სვმონ თავკაცად ძლივ გარდაესწრა“. სიტყვასიტყვითი თარგმანი ცოტა უცნაური გამოდის: სვიმონ მეფემ პირველმა ძლივს გაასწრო.
288. ძვ. ტექსტშია: „საფარველი ცოლისა, რომელ არს სამოსელი წკისა“. „წკის“ სარჯველაძესთან განმარტებული არაა, არც აბულაძესთან, ჩუბინაშვილთან და საბასთან. როგორც ჩანს, შეცდომაა, „წკის საფარველი“ უნდა ეწეროს, ანუ საცვლები.
289. ძვ. ტექსტშია: „ჩფჰჰ“ = 1582 წ.
290. ჰადიმ მეჰმედ ფაშას მეთაურობით 20 000-იანი ოსმალური ლაშქარი 1582 წლის აგვისტოს ბოლოს შემოვიდა ქართლში (ნარკვევები, 4, გვ. 134).
291. ძვ. ტექსტშია: „ჩფჰჰ“ = 1582 წ.
292. ძვ. ტექსტშია: „ჩფჰჰ“ = 1586 წ. შეცდომაა, სინამდვილეში სვიმონმა 1585 წელს წაართვა ოსმალებს ლორე (ნარკვევები, 4, გვ. 138).
293. ჰადიმ ჰასან ფაშა იყო დიარბექირის ბეგლარბეგი (იქვე, 4, გვ. 134).
294. მთავარსარდალი ფერად (ფერჰარდ) ფაშა საქართველოს შემოესია 1548 და 1587 წლებში. ხატისოფლის ბრძოლა, რომელზეც ქვემოთ არის საუბარი, 1548 წელს მოხდა (იქვე, გვ. 137). როგორც ვხედავთ, თხრობისას ქრონოლოგიური თანმიმდევრობა დაცული არ არის.
295. ხატისოფელთან დაბანაკდა ფერად ფაშას მიერ 20 000-იანი ჯარით თბილისისკენ გამოგზავნილი რეზვან ფაშა (იქვე).

296. ვახუშტისთანაც ასეა, ელჩად გადაცემული სვიმონი მივიდა ფაშასთან.
297. ეს არის შაჰ-აბას I (1588-1629 წწ.).
298. იმერეთის მეფე გიორგი II-ს (1565-1585 წწ.) სამი ძე ჰყავდა – ალექსანდრე, ბა-გრათი და ლევანი. ლევანი მეფობდა 1586-1590 წლებში.
299. მანუჩარ I (1590-1611 წწ.).
300. ძვ. ტექსტშია: „ჩიფუბ“ = 1592 წ. სინამდვილეში გოფანთოს ბრძოლა გაიმართა 1588 წელს (ნარკვევები, 4, გვ. 141).
301. ძვ. ტექსტშია: „ჩიფუბ“ = 1592 წ. შეცდომაა. ლევანი გარდაიცვალა შხეფის ციხეში 1590 წელს (იქვე).
302. ძვ. ტექსტშია: „ჩიფუგ“ = 1593 წ. შეცდომითაა დათარიღებული. სვიმონმა ქუთაისი აიღო 1590 წელს (იქვე, გვ. 141-142).
303. ბაგრატ თეიმურაზის ძემ გიორგი გურიელისა და ოსმალების მხარდაჭერით დაიკავა ქუთაისის ციხე.
304. კონსტანტინე ლევანის ბიძა იყო და არა ძმა. როსტომ კონსტანტინეს ძე მეფობდა 1590-1605 წლებში (ნარკვევები, 4, გვ. 140-141).
305. მანუჩარ I (1590-1611 წწ.).
306. მესამე ტექსტში წერია, რომ თურქისტანიშვილს სახელად საამი ერქვა.
307. მესამე ტექსტში კოლიბაური წერია.
308. ძვ. ტექსტშია: აფიონი = ამფიონი. აბულაძესთან განმარტებული არაა, არც სარჯველაძესთან, ჩუბინაშვილთან და საბასთან. „უსწორო კარაბადინში“ შხამიანი წამლების ჩამონათვალში ვხვდებით აფიონს: „შხამიანი წამლები დავ-სწერეთ, რომე რიდება უნდა და მიცემა არ უნდა... თუ ამ წამლებისაგან დაამატებ და ან მარტოსა მისცემდე, შხამათ შეერგების, თუ ღონე არ ჰქონდეს და მისცემდე, სიფრთხილით მიეც: მაზარიონი, სინა-მაქი, აფიონი, ფარფიონი,... ჯავზი, ხარბაყი, ქუნდუსა,... საყამუნია...“. ამფიონი = ოპიუმი.
309. გოჩა გარდაიცვალა 1590 წელს. იგი იყო დავით X-ის ძმის, გიორგი IX-ის ძე.
310. სვიმონ მეფემ გორის ციხე აიღო 1599 წელს, დიდმარხვის დღეებში (ნარკვევები, 4, გვ. 147-148).
311. ჯაფარ ფაშა იყო თავრიზისა და ვანის ბეგლარბეგი (იქვე, გვ. 148).
312. მეფეს ქართლის მხედრობის შეკრება დასრულებული არ ჰქონდა და იძულებული გახდა ნაჩქარევად ჩაბმულიყო ბრძოლაში, რომ მტერს თბილისი არ აეღო (იქვე).
313. ძვ. ტექსტშია: „მუნითგან უჭურეტდა და სჩხრეკდა ჯარსა ოსმალთასა, რომელსა იდგა ურუმნი“. როგორც ცნობილია, ურუმი და ოსმალო ერთმანეთის სინონიმებია. ეტყობა ურუმ-ოსმალების გარდა სხვა ეროვნების ხალხიც იყო მტრის ჯარში. სვიმონს ჩაფიქრებული ჰქონდა მოწინააღმდეგის ბანაკის იმ ნაწილზე მიეტანა იერიში, რომელიც ურუმ-ოსმალთაგან შესდგებოდა. ამით იგი აპირებდა მტრის ძირითადი ძალის განადგურებას, რადგან, როგორც ჩანს, ოსმალების ჯარში მყოფი სხვა ეროვნების მებრძოლებისგან იგი ნაკლებ წინააღმდეგობას მოელოდა.
314. ძველქართულშია „დახუდა ლია“. „ლია“ აბულაძესთან განმარტებული არაა. არც სარჯველაძესთან. საბასთან ლია = „საფლობი ტალახი“. ჩუბინაშვილთან ლია = ლამი.

315. ფარსადან გორგიჯანიძის ცნობით, ერთმა გათათრებულმა ბარათაშვილმა იცნო სვიმონი და უთხრა ჯაფარ ფაშას, რომ ტალახში ჩაფლული მხედარი ქართლის მეფე იყო: „ლაშქარი აღარავინ შერჩომია და ისევე ამაყად ტალახში ჩაფლული ისარს ისვრისო“ (ნარკვევები, 4, გვ. 148).
316. ძვ. ტექსტშია: „ჩქ“ = 1600 წ. აშვერად თარიღი სწორად არის დასმული. ჯაფარ ფაშამ 1600 წელს გაგზავნა სვიმონი სტამბოლში.
317. გიორგი X (1600-1606 წწ.).
318. ძვ. ტექსტშია: „ჩქიდ“ = 1614 წ. შეცდომაა, როსტომ იმერთა მეფე 1605 წელს აღესრულა.
319. როსტომი (1590-1605 წწ.).
320. გიორგი III (1605-1639 წწ.).
321. დედისიმედი, ქეთევან დედოფლის და, იყო ათაბაგ ქაიხოსრო II-ის ცოლი. მეუღლის გარდაცვალების შემდეგ შემონაზვნდა და ეწოდა დებორა.
322. ძველ ტექსტში წინადადება გაუმართავია.
323. ძვ. ტექსტშია: „ჩქე“ = 1615 წ. შეცდომაა, ეს მოხდა 1605 წლის 12 მარტს.
324. თათბირში მონაწილენი იყვნენ რუსთველი ეპისკოპოსი, მისი ძმა აბელ ანდრონიკაშვილი და სხვა ხუთი თავადი, რომლებმაც სცადეს ალექსანდრე მეფის დაცვა. ესენი ყველანი დახოცეს (ნარკვევები, 4, გვ. 250).
325. „ჩაფარი“ შიკრიკს ნიშნავს. აბულაძესთან განმარტებული არაა, არც სარჯველაძესთან, საბასთან და ჩუბინაშვილთან. როგორც ჩანს, „ჩაფარი“ ამ შემთხვევაში აღნიშნავს იმას, რომ თეიმურაზი კახეთში უნდა ყოფილიყო, როგორც შაჰის წარმომადგენელი, მისი თვალი და ყური, მისი ნების აღმსრულებელი.
326. ლუარსაბ II (1606-1614 წწ.). სწავლული კაცები ლუარსაბ მეორის დედას მარიამის სახელით მოიხსენიებენ. ჩვენამდე მოღწეულია ლუარსაბ მეფის რამდენიმე სიგელი, საიდანაც ვგებულობთ, რომ სინამდვილეში მას თამარი ერქვა (კ. გრიგოლია, ნარკვევები, I, გვ. 278).
327. ძვ. ტექსტშია: „ქორნილი პატიოსანი“. პატიოსანი აქ რჯულიერს ვერ აღნიშნავს, რადგან ნათესავთა შორის სისხლის აღრევას ეკლესია არ აკურთხებს. ამიტომ „თვალი პატიოსანის“ ანალოგიურად „ქორნილი პატიოსანი“ ვთარგმნეთ, როგორც „ძვირფასი / დიდებული ქორნილი“.
328. იგულისხმება ოსმალეთის სულთანი ოსმან II (1618-1622 წწ.).
329. ეს ის დომენტი ეპისკოპოსია, მარტყოფის ბრძოლაში ხმლით რომ იბრძოდა.
330. აქ ძველ ტექსტში ბრჭყალები იხსნება. არ ვიცით შეცდომაა, თუ რომელიდაც წყაროდან მოხმობილი ციტატაა. ბრჭყალები აღარ იხურება და ციტატის შემოსაზღვრაჭირს.
331. სუფრაჯი იყო მოხელე, სამეფო სუფრის გამგე.
332. ფარემთუხუცესი მოხელე იყო, შინამოსამსახურეების უფროსი.
333. ძვ. ტექსტშია: „ჩქედ“ = 1624 წ. შეცდომაა, ეს 1614 წელს მოხდა (ნარკვევები, 4, 263-264).
334. გიორგი III (1605-1639 წწ.).

335. მალაქია II, დასავლეთ საქართველოს კათოლიკოსი (1619-1639 წწ.). იყო გიორგი II-გურიელის ძე. 1630-იანი წლებიდან იყო აგრეთვე გურიის სამთავროს გამგებელი. ააგო და შეამკო მრავალი ეკლესია-მონასტერი, მფარველობას უწევდა კათოლიკე მისიონერებს. მისი ინიციატივით დაიწერა აფხაზეთის საკათოლიკოსო გლეხების დიდი დავთარი (იხ. საქართველოს კათოლიკოს-პატრიარქები, გვ. 144-147).
336. ლევან II დიდი (1611-1657 წწ.).
337. მამია II გურიელი (1600-1625 წწ.).
338. ვახტანგ I გურიელი (1582-1587 წწ.).
339. წმიდა ლუარსაბ მეფე შაჰს ეახლა 1614 წლის ოქტომბერში.
340. ძვ. ტექსტშია: „ჯელგა“. აზულაძესთან განმარტებული არაა, არც სარჯველაძესთან, საბასთან და ჩუბინაშვილთან. „ჯელგა“ მოიხსენიება „შაჰნამეში“: „ვითა **ჯელგა** შემოსდია“. ვახტანგ VI („სალბუნად გულისა“): „დილას **ჯელგა** შემოხვიონ“... „შემოარტყან მინდორს **ჯელგა**“. თეიმურაზ II „სარკე თქმულთა ანუ დღისა და ღამის გაბაასება“: „მოვიდნენ მინდორს, სადაცა ბევრი ჯერანი დგებისა, გაგზავნონ **ჯელგა** ღამითვე, სულ გარე შემოერტყმისა“. როგორც ჩანს, ჯელგა გამოიყენებოდა ნადირობის დროს გარეული ცხოველების ჯოგის მოსამწყვედევად, ან განსაზღვრული მიმართულებით გამოსარეკად.
341. მესამე ტექსტში წერია დავითი და ვახტანგ მეფე.
342. ძვ. ტექსტშია: „დაჯსნად ნასხამთა ამათ და ანაქუსთა ჩემთა“. „ნასხამი“ = „ასო ასოთა მობმული“, „ნასხამად ითქმის საკუბი და ტყავ-კაბა მარებული“ (საბა); „ნასხამი“ = „ნანვეარი, სახსარი ასოთა“ (ჩუბინ.). სიტყვა „ანაქუსი“ რამდენჯერმე გვხვდება იოანე პეტრიწთან (იხ. მისი თარგმნილი „განმარტება პროკლესათს დიადოხოსისა...“). „ანაქუსი“ არის იგივე „აღნაქუსი“/„ანაქს“ = „(მოქ)სოვილი“, „აქსოვილი“, „ტან-აყრილი“ (ჩვ. საუნჯე, ტ. 2, ლექსიკონი). ამგვარად, წმ. ლუარსაბ მეფის სიტყვები შეგვიძლია უფრო ხატოვნადაც ვთარგმნოთ: „მეგულეა დარღვევა ჩემი ტყავის სამოსლის (ანუ ხორციელი სხეულის)“.
343. ძვ. ტექსტში ამ ადგილზე წინადადება გაუმართავია.
344. ძვ. ტექსტშია: „ბატონობდენ ურთიერთარს იგინი“. სიტყვასიტყვით: „ბატონობდენ ერთმანეთზე“, ანუ ზოგი უფროსი იყო, ზოგი უფრო მდაბალი. ამიტომ ვწერ, რომ უფროს-უმცროსობა ჰქონდათ.
345. ბაგრატ VII, იგივე ბაგრატ-ხანი (1616-1619 წწ.).
346. ძვ. ტექსტშია: „ჩქით“ = 1619 წ. შეცდომაა, სინამდვილეში ბაგრატ-ხანი 1616 წელს დასვეს ტახტზე.
347. ესენი მომთაბარე თურქმანები იყვნენ.
348. ქეთევანი აწამეს 1624 წლის 12 სექტემბერს.
349. ორგვარად შეიძლება გავიგოთ: 1) ისე ეჯავრებოდათ, ნაცვალსახელით, ან რაღაც ეპითეტებით მოიხსენიებდნენ და მის სახელს არ წარმოთქვამდნენ. 2) საეკლესიო მსახურებისას არ მოიხსენიებდნენ მის სახელს. როგორც ჩანს, ერთიც იყო და მეორეც.
350. მამია II (1600-1625 წწ.).

351. მანუჩარ III (1607-1628 წწ.). მამამისი იყო მანუჩარ II ათაბაგი (1581-1607 წწ.). აქ შეცდომით წერია, თითქოს მანუჩარ III იყო სვიმონ I-ის დისშვილი. სინამდვილეში იგი სვიმონ I-ის ასულის, ელენეს შვილი იყო.
352. იბრაჰიმ I ოსმალეთის სულთანი იყო 1640-1648 წლებში.
353. ზევით საბარათიანოს ბატონის სახელით მოხსენიებულია ბაგრატ VII, იგივე ბაგრატ-ხანი. იგი გარდაიცვალა 1619 წელს.
354. სვიმონ II, იგივე სვიმონ ხანი (1619-1625 წწ.).
355. პაატა ხერხეულიძეს მოიხსენიებს ასევე არჩილი იხ. „გაბაასება თეიმურაზისა და რუსთველისა“, მე-600-ე სტროფი.
356. ქალაქი ბარდა მდებარეობს ყარაბაღის ვაკეზე.
357. მანუჩარ III (1607-1628 წწ.).
358. ძველ ტექსტში აზრი ბუნდოვნადაა გადმოცემული.
359. ძველ ტექსტში გაურკვეველადაა.
360. საუბარია როსტომ-ხანზე. სანამ ტახტზე ავიდოდა, მას ხოსრო-მირზა ერქვა. ზემოთ ვკითხულობთ: „იმხანად ისპაჰანში იმყოფებოდა ერთი ვილაც, ხოსრო-მირზა ერქვა. ხოსრო-მირზა იყო დიდი სვიმონ მეფის ძმის დავით მეფის ხარჭის ნაშობი“
361. იანიჩარი თურქული სიტყვაა. რჩეული ქვეითი ჯარის მებრძოლს აღნიშნავს.
362. ქაიხოსრო მუხრანის ბატონი იყო 1625-1629 წლებში.
363. ყულარალასი ნიშნავს შაჰის გვარდიის მეთაურს.
364. შაჰ-სეფი I ირანის ტახტზე იყო 1629-1642 წლებში.
365. ბაზალეთის ბრძოლა გაიმართა 1626 წელს.
366. თეიმურაზ I მუხრანბატონი (1605-1625 წწ.).
367. უფადარი იყო ძველი ქიზიყის, იგივე სიღნაღის, სამხრეთით (ვახუშტი, აღწერა სამეფოსა საქართველოსა, ქართლის ცხოვრება, 4, თბ., 1973 წ., გვ. 1075).
368. წახეთი, იგივე წახური, წუქეთი, უწინ კახეთის მეფეს ემორჩილებოდა.
369. ალონი არის იგივე ალვანი. ალვანის ველი ახმეტის რაიონშია.
370. აქაც და ქვემოთაც წერია „მონები“.
371. როსტომ ხანი (1633-1658 წწ.). სვიმონ ხანის შემდეგ, ვიდრე როსტომს დანიშნავდნენ სპარსელები, 1625-1633 წლებში ქართლ-კახეთში მეფობდა თეიმურაზ I. აქ მისი მეფობა ცალკე გამოყოფილი არ არის.
372. ტარულა სპარსული სამოხელეო სახელია. ქართულში შეესაბამება მოურავი.
373. ეს ცნობა არ არის სწორი. ყველა არ დაუბრუნებია.
374. ანუ ქართული სამოხელეო თანამდებობებიც არ მოშალა.
375. მიმბაში სპარსული სიტყვაა. ათასისთავს ნიშნავს (ჩვენი საუნჯე, ტ. 5, ლექსიკონი). XVI ს-ში ქართლში გვხვდება მინბაშის თანამდებობა. მინბაში თბილისის ციხისთავს ერქვა.
376. ძვ. ტექსტშია: „სიშიტურტუქს ქუემორე“. იჩიტუნტრუხის (იგივე „სიშიტურტუქის“) კლდე არის მამადავითის ეკლესიასთან. ესე იგი ბალი გაუშენებია მთანმინდის ფერდობზე, როგორც ჩანს, იმ ადგილზე, სადაც ახლა დაღვლარ-ჭინილი გზა მიიკლავება პანთეონისკენ. ერთი მეჩეთი იქაც ჩაუდგამს.

377. სვიმონ I გურიელი (1625-1626 წწ.).
378. მამია II გურიელი (1600-1625 წწ.).
379. ქაიხოსრო I გურიელი (1641-1658 წწ.). აქ აღრევა ჩანს. სვიმონ I-ის შემდეგ გურიის მთავრის ტახტზე იყვნენ მალაქია I (1626-1639 წწ.) და ვახტანგ II (1639-1641 წწ.). შემდეგ იყო ქაიხოსრო I.
380. ძვ. ტექსტშია: „ჩქლბ“ = 1632 წ. არასწორია, სინამდვილეში იმერეთის მეფე გიორგი III ტახტზე იყო 1639 წლამდე.
381. ალექსანდრე III (1639-1660 წწ.).
382. საფარ ფაშა (იგივე ბექა III) ტახტზე იყო 1628-1635 წლებში. იუსუფ I კი 1635-1647 წლებში.
383. კახელების ლაშქარი დაშლილი იყო.
384. ე. ი. ააგო მცხეთის წმიდა საკათედრო ტაძრის, სვეტიცხოვლის გუმბათი.
385. ევდემოზ I დიასამიძე (1632-1642 წწ.).
386. ქრისტეფორე II ურდუბეგისძე-ამილახვარი (1642-1660 წწ.).
387. ძვ. ტექსტშია: „წმიდასა კათოლიკე ეკლესიასა“ იგულისხმება სვეტიცხოვლის (მცხეთის) საკათოლიკოსო, აღმოსავლეთ საქართველოს ეკლესია.
388. ეს მოხდა 1648 წელს.
389. ალექსანდრე III (1639-1660 წწ.).
390. იუსუფ I სამცხის ფაშა იყო 1635-1647 წლებში.
391. როსტომი ფაშა იყო 1647-1659 წლებში.
392. მამუკა გარდაიცვალა ტყვეობაში 1633 წელს.
393. გიორგი იყო თეიმურაზის უფროსი შვილიშვილი. იგი დავითსა და ელენე დი-ასამიძეს შეეძინათ 1636 წელს. გიორგი 1645 წელს გარდაიცვალა.
394. ეს მოხდა 1653 წელს.
395. თეიმურაზი მოსკოვში ჩავიდა 1658 წელს.
396. ამ დროს რუსეთის მეფე იყო ალექსანდრე მიხეილის ძე რომანოვი (1645-1676 წწ.).
397. ლუარსაბიძე დავითისა და ელენეს ვაჟი იყო. იგი 1658 წელს გარდაიცვალა.
398. ვამიყ III (1658-1661 წწ.).
399. როსტომ ფაშა (1647-1659 წწ.).
400. ქაიხოსრო I (1641-1658 წწ.).
401. ჯანიშინი სპარსული სიტყვაა. აღნიშნავს მოადგილეს, ნაცვალს. სეფიანი შაჰები ჯანიშინობას აძლევდნენ ქართლის მეფის ნაცვლებს. ჯანიშინები ქვეყნის სრულუფლებიანი გამგებლები იყვნენ. ისტორიულ წყაროებში ჯანიშინები ასევე მოიხსენიებიან, როგორც ნაიბები, გამგეები.
402. დავით X (1482-1526 წწ.).
403. გიორგი IX (1486-1534 წწ.).
404. შეცდომაა, ალექსანდრე ისე გარდაიცვალა 1556 წელს, რომ ტახტზე არ ასულა.
405. ეს არის პირველი მუხრანბატონი.
406. მელქისედეკ II აღმოსავლეთ საქართველოს კათოლიკოს პატრიარქი იყო დაახლ. 1528-1529, 1540-1545 და 1548-1552 წლებში. კონსტანტინე II-ს სხვა შვილებიც ჰყავდა: დემეტრე, ვახტანგი და თარგამოსი.

407. ვახტანგი მუხრანბატონი იყო 1539-1580 წლებში.
408. აშოთან 1561 წელს გარდაიცვალა.
409. არჩილი გარდაიცვალა 1581 წელს.
410. ერეკლე 1556 წელს გარდაიცვალა. ბაგრატ მუხრანბატონს სხვა შვილებიც ჰყავდა: ალექსანდრე, დედისიმედი, იონათანი, გულდაფარი, იოთამი და თეოდორა.
411. თეიმურაზი 1625 წელს გარდაიცვალა
412. ქაიხოსრო 1629 წელს აღესრულა. მესამე ვაჟიც ჰყავდა ვახტანგ მუხრანბატონს, ბაგრატი ერეკვა.
413. ვახტანგ V შაჰნავაზი 1675 წელს გარდაიცვალა.
414. კონსტანტინე მუხრანბატონი იყო 1658-1667 წლებში. თეიმურაზ მუხრანბატონს სხვა შვილებიც ჰყავდა: ლუარსაბი, არჩილი, დავითი, ერეკლე, დარეჯანი და ელენე.
415. შაჰი სეფი I (1629-1642 წწ.).
416. შაჰი აბას II (1642-1666 წწ.).
417. აქ ტექსტი ნაკლულია. ეს მოხდა 1658 წელს, როცა მოკვდა როსტომ ხანი.
418. ელი – მეფოგე, მომთაბარე ტომი.
419. ე.ი. ზაალ ერისთავმა ყაენს სთხოვა გაეთავისუფლებინა იგი ქართლის ბატონის (ვახტანგ მუხრანბატონის) მორჩილებისგან.
420. რაყამი არის უფლებრივად უფრო მაღლა მდგომი პირის მიერ მის მიმართ დაქვემდებარებული პირისთვის მიცემული წერილი, ბრძანება.
421. შაჰნავაზი, იგივე ვახტანგ V, მეფობდა ქართლში 1658-1675 წლებში.
422. როდამი იყო ბარათაშვილი.
423. არჩილი სხვადასხვა დროს იყო კახეთისა და იმერეთის მეფე.
424. გიორგი XI ქართლის მეფე გახდა.
425. ალექსანდრე 1711 წელს გარდაიცვალა.
426. ლევანი ქართლის ჯანიშინი იყო. გარდაიცვალა 1709 წელს.
427. ლუარსაბი გარდაიცვალა 1697 წელს.
428. ანუკა იყო შაჰ სულეიმანის ცოლი.
429. თამარი 1694 წელს გარდაიცვალა.
430. ალექსანდრე III (1595-1660 წწ.).
431. ბაგრატ IV (1660-1661, 1663-1665, 1667-1681 წწ.).
432. აქ ტექსტი ნაკლულია. წინადადებას დასაწყისი აკლია. როგორც ჩანს, საუბარია ალექსანდრე იმერთა მეფის მეორე მეუღლეზე.
433. ქაიხოსრო I (1641-1658 წწ.).
434. დემეტრე (1658-1665 წწ.).
435. ვახტანგ ჭუჭუნაშვილი იმერეთის ტახტზე პირველად იყო 1661 წელს, შემდეგ 1665-1666 წლებში. ჭუჭუნაშვილის ამბავი ვახუშტისთანაც და ფარსადან გორგიჯანიძისთანაც ზუსტად ასეა მოთხრობილი.
436. ბატრიონის აჯანყება მოხდა 1660 წელს.
437. ბიძინა, შალვა და ელიზბარი აწამეს 1662 წელს.
438. ვამიყ III (1658-1661 წწ.).
439. დომენტი III (1660-1676 წწ.).

440. გიორგი XI (1675-1688, 1703-1709 წწ.). აქ ტექსტი ნაკლულია. დასაწყისი აკლია იმ თავსა თუ პარაგრაფს, საიდანაც იწყება მეფე გიორგი XI-ის ამბის აღწერა. მოცემულ თხზულებაში ისტორიის თხრობა ხდება ქართლის მეფეების ზეობის წლების მიხედვით. შესაბამისადაა დასათაურებული თხზულების ცალკეული მონაკვეთები. აქ კი, ნაკლული ადგილის შემდეგ, ისე გრძელდება თხრობა, რომ არსად არ ვხვდებით ახალ დასათაურებას. არადა, როგორც ცნობილია, პირველი ტექსტი მთავრდება მეფე გიორგი XI-ის სპარსეთში გამგზავრების აღწერით (1696 წ.). სწორედ ამის მიხედვით აღვადგინეთ კვადრატულ ფრჩხილებში თხზულების ამ მონაკვეთის სათაური.
441. პაპუა მუხრანბატონი (1692-1696 წწ.).
442. ამ ადგილზე ძველ ტექსტში აზრი გაუმართავია.
443. ისტორიის თხრობა წყდება გიორგი XI-ის სპარსეთში გამგზავრების აღწერით (1696 წ.). უეჭველია, თხზულებას ბოლო უნდა აკლდეს. იგი ვახტანგ VI-მდე იქნებოდა მოყვანილი, როგორც ეს არის აღნიშნული ამ გაგრძელების შესავალში (ივ. ჯავახიშვილი, თხზულებანი, 8, გვ. 316).
444. „ახალი ქართლის ცხოვრების“ მეორე ტექსტი წარმოადგენს „ქართლის ცხოვრების“ მეორე გაგრძელებას. იგი ეკუთვნის უცნობ ავტორს (ს. ყაუხჩიშვილი). ქართლის ცხოვრების მეორე გაგრძელება ორ ნაწილად იყოფა. პირველი გაგრძელება, რომელსაც მეორე ტექსტი ეწოდება, იწყება გიორგი ბრწყინვალის წინარე ხანიდან და მოდის 1453 წლამდე. მეორე ნაწილის სათაური ასეთია: „სახელითა ღმრთისათა აქ ვინცთ ცხოვრება ბაგრატიონთა მეფობისა“. ამის გამო ეს ორი ნაწილი ცალ-ცალკე თხზულებებად მიიჩნეს და ასევე გამოსცეს ჯერ ჩუბინაშვილმა, შემდეგ თაყაიშვილმა და ყაუხჩიშვილმა (მ. ხანთაძე, ქართული ისტორიოგრაფია XVIII ს-ში, მთავარი წარმომადგენლები, თბ., 1985 წ., გვ. 34). ივ. ჯავახიშვილმა დაასაბუთა, რომ ორივე ნაწილი ერთსა და იმავე ავტორს ეკუთვნის, რომ იგი ერთი თხზულებაა და მისი ავტორი მოღვაწეობდა XVIII ს-ის II ნახევარში (იქვე, გვ. 35). მეორე ტექსტში ერთ-ერთ წყაროდ გამოყენებულია „ძეგლი ერისთავთა“ (ქართლის ცხოვრება, 2, გვ. 037-038).
445. ადარნასე ამკარად შეცდომით წერია. თ. შორდანიას აზრით, იგი შესაძლოა იყოს ვახტანგ III-ის (1302-1308 წწ.) მეტსახელი; მ. ბროსეს მიაჩნდა, რომ ეს ადარნასე სინამდვილეში არის დიმიტრი II (1271-1289 წწ.) (ქართლის ცხოვრება, 2, გვ. 631).
446. ცხავატი – ტერიტორია სოფ. ქვეშეთის სამხრეთით, მთიულკარამდე (ახლანდელი სოფ. ხამუშა), თავდაპირველად ცხავატი, ხოლო შემდეგ ხადა-ცხავატი შეადგენდა მთიულეთს.
447. ვახუშტი ბატონიშვილის მიხედვით დღევანდელი ხეობებია: კასრისხევი, ზრამაგა, უღელე, ნარა, ზროშო, ზახა, თრუსო.
448. აქ წყაროდ გამოყენებულია „ძეგლი ერისთავთა“. „ბოვდაელები“, მის რუსულ თარგმანში, ს. კაკაბაძის მიერ განმარტებული, როგორც „Шав двалеби“ ანუ „შავი დვალები“
449. ძვ. ტექსტშია: „ჩსპდ“ = 1284 წ. ქორონიკონი არ ემთხვევა: იზ(17) + 1312(XIII) მოქცევის დასასრული = 1329 წ.

450. ეს ადგილი გადმოღებულია „ძეგლი ერისთავთადას“ (ქართლის ცხოვრება, 2, გვ. 038).
451. ანუ მცხეთის კათოლიკოსი იყო.
452. საინტერესოა, უბრალო შეცდომაა, თუ იყო დრო, როდესაც საქართველოს პატრიარქს ასეთი ტიტული ჰქონდა.
453. ძველ ტექსტშია „მიდგომილება ანტიკებრივი“. რა იგულისხმება ამ გამონათქვამში? როგორც ეკლესიის მამები გვასწავლიან, ანტიქრისტი იშვება „შებილწული ქალწულისგან“ (ეფრემ ასური, უფლის მეორედ მოსვლის, ქვეყნიერების აღსასრულისა და ანტიქრისტის გამოჩენის შესახებ); იგი „სიძვისაგან იშვება“ (იოანე დამასკელი, მართლმადიდებლური სარწმუნოების ზედმიწევნითი გარდამოცემა, 99-ე თავი); ხორციელის კვირის სვინაქსარში წერია, რომ წმიდა იპოლიტე რომაელის სიტყვით, იგი იშვება „ბილწი დედაკაცისგან“, „ცრუ-ქალწულისგან“. მსგავს გამონათქვამებს ეკლესიის სხვა მამებთანაც ვხვდებით.
454. ძვ. ტექსტშია: „ჩიტჴ“ = 1393 წ. არ ემთხვევა ქორონიკონი კ. 1312+20=1332 წ.
455. ძვ. ტექსტშია: „ოროზის ჟამიც აღარ მოექცევოსო“. როგორც ჩანს ასეთი გამოთქმა არსებობდა: ეპიდემია (ჟამიანობა) თუ ჩაივლიდა, მეორედ აღარ დაბრუნდებოდა.
456. საუბარია ასურეთის მეფე სენექერიმზე. მის შესახებ მოთხრობილია მეფეთა მეოთხე წიგნის XVIII თავში.
457. ძვ. ტექსტშია: „შექცევა ჯარაიასა შინა“. „ჯარაია“ აბულაძესთან განმარტებული არაა, არც სარჯველაძესთან, ჩუბინაშვილთან და საბასთან. როგორც ჩანს, „ჯარაია“ აღნიშნავს ჯარის სანვრთნელ, გასართობად გამართულ ასპარეზობას, „ომობანას“ (თუ შეიძლება ასე ვთქვათ). „ჯარაია“ ნამდვილი საბრძოლო შერკინებისგან განსხვავდებოდა იმით, რომ იგი მონაწილეებისათვის იყო უსაფრთხო. ამ სიტყვით მემატინეს უნდა გახაზოს ქართული მხედრობის გულოვნება, რომელიც, როგორც გასართობ ასპარეზობაზე, ისე გავიდა საომრად მეტად მრავალრიცხოვან მტერთან.
458. ძვ. ტექსტშია: „ახალმოსაკეთა მათ მოყმეთა ქართველთა ჭაბუკთა“. „მოყმე“ აბულაძესთან განმარტებული არაა, არც ჩუბინაშვილთან; საბასთან და სარჯველაძესთან. „მოყმე“=„ჭაბუკი“ (ჩვენ დავეწერეთ „ყმანვილი“). „ვეფხისტყაოსნის“ განმარტებისას („ნახეს უცხო მოყმე ვინმე“) ნ. ნათაძე წერს, რომ „მოყმე“=„მეომარი, რაინდი“.
459. ვახუშტის აზრით ბაგრატ მეფე გარდაიცვალა 1395 წელს, გიორგი VII-ის გამეფების თარიღი ჯერ კიდევ დაუდგენელია, აღნიშნავს ს. ყაუხჩიშვილი (ქართლის ცხოვრება, 2, გვ. 459).
460. ანუ სარწმუნოებით არაბი, არაბების რჯულის მიმდევარი.
461. ეს ამბავი მოთხრობილია მეფეთა პირველი წიგნის XVII თავში.
462. ეს არის უფლისწული თაჰერი. აჰმედ ჯალაირინის ვაჟი. პირველ ტექსტში იგი მოიხსენიება, როგორც „სულთანი თაჰირი“.
463. შეიძლება ასეც ვთარგმნოთ: „რადგან გადაწყვიტე, რომ დაგვემორჩილო“.
464. ე. ი. ქართლის სამხრეთ ნაწილში.
465. შეცდომაა, სინამდვილეში კონსტანტინე იყო მეფე გიორგი VII-ის ძმა.

466. ძვ. ტექსტშია: „წ“ ქორონიკონი = 1402 წ. (1312+90). შეცდომაა, სინამდვილეში თემურ-ლენგი 1403 წელს შემოესია საქართველოს უკანასკნელად.
467. სინამდვილეში რვაჯერ შემოესია საქართველოს. ძველი მეცნიერები თემურ-ლენგის შემოსევების სხვადასხვა რიცხვს ასახელებდნენ.
468. შეცდომაა, გიორგი წერია და საუბარია კონსტანტინე I-ზე.
469. ალექსანდრე I დიდი (1412-1442 წწ.).
470. შეცდომაა, სინამდვილეში ალექსანდრე იყო კონსტანტინე I-სა და ნათია ამირეჯიბის ძე.
471. შეცდომაა, სინამდვილეში ელიოზი იყო უწმიდესი გიორგი V-ის შემდეგ.
472. შეცდომაა, სინამდვილეში ელიოზის შემდეგ იყო უწმიდესი მიქელ VI. თეოდორე III იყო უწმიდესი დავით II-ის შემდეგ.
473. აქაც შეცდომაა, სინამდვილეში თეოდორე III-ის შემდეგ იყო უწმიდესი დავით III, ხოლო შიო II იყო მის შემდეგ.
474. ანუ სვეტიცხოველი.
475. „რბ“ ქორონიკონი = 1414 წ. (1312+102). სინამდვილეში კობტასთავის ბრძოლა 1415 წელს მოხდა.
476. უწმიდესი მიქელ VI (1419-1426 წწ.).
477. ეკედერი = „სამწირველო მიშენებული ეკლესიასა თანა“ (ჩუბინ.).
478. ე. ი. მალი მოქმედება 1440 წლამდე.
479. ვახტანგ IV (1442-1446 წწ.).
480. გიორგი VIII (1446-1466 წწ.).
481. ძვ. ტექსტშია: ქორონიკონი და ჩუმე (1445) წ. არ ემთხვევა ერთმანეთს (1312+132=1444). საერთოდ შეცდომითაა დათარიღებული. სინამდვილეში კონსტანტინოპოლი დაეცა 1453 წელს.
482. იგულისხმება რაბ (132-ე) ქორონიკონი, ანუ 1444 წელი.
483. ჯანშა ყანის (იგივე ჯეჰან-შაჰის) შემოსევის შესახებ უფრო ვრცელ ცნობებს გვანჯდის ვახუშტი ბატონიშვილი.
484. პირველ ტექსტში წერია, რომ კახეთის მეფეების წარმომავლობა ვერ გავარკვიეთო.
485. ყვარყვარე II ჯაყელი (1451-1498 წწ.).
486. ალბულა II ჯაყელი (1444-1451 წწ.).
487. ეს არის უწმიდესი დავით IV (ჭავჭავაძე). იგი საპატრიარქო ტახტზე იყო 1443/7-1459 წლებში. აქ იგი შეცდომით მოიხსენიება მეფე ალექსანდრეს ძედ. სინამდვილეში ალ. მეფის ძე იყო კათოლიკოსი დავით II (საქ. კათ. პატრიარქები, გვ. 74).
488. ს. ყაუხჩიშვილი ძეგლს უწოდებს ქართლის ცხოვრების მესამე გადამუშავებულ გაგრძელებას (ქართლის ცხოვრება, 2, თბ. 1959 წ., გვ. 07). ივ. ჯავახიშვილი ძეგლის ამ ნაწილს ქართლის ცხოვრების მეორე გაგრძელებად მიიჩნევს. ქრონოლოგიურად იგი მოიცავს 1452-1605 წლების ისტორიას (ივ. ჯავახიშვილი, თხზულებანი, 8, გვ. 316). როგორც შემდგომმა გამოკვლევებმა ცხადყო, მეორე და მესამე ტექსტი ორი სხვადასხვა თხზულება კი არ არის, არამედ

- ერთი თხზულების ორ ნაწილს წარმოადგენს. მესამე ტექსტში წყაროდ გამოყენებულია „მესხური დავითნის ქრონიკა“ (ქართლის ცხოვრება, 2, გვ. 037).
489. ძვ. ტექსტშია: „მონებდეს ლორის პიტიახში, კახეთისა, შირვანისა და სამცხისა“. ლორეს, ცხადია, ერთი „პიტიახში“ ეყოლებოდა, მაგრამ მრ. რიცხვში პიტიახების მოხსენიება ამ შემთხვევაში, როგორც ჩანს, აღნიშნავს იმას, რომ ლორეს მხოლოდ ერთი რომელიმე პიტიახში კი არ ემორჩილებოდა ერთიანი საქართველოს მეფეს, არამედ მემკვიდრეობით, ვინც კი ავიდოდა ლორეს პიტიახშის ტახტზე, ყველა ემორჩილებოდა ქართველ გვირგვინოსანს. საინტერესო ჩანს აქ თვითონ ტერმინი „პიტიახში“. აშკარად მოძველებულად გამოიყურება მოცემული დროის საქართველოსთვის. როგორც ჩანს, უფრო სომხური ეთნიკურ-სახელმწიფოებრივი ერთეულის მბრძანებლის აღმნიშვნელი უნდა იყოს. ამიტომ არ განვავრცობთ ამ ტერმინს კახეთის, შირვანისა და სამცხის მმართველებზე. ძველ ქართულში კი ისეა, თითქოს ამათავე პიტიახშები განაგებდნენ.
490. ძვ. ტექსტშია: „რწ“ ქორონიკონი = 1462 წ. (1312+150). შეცდომაა, სინამდვილეში ჩიხორის ბრძოლა 1463 წელს გაიმართა.
491. ძვ. ტექსტშია: „რნგ“ ქორონიკონი = 1465 წ. (1312+153).
492. ძვ. ტექსტშია: „რგ“. ცხადია, „რნგ“ უნდა ეწეროს, ანუ 1465 წელი.
493. ბაადურ ჯაყელი იყო ათაბაგ ყვარყვარე II-ის ვაჟი. მას ათაბაგად ვახუშტიც მოიხსენიებს, რაც არ დასტურდება.
494. შეცდომაა, სინამდვილეში ვახტანგი არ გამეფებულა, ტახტზე ავიდა მისი უფროსი ძმა ალექსანდრე.
495. ძველ ტექსტში შეცდომითაა: „და წარყვა მზეჭაბუკსა“. უნდა იყოს „მზეჭაბუკსა“.
496. შეცდომაა, სინამდვილეში ათაბაგ ყვარყვარე II-ის პირველი ვაჟი იყო ქაიხოსრო. მზეჭაბუკი მეორე შვილი იყო.
497. ძვ. ტექსტშია: „იპრიანა ლმერთმან“. ვთარგმნეთ, როგორც „დაუშვა ლმერთმა“ (და არა, როგორც „ინება ლმერთმა“), რადგან იგი შეეხება ყაენის სასიკვდილე სენით დაავადებას. ლმერთს კი ბოროტი არავისთვის არ ნებავს.
498. წყრთა = „ზომა იდაყვით თითის წვერადმდე“ (ჩუბინ.).
499. კონსტანტინე II ქართლ-იმერეთის მეფე (1478-1484 წწ.), ქართლის მეფე (1484-1505 წწ.).
500. საუბარია ათაბაგ ყვარყვარე II ჯაყელზე (1451-1498 წწ.).
501. ათაბაგი მზეჭაბუკი (1500-1515 წწ.).
502. ბაადური, იგივე ათაბაგი ქაიხოსრო I (1498-1500 წწ.).
503. სამცხის დედაქალაქი იყო ახალციხე, ე.ი. ახალციხის ეპისკოპოსს დაავალეს.
504. მ. ჯანაშვილის დაკვირვებით, „ვახუშტის ეს ამბავი შეუმოკლება“ (იხ. მ. ჯანაშვილი, ნაშრომი, I, ტფ. 1907 წ., გვ. 40).
505. შეცდომაა, ვახტანგი მეფე არ ყოფილა. კახეთის მეფე იყო ალექსანდრე I (1476-1511 წწ.).
506. როგორც ჩანს, შეცდომაა. სინამდვილეში ყვარყვარე II ჯაყელი გარდაიცვალა 1498 წელს.

507. შეცდომაა, სინამდვილეში ქაიხოსრო I ჯაყელი გარდაიცვალა 1500 წელს.
508. შეცდომაა, სინამდვილეში კონსტანტინე II გარდაიცვალა 1505 წელს.
509. ქართლის მეფე დავით X (1505-1525 წწ.).
510. იგულისხმება, როგორც ჩანს, ბაგრატის ტაძარი.
511. ალექსანდრე II იმერეთის მეფე (1484-1510 წწ.).
512. ბაგრატ III (1510-1565 წწ.).
513. ისევე მეორდება შეცდომა. ვახტანგი კახეთის მეფე არ ყოფილა. იგი ალექსანდრე I-ის ძმა იყო და 1484 წელს გარდაიცვალა.
514. მზეჭაბუკ ჯაყელი (1500-1515 წწ.).
515. ძვ. ტექსტშია: „სამწერნი“. აშკარად არქიტექტურული ტერმინია. „სამხარი და სამხვეწლო“ = „კარის ზევითი ქუდი კედელში მიკრული“ (ჩუბინ.). „სამხარი“, როგორც ჩანს, იმიტომ ერქვა, რომ სიმძიმის გამო, მხრით საზიდი იყო. შესაძლოა, გვარი სამხარაძე სწორედ ამ ტერმინს უკავშირდებოდეს. თუ ეს ასეა, მაშინ სამხარაძეთა წინაპარი ტაძართა მაშენებელი ყოფილა.
516. ძველ ტექსტში ასეა, მრ. რიცხვში. სინამდვილეში ალავერდს ერთი გუმბათი აქვს, ეტყობა, სამრეკლოს გუმბათი იგულისხმება.
517. სხვადასხვა დროს კახეთში არსებობდა ცხრა ეპარქია: ნინოწმინდის, კანარის, ერწოს (ანუ ჩეღეთის), ხარჭაშნის, გიშის, ბოდბის, ჭერემის, ნეკრესისა და ალავერდის (ევ. ნიკოლაძე, საქართველოს ეკლესიის ისტორია, ქუთაისი, 1918 წ., გვ. 37). იყო სხვა საეპისკოპოსოებიც. სწორედ ეს საკათედრო ტაძრები შეამკო ალექსანდრე კახთა მეფემ.
518. უწმიდესი დოროთეოზ II (1503-1505 და 1511-1516 წწ.).
519. ამ ადგილზე ძველი ტექსტი გაუმართავია.
520. იგულისხმება ბიბლიური დავით მეფე და მეფესალმუნე.
521. ძვ. ტექსტშია: „სა“ ქორონიკონი. ცოტა აცდენილია ჩვიდ (1514) წელს (1312+201=1513). სინამდვილეში ავ-გიორგი 1513 წელს შეიპყრეს.
522. იგულისხმება მამია I გურიელი.
523. ლევან მეფეს თინათინ გურიელისგან ასევე შეეძინა: გიორგი, იესე, ნიკოლოზი, ერეკლე, ქეთევანი და ელენე. ვახტანგი მეორე ცოლისგან შეეძინა.
524. გიორგი პირველი ცოლისგან ჰყავდა. მეორე ცოლისგან ასევე შეეძინა: დავითი, თეიმურაზი, ბაგრატი, ნესტან-დარეჯანი, კონსტანტინე, თეკლა და ვახტანგი.
525. ასევე ჰყავდა: ადარნასე და ორი ასული.
526. როგორც ჩანს, აქ წყაროდ გამოყენებულია გელათის დავითნი.
527. უწმიდესი მელქისედეკ II ბაგრატიონი (დაახლ. 1528-1519, 1540-1545, 1548-1552 წწ.).
528. ბაგრატ III (1510-1565 წწ.).
529. როგორც ჩანს, საუბარია კათოლიკოს მალაქია I აბაშიძეზე.
530. სხვა შვილებიც ჰყავდა.
531. შეცდომაა. უწმიდესი გერმანე სიზ ქორონიკონში 1529 წელს არ ყოფილა. იგი 1535-1546 წლებში მწყემსმთავრობდა.

532. ეს ამბავი ძალიან ჰგავს ჯვალალ-ედ-დინის ისტორიას.
533. როგორც ჩანს, ორმოცი სებასტიელი წმიდა მონაშე იგულისხმება, რომელთა სახელობის ტაძარიც იდგა თბილისში მეტეხის ხიდათ. იოანე საბანისძე გვაუწყებს, რომ აბო თბილელს თავი მოჰკვეთეს „კართა ზედა წმიდათა ორმოცთა მარტულთა ეკლესიისათა“.
534. ძველ ტექსტში შეცდომით წერია: „ინოდა თავი თვსიმედ ალიასა“.
535. ძველ ტექსტში ასეა. „ფაზა“ აბულაძესთან განმარტებული არ არის, არც სარჯველაძესთან და ჩუბინაშვილთან. საბასთან, უცხო შესატყვისობებში ვხვდებით მსგავს თურქულ სიტყვას: „ფაზარი“ = ფანზარი“ (შინაარსი მითითებული არ არის).
536. როგორც ჩანს, „სლ“ შეცდომით წერია. „ლ“-ს შემდეგ რომელიღაც ასო არის გამოჩენილი. დათარიღება უნდა ვივარაუდოთ 235-239-ე ქორონიკონებში, ანუ 1547-1551 წლებში (1312+235/1312+239).
537. აქ ძველი ტექსტი ნაკლულია.
538. ძვ. ტექსტშია: „მომცეს საუპატიო და სისხლი დისა ჩემისა განტევებისათვს“ – „საუპატიო“ და „სისხლი“ იურიდიული ტერმინებია. „საუპატიო“, თანამედროვე ენით რომ ვთქვათ, წარმოადგენდა საზღაურს პატივისა და ღირსების შემლახავი საქციელისთვის. „სისხლი“ კი, როგორც ჩანს, სისხლის სამართლებრივი დანაშაულისთვის გადასახდელ საზღაურს გულისხმობს.
539. ასევე ჰყავდა მეოთხე – ალექსანდრე.
540. წმიდა მონაშე მეფე ვახტანი, რა თქმა უნდა, ვახტანგ გორგასალია. მაგრამ ვინ არის მონაშეობრივად აღსრულებული მეფე დავითი?
541. ს. ყაუხჩიშვილი აღნიშნავს, რომ თარიღი ჩვიზ (1517 წ.) არ ემთხვევა ქორონიკონ სმვ-ს (246+1312=1558 წ.) (ქართლის ცხოვრება, 2, გვ. 510).
542. ანუ, უფრო ზუსტად, თბილისის ციხის ყიზილბაშური გარნიზონის დასახმარებლად.
543. ძვ. ტექსტშია: „ჩვო“ წელი არ ემთხვევა სმთ ქორონიკონს (1312+249=1561).
544. „სახარჯო“ – აბულაძესთან, სარჯველაძესთან, საბასთან და ჩუბინაშვილთან განმარტებული არ არის. როგორც ჩანს, განსაკარგავად მოცემულ ფულს უნდა ნიშნავდეს. შესაძლოა, ყმებით, ან მინებით დასაჩუქრებასაც გულისხმობდეს. ამკარაა, რომ „სახარჯო“ მატერიალურ ნახალისებას წარმოადგენდა.
545. ძვ. ტექსტშია: „ყორლანაშვილმან იტვირთა სისხლი მათი“. ესე იგი, თუ საიმედო გზით ვერ შემოიყვანდა ქართლში და მათი სისხლი დაიღვრებოდა, ეს ყორლანაშვილს მოეკითხებოდა.
546. ძვ. ტექსტშია: „სა“. ამკარაა, უნდა იყოს „საა“, რადგან მის წინ დასმულია აქორონიკონი სნზ. საა ქორონიკონი = 1573 წ. (1312+261).
547. ძველი ტექსტი აქ არეულია. ქაიხოსრო ათაბაგის გარდაცვალების ორი სხვადასხვა თარიღი წერია ერთ წინადადებაში.
548. ძვ. ტექსტშია: „სგ“. უნდა იყოს „სგგ“ რადგან მომდევნო ქორონიკონი არის სდ. ჩვოგ (1575) წელი ემთხვევა სგგ ქორონიკონს (1312+263).
549. საუბარია ამასიის ზავზე, რომელიც 1555 წელს გაფორმდა.

550. ძვ. ტექსტშია: „სი“ (210-ე) ქორონიკონი = 1522 წ. (1312+210). აქედან ქორონიკონების თანმიმდევრულობა დაცული არ არის. წინამორბედი ქორონიკონი არის სად.
551. ძვ. ტექსტშია: „ხიზანი და ალამი“. მგონი ალაფი უნდა ეწეროს.
552. ძველ ტექსტში შეცდომითაა „სვლ“. ასეთი რიცხვი არ არსებობს. აშკარაა, უნდა იყოს „სვ“, რადგან წინამორბედი ქორონიკონია „სე“ და მომდევნო „სვ“. სვ არის 206-ე ქორონიკონი, ანუ 1518 წ. (1312+206).
553. ძველ ტექსტში ასეა. უფრო მართებული იქნებოდა: „გორი სანჯაყად აქციეს“.
554. ძველ ტექსტში შეცდომაა: „უფროსი ერთი დაჯოცეს...“ უნდა იყოს: „ერი დაჯოცეს“.
555. ძვ. ტექსტშია: „დია ჩუენი უგუნებო ქორწილი იყო“. „ჩუენი“ აქ ზედმეტია.
556. ძვ. ტექსტშია: „გადგეს“. იქნებ, „დადგენ“ უნდა ეწეროს.
557. ეპიდემია გავრცელდა.
558. იგულისხმება სზ (207-ე) ქორონიკონი, ანუ 1519 წ.
559. ქართველობით, ესე იგი ქრისტიანობით გამოუშვა. არ გაათათრა.
560. ჯვარი დაინერა.
561. აქედან ვიგებთ თხზულების ამ მონაკვეთის ავტორის ვინაობას. იგი იყო არჩილის დედამამიშვილი.
562. ძველ ტექსტში შეცდომითაა „სთ“. გამორჩენილია „ე“. უნდა იყოს სთ, ანუ 269-ე ქორონიკონი. ეს ქორონიკონი ოდნავ აცდენილია ქრისტეს აქეთ ჩვებ (1582) წელს (1312+269=1581).
563. საუბარია უწმიდეს ნიკოლოზ VIII-ს შესახებ.
564. ძვ. ტექსტშია: „სოზ“ ე. ი. 272-ე ქორონიკონი = 1584 წ. (1312+272).
565. ძვ. ტექსტშია: „სოგ“ ქორონიკონი ცოტა აცდენილია ჩვებ (1586) წელს (1312+273=1585).
566. იგულისხმება, რომ ციხეები გაამაგრეს.
567. ეს წინადადებაც გვაუწყებს ავტორის ვინაობის შესახებ.
568. ძვ. ტექსტშია: „სოწ“ ქორონიკონი არ ემთხვევა ჩვებ (1592) წელს (1312+278=1590).
569. ძვ. ტექსტშია: „სოთ“ ქორონიკონი არ ემთხვევა ჩვებ (1593) წელს (1312+279=1591).
570. იგულისხმება ზემოთ მითითებული სოთ ქორონიკონი. მაგრამ იგი 2 წლით არის აცდენილი იქვე დასმულ თარიღს.
571. შდრ. „უწინარეს სიმდაბლისა ამაღლდის გული კაცისა და უწინარეს დიდებისა დამდაბლდის“ (იგავ. 18,12).
572. პირველ ტექსტში კოლბეური წერია.
573. ძველ ტექსტშია: „ეზოძა ყვა საჯელო“. თუშურ დიალექტში „ყვა“ = „ქუმელი“, ანუ დაშუშული და დაფქვილი ქერისა და ხორბლის ნარევი. „ყვას“ სხვაგვარი განმარტება ვერსად ვნახე. თუ განვაზოგადებთ თუშურ დიალექტში შემორჩენილი სიტყვის მნიშვნელობას, შეიძლება ვივარაუდოთ, რომ „ყვა“ ცხოვრება-ქონების, საქონლის, საქმელ-სასამელის ქონებას აღნიშნავდა. თუ ეს მართლაც ასე იყო, მაშინ, ჩვენ შემთხვევაში, აზრი ასეთი გამოდის: სვიმონ მეფემ „უბოძა ქონება და სახელო“.

574. სახელოს (ანუ სამოხელეო ჩინის, წოდების) ფლობა იმ დროს მიწის ფლობასაც ნიშნავდა.
575. ძვ. ტექსტში წინადადება გაუმართავია. შეიძლება ასეც ვთარგმნოთ: ახალი მწვანელი მიწა, (არა მაქვს) და არ გეკადრებათო.
576. მარჩილი საქართველოში ვერცხლის ფულს ერქვა. მისი სახელი, როგორც ჩანს, ვენეციურ ვერცხლის „მარჩელოს“ უკავშირდება. როგორც „დასტურ-ლამალიდან“ ირკვევა XVIII ს-ში მარჩილი 12 შაურს ანუ 3 აბაზს შეადგენდა (ირ. ჯალალანია).
577. თეთრი ასევე ვერცხლის ფულის აღმნიშვნელია.
578. როგორც ირკვევა, იმ დროს საქართველოში ერთი ტყვე დაახლოებით 14,3 მარჩილი ღირდა.
579. წესით, ეკლესია-მონასტრების საგანძური ხელშეუხებელი იყო. ეს ცხადად ჩანს შეწირულობის წიგნებიდან. მაგრამ, როგორც ჩანს, არსებობდა გამონაკლისი საგანგებო შემთხვევები.
580. იგულისხმება, როგორც ჩანს, იერუსალიმის ქართველთა ჯვრის მონასტერი.
581. იგულისხმება, რომ თავისთან აღარ ჰყავდა, თორემ კიდევ ერთი ძე შაჰთან ჰყავდა გაგზავნილი.
582. აშოთანი იყო ბაგრატ მუხრანბატონის ძე, მუხრანბატონების სახლის უფროსი და შიდა ქართლის სადროშოს სარდალი.
583. ეს მოხდა 1604 წელს. შერმაზან ჩოლოყაშვილი იყო კახეთის მეფის სახლთუხუცესი.
584. იგულისხმება, რომ გზით დაღლილები შეხვედრის ადგილზევე, მეფის სასახლეში მისვლამდე, გაჩერდნენ დასასვენებლად.
585. რადგან „ბ“ = 2, აქედან გამომდინარე, უნდა ვივარაუდოთ, რომ ასევე იქნებოდა ანდერძი „ა“ ანუ 1.
586. ძველში ასეა: „ქართულს ქორონიკონს უმთ. ბჰ: ქ“. როგორც ჩანს, „ბჰ“-ს წინ მთავრდება ერთი ანდერძი. „ბ“ ანდერძის ავტორია ჯვრის საყდრის დეკანოზი იოანე, ხოლო „ბჰ“-სი ზაქარია მღვდელი. ორივე ანდერძი 1761 წელს არის დაწერილი. ამით ჩანს, რომ ერთდროულად მუშაობდნენ.
587. ძვ. ტექსტშია: „ჩლა“ = 1761 წ.

*ტექსტი ძველი ქართულიდან
ახალ ქართულზე გადმოიტანა
და კომენტარები დაურთო
გიორგი მაჭარაშვილმა*

შ ი ნ ა ა რ ს ი

უცნობი ავტორი. ისტორიანი და აზმანი შარავანდედთანი	3
თამარის პირველი ქმარი	26
მეორე ქმრის ამბავი	32
მეფის პასუხი რუქნადინს	63
ბერი ეგნატაშვილი — ახალი ქართლის ცხოვრება	
პირველი ტექსტი	77
მეორე ტექსტი	189
მესამე ტექსტი	220
შენიშვნები	281

ამავე სერიის „მამული, ენა სარწმუნოება“
მე-4 და მე-5 ტომში გამოსაცემად მზადდება
ქართლის ცხოვრების წიგნი
ვახუშტი ბაგრატიონის
„საქართველოს სამეფოს აღწერა“